









明穆宗實錄

卷一至三十一  
嘉靖四十五年十二月至  
隆慶三年四月



中央研究院歷史語言研究所校印

明穆宗實錄



明穆宗實錄正文係據國立北平圖書館紅格鈔本微捲影印。  
紅格本御製序、進書表及凡例，訛脫頗多，今據嘉業堂本  
謄錄影印。紅格本缺修纂官，承日本市古尚三先生影攝內  
閣文庫本惠贈，謹據以鈔補影印。紅格本缺目錄，謹據實  
錄體例編補。

紅格本卷九文句顛倒錯亂，謹據本所校本謄正影印。



穆宗莊皇帝實錄序

朕惟自昔英君哲辟歷世久遠而德業之美傳之無窮者實賴載籍存焉自尚書以來可考鏡已我

祖宗列聖俱有實錄藏諸天府朕茲嗣服惟新追念我

皇考穆宗莊皇帝鴻德顯功增光

列祖有前古帝王所不能及者而

臨御六年奄棄天下橋山弓履之慕朕實與群臣百姓同之夫日表既淪瞻言彌遠惟不忘者在人心而不朽者在典籍乃命儒臣開局分曹參綜故籍勒成實錄七十卷起嘉靖四十五年十二月終隆慶六年五月凡昭為成功發為文章巍然煥然靡不具述其臣下之所論建四方之所奏報欲以考見事原亦附載焉朕既親裁其文謹序諸卷首惟我

皇考自冲齡岐嶷天人之望已歸及出居藩邸鞠光養晦者十  
有餘年雖身不降手軒序而親禮文儒諮諏經義以至閭閻  
之細曲邊境之遐遠其安危休戚之狀日軫于懷既即大位  
承

世祖精覈之後務在和寧寓內寬賦省刑以佐元元之急故一

時注措往往先惇大後操切守畫一戒紛更天下宴然不見

其發聲動色而乾剛內運挈持太阿左右干紀之奸疆場債

事之吏名籍冊書(日本內閣文庫本冊作冊是也)一無所貸可謂龍德正中張弛並用者矣

迨夫恭己化成澤南洽而威威字據抱本補北暢執叛斬馘旅獻闕廷

然猶旰食而憂外寧側身以謹

天戒簡迪髦俊從謨言載其儉德謹終如始用能登世丕平

以至於予冲人嗣業守緒幸不失墜則我



皇考實佑啟之雖享國日淺而弘遠之謀光大之業皆諸臣耳目所見聞據事屬辭庶幾不失其真焉於戲文獻足徵美牆如睹我

皇考於是乎不亡矣而後之為子若孫者三復是編其尚思葆佩而憲章之哉是為序

萬曆二年七月十三日

進

實錄表

後軍都督府掌府事太子太保英國公

臣

張溶等誠惶誠恐

稽首頓首

上言伏以

玄德配

天謨烈增光于十葉

鴻名揭日簡編垂信于萬年

聖為法而可傳道在人而未墜播之典籍煥乎文章於昭

啟佑之功丕顯

覲揚之孝欽惟

穆宗契天隆道淵懿寬仁顯文光武純德弘孝壯皇帝

乾剛獨運

離照重明淵微妙不測之神寬裕得有容之體高宗思道故  
恭然而弗言文帝化民惟清靜而自正

臨朝穆穆講學孳孳規模動法乎

祖宗諭教蚤端于

儲貳躬承

郊廟嚴事

親饗

帝之儀首正

宮闈謹治國齊家之則補苴廢闕蕩滌煩苛羅巖穴之耆英  
軫閭閻之疾苦法行自近內無憑社之奸罪疑惟輕下有覆  
盆之照乃若留心于邊務故尤拊髀于將材閱武治兵修六

王之上

抱本作長

略降胡誅粵軼千古之奇勲

朝廷既極其清明夷夏咸歸于靖謐堯衢就日方興鼓腹之

歌軒鼎垂雲忽起攀髯之痛儀刑未遠損益可知恭惟

皇帝陛下

天縱睿資

性鍾純孝成王嗣服當制禮作樂之期明帝守文多考古憲

今廣本抱本作經之事念

皇考之神靈如在遺恩

廣本作思

尚結于宸區而

國家之彝典具存惇史並藏于石室特屋

明詔俾輯舊章乃于隆慶六年十月

命臣溶為監修官

臣居正

調陽為總裁官

臣希烈

臣士美臣

鏜臣時行臣

錫爵為副總裁官

臣應期

臣經邦

臣洛文

臣國



臣萬化臣志阜臣家屏臣一雋臣于陞臣顯卿臣維禎廣本作禎  
 臣位臣世能臣一桂臣慎行臣濟臣懋孝臣長春臣偕春臣  
 憲臣啟懋臣一貫臣孔教臣謙為纂修官臣溶暨臣居正等  
 發內府之緘膝參

累朝之義例明徵簡牘無煩諷度于風謠取信見聞不必網羅  
 于放失爰分曹而析類仍計日以程功庶務之因革弛張無

內閣文庫本微作微  
 微弗載

一人之命令政教有舉必書事既核而非浮言故詳而不厭  
 俯仰六年之迹庶幾如見于美牆是非百世之公敢謂遂同  
 于袞鉞茲以二年七月恭成

穆宗莊皇帝實錄七十卷

實訓八卷合目錄凡例八十冊謹繕寫進

呈 臣 溶等職濫編摩才疎論著窺天測海高深莫罄于形容  
載筆操觚意義粗陳于椽槩聊以備汗青之錄儻可逃尸素  
之譏伏願

遜志緝熙

留神繼述道德風烈丕揚

祖考之闕休訓誥典謨遠紹帝王之盛治 臣 溶等無任瞻  
天仰

聖激切屏營之至謹奉

表隨

進以

聞

萬曆二年七月十三日 後軍都督府掌府事太子太保英國

公臣張溶等謹上表

日下二十二  
字據廣本補

修纂官 據日本內閣文庫本補  
以英國劍橋大學本校

監修

後軍都督府掌府事太子太保英國公

臣 張 溶

總裁

光祿大夫柱國少師兼太子太保劍橋本  
保誤師吏部尚書中極殿大學士 臣 張居正

榮祿大夫太子太保禮部尚書兼武英殿大學士 臣 呂調陽

副總裁

詹事府掌府事資治尹吏部左侍郎兼翰林院侍讀學士 臣 王希烈

通議大夫吏部右侍郎兼翰林院侍讀學士 臣 丁士美

通議大夫禮部左侍郎兼翰林院侍讀學士 臣 汪 鏜

奉議大夫左春坊左庶子兼翰林院侍讀掌院事 臣 申時行

奉直大夫右春坊右諭德兼翰林院侍讀

臣王錫爵

纂修

承德郎左春坊左中允兼翰林院編修

臣范應期

承直郎左春坊左中允兼翰林院編修

臣陳經邦

承直郎右春坊右中允兼翰林院編修

臣何洛文

承務郎右春坊右贊善兼翰林院檢討

臣許國

翰林院修撰儒林郎

臣羅萬化

翰林院編修文林郎

臣趙志臯

翰林院編修文林郎

臣王家屏

翰林院編修文林郎

臣田一雋

翰林院編修文林郎

臣陳于陞



翰林院編修文林郎  
翰林院編修文林郎  
翰林院編修文林郎  
翰林院編修文林郎  
翰林院編修文林郎  
翰林院編修文林郎  
翰林院編修文林郎  
翰林院編修文林郎  
翰林院編修文林郎  
翰林院編修文林郎  
翰林院編修文林郎  
翰林院編修文林郎

臣徐灝卿  
臣李維楨  
臣張位  
臣韓世能  
臣張一桂  
臣于慎行  
臣沈懋孝  
臣李長春  
臣林偕春  
臣成憲  
臣高啟愚

翰林院檢討徵仕郎

臣沈一貫

翰林院檢討徵仕郎

臣習孔教

翰林院檢討徵仕郎

臣范謙

催纂

奉直大夫尚寶司少卿兼翰林院侍書

臣吳自成

奉直大夫禮部儀制清吏司員外郎兼司經局正字

臣章子誼

儒林郎大理寺右寺右寺副

臣劉大武

文林郎大理寺右寺右評事

臣成楫

徵仕郎中書舍人

臣張德化

徵仕郎中書舍人

臣劉叔龍

徵仕郎中書舍人

臣喬承華

徵仕郎中書舍人

臣呂道熾

徵仕郎中書舍人

臣鄭瑤

試中書舍人

臣王贊襄

試中書舍人

臣章仲京

修職郎通政使司知事

臣高民怡

登仕郎鴻臚寺司賓署署丞

臣程大憲

登仕郎鴻臚寺司賓署署丞

臣孫應鳳

鴻臚寺司賓署署丞

臣馬繼志

登仕郎鴻臚寺序班

臣趙應宿

登仕郎鴻臚寺序班

臣孫說

登仕郎鴻臚寺序班

臣章如鈺

登仕佐郎鴻臚寺序班

臣謝樞

登仕佐郎鴻臚寺序班

臣湯應龍

登仕佐郎鴻臚寺序班

臣楊維成

登仕佐郎鴻臚寺序班

臣吳子儀

登仕佐郎鴻臚寺序班

臣陳晉卿

登仕佐郎鴻臚寺序班

臣崔光弼

登仕佐郎鴻臚寺序班

臣倪瑄

譯字官

臣叢文光

冠帶監生

臣包漸林

監生

臣吳庚

監生

臣洪仁

收掌一應文籍

監 監 監 監 譯 譯 譯 譯 譯 生

字 字 字 字 字 字 字 字 字 員

生 生 生 生 生 生 生 生 生 生

臣 吳 果  
臣 顧 祖 源  
臣 汪 民 敬  
臣 舒 鳳 翔  
臣 孫 承 爵  
臣 王 國 新  
臣 劉 瑄  
臣 馬 應 乾  
臣 田 峻  
臣 王 延 年



奉直大夫戶部浙江清吏司員外郎

臣黎民表

奉直大夫禮部儀制清吏司員外郎兼司經局正字

臣馬繼文

徵仕郎中書舍人管典籍事

臣沈湄

修職郎通政使司知事管典籍事

臣何初

修纂凡例

一

即位禮儀及賞賚等項恩典備書

一 追上

世宗肅皇帝尊號

祔廟

稱宗并上

孝潔皇后

孝烈皇后謚號及更定

廟制皆書

一 冊立

皇后皇妃

皇太子及冊封諸王王妃公主皆書其儀注有新定者書

一

皇子皇女生書

一

郊

廟并

社稷山川等神及歷代帝王

先師孔子諸祀典備書有更正者亦書

一

詔書悉錄全文其

勅書有為事

特降或褒勉臣下撫諭遠人卹刑寬貸關係重大者亦錄全文

一凡

寶璽圖書及諸王郡王寶將軍印并印符印記皆書

一

皇太子賜名加冠一應禮儀皆書

一

經筵日講及

皇太子出閣講讀讀字據廣本補皆書宴賚等項恩典亦書

一親王郡王將軍有改封降封革襲者書

一土官三年朝貢皆書灾傷地方奉

旨特免朝覲亦書

一内外文武官及土官各衙門有新設改建裁革及復舊

者皆書

一 凡親王郡王郡主

郡主據廣本抱本補

鎮國等將軍儀賓公侯伯歲

祿官吏俸給軍士月糧有新定折支全支條例並書

一封公侯伯及勲臣之子襲爵皆書

一 除授三公三少兩京府部等衙門堂上官及翰林科道侍從官在外中都等留守司各省都布按三司行都司堂上官行太僕苑馬寺御監運司使皆書有司知府以下保留陞俸秩者亦書若內外文武官有功績顯著及以事特加陞遷錄蔭者不限職之大小皆書

一 選舉考課法有新定及損益舊例

抱本作制

者皆書

一 公侯伯并文武大臣老病致仕或特賜優閒及特加恩

典皆書奉

旨起用亦書



一文武大臣詰勅有

特賜者書或有損益事例亦書

一屯種開墾有事例新定者書

一天下戶口田糧之數於每年十二月終備書

一凡田土稅糧屯田子粒之數及歲辦課稅進貢等項或有增減及因災蠲豁賑卹停罷者書其勸農卹商有新令者亦書

一各衙門庫藏銀兩出入登耗之數皆書有奉

旨取用者亦書

一轉輸漕運之法及各處歲運之數有增減者書

一各處府州縣有陞降裁省歸併增設及更名者皆書倉庫坑冶有新建及裁革者亦書

一 凡新開益場新定中納益糧及戶口食益則例皆書

一 凡朝賀禮儀及冠服之類有新定或損益舊制者書

一 每歲

聖節正旦冬至

郊祀慶成大宴皆書遇節賜宴亦書或奉

旨罷免亦書

一

車駕視學耕藉禮儀恩賚備書公侯伯年少有

特旨送監讀書及回夷遣子入學皆書已故大臣并見在三品

以上子孫以例入監皆書監生撥歷等項事例有新定

者亦書

一 提督學校條例有更定并各處學校增設裁革及歲貢

額數有新增者亦書

一每科兩京鄉試禮部會試

廷試皆書科舉額數有新增者亦書

廷試制題悉錄全文進士選讀中秘書亦書

一喪祭之禮及上

尊謚冊文議文等項備書

皇妃及親王郡王公主喪奠皆書其禮儀有新定或損益亦

書

一凡公侯駙馬伯在京文武三品以上歿皆書卒及槨見

其行實善惡務合公論其有贈謚及賜祭賻贈命有司

治葬皆書若文武官有治行功績顯著及沒於王事奉

特旨褒贈者不限職之大小皆書雖不係舊例乞恩

特准祭葬者亦書

一 凡旌表孝子順孫義夫節婦悉著其鄉里姓名實

一 欽天監奏天象氣候七政凌犯皆書中外奏水旱等災  
修省祈禱亦書

一 臣下章奏有關係治體者皆錄之其詳略隨宜或奉

旨處斷者亦備書

一 武官子孫襲替優給有新例則書

一 遣使撫諭四夷及封拜賜賚皆書四夷朝貢及有宴賚

亦書

一 凡纂修

先朝實錄實訓皆書

一

車駕巡幸及

命將剿平反叛征討邊夷書

一處分北虜封貢事宜及獻俘告

廟行賞皆備書

一京營戎政及各邊鎮戰守事宜皆備書

一廣本無各處鎮守防邊閱視文武大臣有增設裁革者

亦書

一凡軍民衙門官馬孳生馬邊境茶馬買馬馬字據廣本抱本補之政

悉書其牧養之地有改遷者及清出者亦書每歲有

勅免所欠各項馬匹悉書總數

一凡關津巡徼驛傳遞烽候有新設及改革者亦書

一公侯伯駙馬有罪削奪及兩京府部等衙門堂上官近

侍七品以上官在外留守司都布按三司官有罪下獄  
點謫宥免皆書奉

特旨誅戮罷黜干係懲戒者不限職之大小並書如犯奸惡叛

逆大罪不限官吏軍民悉書常例廣本抱本作律之外別有比

擬條例亦書

一

朝審囚犯及差官審錄刑獄皆書

刑官有平反寃獄詳本末書之

一風憲官及文武臣寮彈劾大臣之罪皆書并書所得

旨意其職非大臣而所犯重者亦書

一修建

宮殿并

天地

宗廟

社稷及一應神祇壇場皆書

一

山陵營建或修葺皆備書建各王王妃公主墳皆書其制度有

損益亦書

一內府工作織造採辦皆書

一修繕各處城池屯堡及新建者皆書

一差官各處提督圩田水利及新開修治河渠圩岸橋道

皆書有奏

請修築陂塘等事亦書

大明穆宗契天隆道淵懿寬仁顯文光武純德弘孝莊皇帝實  
錄目錄

卷之一

嘉靖四十五年十二月

卷之二

隆慶元年正月上

卷之三

隆慶元年正月下

卷之四

隆慶元年二月上

卷之五

隆慶元年二月下



卷之六

隆慶元年三月

卷之七

隆慶元年四月

卷之八

隆慶元年五月

卷之九

隆慶元年六月

卷之十

隆慶元年七月

卷之十一

隆慶元年八月

卷之十二

隆慶元年九月

卷之十三

隆慶元年十月

卷之十四

隆慶元年十一月

卷之十五

隆慶元年十二月

卷之十六

隆慶二年正月

卷之十七

隆慶二年二月

卷之十八

隆慶二年三月

卷之十九

隆慶二年四月

卷之二十

隆慶二年五月

卷之二十一

隆慶二年六月

卷之二十二

隆慶二年七月

卷之二十三

隆慶二年八月

卷之二十四

隆慶二年九月

卷之二十五

隆慶二年十月

卷之二十六

隆慶二年十一月

卷之二十七

隆慶二年十二月

卷之二十八

隆慶三年正月

卷之二十九

隆慶三年二月

卷之三十

隆慶三年三月

卷之三十一

隆慶三年四月

卷之三十二

隆慶三年五月

卷之三十三

隆慶三年六月

卷之三十四

隆慶三年閏六月

卷之三十五

隆慶三年七月

卷之三十六

隆慶三年八月

卷之三十七

隆慶三年九月

卷之三十八

隆慶三年十月

卷之三十九

隆慶三年十一月

卷之四十

隆慶三年十二月

卷之四十一

隆慶四年正月

卷之四十二

隆慶四年二月

卷之四十三

隆慶四年三月

卷之四十四

隆慶四年四月

卷之四十五

隆慶四年五月

卷之四十六

隆慶四年六月

卷之四十七

隆慶四年七月

卷之四十八

隆慶四年八月

卷之四十九

隆慶四年九月

卷之五十

隆慶四年十月

卷之五十一

隆慶四年十一月

卷之五十二

隆慶四年十二月

卷之五十三

隆慶五年正月



卷之五十四

隆慶五年二月

卷之五十五

隆慶五年三月

卷之五十六

隆慶五年四月

卷之五十七

隆慶五年五月

卷之五十八

隆慶五年六月

卷之五十九

隆慶五年七月

卷之六十

隆慶五年八月

卷之六十一

隆慶五年九月

卷之六十二

隆慶五年十月

卷之六十三

隆慶五年十一月

卷之六十四

隆慶五年十二月

卷之六十五

隆慶六年正月

卷之六十六

隆慶六年二月

卷之六十七

隆慶六年閏二月

卷之六十八

隆慶六年三月

卷之六十九

隆慶六年四月

卷之七十

隆慶六年五月

大明穆宗契天隆道淵懿寬仁顯文光武純德弘孝壯皇帝實  
錄目錄

大明穆宗莊皇帝實錄卷之一

穆宗契天隆道淵懿寬仁顯文光武純德弘孝莊皇帝 世宗  
欽天履道英毅聖神宣文廣武洪仁大孝肅皇帝第三子也母  
曰 孝恪皇太后杜氏初 世宗以諸嗣未廣建高禩之祀親  
佩弓韜率僕宮以禱 太后時為康嬪常從祀焉嘉靖十六年  
正月廿三日 上誕生及週歲日 世宗與后妃諸嬪萃尚方  
諸玩物以試志 上首取龍旗畫鼓及五行石每取輒進 世  
宗 世宗以為奇甚愛之嘉靖己亥二月朔冊封為 裕王與  
莊敬太子景恭王同日受兩寶中官誤以 皇太子兩寶送  
上宮中而 裕王兩寶乃在太子所是時莊敬已有疾不能成  
禮 上幸神霄朗舉止端莊見者以為有帝王之度中外係心  
焉己酉莊敬薨聞者喜相慰曰天所啓也嘉靖壬子出閣講讀

每儒臣進說經義必注目敬容聽受之雖風雨不輟 癸丑  
大婚禮成出居於諸王邸 世宗久不視朝 上常以歲時入  
問安不輒見顧小心敬畏執子道惟謹起居出入動遵禮法居  
潛邸中十餘年未有游娛弋獵之幸身履富貴而問問微隱輒  
嘗聞知禁職左右未嘗之市中有求取寬仁孝敬天下莫不  
聞焉時主毫久虛 世宗春秋高惡言立儲事然以 上長且  
賢繼序已定不待兩建也而中外不測屢有言者 世宗乃遣  
景恭王就函以安人心又嘗語輔臣欲傳位 上不果及 世  
宗上賓 上乃從王邸中入踐天子位焉 世宗明新英武  
上即位承之以寬厚躬脩立默不降階序而運天下務在屬任  
大臣引大體不煩苛無為自化好靜自正故六年之間海內翕  
然稱太平天子云 嘉靖四十五年十二月丁酉朔 辛丑

以大行皇帝賓天告於奉先殿 頒遺詔于天下 報訃音于  
宗室諸王 嚴京城守衛 命禮部會翰林院議大喪禮儀禮  
部進 大行皇帝喪禮儀注 一自聞喪日為始不鳴鐘鼓  
一在京文武官員聞喪素服烏紗帽黑角帶自明日為始俱晨  
詣恩善門外哭臨退宿于本衙門不飲酒食肉第四日第四日  
各具斬衰服詣恩善門外朝夕哭臨三日又朝臨七日各十五  
舉聲而止凡入朝及在衙門視事用布裹紗帽垂帶素服腰纏  
麻鞋退即服衰服過二十七日而除 一在京文武官三品以  
上命婦麻布大袖圓領長衫麻布蓋頭晨詣恩善門外哭臨三  
日仍素服過二十七日而除 一聽選官辦事官監生人材吏  
員僧道坊廨人等俱素服明日晨赴順天府朝哭臨至第四  
日各官具斬衰服監生人等素服朝夕哭臨三日各十五舉聲

兩止仍素服通二十七日兩淪其軍民及婦女亦素服二十七日兩淪 一外國西夷使臣工部造與孝服隨朝官哭臨奠祭 一在京諸寺觀各聲鐘三萬杵 一在京禁屠宰十三日 一在外諸王世子郡王及王妃郡王妃郡主以下間計皆盡哭 盡哀行五拜三叩頭禮畢並易素服第四日服哀服二十七日兩淪 一遺詔到日在外交武官員人等素服烏紗帽黑角帶行四拜禮跪聽宣讀訖舉哀再行四拜禮畢各斬哀服于本衙門宿不飲酒食肉朝夕望闕哭臨三日各十五舉聲兩止仍素服通二十七日兩淪 一在外官員命婦聞喪素服舉哀三日通二十七日兩淪其軍民男女素服十三日兩淪奉 令百免命婦哭臨○甲辰立春順天府官進春免百官宴 文武百官軍民耆老人等奉箋勸進其詞曰伏以景運會昌大一統山河

繼作衍萬年曆作之長凡在熙臨舉同推戴惟我有明之締造  
於昭世德之洪延 二祖開基大烈永貽於燕翼 六宗承緒  
深仁益固於龍圖我 大行皇帝剛健粹精聖神文武故四十  
五載道久化成之效綿二百餘年重熙累洽之休 龍馭上賓  
烏號莫及嗟茲付託允屬无良敢惟 殿下睿質天成英資神  
挺統振紀瑞夙符誕 聖之期闡館崇儒益懋純王之學比承  
遺詔俾嗣丕基四海謳歌慶吾君之有子 九穹眷祐綿大  
命於無疆遠邇具瞻幽明叶贊伏願 殿下仰遵 先志早踐  
皇圖捐日月以升華鼓風雷而渙號 上以奉 九廟神靈  
之統下以慰萬邦黎獻之心臣等俯伏闕庭合詞勸進乾旋坤  
轉拭目觀萬象之新而施雲行翹首望六龍之御臣等無任慙  
悵俟命之至 令諭答曰 皇考大行皇帝奄棄萬邦予茲蒞



苑在疚即位之事實不忍聞所請不允。命內外諸司造葬儀  
冥器。乙巳文武百官軍民耆老人等再奉箋勸進曰伏以

九昊儲祿方嗣興於景祚百神協祐特傳序於長君既駿命  
之有歸宜鴻儀之聿舉謹陳下悃再請宸嚴我大行皇帝

祇敬三靈憲章列聖神功峻業世允底於昇平武烈文謨

道益隆於祐啟睠茲承祧之重託諸主器之良敬惟殿下仁

孝孝孚幾神內蘊勛華協德令聞久著于龍潛曆數在躬大寶

宜承于燕翼聖懷謙抑未賜允俞哀望憂惶因知底定臣等

竊惟天下至大不可一日而無君萬幾至繁不可斯涓而或曠

是以康王翌日而踐祚蓋遵成考之言景帝擇服而視朝無改

孝文之制粵我祖宗之故事亦惟續述之是圖遯考前聞率

由斯軌伏望殿下深思大計少抑哀衷竭主萬方上以副

天心之眷祐躬親庶政下以慰來志之瞻依且等無任懇切候命之至 令諭答曰卿等再箋勸進具見誠懇但予終天之恨方殷豈忍遽即大位所請不允○丙午文武百官羣民耆老人等三奉箋勸進曰伏以佑下民而作之若方新帝命有大德者得其位宜順人心况神器不可久虛而 宗祧必當有主啟既賢於繼尚舜自合以紹先敢干咫尺之威不顧再三之責敬惟殿下靈承丕緒昭受貞符學履文后之緝熙德邁代王之仁儉一索而東震兆文叶於大橫六龍以御乾世方望其首出矧彌留之有託惟克慕之足期雖南嚮讓西嚮讓堅不肯居然天與之人與之克將為性且王者循民之欲每屈己以安民惟聖人酌禮之中貴抑情而從禮若忽於負荷獨持哀痛之情是身為帝王俯同士庶之行非天下國家計如 宗廟 社稷何臣

等是用頻煩致懇迫切陳詞如犬馬之誠未伸則闔闈之扣不  
已伏願 殿下以遺大投艱為慮以代天理物為心少紓罔極  
之懷滿發乃雍之旨恢皇綱而接帝統保運祚於泰山磐石之  
安縝 考服以培 祖基綿本支於爪鬣椒聊之盛臣等無任  
懇惻激切俟命之至 今諭答曰卿等謂予當奉 天命遵

道詔箋勸至于再三陳義甚正勉抑哀情用從所請乃諭禮部  
曰 皇考大行皇帝上賓予哀痛悲號五內摧裂而文武群臣  
軍民人等以 祖宗基業之重 皇考遺命之嚴三上箋勸進  
義正詞懇不得已勉從所請茲當祇告 天地 宗廟 社稷  
即皇帝位爾禮部其擇日具儀來聞。丁未禮部進即位儀注  
一先期司設監等衙門于中極殿設御座于皇極殿設寶座欽  
天監設定時鼓一遣官以是日早祇告 天地 宗廟 社稷

一是日早 上具孝服親詣 大行皇帝几筵祇告即位受命  
畢即具袞冕服于皇極殿丹陛上拜 天行五拜三叩頭禮次  
詣 奉先殿謁告 祖宗畢仍以袞冕服詣 大行皇帝几筵  
行五拜三叩頭禮畢出御皇極殿一先期尚寶司設寶案于皇  
極殿鴻臚寺設詔案于殿內東表案于丹陛上教坊司設中和  
韶樂懸而不作錦衣衛設雲蓋雲盤于殿內東別設雲盤于承  
天門上設雲輿于午門外鴻臚寺設宣讀案于承天門上西南  
向一是日早鳴鐘鼓錦衣衛設鹵簿大駕文武官員各具朝服  
入候丹陛內 上服袞冕御中極殿鴻臚寺官傳旨百官免胛  
遂引執事官就次行禮贊請陞殿 上由中門出御皇極殿寶  
座錦衣衛鳴鞭鴻臚寺贊百官行五拜三叩頭禮訖百官出至  
承天門外候鴻臚寺詣頒詔翰林院官捧詔授禮部官遂置于

業上雲盤內由殿左門出至午門外禮部官捧詔置雲輿內迎  
至承天門上開讀行禮如常儀初欽天監擇二十六日丑時奏  
上令旨改午時。戊申令諭禮工二部曰大行皇帝豫  
造永陵迨今年久其令禮工二部堂上官各一員會內官監  
至彼恭視議修飾之于是禮部左侍郎潘晟工部右侍郎徐綱  
率欽天監監副楊繪詣永陵。是夜京師地震。己酉禮部  
以二十六日即位禮宜從吉是日請暫免百官朝臨更移後一  
日從之。壬子上即皇帝位是日早達成國公朱希忠宣城  
伯衛守正等告天地宗廟社稷上親告大行皇帝  
几筵畢午時出御皇極殿即位命文武百官免賀免宣表止行  
五拜三叩頭禮遂頒詔大赦天下詔曰惟我祖宗聖聖相承  
至治鴻功超越千古暨我皇考大行皇帝以經文緯武之德

建安內據外之勲增光 先朝岳庇後世方幸永賴邊爾 上  
賓特屢憑几之言屬以神器之重朕兢兢在疚本不忍聞而文  
武群臣下及耆老軍民合詞勸進至於再三辭拒弗獲乃遵  
道詔以是月二十六日祇告 天地 宗廟 社稷即皇帝位  
以明年為隆慶元年仰惟 未命之昭岳深望繼述之兼善倪  
焉自省豈所能勝然而 先志不可不成 聖訓不敢不奉是  
用推類以盡義通變以宜時期衍舊恩通弘新化所有合行事  
宜條列于後一 郊社等禮及祔葬祔享遵奉 道詔各稽  
祖宗舊典斟酌改正禮部會官查議舊禮某項當復新禮某項  
當罷某禮當行於某處某禮當舉於某時并 陵葬 廟享當  
祔之正逐一開具奏請一自正德十六年四月以後至嘉靖四  
十五年十二月以前建言得罪諸臣遵奉 道詔存者召用致

者卹錄吏禮兵部作速查開職名議擬具奏一方士人等遵奉  
遺詔查照情罪各正刑章王金陶做中世文劉文彬高守中  
陶世恩妄進藥物致損 聖躬着錦衣衛拿送法司從重究問  
唐秩章冕等各以符法濫叨恩賞着押發原籍爲民書造局真  
人府官道禮部查係在京宮觀取用者發還宮觀係在外龍虎  
等山取來者遣回本處焚修其所授太常寺官職及真人高士  
名號盡行革去一齋醮工作遵奉 遺詔悉皆停止其原建齋  
醮之所令應作何處置禮部逐一查議題請工部料價并竹木  
等兩京內府各衙門旣足器皿香蠟柴炭匠役等光祿寺品物  
酒飯等但有因齋醮工作加派者該部通行查奏停革一織造  
採買等項除陝西織絨河南廣東織葛廣東採珠買黃白蠟降  
真香及興福建買龍涎香雲南採寶石採礦金江西燒造磁器

并各處採芝遵奉 遺詔悉皆停外其南京撫杭織造內臣詔書到日俱即回京各衙門解與錢糧着南京工部工科浙江巡按御史查照造完段足扣算該銀若干將段足具奏起解剩下列兩俱送戶部接濟違用造冊奏繳已派未納者行令徵完准作下年工部料價却於下年派數內減除以甦民因其因絀葛珠寶香蠟金芝磁器項所派錢糧已徵在官者截數起解戶部未徵者亦各徵完准作下年應解工部料價減除派數一自嘉靖四十五年十二月二十六日昧爽以前官吏軍民人等有犯除十惡至死與詐傳詔旨交結近侍通夷失機強盜人命及侵盜邊海腹裏倉庫漕運錢糧并貪酷枉法逆黨左道扇惑人民為從營幹鎖剝指稱騙潛住京師窺探為姦者俱不赦外其餘已發覺未發覺已結正未結正罪無大小咸赦除之敢有以



赦前事相告言者以其罪罪之一天下軍民十分窮困國用難  
詘豈忍照常徵派隆慶元年分漕運米特與改折十分之三其  
餘不分京邊起存本折各持免十分之五該部及各撫按官仍  
設法稽查使需實忠其嘉靖四十三年以前一應戶部錢糧已  
徵在官者截數起解拖欠者盡數蠲免如有將已徵捏作未徵  
侵欺盜用許諸人奏告拿治不在赦宥之例四十三年以後未  
完者查開的數分作三年帶徵毋容姦頑得遂侵賴先將分週  
帶徵數目具奏一內府各衙門供應錢糧朕加意節省用自有  
餘該部務查照弘治年間及嘉靖初年舊額酌量徵派其以後  
年分加添者盡行革除將革週數目奏知仍造冊送科備照如  
各衙門假以缺少為由行文加派及該部阿奉准行者科道官  
即時叅奏治以重罪一內府各監局庫所收段疋軍器香蠟等

項錢糧戶工二部奏差風刀科道官二員前去吊取文卷備查原收若干用過若干見存若干約穀幾年支用造冊奏繳該部將以後應派之數酌量折徵銀兩解部以濟邊用一嘉靖四十四年以前兵部牧馬草場子粒及騎操尊牧寄養等項馬匹應追虧欠倒失被盜捲頭等銀工部羅改袖絹麻鐵魚鱗翎毛皮張天鷲勛角漆料白榜紙砍柴木柴炭棹柴等銀及工卯銀如有拖欠盡行蠲免其已徵在官者照常起解若一應人役將已徵捏作未徵侵欺盜用許諸人首告等治不在今赦宥之數一犯罪發高牆宗室除叛逆及內亂強盜人命不宥外其情罪有可矜疑及身故而遺下妻妾無依者撫按衙門查明原犯情由開具奏請一在京在外見監人犯除已差官審錄外三法司仍將部院錦衣衛見在輕重各犯會同審問如有虧枉卽與群

理其先年重刑犯人家屬有不係原問正律一時比例流置者  
查理明白放回原籍寧家隨住一在京在外緝獲強盜妖言奸  
細等項必須賊證的實不許貪功圖利及聽信無賴截番之徒  
妄拏誣陷違者治以重罪其南京法司止許受理在城及百里  
內軍民詞訟如原告在城而被告在百里外者不得槩行拘提  
若事發五城俱要送問不許該城輒擅取招追收紙賄內外守  
備衙門除盜賊機密重情拏送法司究問外其餘人命等項詞  
訟並不許干預一在京在外監追還官入官給主贓物除監守  
侵盜在倉在庫在場銀兩草束及在倉庫領出解運并一應收  
掌係官錢糧而侵盜者俱照舊監追外其入官贓百兩以上給  
主五十兩以上若監追二年之上正身已故家屬代追各勘無  
家產堪以變賣者開具所犯情罪奏請定奪若入官給主之贓

不及前數監追半半之外正犯身故勘無家產悉與宥免若係埋奠銀兩正身見在仍依律追給以恤死者一南京五府掌印僉書管單管事公侯伯都督總兵副總兵等官錦衣衛掌衛事并管南北鎮撫司事指揮以上官六部等衙門四品以上官并學士及各總督提督巡撫官俱着自陳去留取自上裁五品以下文職兩京吏部會官考察浙江等處兩京方面官各該撫按會同考覈應黜降致仕者從公分別具奏仍各聽科道官拾遺其科道官須公同評議不許匿名投匭暗肆中傷一朝廷用人惟求任當其才若拘泥資格使舉人絕望於九卿歲首不得為方面殊非飭吏治作士風之意今後吏部用人毋拘三途但有才能卓異者即便破格權用以示激勸一今內外衙門添設官員數多加增俸薪有損無益吏部便行在京各衙門在外撫

按官逐一查議米係緊要方許存留其餘冗員一體具奏宣革其事簡衙門一官可兼二事者員缺暫停銓補一各處府州縣大小繁簡衝僻難易不同或逸而得譽或勞而速謗既乖陞黜之宜遂起避趨之巧士風日壞吏治不修吏部通將天下府州縣逐一品第定為上中下三等遇該推陞選補量才授任各官考語獎薦同在優列者先儘上等府州縣陞推行取次及中等次及下等不惟視等以為歲月之遲速仍視等以為官資之高下內有才慢才短吏調者各就中酌處其各將官所任地方兵部亦以邊腹衝緩分為三等遇該陞調照此施行一凡致仕間住為民充軍官員不係考察及犯私罪者不拘自陳被論吏部逐一查開奏請充軍者放回原籍為民為民者與冠帶間住間住者與致仕中間如有才望過人年力尚壯曾經薦舉者許一

體遇缺推用一在外兩司有司官貪酷恣肆皆由巡按御史不能正身格物及舉劾不公所致其御史失職又由都察院徇情稽考覈視為虛文所致今後御史出差回道都察院務要秉公持正嚴行考覈如或隱護該科即行糾劾該科如敢扶同事發一體重究一今後撫按官劾到官員但有犯該贓私入命者吏部務行提問追贓償命不許槩擬為民間住所追贓銀巡按御史年終各另奏解戶部以資邊餉不許混入歲解贓罰數內其該解部及備賑贓罰銀兩必遇地方用兵修城等項重大緊急事務方許動支如有仍行饋送并吊取私用及隱匿入己者司道府州縣官聽撫按叅奏撫按有犯聽兩京科道糾奏其司道府州縣官巧立名色勸借軍民及於本等罪贖之外加罰銀兩米穀馬牛等物或將軍民無子爭繼之家盡沒家產入官尤為

非法着各該撫按官嚴行訪拏禁革如撫按官縱容聽兩京科道官指名叅治一各處解納錢糧馬匹等項到京被各內外管事人員生造事端刁蹬需索使用之數多於本物以致上納不敷展轉受累該部申明禁約許受害之人指實奏告各治以罪其各門各庫近年額外增設內官司禮監盡行革回一近來撫按官及各差御史訪察等人多不得實本欲懲惡反害良善其兩司府縣乘機效尤違法益甚今後並不許再行訪察違者吏部都察院即行叅奏重加黜罰一各地方官以講武為不急以玩寇為苟安將盜賊妖逆隱蔽縱容不早撲滅徃徃釀成大患今後巡撫守巡兵備及有司衛所掌印巡捕等官務要操演人馬團練保甲緝訪奸盜杜於將萌如再庇惡殃民巡按御史嚴行叅論以憑重治一宣大山西地方軍民人等或因犯罪逃入

虜中或因搶去住彼年久遂為虜用間有欲率領親識仍還本土者又慮官司追究往事不敢自歸殊為可憫兵部便行該鎮總督鎮廵及將領等官務要用謀示信多方招徠如有率眾來歸者厚加撫恤仍具所率人數以聞以憑酌量賞錄遼東及陝西三邊一體施行一各邊將士立有戰功往往勘覆措遞賞不足勸都察院便行文各該廵按御史將嘉靖四十五年十二月二十六日以前未勘報功次俱限三箇月以裏勘覆今後凡有查勘俱不許出三箇月都察院置簿一扇將發行勘合日期登記查考如有遲緩即行叅論其宣大薊遼等鎮多有奸民冒認錦衣衛舍丁及陣亡軍人子侄濫陞官旗又或一人而數處立功一時而兩三處立功均為違法兵部兵科逐一清查奏請降革一節年行勘文武職官遷延不報以致奸惡者竟得隱脫被



誣者卒致湮棄詔書到日各該撫按官通查原承行官司立限催勘奏報如仍怠違叅奏處治一近年病故大臣有應得卹典而未得亦有不應得而得者科道官舉奏定奪一凡慶賀謝恩等疏非舊制所有者俱各停免其一應題奏亦要明白簡直不許以繁詞及鄙褻之言瀆擾一今後在京在外文武衙門大小官員俱要勵端慎廉靜之節去虛浮怠玩之私上報國恩下保名位一應芽政詔書開載未盡者陸續自行查議奏革其凡可以正士習糾官邪安民生足國用等項長策仍許諸人直言無隱於戲觀耿光而揚大烈方勉盡於孝思贊帝軌而翊皇猷實有資於忠蓋凡爾有位尚體朕心各據匡輔之誠共保昌熙之祚播告中外咸使聞知○釋戶部主事海瑞于獄中瑞先以諫去修事被杖下獄論死 上在潛邸素聞其剴直故並釋之士

諭稱慶。○癸丑禮部言：大行皇帝大喪成服已畢，惟皇上念宗廟社稷之重，少節哀情，出御宣治門聽政。上報可。命以元年正月二日御門視事，具儀未聞。○禮部又言：歲暮大禘孟春時享，皆國之大禮。我皇上承奉宗祧，宜親致祭而大行皇帝服制未除，皇上哀慕方殷，不敢遽請考之古禮。云不與祭則攝而說者，以為有故，乃不與祭如居喪之屬是也。今次二祭請遵弘治十八年例，暫遣官攝事，樂設而不作，鴻臚寺免請陞殿。皇上即喪次致齋，恭候釋服，遇有大祭仍遵祖宗舊制。聖駕親行其陪祀官員，今亦在二十七日之內，宜俱令暫免，俟釋服之後，恭陪如常從之。○甲寅命欽天監造隆慶元年大統曆，通行天下。○乙卯禮部進宣治門視事儀注。隆慶元年正月初二日早，上褻服御宣治門視事，文武百官素

服腰絰行奉慰禮初三日以後服制仍前至初十日遵 遺詔

二十七日服制已滿自十一日以後請循 孝宗敬皇帝舊例

上釋裋服易素翼善冠麻布袍腰絰仍御宣治門視事文武

百官素服烏紗帽黑角帶皂靴朝參俱不鳴鐘鼓俟 大行皇

帝祔 廟之後變服如常報可○以大裕告 太廟 祫廟達

駙馬都尉李和許從誠行祭○葬常嬪高氏王氏○鑄給通政

使司隆慶年號條記。戶部奏明年天下戶口食鹽應徵錢鈔

市民男婦減半納鈔鄉民分派缺糧倉分納米額納鈔者聽司

府州縣該起運京庫者如嘉靖十六年例每鈔一千貫錢二千

文折銀四兩徵解其起運宣府等處者照例折徵存留者本處

貯庫准折官軍俸糧仍行大名府邊嘉靖二十四年例將應解

保定府庫錢鈔內撥錢二十八萬五千七百六十五文鈔一十四

萬二千八百四十貫解部轉發薊州貯庫以備營州五屯衛并  
寬河一所官員折俸夫用以後年分如例行從之。丙辰行大  
禋禮于 太廟命駙馬都尉謝詔代。太常寺言歲暮祭告內  
殿宜遣官行禮 上謂是日已奉禘祭命罷之。遣太常寺官  
祭太歲月將之神。以明年正旦節遣玉田伯蔣榮彭城伯張  
熊成安伯郭應乾清平伯吳家彥分祭 長陵 獻陵 景陵  
裕陵 茂陵 恭陵 康陵 永陵錦衣衛都指揮同知王  
極祭 景皇帝陵寢錦衣衛指揮同知文承武祭 孝潔皇后  
哀沖 莊敬二太子中官祭 恭讓章皇后及廢后吳氏祭  
淑康妃李氏世子藍田王各陵園

大明穆宗莊皇帝實錄卷之一終

明穆宗莊皇帝實錄卷之二

隆慶元年春正月丁巳朔 上行拜 天禮于宮中恭祭 大  
行皇帝几筵以大喪免百官朝賀○免百官宴賜節錢鈔錠○  
通政司言舊例自正旦至二十日以節假免奏事封本茲值  
皇上御門德政勵精萬載之始請封奏如常從之○戊午 上  
御宣治門視事文武百官行奉慰禮○勅諭禮部曰朕惟自古  
明君誼至莫不稱述其親之功德薦之美謚垂諸無窮蓋所以  
廣仁而崇孝也我 皇考大行皇帝英姿天挺 聖學日新臨  
御四十五年裁決庶政威權無一日不在於朝廷子惠羣生意  
念無一時不存於海宇恩流如雨露令發如雷霆外清夷虜之  
氛內奠邦家之祚斯則成功巍然不可尚矣至於肇明典禮植  
萬古之綱常屢布訓詞闡于聖之秘蹟制作大備替教四敷其

文章煥然又莫或並焉朕方與天下臣民均切怙戴昊天不  
弔龍馭上賓睦惟眇冲嗣奉王緒既仰承於佑啓敢或後於  
顯揚謹按彙規升薦鴻號受稽頌德之公論用昭偉美之至  
清爾禮部其集文武羣臣定擬尊謚擇日恭上冊寶欽哉○  
己未宣宗章皇帝忌辰奉先殿行祭禮遣廣寧伯劉允中  
祭景陵○勅諭禮部曰朕仰荷皇天眷命遵奉皇考遺  
詔嗣守丕基君臨萬國邈惟慶源所自哉生母榮淑康妃恩  
實大焉朕曩居外邸奉養之禮既莫罄於生前光揚之典又未  
崇於身後追思罔極痛切於衷夫孝在焉於所生愛必由於親  
始今朕方以孝治天下而母恩未報大禮未舉其何以表因  
心之誼立成教之本哉昔我皇伯祖考孝宗皇帝上生母  
淑妃尊謚曰孝穆慈惠恭恪莊儷崇天承聖皇太后祔葬

茂陵建 秦慈殿于大內歲時祀享萬世稱孝焉茲當如故事  
仰稽 懿德恭薦 鴻稱舉遷祔之上儀營祀享之尊宇爾禮  
部其會官詳議未聞○禮部進上 大行皇帝尊謚議文儀注  
前期一日鴻臚寺官于宣治門設謚議文案至日早 上褙服  
御門捧謚議官立于階之東文武百官各褙服詣丹墀行四拜  
禮禮部官奏進 尊謚議文序班引班首官稍前捧謚議官以  
文授班首官班首官捧由中道進 上起立謚議文案之北班  
首官跪置謚議文于案百官皆跪 上視畢以謚議文授翰林  
院官命撰謚冊翰林院官跪受興捧從中道出 上復坐班首  
官與百官俱俯伏興班首官復位俱行四拜禮畢序班撤案  
上還宮○庚申陞大理寺少卿鄒應龍為太僕寺卿○辛酉吏  
科都給事中胡應嘉等言 祖宗朝軍國大政皆躬臨臣下處



漸白 英宗皇帝以冲羊即位輔臣偶從權宜創為早朝參事  
之例遂相沿不改然所奏者唯常行數條先期發卷承旨即退  
其文而已 孝宗皇帝時雖循往例奏事循日接見大臣從容  
延訪故弘治之政于今稱盛焉恭惟 陛下總攬萬幾章奏紛  
沓今視朝之後即深居法宮不與大臣回議則內閣擬票豈能  
一一盡究意指 陛下且將自竭聰明以臨之誠恐 聖慮既  
煩 聖躬必倦倦心一起百弊俱生此不可不慎防其漸也自  
今喪禮稍暇宜強抑寡情軫念大計每日朝罷必御文華殿令  
三四輔臣不時進見凡興革用舍大政咸與面計裁決事屬六  
部則召對諸卿義當疑難則顧問儒臣神智不勞而聰明日擴  
萬代瞻仰在此舉也臣又考前代宰相入閣議事必使諫官隨  
入諸所陳奏皆得預聞而國朝之制令六科翰官于殿廷左右

紀錄 聖旨蓋亦前代遺意乞返私舊典此後接見大臣必命  
科臣更番隨入凡有奏事不忠者聽其面折是非或退而叅論  
則大臣咸盡誠款而 聖體亦得垂拱仰成

上是其言○壬戌禮部會官上議言 聖母懿德隆備慶源攸

鍾誕育 聖躬嗣登大寶請追尊焉 皇太后更薦 尊謚其

奉違 梓宮祔葬 永陵禮儀及特建專殿享祀之所俱宜下

內外諸司預行飭治報可○吏部奏 先朝建言得罪諸臣如

通政使樊深都給事中丘橈楊忠忠尹相親良弼孝用敬左給

事中陳瓊給事吳時采周怡沈東顧存仁趙軌張選袁世榮御

史何維栢趙錦張登高黃正色方新張櫟凌儒申仲三時舉馮

恩郎中徐學詩周冕生事張冊董傳策劉世龍唐樞大理寺寺

正母德純等凡三十三人宜遵 遺詔錄用報可是日遂除瓊

時未于吏科執禮科世榮兵科儒蔭高浙江道新江西道檳湖  
廣道錦維相河南道仲山東道時舉山西道卬傳策刑部俱原職  
餘皆以次推用焉○吏部又言諸臣中以建言死者其等有  
三  
一 駁死者為一等應復職贈廕厚加諭祭若負外郎楊繼盛左中  
允郭希顏錦衣衛經歷沈鍊給事中楊允繩凡四人其次廷杖  
死者應復職贈廕若太僕寺卿楊最編修王思給事中薛宗鑑  
何光祿裴紹張原御史浦銘曾卬業經主事周天佐仵瑜臧應  
奎殿承敘凡十有三人又次繫獄成邊斤死牖下者應復職贈  
官若左侍郎唐胄都御史李璋學士豐熙修撰楊慎編修楊名  
檢計汪元正贊善羅洪先大理寺左少卿徐文華都給事中張  
紳張佩劉濟劉琦御史馬錄程啟元盧瓊陳謀桑喬包節王宗  
茂余翱方一桂負外郎劉魁郎中余寬黃待顯陶滋相世芳王

與齡僉事章鑰凡二十八人至如尚書熊浚諫止仙亭御史楊  
爵彈擊權倖二臣雖罪止斥然其忠義風節世所共仰又當  
與杖死者一體卹錄上從其議于是贈浚少保仍賜祭九壇  
謚恭肅○癸亥禮部進上 聖母尊謚議文儀注如上 大行  
皇帝尊謚議文儀○掌詹事府事吏部左侍郎陳以勤上謹始  
十事其一曰定志臣考宋程顥有言曰君道之大惟在明善惡  
之歸辨忠邪之分曉然趨道之正志定而天下之治成矣何者  
人生天下之利勢也富貴尊榮之所自出也使其志汎汎焉無  
所執則凡求富貴尊榮者皆將窺其間而以不正之端中之其  
流之弊可勝言哉臣竊以為 陛下臨御之初窺伺百出宮庭  
邃密可欲既多尊嚴之下何求不得僮志不先定而所接或非  
其道且將上累聰明下妨政事臣愚過計惟願堅持 聖志一

意以求太平為主此志既定聲色貨利逸遊便佞皆不足以惑之盛德大業皆從此出此 聖明謹始第一義也其二曰保位天下重器也守之甚難古之言保位者曰帝慎乃在位曰予臨兆民凜乎若朽索之馭六馬曰心之憂危如蹈虎尾涉于春冰誠知君位之重不可忽也願 陛下不以有位為樂惟以保位為難萬幾雖戚理也而常恐其業墜世維方治安也而常慮其帖危毋以一念之逸豫而貽四海之憂毋以一時之踈畧而致千百生之累庶可以永保天位矣其三曰畏 天昔成湯顧畏明命文王小心翼翼皆能祈天永命後世稱之彼昏不知以為天人遠不相涉惟所欲為而莫之懼及大命既去悔何及矣由是言之天雖高遠日監在下人君舉動以理福祉隨臻一有私僻昏疎必至可不畏哉願 陛下深察天道之甚邇務勅躬自

約總正萬事以爲順承之實雖深宮燕私人所莫窺而常若  
上帝之鑒觀雖號令臣民靡不如意而常若 嚴父之謹識瑞  
應之禾修德以副之災異之見刊啓以回之如此而 上天有  
不篤佑景福有不熾昌臣所未信也其四曰法 祖蓋 祖宗  
立業其更事詳則其防患也深其謀慮遠則其立法也密故子  
孫承之自可以世守而無弊苟非至於大壞不可輕變也前代  
人主或自作聰明狹小制度或庸昧寡識蔑棄輦往往亂其國  
家可爲永戒洪惟我 太祖肇造鴻圖 成祖嗣承大烈其勞  
心焦思亟訓立法以爲子孫萬世計至宏遠矣願 陛下深思  
貽謀之孔艱務全繼述之大孝以天下者 祖宗之經營必法  
其所以治人民者 祖宗之蓄息必法其所以養官爵者 祖  
宗之建置不可授之非其人府庫者 祖宗之蓄藏不可用之

非其道至于聽治之暇允望恭取 祖訓置之座右細加省覽  
守而勿失仍申飭中外諸臣凡有闕 祖制者一切遵率如故  
則曩時平治之畧自足為今日守成之具書曰監于先王成憲  
其永無愆此之謂也其五曰愛民古之聖王能團結民心而使  
之無亂者惟能保愛之而已後世創業之君起自艱難咸以民  
事為重繼體者率多生長深宮于民間疾苦不能盡知寃痛結  
于民而上不郵窮苦徧于下而上下間禍亂之作實自此始今  
陛下解澤初草薄海生靈無不仰承下流繼今允望省非正  
之歛停不急之作黜貪暴之吏錫頒苛之令蕩然與天下休息  
而 聖衷尤當念念在民則民心固結嚮擊不萌長治久安之  
術無出此者其六曰崇儉自古帝王皆以敦朴先天下故唐堯  
茅茨土階大禹菲食周王卑服民到於今稱之後世若漢文帝

惜露臺百金之費身衣戈綿足履革舄宋仁宗見後宮首飾珠  
玉輒閉目不視我太祖乘輿服御以銅代金成祖所服衣  
袖至於敝垢天豈不知享有四海之富而為此其意或以尺帛  
一錢皆出于百姓之膏血故有所靳而不忍妄用也願陛下  
以此軫念自後帑藏支費必取私治以前舊藉一一遵守而又  
躬行節約自禁近始宮室之奉但仍舊貫乘輿服食之物悉從  
裁省凡宮中冗聚之人奇巧之玩無名賜予無度取索一切出  
而罷之此所以愛養基本而安國家之大務也其七日攬權權  
柄者神聖之所資也故當常使在上而不可使在下洪範有言  
惟辟作威惟辟作福言權不可分也漢之衰也元帝移于近嬖  
孝成委于臣下至唐永淳間急歸宮掖天子拱手而已此所謂  
倒持太阿使人以柄者有下傷敗者宋臣呂公著曰欲威福之



不移莫若捨己而從衆衆未有不公而人君獨為天下公議之主威福將安歸也斯言良為有見惟 陛下深玩此意凡朝廷有大興羊人材有大進退悉與諸大臣衆詳可否而 陛下方臨以明斷躬自裁決而施行之則威園于內權重于外治天下可運諸掌矣其八曰用人古稱明君者惟在辨君子小人而用舍之哉 太祖常言用人之道當知姦良知良而不能用知姦而不能去則誤國自此始願 陛下深味此言于大小臣上一清心以照之大抵君子多敦實行小人多託空談君子多體國任事小人多謀身規避君子多面折廷諍小人多阿諛順旨君子多為國薦賢小人多嫉賢病國以此觸類而觀自然驚驥別于途薰猶判于器 陛下乃操威福之權以臨斷之一則任之勿貳一則去之勿疑庶乎衆正之途開羣枉之門塞而大業

可成也其九曰接下臣庶觀古今未有君臣之情不相孚洽而可致治者帝舜之于大禹曰自我鄰我鄰我臣我高宗之于傅說曰朝夕納誨以輔台德其一時相與之氣象何其密也至後世則堂廡隔遠燕見濶踈遂使闕疇容于大歡漸偏信于近習有如昔人所慨者惟我祖宗之朝每每石見羣臣講論治道至于大誥首篇又特著君臣同遊之訓意蓋以此請陛下自今視朝之後即御便殿召文武大臣入內與之親接凡朝廷有大政事即令于上前擬議恭候宸斷而行之或于簿書之外仍命極言民隱或時給筆札俾疏陳時務則上下血脉流通而政事舉無不當且可以消人臣意見之私去左右壅蔽之患其十曰聽言臣惟言路道塞天下之治亂係焉孔子曰有諍臣七人雖無道不失天下故祖宗臨御之時文武軍民凡有可

言之事許直至御前陳說意深遠矣方今更新之始臺諫諸臣必諍竭心腹論天下事願陛下大開言路凡政令之得失百姓之休戚羣臣之忠邪使之皆得直言無隱其言之當者採而行之且顯擢其人以示勸其未當而或過許直者亦涵容而不罪夫言者上逆龍鱗而犯忌諱下結讎怨而取禍患亦何所利哉其心蓋忠于國也不諫其心而挫折之則勁氣消沮忠臣杜口漸漬不聞其過遂以階亂豈非大失乎疏入上答曰覽奏忠愛懇至朕已具悉○甲子孟春享太廟遣駙馬都尉謝詔行禮○遣太常寺官祭太歲月將之神○禮部尚書高儀等上大行皇帝尊謚議曰伏惟大行皇帝德配清寧道兼述作應期首出合神堯之起唐都續聖中興邁周宣之定王國事天明而有嚴有翼履道萬而不貳不參盛德豐功曷能殫述謹遵

節惠之義敬揚閔鉅之依如總攬政權親決章奏嚴詔堵之出  
鎮而宿弊革於朝廷前黜戚之內訌而隱禍消於宗社英莫  
及焉今出惟行法立惟信恩無掩義靈政者雖貴必誅斷以定  
謀干紀者雖親必戮毅執逾焉智足以道百物之情而廣之各  
當明足以照萬幾之蹟而應之咸宜博學多聞精思作睿此聖  
之極也變化無方張弛同於闡闢恩威不測鼓舞速於風霆號  
令轟馳聲聞具達此神之至也闡發性道則敬一有箴四箴有  
註上接精一之傳敦敘綱常則明倫有典明堂有闕顯示尊親  
之道禮樂昭于天地謨訓炳于日星即文王之允文不是過矣  
攘却戎夷則狼烟息倣鯨海濊波而茂建廓清之績征討叛逆  
則擊服南交蕩除羣盜而丕揚順治之風定營制以作六師徵  
得材以備九伐即成蕩之聖武蒐以加矣報祈歲舉重農事以

開衣食之原賑貸時施軫民生而切痼瘵之念慎獄屢屋於欽  
恤課吏嚴黜乎貪殘淳流澍濡湛恩淪浹所謂必世之洪仁也  
考禮度哀奉 獻廟極追崇之典因心篤愛特 慈宮竭就養  
之誠躬卜吉兆於純山肇舉曠儀於大享善繼善述盡制盡倫  
所謂不匱之大孝也惟茲衆美之具臻實皆剛德之克就是以  
閱升平四十五載獨收悠久之功衍熙洽二百斯年赫啓隆昌  
之慶閱謨偉烈滋澤深恩誠萬世而下 聖子神孫所宜憲章  
而宗法者也臣等稽之前代英君諡碑有大功德於天下則鴻  
稱顯號世世尊之故武帝堯私矣祚廟曰世宗光武再造漢家  
號稱世祖播之良史以為美談矧我 大行皇帝萃萬善之精  
賔備百王之軌範功業文章之外見者既極其巍煥道德性命  
之內蘊者又造其淵微卓乎與 二祖匹休三五並駕而非彼

兩君所能望者哉。臣等謹將未盡言逸徵往牒。文行皇帝尊  
謚宜。天錫之曰。欽天履道英毅聖神宣文廣武洪仁大孝  
肅皇帝廟號。世宗用昭天下之至公。世徽稱於罔極。臣等拜  
手稽首謹議。乙丑禮部進上。文行皇帝尊謚冊寶儀注十  
九日恭上。尊謚前期三日太常寺官奏致齋請遣官祭告  
天地。宗廟。社稷。至日行祭告禮。用祝文香幣果酒脯醢如  
常儀。一前期一日內侍官設冊案寶案于几筵前左右置冊  
與寶。與于皇極門捧冊寶各置與中。至日早。上哀服祭告。  
几筵畢出御皇極門內侍官舉輿外導駕官導。上隨輿後降  
階升輿外導駕官退百官素服立于金水橋南皆北向俟輿至  
皆跪既退皆興隨至思善門外北向立內導引官導。上至乾  
清門外降輿與由中門進至几筵殿前丹陛上內導引官導。

上由左門入至丹陛上拜位捧冊寶官于殿內捧冊寶由殿中門入至几筵前左右北向立內贊奏上四拜禮皇子陪拜在外鴻臚寺官傳贊百官皆四拜導引官導上由殿左門入至几筵神御前奏跪傳贊百官皆跪奏進冊捧冊官以冊跪進于上左上受冊獻畢以冊授捧冊官置于冊案奏進寶捧寶官以寶跪進于上左上受寶獻畢以寶授捧寶官置于寶案奏宣冊宣官詣案取冊跪于上左官訖奏宣寶亦如之奏俯伏興平身傳百官同奏復位導引官導上由殿左門出至拜位奏四拜傳贊百官同導引官導上至几筵前奏初獻禮奏跪傳贊百官皆跪奏獻帛獻酒贊讀祝讀畢奏亞獻禮奏終獻禮奏俯伏興平身傳贊百官同奏復位導引官導上由殿左門出至拜位奏四拜傳贊百官同祭畢導引

官導 上由左門入至神御前以冊寶授內侍官捧入導引官  
導 上入內安冊寶行叩頭禮導引官導 上由左門出至丹  
陛上奏禮畢傳贊百官同一二十日頒 尊謚詔先期鴻臚寺  
設詔案于皇極殿內東錦衣衛設蠟蓋于皇極殿外是日早百  
官各素服烏紗帽黑角帶立俟于承天門外其大自立於午門  
前以俟導引 上黑翼善冠素服黑犀帶御中極殿執事官先  
行五拜三叩頭禮鴻臚寺官奏詣陛殿導駕官導 上御皇極  
殿鳴鞭訖序班舉詔案于殿中翰林院官捧詔立于左鳴贊唱  
頒詔翰林院官以詔授禮部官置於案序班舉案由殿左門出  
錦衣衛用蠟蓋送至承天門上百官入班贊禮唱四拜平身稱  
有制贊跪開讀訖再行四拜禮鴻臚寺官傳奏禮畢 上還宮  
丙寅 上始擇袞服素翼善冠麻布袍素腰絰仍御宣治門



視事○禮部尚書高儀等上 聖母尊諡議曰伏惟賜谷騰曜  
九有戴其照臨攝提生春萬彙蒙其發育故克敷光被由慶都  
之毓祥啓賢啟承惟塗山之式誨曰若 哲聖實有本源 今  
德既隆尊稱宜備義實通於今古禮何間於幽明恭惟 聖母  
榮淑康妃柔順承天安貞應地降芬華族夙聞四德之修棲景  
紫宸允作六宮之冠嗣音 太母祗範 先皇承長樂之權則  
執饋惟謹翊坤寧之教則獻繭惟勤乃若居貴撝謙處盈尚約  
肅察有度傲戒無違隄宮采繫遵有濟之孝女瑟琴流苾媿思  
媚於周姜嘉問翕以光揚芳猷蔚其休暢抑且廓載物之量私  
逮下之恩不諛以偏終溫且惠遂使後宮觀化象婉媿於青蒲  
女史正詞慕靜媚於彤管千靈薦祉 九昊錫符玄堂入戶發  
母萌之禎彩電繞樞衍壽丘之慶用熙昌祚篤生成 皇金波

鮮眺側之暉豫形胎教銀瓘有言動之喻體備師模 慈訓所  
微叡姿首出聲為律而身為度望如日而就如雲遂續王圖通  
隆洪緒緬惟寶運方啓未止位於長秋顧乃玉綴久韜已歸神  
于修夜人慄大練推夢日之功 帝省靈楸有終天之感是用  
循故典舉彝章進位號于瑤濟森禮容于金祀雖三泉舊闕不  
及享九州四海之供然六衣新陳尚可承一人百世之孝臣等  
覩龍飛于 聖德懷鸞馭于 慈顏稽謀 皇宮攷實輿論散  
緣節惠之義敬上儼尊之名宜 天錫之曰 孝恪淵純慈懿  
恭順贊天閑聖皇太后臣等謹議。修 永陵享殿寶城及祔  
造碑停等興工遣定國公徐廷德駙馬都尉李和許從誠王田  
伯蔣崇安平伯方承裕成安伯郭應乾清平伯吳家彦都督沈  
至祭告 諸陵鎮遠侯顧安彭城伯張熊及工部右侍郎徐綱

祭告 天壽山等神。勅內官監太監王昂工部石侍郎徐綱等提督。永陵工程。禮部遵詔會議。郊社諸典禮及葬祔。享之制。一郊祀之禮。謹考國初建園丘于鍾山之陽。用冬至祀天。以日月星辰太歲從祀。建方丘于鍾山之陰。用夏至祀地。以嶽鎮海瀆從祀。俱奉仁祖淳皇帝配。又築朝日壇于城東。夕月壇于城西。用春秋分行事。夕月亦以星辰從祀。俱不奉配。洪武十年始定合祀之制。每歲正月擇日行于大祀殿。三十二年更奉太祖高皇帝配。永樂十八年北京大祀殿成。行禮如前儀。洪熙元年增奉成祖文皇帝。並配嘉靖九年始建園丘于南郊。冬至祀天。以日月星辰風雲雷雨從祀。建方澤于北郊。夏至祀地。以嶽鎮海瀆陵寢諸山從祀。俱奉太祖高皇帝配。又建朝日壇于東郊。以春分祭日。無從位。建夕

月壇于西郊以秋分祭月亦以星辰從祀俱不奉配臣等議以  
為天地分祀昉于周禮園丘方丘之文自漢以來歷代分合不  
常諸儒議論不一我太祖定鼎之初與一時儒臣斟酌考訂  
首建分祀之禮其後因感齋居陰雨始改合祀至我皇考大  
行皇帝仍建四郊如洪武初年之制蓋太祖始分而後合  
皇考改合而為分然皇考之更制即太祖之初制也今分  
祀已久似難紛更宜照例南北二郊于冬夏至日恭詣聖駕  
親詣致祭仍奉太祖高皇帝配其東郊以甲丙戊庚壬年西  
郊以丑辰未戌年聖駕親祭餘歲遣官代行其太歲仍于歲  
暮孟春遣官專祭至如天神地祇已從祀南北郊其仲秋神祇  
壇之祀不宜復舉一祈穀之禮謹考祖宗朝原無祈穀之禮  
惟郊外藉田有先農壇國初每歲仲春上戊日聖駕親祭先

農遂耕藉田水墾後惟遇 列聖登極之始僅一舉行其他歲  
遣順天府官代嘉靖九年始以孟春上辛日行祈穀禮于 大  
祀殿十年以啓蟄日改行于 園丘十八年又改行于禁內之  
玄極寶殿遂為定例而先農之祭亦不廢臣等謹議禮稱元日  
祈穀于 上帝其詳亦不可考我國家先農之祭蓋即祈穀之  
遺意自 皇考侑納言官之請肇舉此典天既祭先農復云祈  
穀二祀并行于仲春不無煩數且玄極寶殿當禁嚴之地而使  
百官浩祀宵分出入事體深有未妥臣等竊以為宜罷祈穀之  
禮止于先農壇行事為當恭遇 聖主登極則親祀先農并行  
耕藉禮其餘每歲仲春仍遣順天府官代行庶合 祖宗舊典  
一大享之禮謹考 祖宗朝原無大享之禮嘉靖十七年我  
皇考舉明堂大典以享秋享 上帝奉 睿宗獻皇帝配壽乃

撤 大祀殿改建 大享殿然每歲惟于禁內之玄極寶殿道  
官行禮為常亦未嘗於郊壇親祭也且等謹議明堂大享雖稱  
古制而制度之詳亦不可考見 皇考肇舉此祀無非追崇  
睿宗以昭 嚴父配 天之孝但自 皇考視 睿宗則 睿  
宗為 嚴父自 皇上視 睿宗則 睿宗為 皇祖若以今  
日仍奉 睿宗配 帝似于周人宗祀文王于明堂之義不甚  
相協恐非所以妥 睿宗之靈而安 皇考之心也故臣等以  
為大享之禮可罷一社稷之禮謹考國初建 太社 太稷異  
壇同燔以勾龍后稷配洪武十年改建同壇同燔罷勾龍后稷配  
以 仁祖三十一年夏奉 太祖配永樂中北京壇成位置如  
故洪熙間又奉 成祖配嘉靖九年邊復初制以勾龍后稷配  
十年復于西苑隙地墾田衝紋建 帝社 帝稷二壇每歲以

仲春秋上戊次日行祈穀禮臣等謹議天子社以祭五土之祇  
稷以祭五穀之神名曰太社太稷而帝社稷之名則自  
古及祖宗朝皆無之國初太社稷之建悉遵古禮而皇  
考仍以勾龍后稷配實合太祖初制無容別議至于帝社  
稷之祭不無嫌于煩數臣等竊以為止宜照舊奉太社太  
稷之祭其帝社帝稷宜罷勿舉一陵葬廟祔之禮謹  
考我國家自宣宗以前陵寢合葬皆止一后至裕陵則  
二后同祔葬茂陵則三后同祔葬若太廟祔享則惟一帝  
一后又后惟元配始得并祔恭惟孝潔皇后為皇考大行  
皇帝元配禮應合葬永陵祔享太廟先年神主回京時  
本部曾請祔享以其時未有奉安暫祔奉慈殿側以俟奉  
烈皇后雖曾正位中宮然非元配今先已祔廟又奉孝潔

皇后同祔則二后並配非 祖宗舊制若因 孝烈皇后先祔而遂使 孝潔皇后不得升祔則舍元配而祔繼配亦非 祖宗舊制况 孝潔皇后宜祔之禮 皇考先年已有欵依近日復有遺命臣等竊以爲 皇考大行皇帝升祔 太廟之時宜請 孝潔皇后祔享而移奉 孝烈皇后于別所仍于 大行皇帝登引之先遷奉 孝潔皇后祔宮于 永陵與 聖母梓宮同日祔葬 孝烈皇后既已祔葬似當以次列祔其 孝潔皇后 孝烈皇后尊謚乞勅臣等撰徵議文奏進薦上用寶庶幾名分正而典禮全美 上以禮官會議允當命如議行之○ 戶部覆南京戶科給事中岑用賓奏其一言南京供用庫酒醋麵局并光祿四署所積米穀豆麥足支數年宜增徵折色解部其後以三年為率徵本色二年折色一年庶無虛費其一言錦



衣衛烏龍潭等三十六倉每倉有倉餘丁以者十名多或二十名月饒不給宜做正統十四年例每丁准月糧三斗於各倉耗米內支給以示優恤得旨折色銀兩徵解戶部濟過餘如議○陞得處峪守備指揮僉事楊守承為署都指揮僉事充五軍營遊擊將軍命儀真守備署都指揮僉事王盤領南京江防遊兵○丁卯禮部進上 聖母尊謚冊寶儀注一正月二十一日恭上 尊謚寶冊遣官詣 陵園行禮前期三日太常寺官奏致齋仍奏請遣官祭告 天地 宗廟 社稷至日行祭告禮用祝文香帛果酒脯醢如常儀前期一日內侍官設冊與寶與于皇極門捧冊寶各置輿中一是日早 上其素翼善冠麻布袍腰絛祭告 大行皇帝几筵用祝文香帛酒饌如常儀遂以素冠服出御皇極門文武百官素服烏紗帽黑角帶先于丹墀

內東西序立序班引遣官于丹陛中道贊行五拜三叩頭禮跪  
內侍官舉冊寶輿降階上起立贊俯伏興遣官興立于東俟  
錦衣衛官校接冊寶輿首亭由午門中門出鼓樂前導設而不  
作遣官由左門出隨行上還文武百官隨冊寶送至長安右  
門外止其文武大小衙門各分官送至陵園免辭陪祭畢回  
朝見一是日太常寺先于陵園陳設祭品如常儀鴻臚寺設  
冊寶案于享殿中左右申時冊寶至陵園由中門進至享殿  
前導引官引遣官由右門入至丹墀內贊官唱執事官各司其  
事導引官引遣官至享殿前就拜位捧冊寶官于輿內捧冊寶  
由殿中門入至神御前左右北向立贊官贊四拜禮傳贊文武  
分官皆四拜導引官引遣官由殿右門入至神御前贊傳贊  
文武分官皆跪贊進冊捧冊官以冊跪進于遣官左遣官受冊

獻畢以冊授捧冊官置于冊案贊進寶捧寶官以寶跪進于遣官左遣官受寶獻畢以寶授捧寶官置于寶案贊宣冊宣冊官詣案取冊跪于遣官左宣訖置于冊案贊宣寶宣寶官詣案取寶跪于遣官左宣訖置于寶案贊俯伏興平身傳贊文武分官同贊復位導引官引遣官由殿右門出至拜位贊四拜傳贊文武分官同導引官引遣官至神御前贊初獻禮贊跪傳贊文武分官皆跪贊獻帛獻酒贊讀祝讀畢贊亞獻禮贊獻酒贊終獻禮贊獻酒贊俯伏興平身贊復位導引官引遣官由殿右門出至拜位贊四拜傳贊文武分官同祭畢冊寶收貯于享殿一是日遣官行獻冊寶禮畢文武分官稍退太常寺復設酒饌如常儀內侍官設香案于享殿中設題主案于香案前西向設遣官拜位于前北向太常寺導引官引遣官入享殿前就拜位上香

五拜三叩頭至神牀跪內侍官跪奏謹請 孝恪淵純慈懿恭  
順贊天開聖皇太后神主恭用奉題遣官詣 皇太后神主前  
內侍官盥手捧 主安于案上題主官盥手東西向立奉題訖  
內侍官奉 主安于神座內侍官奏詣 皇太后神靈上神主  
文武分官詣丹墀立導引官導遣官由殿右門出就拜位贊四  
拜傳贊文武分官同導引官引遣官至神御前贊初獻禮贊跪  
傳贊文武分官皆跪贊獻帛獻酒贊讀祝讀訖贊亞獻禮贊獻  
酒贊終獻禮贊獻酒贊俯伏興平身贊復位導引官導遣官由  
殿右門出至拜位贊四拜傳贊文武分官皆向太常寺官詣神  
御前跪奏禮畢內侍答覆 主奉安于神座訖行叩頭禮一  
二十二日頌 尊謚詔如頌 大行皇帝尊謚詔儀○命修大  
內 神霄殿以奉 聖母孝恪皇太后專祀也○賜百官上元

節愷十日諸司仍奏事自是歲以爲常○禁民間放燈○吏部奏起用原任南京禮部尚書葛守禮戶部右侍郎趙自吉兵部右侍郎郭宗臬都察院右副都御史林雲同右僉都御史曹邦輔布政使司左布政使鍾卿按察司副使曹奎至亥敬殷蓮僉事謝廷淮等從之○復除吏科給事中周怡禮科給事中沈東原職○停解湖廣撫按衙門嘉靖四十五年隆慶元年賊贖錄兩發修荆襄等府城堤以撫按官奏水災衝決故也○戊辰禮部言自昔天子體元御極必皆首立皇后以主天下之內治我朝列聖皆於登極之初即舉罔立中宮之典今皇上嗣登寶祚百度咸貞罔立大禮所宜亟舉敬惟皇配出自名宗天作之合已受封章於潛邸宜崇位號於中宮予以佐奉宗祧母儀天下此寔邦家之大慶中外之具瞻臣等忝備禮

官請遵彝制惟 皇上早賜施行以備朝廷之威禮又言天下  
大本係于儲貳國之至器屬于元良自昔人君即位必蚤建太  
子其或未暇則有司具請舉行蓋以太子正而天下定其為宗  
廟社稷計莫先于此惟 皇上受天眷命撫馭至圖而 皇子  
篤生已及五歲且英哲性成岐嶷天挺中外臣民莫不忻忻然  
謳訶鼓舞以為此 宗社億萬年無疆之慶茲者 聖政維新  
鴻儀其舉雖是蚤建儲闡豫端國本尤今日之急務 皇子既  
長且賢天人交與宜正 東宮之位用培蒙養之基臣等謹擬  
正月十五日吉同文武百官上表陳請伏乞 聖明蚤賜允俞  
又惟 皇子已長禮宜請賜 睿名伏乞 欽命以便頒冊行  
禮 上諭曰立后事可行皇子年尚幼且先賜名徐議冊立日  
少保兼太子太保吏部尚書楊博都察院左都御史王廷以考

察庶官先上疏求退 上俱諭留不允。○復鄭王厚烷爵仍歲

加祿米一百石釋鄢陵王府鎮國中尉勤熨及其子朝瑁歸本

府有司存恤先是厚烷以建言時政觸 先帝怒盟津王長子

祐禧因搆之王遂奪爵勤熨朝瑁亦以赴闕言事俱發高墻禁

錮至是禮部奉詔書請寬釋漫處故有是命。○鑄給江南江北

監兌主事閔防四川龍安府印本府經歷司照磨所司獄司儒

學永盈庫印記隆昌縣印本縣儒學陰陽醫學僧道會司記福

建海澄寧洋二縣印及各儒學記。○給事中周世運等奏守衛

官軍遠赴通倉支糧有妨直宿請改撥京倉從之。○己巳大學

士徐階奉詔自陳求退 上曰卿輔弼首臣忠誠體國勲庸茂

著中外具瞻朕茲嗣位眷倚方切宜益竭謀猷贊成化理所辭

不允。○禮部奏先年 大行皇帝於西苑陳地種植麥教命總

督倉場戶部侍郎同司禮監督理農事收其子粒貯恒裕倉以  
供大祭渠盛且欲以知稼穡之艱難甚盛舉也但苑內禁地農  
夫出入力作事體非便請罷部臣兼督止令該監督理種植以  
少存重農省艱之意其戶部侍郎督理西苑農事舊銜宜省從  
之○戶部言嘉靖初年御用監供用庫歲派黃蠟止八萬五千  
斤白蠟四千斤末年黃蠟增至二十餘萬斤白蠟不下十萬斤  
此外復有召買有折色視正額不啻三倍又上用香品舊無  
徵派事例近行廣東採辦及順天府召商收買歲亦數十萬斤  
增費擾民宜一切裁省如嘉靖初年例徵派其採辦諸令即行  
停止從之○掌五軍都督府事成國公朱希忠英國公張溶新  
寧伯譚功承宣城伯衛守正彭城伯孫熊總督京營戎政鎮遠  
侯顧寰掌錦衣衛事左都督朱希孝各遵詔自陳不職上諭



希忠滾功承蒙希孝仍舊視事守正熊淮辭免口方士王金等  
下獄論死金初以修煉黨緣真人陶仲文子世恩希求恩澤乃  
偽造五色靈龜靈芝以爲天降瑞徵又與母恩及陶做劉文彬  
申世文高守中偽造諸品仙方養老新書七元天禱護國兵策  
及以金石藥進御做得遷太醫院使世恩太常寺卿金太醫院  
御醫文彬太常寺博士至是以遺詔遠金等鞠問遂皆伏法

明穆宗莊皇帝實錄卷之三

隆慶元年正月辛未免百官上元節晏。勅諭禮部曰朕聞天地合而後萬物興君之有后固以法天地而育萬物也朕茲光撫洪圖方期位莫于兩儀和宣于二氣教行于國家澤溥于生咸非先正中宮之位名曷克收內治之精效妃陳氏昔荷 皇考選配朕躬兼四德以嗣徽本二南而立則可冊立爲皇后俾闡化于女順用肇慶于坤寧所有合行禮儀爾禮部即會翰林院定議并擇日以聞欽哉。大學士李春芳郭朴高拱各奉詔自陳求退 上俱優詔褒留令益展獻爲以副恭任。吏部左侍郎掌詹事府事陳以勤翰林院侍讀學士掌院事張居正各以考察自陳 上以其學行素優俱令供職如故。戶部尚書高耀禮部尚書高儀兵部尚書趙炳然刑部尚書黃光升工部

尚書雷禮吏部左侍郎吳嶽工部右侍郎徐綱通政使司通政使吳三樂大理寺卿魏尚純都察院右僉都御史趙鏜國子監祭酒林燦各以考察自陳上留儀等供職令耀致仕三樂鏜改用。廢戶部左侍郎劉體乾子滿爲國子生以三年秩滿也。命浙江布政使司右叅政劉祐仍兼僉事管淮揚兵備。戶科給事中何起鳴言邇來漕政廢弛舊制江北糧米當十二月以裏過淮遠者不過明年之三月今或至六七月山東糧米當四月運完遠者不過七月今或至十一月其故在有司怠緩軍衛遷延重以運官科求旗甲侵費弊端莫可深詰漕運失期多由于此今監兌主事雖係專官而部署權輕嘗不得盡施其法巡按御史可以執法而事務繁劇又不得專意于漕按會典浴河關壩每三處設御史一員主償運今宜復國初之舊于南直

隸浙江杭嘉湖添差御史一員給之勅書令其專理漕運其濟寧以南河道舊屬兩淮巡監御史帶管者并以委之監兌時則巡歷淮安以南水盛時則巡歷徐州以北此河道漕運可兼攝而並舉者也戶部覆奏從之。調宣府北路叅將袁世械于中路以宣府遊擊將軍劉潭代世械又以大同鎮邊堡守備指揮僉事尚智爲署都指揮僉事代潭。命河間領軍遊擊將軍劉國賓爲神樞營練勇叅將。壬申禮部進冊立 皇后儀注一  
二十七日早遣官祭告 天地 宗廟 社稷 上親告 大  
行皇帝几筵一前期一日鴻臚寺設節冊寶案于皇極殿內節  
案居中冊東寶西設節冊寶綵輿于丹墀內設中和韶樂于殿  
內設而不作一是日早內官設 皇后受冊位于坤寧宮設節  
冊寶案于受冊位之北設香案于節冊前設內贊二人引禮二

人設內樂于丹陛上設而不作一是日早鳴鐘鼓錦衣衛設商簿大駕上具冕服御中樞殿鴻臚寺官奏執事官行禮畢奏請陞殿導駕官導上陞座文武百官具朝服入班行叩頭禮左右侍班正副使入就拜位贊四拜興傳制官奏傳制執事官舉節冊寶案由殿左門出用黃氍遮送至丹墀內置綵輿中傳制官由左門出稱有制贊正副使跪制曰隆慶元年正月二十七日冊妃陳氏爲皇后命卿寺持節捧冊寶行禮贊俯伏興四拜禮畢執事官舉節冊寶與由皇極門左門出大樂前導設而不作鴻臚寺奏禮畢駕輿節冊寶與至歸極門外正副使北向立內官舉節冊寶與由正門入內樂設而不作迎至皇后宮門外皇后具禮服宮人執扇擁護及擊執在後引禮導引出迎于宮門外內官捧節冊寶由正門入皇后隨至拜位內

官以節冊寶各置于案內贊贊四拜贊宣冊贊跪宣冊女官取冊立宣于 皇后之左訖贊播圭贊受冊宣冊女官以冊跪授于 皇后受訖以冊授女官女官跪受于 皇后之右立于西贊宣寶宣寶女官取寶立宣于 皇后之左訖贊受寶宣寶女官以寶跪授于 皇后受訖以寶授女官女官跪受于 皇后之右立于西贊出圭贊興贊四拜禮畢內官持節由正門出 皇后送至宮門外內官齋節出至歸極門外以節授正副使報禮畢正副使持節復命一是日 皇后受冊畢 上冕服 皇后禮服 上率 皇后詣 奉先殿行謁告禮再詣 大行皇帝几筵前行謁告禮俱如常儀 皇后于內殿俟 上服皮弁服陞座贊引女官引 皇后詣 上前就拜位行八拜謝恩禮畢還宮一是日 皇后受冊畢內官即于宮中設 皇后座南

向設儀仗設內樂不作設內贊二人引禮二人候 皇后謝恩  
禮畢還宮女官請 皇后服燕居冠服陞座引禮引在內親屬  
詣前贊八拜禮次引六尚等女官入班贊八拜禮次各監局內  
官內使行入拜禮一二月朔一日辰時頒詔一前期一日鴻臚  
寺設詔案于皇極殿內東設表案于丹陛上設中和韶樂設而  
不作錦衣衛設雲蓋雲盤于殿內東別設雲盤于承天門上設  
綵輿于午門外鴻臚寺設宣讀案于承天門上西南向是日早  
鳴鐘鼓錦衣衛設鹵簿大駕 上具冕服御中極殿文武百官  
各具朝服入丹墀內俟鴻臚寺官引執事官進至中極殿將行  
禮之時傳旨百官免賀上行五拜三叩頭禮傳單方引執事官  
就次行五拜三叩頭禮鴻臚寺官奏請陞殿導駕官導 上陞  
座翰林院官先捧詔書于中極殿從至御座前東立西向鳴鞭

訖鴻臚寺贊文武百官入班行五拜三叩頭禮訖百官先出承  
天門外俟表文不宣序班隨奉詔案于殿中鴻臚寺官贊頒詔  
翰林院官捧詔授禮部官禮部官捧詔置于案上雲盤內鴻臚  
寺官舉案從殿左門出至丹墀校尉擎雲蓋迎詔至午門外禮  
部官捧詔置綵輿內迎至承天門上開讀行禮如常儀鴻臚寺  
傳奏禮畢 駕輿一頒詔之次日命婦行見 中宮禮得旨免  
命婦入賀餘如儀尋改冊立于二月初九日頒詔于十三日○  
禮部進賜 皇子名儀注一正月十八日 上以命皇子名規  
告 奉先殿及 大行皇帝几筵一是日命 皇子名 上具  
翼善冠服御內殿陞座 皇妃具服朝見行四拜禮畢 皇妃  
侍立東面傅姆携 皇子出自寢詣御前跪 上執皇子之右  
手賜之名而命以辭 皇妃承旨訖傳姆携 皇子還寢 皇



妃四拜禮畢還宮一是日辰時上御宣治門降手勅以皇  
子睿名傳諭禮部行宗人府登識玉牒上是之。勅禮科左  
給事中王治御史王好問查盤內府各監局錢糧已而太監崔  
敏等奏請免查戶科給事中張憲臣劾敏等抗違明詔當治其  
罪得旨內府錢糧詔書所載者自嘉靖四十一年始備開收支  
見在之數與科道官查理不許違抗其詔內不載者亦不得驟  
查敏等勿論于是治等復言詔令已下不宜以中官言輒罷給  
事中何起鳴亦極言其不可上謂敏等所奏具有實數令遵  
旨免查。宣府大同山西秋防事竣督撫官上所部諸將功罪  
兵部覆奏言邊境寧謐皆總督鎮巡之功宜加優養得旨總督  
侍郎王之誥總兵官馬芳巡撫都御史冀鍊各奏銀幣有差。  
癸酉 英宗睿皇帝忌辰 奉先殿行祭禮遣興安伯徐夢揚

祭 裕陵。陞兵部主事何永慶爲通政使司右叅議。夜月  
犯角宿南星。甲戌賜 皇子名 上親告 奉先殿 大行  
皇帝几筵而命皇子以辭曰朕茲恭請命于 祖考賜尔名曰  
夫鈞者言聖王制馭天下猶制器者之轉鈞也其爲義大  
矣尔其念之哉勅禮部曰朕元子已恭請命于 皇祖 皇考  
名曰 其令所司登識之。陞河南道監察御史何維栢爲大  
理寺左少卿。禮部左侍郎潘晟右侍郎丘岳戶部左侍郎劉  
體乾右侍郎劉自強兵部左侍郎邊鳳翔協理戎政左侍郎王  
本固太僕寺卿鄒應龍掌太常寺事禮部右侍郎師宗記順天  
府尹李敏光祿寺卿裴天祐各以考察自陳得旨岳敏天祐吏  
部查議改用餘各供職如故于是吏部擬岳降外任敏等調南  
京俱令回籍候補從之。南京國子監祭酒胡杰自陳求退不

允令赴任供職。刑科都給事中徐公邁劾奏翰林院侍講學士王大任姜儆前以御史訪求法秘蠲致清華且引用方士劉文彬等今文彬等俱正刑章大任儆不宜違罪吏部覆奏大任等原奉旨訪進法士似無所希覲但其巡按時甚有物議當黜得旨俱革職閒住。五軍都督府僉書定西侯蔣佑懷寧侯孫世忠靈璧侯湯世隆安遠侯柳震伏羌伯毛澄安鄉伯張鉉武進伯朱承勳都督僉事袁正周于德徐珏管理園子手廣寧伯劉允中管理紅盔將軍武定侯郭大誠彰武伯楊炳勳衛張元功徐文璧掌府軍衛事泰寧侯陳良弼京營副將都督僉事艾梓王玉李世忠戴元亮提督巡捕都督僉事張時春各遵詔自陳不職章下兵部甄別以聞得旨佑等留用震承勳良弼玉俱革任。詔內官監黑窯等廠舊役鎮朔諸衛軍三百十四人俱

放歸原伍。乙亥上 大行皇帝尊諡遣成固公朱希忠英國  
公張滾朝兩部謝詔祈寧伯譚功承祭告 天地 宗廟  
社稷 上親告 大行皇帝几筵恭上 尊諡冊文曰孝子嗣  
皇帝臣 謹再拜稽首言臣惟宗莫重于承祧宜邈本原而  
欽收德孝莫先於傳美必稽典制以薦鴻名謹合輿情用稱殷  
禮恭惟 皇考大行皇帝睿聖本于天縱剛健協于乾行以英  
斷理萬執維無傍落以沈毅馭羣下法罔私視綱紀畢張樞執  
獨運音無疆之照燭體夙具乎通明施不測之恩威用玉帛于  
神妙粵從全歲深好尚書逮于中干淹冒羣籍聲為伴身為度  
禮樂備而天地官言為法行為則謨烈魚而佑啟逮更新戎政  
辛勵將材南殫倭奴額海之詣氣忘焉吐嘔胡虜運社之巨孽  
咸沐一夫無有橫行四方莫敢逆志注情喪事每親奉于銀祈

功承祭告 天地 宗廟 社稷 上親告 大行皇帝几筵

出御皇極門遣駙馬都尉謝詔詣 陵園獻冊寶奉安 神主

大學士李春芳恭題如儀冊文曰孝子皇帝臣 稽首百拜

上言臣聞其德茂者其報隆其功闔者其名顯矧劬勞之德篤

祐一人發育之功普施四海宜名與報益顯以隆是登有赫之

鴻稱庸闡無前之景烈恭惟 皇妣榮淑康妃積慶堯門蜚英

姒幄方祇奠厚承璇蓋以資生素魄涵精並養輝而朗耀事

大母有婉愉之愛奉 先皇有敬順之誠贊盡敦以維虔載筐

鉤而罔敦歲往伊智深沈允合于合章逮下以仁溫惠寔同于

詡物行昏圖史言悉箴規九御仰風既訥成于坤教 三靈錫

祉乃濬發于震祥誕育眇躬備貽 慈訓茲受憑几之命遂膺

御曆之符省翟綵于舊宮音容已隔望瑤華于玄室悽愴如存

惟木有本惟水有源曷解終身之慕謂天盖高謂地蓋厚難酬罔極之恩爰率彝章通追令範考言于衆稽謀自天徽數崇弁具禋禴之盛禮芳猷表著揚廟祐之大名謹奉冊寶上尊謚曰孝恪淵純慈懿恭順贊天開聖皇太后嗚呼桂殿承歡慟九原之難作蘭宮正號昭萬代以彌光伏冀明靈俯垂嘉享佑我嗣人永保蘿圖之固施及後裔益綿椒實之蕃俾子子孫孫世承裸獻與明無疆謹言。陞戶科都給事中張憲臣工科都給事中王元春吏部郎中余欽中俱布政使司右叅政憲臣浙江元春江西欽中廣西翰林院編修李貴河南道御史李廷龍俱按察司副使廷龍河南貴四川廣西道御史胡鑰爲廣東布政使司右叅議兵科給事中方岳湖廣道御史李文績劉師孟禮部員外郎張翔翰南京戶部員外郎陳嶧俱按察司僉事

座以仗行旅從之。錦衣衛僉書都督李隆部指揮孫鈺攷大  
用攷鐸指揮李永南鎮撫司掌印指揮大質僉書部督黃特冲  
朱特忝部指揮袁憲文陸鐸黃鎧高秉倫王可久指揮黃安陸  
緒余蔭畢光祖張遠滕鳳温矜北鎮撫司掌印指揮程堯相僉  
書傅鉞各遵詔自陳不職章下兵部甄別以聞得旨隆寺留用  
鐸致仕可久矜革任閒住。丙子以上 大行皇帝尊謚詔告  
天下詔曰朕惟自古聖王其生也天下之人相與尊而親之其  
歿也相與頌而思之若堯舜禹湯文武是也洪惟我 皇考大  
行皇帝以上聖之德撫中興之運湛恩所被莫不歸仁明威所  
加罔不震攝蓋在臨御之日爲天下所尊親矣矣逮乎 宸衷  
厭世龍馭遐升朕銜哀茹荼不勝齋毀而凡臣庶亦莫不摧心  
泣血有喪考之感焉茲朕勅諭文武羣臣稽古禮文議薦 謚

號博叅輿論允協至公乃于正月十九日祇告 天地 宗廟  
社稷奉冊寶恭上 皇考大行皇帝尊謚曰 欽天履道英  
毅聖神宣文廣武洪仁大孝肅皇帝廟號 世宗諒爾萬方其  
頌而思焉之心均無窮也屬殿禮之既舉爰渙號之用頒夫仰  
皇考之徽稱則必信從其治教感 皇考之餘澤則必翊戴  
于邦家尚一乃心用若予化播告遐邇咸使聞知。改南京禮  
部尚書葛守禮爲戶部尚書守禮疏辭不允。起原任總督宣  
大兵部右侍郎郭宗臯爲刑部右侍郎通政使司通政使樊深  
原職。以原任總兵王懷邦充爲事官管分守大同靈丘叅將  
事。陞新開口守備指揮麻貴爲署都指揮僉事充宣府入衛  
遊擊將軍。丁丑恭上 孝恪淵純慈懿恭順贊天開聖皇太  
后尊謚命成國公朱希忠英國公張溶定西侯將佐新寧伯譚



軫念歲飢屢命蠲乎通員極民苦則為黜諸司之貪肆日財出  
則為止三楚之經營幸為日心道隆建極定稱親稱帝稱宗之  
議名正言順而事成舉大事大附大義之儀內致外文而誠若  
蓋嘗仰觀于德求允矣卓冠于古今簡冊萬年垂休聲而有赫  
雲仍百世流慶澤以無窮上增廟謨之光下為邦家之祐爰咨  
公論請命于 天謹奉冊寶上 尊謚曰 欽天復道英較聖  
神宣文廣武洪仁大孝肅皇帝廟號 世宗伏惟 聖靈在天  
茂膺景制益弘庇佑永衍熙昌謹言。革工部尚書徐呆職聞  
住呆本工部官匠先以修建功歷陞前職至是考察自陳下吏  
部查議都給事中王元春等劾呆以匠役官正卿其子文燦傳  
陞錦衣衛指揮世襲皆濫名器壞政體宜汰黜吏部覆奏從  
之。吏部奏考察庶官年老戶部員外郎楊啟允等三十八人有

疾監察御史熊迥等六人老疾兵馬指揮許輝等五人貪兵馬  
指揮陳天壽等十人罷軟無為老律署丞陳泉素行不謹戶部  
郎中楊進道等一百一人浮謀淺露吏部郎中唐汝迪等七人  
才力不及吏部郎中南軒等三十人得旨老疾改任貪為民罷  
軟不謹冠帶閒住浮謀不及降一級調外任。今老營堡遊擊  
將軍黑雲龍為分守山西北樓口恭將陞三河守備指揮僉事  
楊嗣于為署都指揮僉事充河間領兵遊擊將軍。兵部議覆  
甘肅巡撫石茂華所言邊事一改置寺官謂莊浪土官指揮魯  
達部曲番衍生數萬人猶得難制宜改涼州行太僕寺寺丞為  
少卿魚以憲職彈壓之一議修牆堡謂莊浪地鄰番虜時被劫  
掠宜于馬營溝何家營修築墩牆堡壘又沙井驛抵苦水灣七  
十里通遠驛堡去西大通驛八十里宜各於適中處築圍莊一

岳師蓋陝西文結浙江翔翰廣東峴四川。吏部覆通政使司  
右通政王正國寺自陳疏擬正國及提督騰黃右通政姜寶太  
常寺少卿羅良魏承詔太僕寺少卿李邦珍李一元順天府府  
丞李邦義俱留用太常寺少卿高復春罷斥鴻臚寺卿陳道基  
大理寺右少卿李承華調外任鴻臚寺卿蕭瀾降二級仍令管  
事從之。總督薊遼保定軍務都察院右副都御史劉燾以考  
察自陳求退 上以其久練邊務諭令供職如故。原任刑部  
侍郎鄔懋卿有罪發遼衛充軍初懋卿與大理寺卿萬案皆詣  
附嚴世蕃奸贓狼籍嘗以巡鹽都御史徧歷郡縣所至供億騷  
擾及橫索有司餽遺無算貪黷恣肆士大夫為之仄目世蕃敗  
有司籍其家世蕃嘗寄案數萬金事頗泄懋卿復給取案金二  
萬案抵罪詞連懋卿有司驗問頗有踪跡懋卿竟坐充軍。詔

削奪故真人邵元節陶仲文官爵及誥命毀墓牌坊牌籍其田  
宅。戊寅以恭上 聖母尊謚詔告天下詔曰朕惟禮不可以  
忘本而孝莫大乎尊親是以自古聖帝明王暨我 祖宗 列  
聖續祚膺圖君主天下莫不致隆于所生蓋天理人情之至也  
咸憲具存在朕爲尤切焉洪惟 皇妣榮淑康妃生稟巽明躬  
備坤則事我 祖妣既克嗣于徽音奉我 先皇寔贊成夫陰  
教和惠洽乎九御恭儉聞于四方委社發祥誕育冲眇不惟保  
愛之曲至抑且訓迪之周詳茲朕獲奉 宗祧紹 列聖之弘  
休續 先皇之大業罔皆 慈誨之貽也顧音容已隔歎霜露  
之屢經尊養欲伸悲風木之不待永言感慕倍結深衷乃考舊  
章並詢輿論特舉追崇之典適隆儷極之稱于正月二十一日  
祇告 天地 宗廟 社稷恭上 尊謚曰 孝恪淵純慈懿

恭順贊天開聖皇太后嗚呼至恩罔報鴻儀少展于孝思大德難名顯號但從于節惠庶廣普天之舉用爲永世之辭播告華夷俾咸知悉。命撤西苑內大高玄寺殿圓明寺閔王熙寺宮及諸亭臺扁額初議盡毀諸修建齋醮宮殿禮部惜其材費請止去扁額從之。卹錄故兵部員外郎楊繼盛左春坊左中允郭希顏錦衣衛經歷沈鍊戶科左給事中楊允繩各賜祭一壇。工部尚書雷禮再上疏乞休不允。己卯萬壽聖節上以大行皇帝梓宮在殯哀痛倍切諭免百官朝賀。免各王府及天下諸司進表慶賀。遣玉田伯蔣榮彭城伯張熊成安伯郭應乾清平伯吳家彥分祭長陵。獻陵景陵。裕陵茂陵。恭陵。康陵。永陵指揮同知文承武祭。景皇帝中官祭恭讓章皇后都指揮同知陳書祭孝潔皇后各陵。

寢都督僉事沈至祭 孝恪皇太后陵園。朝鮮國王李垣遣陪臣戶曹參判尹玉等齎表文方物謝恩賜金織衣綵段等物有差以大喪免晏晏于遼東都司。洮岷寺處蕃族法藏寺寺刺麻番僧及加渴瓦寺都綱領占羅洛思寺各進貢方物給賞如例俱免晏。命原任宣府東路叅將署都指揮僉事方振爲山西老營堡遊擊將軍。先是嘉靖丙寅九月虜犯遼東錦州殺士馬甚衆下御史勘覈至是御史李叔和言黠虜突入地方雖有殘傷而叅將趙完力戰退虜鎮巡官調度得宜當略罪論功詔宥完罪仍賜總兵王治道巡撫都御史魏學曾銀幣。錄廷綏錯峯子岬高廟兒蛇井梁寺處獲功被劾官軍吾太寺三十三人各陞賞如例。庚辰改遼東廣寧遊擊將軍王有臣爲遼東入衛遊擊將軍以廣寧坐營指揮郭承恩爲署都指揮僉

事代之。先是太常寺以祭太社太稷請如近例遣官攝

事。上命禮部查議。至是覆言。臣等謹按禮曰。喪三年不祭。惟

祭天地社稷爲越。緋而從事說者以爲不敢以卑廢尊。以己事

廢公祀也。今太社稷祀典雖在。世宗皇帝未升祔之前。然

稽諸越。緋行亨之說。似不可廢。宜如憲宗武宗朝例。鴻臚

寺免詣陞殿太常寺具本奏。知至期請皇上躬詣壇壝。具服

致祭。樂懸而不作。致齋之日。上具黃素袍翼善冠。百官淺淡

色衣朝參。其陪祀官各具祭服。行禮如常。上從之。○革道官

金中剛寺太常高士職號。并收中剛及陶世恩玉印五牙印一

銀印一銅印十。辛巳。孝靜毅皇后忌辰。奉先殿行祭禮。

遣都指揮同知王極祭康陵。黜吏科都給事中胡應嘉爲

民。尋以原職調外任。初應嘉在。先朝論大學士高拱欲中以

危法拱頤銜之及吏部考察庶官應嘉謂尚書楊博曲庇鄉里以私憤謫給事中鄭欽御史胡維新因上疏劾博考察不公狀大學士徐階郭朴與拱謂應嘉黨護同官挾私妄奏首犯禁例擬旨黜之于是臺諫諸人疑其意出于拱謂拱休故怒脅階以黜應嘉思有以撼之矣兵科給事中歐陽一敬因論救應嘉語侵拱其疏言 陛下初登大寶宜以堯舜明目達聰爲法即使應嘉言妄猶當宥之而況言實不妄乎且 陛下以博爲大臣專任之乃黜應嘉以快博意使忠直敢言之士憤懣而不發此大臣之利非 社稷利也往時給事中張岳曹棟趙忭忤博博輒出之其切商臺諫矣茲以考察去者科道官半之是烏得不爲私忿而博籍山西並無一人又烏得不謂曲庇使應嘉竟由此黜則言官以言爲諱他日大臣有大惡誰當言者且應嘉



素號敢言即今輔臣高拱奸險橫惡無異蔡京將來必爲國巨  
蠹應嘉亦嘗極力論列諸臣孰有如其任事任怨者哉應嘉前  
疏臣實與謀臣才識又不及應嘉遠甚若黜應嘉則不若黜臣  
章下所司是日給事中辛自修監察御史陳聯芳等俱交章論  
救陷奪于衆論亦自悔處應嘉爲過乃改擬應嘉調用而拱又  
疑一敬之疏謂陷主之兩人之隙深矣然應嘉爲人傾險好訐  
士論亦薄之。大學士高拱上疏言往時胡應嘉劾臣親侍郎  
李登雲不數日而臣即入閣以此相防遂謂臣不樂直賢移家  
具以出賴先帝洪慈不加誅譴而應嘉一擊不中相防愈深  
臣亦時謹避之矣乃應嘉去官而一敬論臣則何爲乎蓋一敬  
應嘉之密友應嘉去一敬恐不得自安遂明爲此言挾臣以自  
固其言應嘉所奏臣寔與謀可知矣至謂臣奸橫比之蔡京必

以某事爲證乃一無所指而徒曰姦橫曰蔡京誠何據哉近日人情不一固是紛然即無一駁之論臣亦欲乞身而况有此論乎古人云大臣不重則朝廷輕使傳之四方謂真有蔡京在位臣不足惜豈不取輕朝廷耶疏入上曰卿心行端慎朕所系知茲方切眷倚豈可因人言輒自求退宜即出視事不允辭是日吏部尚書楊博亦奏輝應嘉論劾事因乞解職上亦諭留之○壬午勅諭禮部曰皇妣孝潔皇后皇妣孝烈皇后昔皇考雖已定有謚號而尊稱尙未備茲將屆祔葬享之期爾禮部會官議擬并具合行禮儀來聞○賜秦王懷德謚曰宣尚城王勤斌謚曰榮簡○量卜韓胡宣慰使司加渴寺率教翊善國師賈思八領占姪南伽兒賈思八族賦賜誥命勅諭○陞翰林院侍讀學士致居正爲禮部右侍郎兼翰林院學士○

吏部尚書楊博再以疾求退不允。復除雲南按察司副使。既正戍于湖廣。陞兵部主事海瑞為尚寶司司丞。陞南京通政使司右通政鄭世威為都察院右僉都御史。大學士高拱再疏乞休。謂去歲胡應嘉劾臣不肯直贊。意欲殺臣。彼時即欲乞休以先帝不豫。不敢自明。又皇上初登大寶。典禮方殷。又不可言去。今歐陽一敬又踵應嘉之說。易口而談。以求必勝。夫閹臣重臣也。乃因攻擊他人。輒相連引。臣亦忘士也。乃肯漫無指據而徒加詆誣。臣何能醜顏就列。况今黨比成風。紀綱潰亂。仗聖主孤立于上。而無有為收拾之者。有識之士畏懼而願去者多。不直臣也。上答曰。大臣之道。重在廉濟。不專潔身。宜遵前旨。即出以副養侍。不允辭。陞司經局洗馬焦翰。林院侍講殷士儂為本院侍讀學士。學院事。發太倉銀七千兩于

副鎮以備撫賞夷人從總督劉燾請也。今福建行都司掌印  
署都指揮僉事胡守仁為廣東大城所水路泰將四川行都司  
僉事署都指揮僉事沈鯨為四川壘茂南路遊擊將軍。陞延  
綏保寧堡守備指揮僉事王國武抵港守備指揮僉事吳郁俱  
署都指揮僉事國武充本鎮入衛遊擊將軍都領南京江防遊  
兵。先是宣大總督王之誥奏南山自青石頂至合河口一切  
山險皆屬副鎮而宣鎮皆斷岡平麓無復險阻雖設礮墩備瞭  
望不可恃以為固且其地無水成者苦之請以步卒千人助副  
鎮守邊垣仗副鎮得兵宣府之兵得險于計為便既而副鎮總  
督劉燾復言本鎮兵馬部署已定不必增兵且礮墩乃宣鎮已  
成之業不當輒棄惟各守分地庶功罪無所推諉部主燾議因  
乞南山馬 陟京藩離間係甚重設有虜警則令昌平聽兵南

山叅將互相策應輜車相倚則於各守之中寓協守之意。上從部議，因令計處戰守之備。於是兵部復上南山戰守之策。一議險要謂薊鎮自白羊口長峪城橫嶺鎮邊城至合河口延袤八十里宣鎮自幫水峪沙嶺口瑞雲觀口火石嶺扶搖峪廟兒灣寺口至合河口延袤亦八十里皆南山險要宜各加增修一議兵馬謂薊鎮宜募兵三千人統以叅將宣鎮募兵一千隸之南山又薊鎮多險利用步宜給馬三百匹宣鎮無增利用騎馬宜倍給一議錢糧謂二鎮增築工費及募兵安家修治器械計用銀四萬兩請於太倉庫及太僕寺馬價各撥二萬兩輸之報可。○癸未勅諭禮部曰朕茲萬彞倫遵舊制加謚元妃李氏為孝懿皇后裕世子為憲懷太子監田王為靖悼王追封女女為蓮菜公主次女為太和公主爾禮部其具禮儀來聞。○革大

同平虜恭愍劉文輝任仍命總督官遠問以大同右衛恭愍麻  
錦代文輝宣府西路恭愍劉國代錦先是平虜衛家丁亓世勳  
寺作亂旋執擒戮至是撫按官言軍變皆文輝貪忌剝下所致  
且言錦國庶勇可用政有足命。錄遼陽寺處獲功陣亡官軍  
李樹功等五十人各陞賞如例。甲申吏部尚書楊博奏辯歐  
陽一敬疏絕無事實因力請去位。上曰卿心跡無私公論有  
在豈可因人言求退不允特吏部左侍郎吳嶽亦上疏乞休並  
懇留之。總督宣大山西兵部五侍郎兼都察院右僉都御史  
王之誥以考奉自陳。上不允令盡心督理邊務。進封唐順  
王宙林前妃周氏為唐順王妃。禮部言宗室庶人請給婚資  
必待各府勘度本部覆議然後給與惟南京庶人不得奏請往  
自支給兩數又獨多事體不一請自今南京庶人壬子南京禮

部併勘登冊待及婚娶之牛乃馬直奏炤各處事例給與表裏  
猪千及首飾銀二十兩往特一婚折銀八十八兩之例原非成  
憲當改正從之。先是代王奏大同知縣朱可進官軍輔圍將  
軍俊柳而撫按官張志孝蒙詔入言諸宗室毆傷可進 先帝  
今刑科右給事中嚴從簡杜勒至是勘報實俊柳以私恨誣可  
進官辱已而奉國將軍俊鞬及俊柳男增福等宗室數百  
率校射擊毆可進又輒加鎖縛請治俊柳等罪而調可進他縣  
因言代府諸宗倡立大會有事則聚衆鼓譟凌暴官府漸不可  
長請諭代王鈔束宗室解散私會毋令逞惡不悛事下禮部都  
察院以俊鞬等犯在赦前覆請寬宥而劾治諸校尉免遣衛軍  
從之。六科給事中歐陽一敬等十三道御史陳萬言等以武  
職自陳考覈被遺劾奏左府掌府事英國公張溶南京復府僉

喜都督昌壽山西鎮守總兵官董一奎管浙江總兵事馬事官  
劉顯錦衣衛管衛事都督李隆錦衣衛南鎮撫司管事都指揮  
束憲文高秉倫指揮滕鳳趾鎮撫司理刑指揮傅斌各不職伏  
上以溶勳舊重臣留之一奎顯降用壽等悉革任。今原任  
本將署都指揮僉事高遠茂萬光遊擊竹軍邊薊鎮入水峪萬  
固原領軍。先是河決沛縣議者請修復運河改道乃勘議新  
集郭員樓等處上源已而總理河道南喜未衡言古之治河惟  
欲避害而今之治河又欲資其利故河流出境山以北則開河  
淤出徐州以南則二洪濶惟出自境山至徐州十里橋四十餘  
里間乃兩利而無害自黃河橫流碭山郭員樓支河皆已淤塞  
改從華山分爲南北二支南出秦溝正在境山以南五里許此  
誠運河之利也惟址出沛縣西及飛雲橋逆上魚臺爲患甚大



聖慈不忍沛縣魚臺之民橫罹水災季春欲開改道臣等仰體聖心亦有勸議上源之請但考之地形忝之輿論其不可者有五自新集至兩河口皆平原高阜無尺寸改道可因卽欲涿深無異穿井郭員接至龍溝一帶頗有河形入俸新淤無可駐足譬諸取館于壘隨取隨滿其不可一也黃河所經鮮不爲患由新集則尙虞夏厄受之由郭員接則蕭陽受之今欲改復故道則魚沛之禍復移蕭陽其不可二也黃河西注車山勢若建瓴又無涇洩欲從中鑿渠挽水南向必當築壩橫截迫其東奔于狂瀾巨浸之中策數里之壩馬力甚難其不可三也役夫三十三萬曠日持久勞民于既廢之餘儼功于難必之地騷動三省其不可四也大役踵興工費以數百萬計置之後措置無策一有不繼前功盡墜其不可五也臣以爲上源之議可罷

惟聞廣泰溝使下派通行修築南長堤以防奔潰可以甦魚泮  
昏墊之民工部請從衡議上曰可。丙戌進封寧安公主為  
寧安長公主。禮部言畢朝登極之歲聖駕親祭先農行  
耕耨禮令世宗皇帝梓宮在殯請移于明年從之。六科緝  
事中張鹵等十三道御史部先等以文職自陳考察拾遺劾  
奏工部左侍郎張守直當罷國子監祭酒今陞南京工部右侍  
郎汪銓太常寺少卿羅良都察院右僉都御史劉秉仁工部尚  
書雷禮南京刑部尚書錢邦彥原任太僕寺少卿王文炳宜令  
致仕吏部郎中劉存南京太常寺少卿吳遵宜降用戶部尚書  
高維宜革職為民吏部覆議以請得旨禮部彙奏仁孝留用守  
直銓良別用遵訓外任文炳致仕維聞任。詔歲給韓定王妃  
譚氏食贍米二百石

明穆宗莊皇帝實錄卷之三

明穆宗莊皇帝實錄卷之四

隆慶元年二月丁亥朔皇女生○祭先師孔子遣大學士李春芳行禮○遣國子監祭酒祭啟聖公孔氏○以永陵享殿興工暫移孝烈皇后神位奉安于席殿遣侍郎徐綱行禮○巡視光祿石給事中孫枝言光祿寺各門庫坐門監收等官額陟太冗凡行戶買辦司府解納率求取常例不勝其擾宜行司禮監查覈俸額外增添者悉除之故事巡視有給事中御史各一員其後添差查刷御史宜併查刷于巡視戶部都察院覆奏報可○詔歲給秦王妃崔氏養贍米二百石○戊子 上親祭太社 太稷是日鳴鐘樂設而不作餘如舊儀○工部尚書雷禮從上疏乞休不允○己丑春分祭大明于朝日壇遣成國公朱希忠行禮○庚寅禮部上 孝潔皇后尊諡議文曰伏惟

孝潔皇后應地發祥自天作合際景運一新之會膺 先皇六禮之下媿德 至尊樹母儀于七載承顏長樂修婦順于三宮左右合國史之文竊窺騰河洲之詠寵周魚貫小星之惠惟均擊豫雞鳴永巷之規尤切 慈恩下逮容聞弘宣敦慎出于自然而安貞允協端莊著于顯若而靜正攸兼昔在嘉靖之初號為極治之世頌駟虞而歌麟趾本源固出于文王始閔睢而終鵠巢贊助實資于太姒惟仙齡之弗永致 聖念之孔殷主藏夾室之中時有待于升祔陵建橋山之次制符異于墳園茲恭遇 皇上追體初心祇承 末命既彝典之更正宜 鴻號之加崇臣等俯俟羣言仰稽令則 孝潔皇后尊諡宜 天錫之曰 孝潔恭懿慈睿安莊相天翊聖肅皇后妥靈清廟祔宅玄宮享祀萬年垂光無極謹議 孝烈皇后尊諡議文曰伏惟

孝烈皇后坤輿毓秀月相呈奇淑德上開始升華于嬪御徽音  
內著繼晉位于后宮端莊協地道之方柔順得陰儀之正敏于  
事 上動合淵衷惠以待人茂宣臺譽兼有齊之度敬恭匪懈  
于夙宵操無斁之心誠一不渝于久暫乃若壬寅之歲偶當運數  
之化扶顛持危 社稷賴之底定發奸殺逆閔由之肅清是  
以生而 宸眷特隆歿而 皇恩尤篤謚之曰烈用表懋功葬  
之于 陵式昭殊禮乃茲陟 廟祔享在 祖宗之制固莫之  
敢違而節惠尊名于臣子之情則猶得自盡臣等謹遵明諭祇  
接彝章 孝烈皇后尊諡宜 天錫之曰 孝烈端順敏惠恭  
誠祇天衛聖皇后用垂懿範永播休聲謹議○庚寅封皇親錦  
衣衛指揮僉事杜繼宗為慶都伯正千戶李銘為德平伯副千  
戶陳景行為固安伯各歲給祿米千石○辛卯禮部進上

孝潔皇后 孝烈皇后尊謚冊寶儀注以二月十五日恭上

尊謚冊寶如上 孝恪皇太后尊謚冊寶儀又進加 孝懿皇

后謚號儀注一二月十八日遣官持節捧冊寶加謚 孝懿皇

后詣 陵園行禮一先期一日鴻臚寺設節案內侍官設冊寶

輿青亭于皇極門東一是日早遣官以加謚 孝懿皇后告

奉先殿 上具素翼善冠麻布袍腰經親告 世宗皇帝几筵

至期 上仍具前服御皇極門百官俱烏紗帽素服黑角帶入

班行叩頭禮畢左右侍班序班引遣官入就拜位序班舉節案

于皇極門正中遣官行五拜三叩頭禮畢序班舉節案內侍官

舉冊寶輿香亭俱由左階降鴻臚寺奏禮畢 上還錦衣衛官

校儀節冊寶輿香亭由中門左門出鼓樂前導設而不作遣官

隨至 陵園一是日太常寺先于 陵園陳設祭品如常儀鴻

臚寺設節冊寶素于 享殿內節中冊左寶石設香素于節素  
前內侍官設 主素于殿東俟節冊寶興至 陵園由中門進  
至 享殿前捧節冊寶官由殿中門入各陳設于素內贊贊遣  
官就位贊上香贊宣冊宣冊官取冊立宣訖復置于素執事官  
隨舉 主素于香案前稍東西向題主官進至 主素前東立  
西向內侍官至神牀跪奏謹請 孝懿皇后神主恭用奉題內  
侍盥手捧 主安于素上中書官重寫題主官盥手奉題訖內  
侍官奉 主安于神座跪奏謹請 神靈上 神主內贊贊遣  
官奠獻讀祝行禮如常儀禮畢內侍啓履覆 主奉安于神座  
訖冊寶收貯 享殿次日遣官持節復命○陞大理寺左寺丞  
唐繼祿為本寺右少卿福建布政使司左布政使鍾卿為光祿  
寺御山西按察司副使趙鏘為陝西苑馬寺卿○復除禮科都



給事中楊思忠于吏科兵科都給事中李用敬于戶科○勒徐  
州兵備副使余朝卿閒住以巡按御史蘇朝宗初其不職也○  
遼東巡按御史李叔和言遼東一鎮三面鄰虜而以河之東西  
為界春夏秋備河西河水既合則備河東總兵官為本鎮保障  
當審緩急策應今乃坐鎮河西而以河東付之副將雖云畫地  
分守然所部士馬亦不足與廣寧寧前錦義鎮武諸路相等天  
虜無多寡而兵有強弱今一月之間三犯河東坐視其虜掠不  
為之所是秦人之視越也且總兵部下驍騎皆所選河東精銳  
括此精銳之卒豈直為河西計哉臣謂總兵宜以隆冬之時移  
鎮遼陽以援海州瀋陽水解回廣寧以防土蠻燕東西皆有備  
兵部覆奏從之○壬辰罷祭金海宣靈私濟之神○禮部言  
皇懿皇后宜奉祀內殿請以 神主祔享 孝恪皇太后專殿

之側從之。○勒洱海道僉事蕭鳴邦開任以巡按御史劉思問劾其不職也。○贈故刑部尚書鄭曉為太子少保賜祭二壇遣官造葬謚莊簡復以巡撫鳳陽時禦倭切瘥其子履準為國子生。○改巡撫雲南兵部尚書兼都察院右都御史呂光洵為南京工部尚書以三年考滿瘥其子應巖為國子生。○巡撫山東右副都御史洪朝選巡撫保定石僉都御史張師載巡撫宣府石僉都御史冀鍊各奉詔自陳乞休不允。○陞古北口副總兵署都指揮僉事申維岳為署都督僉事充總兵官鎮守山西三閩。○起原任宣府副總兵焦澤為五軍營副將。命隰川王府輔國將軍俊楷管理府事。○癸巳命恭順侯吳維爵掌中軍都督府事南和伯方炳掌石軍都督府事。○調山西中路叅將李世臣為宣府西路叅將。○宣大巡按御史蒙詔勸上嘉靖四十年

五年七月虜犯宣府右衛官軍功罪兵部覆奏得旨參將補于漢把總解生各陞一級守備魏棟張臣郝錦李楹及提調把總等官俱逮問。先是都給事中辛自修等以朝儀久曠班行不肅請令禮官考議成式疏下禮部及禮科會議。至是奏言國家初制百官以品序列。故今皇極殿前所列品山表識森然。其後更定制度。又有不拘于品者。如內閣官錦衣衛陞立寶位之東西翰林學士列于僉都御史之上。其他翰林官不論品級。叙于京堂之內。科道官自為一等。列于部屬之先。及鴻臚寺尚寶司。列于西階。三科六道與東班對侍。雖若次序參錯。班行混淆。然或以顧問糾察。或以奏事承旨。莫不有因難以輕改。今後常朝。悉如此例。其餘官員仍依品級。崇卑衙門資叙。為列。如有奏越聽糾儀官糾奏。至于各官被服束帶會典所載。甚明。不得僭

用以乘典制從之。○禮部進加謚憲懷太子靖悼王及追封遂  
萊公主太和公主儀注一二月十九日遣官持節捧冊加謚憲  
懷太子靖悼王追封兩公主各詣墳園行禮一前期鴻臚寺官  
設節案內侍官設冊與二并香亭俱于皇極門東別設冊與香  
亭于皇極門西一是日早遣官告奉先殿上親告世宗  
皇帝几筵至期上素冠服御皇極門百官俱烏紗帽素服黑  
角帶入班行叩頭禮畢左右侍班遣官就拜位序班舉節案置  
于中贊五拜三叩頭禮畢序班舉節案內侍官舉冊與香亭俱  
由左階降別設冊與香亭由右階降鴻臚寺奏禮畢上還加  
謚憲懷太子節冊與香亭由午門等左門出追封兩公主冊與  
香亭由右門出遣官各隨行至墳園宣冊題主行禮如孝慈  
皇后陵園儀○襄王厚頰薨上輟朝三日賜祭六壇遣官致

祭營葬賻謚曰莊○甲午遣順天府官祭先農之神○遣禮部侍郎潘晟祭三皇于景惠殿○遣太醫院官祭先醫之神○起原任巡撫湖廣都察院右副都御史林雲同為刑部左侍郎陞大理寺卿魏尚純為工部左侍郎○總理河道工部尚書兼都察院右副都御史朱衡奉詔自陳乞休不允○陞江西布政使司左叅議黃正色為山西按察司副使陝西臨洮府知府劉時舉為甘肅行太僕寺少卿○改太僕寺少卿林潤為太常寺少卿提督四夷館○陞史料給事中周怡為南京太常寺少卿○陞太常寺寺丞素好禮為本寺少卿○浙江道御史李輞言邊腹京盤錢糧五年一查冊籍浩繁難于檢覈歲盤錢糧撫按會同事多牽制請以京盤併于歲盤一年一查而歲盤錢糧專屬巡按不必會同巡撫則事簡任專侵冒之弊可免特管屯郎中

程鳴伊亦以爲言仍請給各還巡按御史專軌行事戶部上其議從之○錄嘉靖四十四年十月遼東義州大輝堡獲功死事官軍倪宗堯等三百六十五人四十五年九月錦州大勝堡陳世勳等三百二十五人各陞賞有差○乙未遣英國公張溶定國公徐延德駙馬都尉謝詔李和以冊立 皇后告 天地 宗廟 社稷 上親告 世宗皇帝几筵命成國公朱希忠充正使大學士徐階充副使持節奉冊寶冊妃陳氏爲 皇后冊曰朕聞運隆虞室重華資媯納之賢命集周京文謨藉洛陽之淑蓋紫掖之表儀斯在而瑤齋之贊佐似閔德必著于倪大號乃崇于儷極咨爾妃陳氏毓秀儒門作嬪潛邸恭勤治內綽有邑姜之風雍睦宜家迥踰長孫之行女箴之服習既久王度之裨益良多予茲應運以當天爾宜正專而應地是月遣使持節

以金冊金寶立爾為 皇后尚其丕闡坤儀祇承乾御贊 宗

祧之祀事益秉精誠壺闈之懿規彌敦勤儉恩敷魚貫慶衍

螽斯茂膺渥眷于維新永播徽音于無斁是日遂詔天下詔曰

朕聞古者天子聽外治后聽內職是以內外和順國家理治稱

德焉朕茲誕膺 天命君臨萬方深惟王化之誠宜資女士

之助妃陳氏受命 先皇配朕潛邸徽音克嗣坤道夙彰是用

祇告 天地 宗廟 社稷以隆慶元年二月初九日冊立為

皇后正位 中宮共承 宗祀庶弘四海之化益開萬福之

原播告中外咸宜知悉○祭歷代帝王遣成國公朱希忠行禮

○直隸巡按御史王廷瞻劾奏南京兵部右侍郎劉畿前以給

事中管工躡齋顯及險倭早汚宜罷斥狀疏下吏部覆議畿雖

陞轉太驟而巡撫時頗有勞績未可遽棄得旨令策勵供職○

陞兵科左給事中馮成能為都給事中禮科右給事中朱繪為  
左給事中吏科給事中吳時來戶科給事中舒化俱右給事中  
成能繪俱工科時來吏科化刑科○陞雲南按察司副使莊莅  
民為山西行大僕寺卿廣西按察司僉事張冕為本省右叅議  
○上以登極加恩提調講讀及侍從藩邸諸臣陞少師兼太  
子太師吏部尚書建極殿大學士徐階于中書舍人瑛為尚寶  
司少卿加太子太保吏部尚書武英殿大學士李春芳郭朴俱  
少保舊講官禮部尚書兼文淵閣大學士高拱為少保兼太子  
太保武英殿大學士吏部左侍郎兼翰林院學士掌詹事府事  
陳以勤為禮部尚書兼文淵閣大學士禮部右侍郎兼翰林院  
學士張居正為吏部左侍郎兼東閣大學士俱內閣辦事翰林  
院侍讀學士殿士儋為禮部右侍郎兼翰林院學士陞光祿寺



少卿王凝為太常寺少卿掌尚寶司事戶部員外郎尹樂齊為  
光祿寺少卿禮部員外郎劉喬庸為尚寶司卿禮部主事吳自  
峒為尚寶司少卿侍書制敕房辦事中書舍人周維藩為光祿  
寺寺丞鴻臚寺主簿吳自成為本寺寺丞于是階春茅朴拱  
以勤居止士儋皆具疏辭免恩命上各加褒勉不允辭○司  
禮監太監梁鈿等奏裕府莊田累年增稅太重宜如舊額畝徵  
銀三分五釐寶源和遠二店及煤窯樹株等條稅止遵正額徵  
解不得復徵房課從之○降原任山西總兵官董一奎為副總  
兵管分守薊鎮古北口叅將事○陞階州守備指揮僉事何遵  
化為署都指揮僉事克延綏遊擊將軍○陞南日山把總指揮  
僉事羅維祖四川守備指揮同知曹希彬俱署都指揮僉事都  
司僉書維祖福建希彬四川○釋原任四川按察司僉事趙祖

鵬為民祖鵬前為翰林編修結姻權貴頗為士論所鄙及罷居  
家其族人趙馴許泰祖鵬作詩訕上自以宋代子孫借擬喻等  
及侵奪寺宇田宅諸不法事詔徵下獄論死上即位刑部以  
祖鵬雖貪橫至以語言妄誕坐重辟不無可矜遂釋○丙申  
孝貞純皇后忌辰奉先殿行祭禮遣都督僉事沈至祭茂  
陵○遣戶部侍郎劉體乾祭京師太倉之神○遣順天府官祭  
宋丞相文天祥太常寺官祭恭靖公姚廣孝○陞順天府丞李  
邦義為南京鴻臚寺卿○丁酉陞雲南布政使司左布政使陳  
紹儒為順天府府尹廣西布政使司左叅議向洪為按察司副  
使直隸廣德州知州李得春為按察司僉事俱雲南○時京城  
內外錢法不通詔戶部都察院議所以便民者戶部奏言錢法  
之弊其說有三當嘉靖初年崇文門等處稅課皆徵錢官吏俸

給小民貿易皆資于錢故錢之用廣其後誦戶濫收惡錢以充  
俸鈔錢稍不售及稅課專徵銀而不徵錢又民間止用制錢不  
用古錢于是法錢始壅一也又法令疏闊私鑄者多真偽混淆  
則煩擇揀擇揀太精則礙行使二也又無知小民聽信訛言轉  
相搖惑謂制錢且罷遂格不行三也臣等以為偽錢及濫惠者  
可禁勿用其餘若洪武永樂宣德弘治及嘉靖制錢并先代一  
切舊錢俱宜聽民間相兼行使其稅課房號行戶等銀俱令收  
錢如偽造及阻撓低昂價值者重罪之如此則偽錢不售錢法  
自通詔從其議○兵部覆御史顧廷對條上馬政便宜一保定  
等府冬被災傷其起俵馬宜以差減徵折色如完廩曲陽靈壽  
行唐沂費鄆滕嶧十州縣減十之四滄益山安慶都邢臺內丘  
沙河邯鄲濱蒲臺霑化海豐新城濟寧汶上十五州縣減十之

三清苑安肅孟博野定平山開滑內黃灤武定十一州縣減十之二每馬折價八兩解部以蘇民困一有司貪縱馬政廢他宜覈其瘦損分數以輕重議罪朝覲之日聞報吏部以待黜陟一兵備道所轄有種馬州縣者宜于牧中增入帶管馬政一事每歲令查點二次務舉實政毋滋煩擾一孳牧種馬以公差借用多至疲死宜嚴行禁約一種馬人戶宜如寄養事例五年一編務擇丁田相應之家編充馬頭責令專養其餘止充貼戶不得輪養以致推誤倒損 上皆允之○戊戌陞福建布政使司左布政使陳大賓為都察院右副都御史巡撫雲南兼贊理軍務○都察院右副都御史李一瀚以疾請告四川按察司副使李貴以親老乞終養俱許之○加恩藩邸侍衛甯直執事廠衛官校提督太監黃錦廕弟姪一人錦永衛指揮僉事提督太保兼

太子大保左都督朱希孝進兼太子太傅輪直都指揮使孫鈺  
陞者都督僉事都指揮僉事張大用陞都指揮同知指揮僉事  
李永陞指揮同知理刑千戶譚宏百戶白一清各陞一級其餘  
官校力士下兵部擬奏陞實有差○己亥陞雲南布政使司右  
叅政盧岐嶷為貴州按察司按察使浙江布政使司左叅議程  
大賓為廣東按察司副使○封乳母榮氏為奉聖夫人其夫余  
寶授錦衣衛指揮同知○陞寧夏北路叅將署都指揮僉事牛  
秉忠為協守延綏副總兵○先是虜犯延綏小芹河副總兵黃  
演元之至是科臣請卹錄演因言虜衆去邊未遠乞軟邊臣嚴  
加防禦兵部覆奏 上是部議命贈演都督同知立祠享祀加  
祖職三級仍廢一子正千戶世襲○錄嘉靖四十五年四月遼  
東西平堡死事官軍二百八十五人各授其子官一級○庚子

授推官鄭大經張齊王之垣李貞元徐尚知縣莊國楨胡價行人張應治俱給事中大經史料國楨戶科價禮科齊兵科之垣刑科貞元工科應治南京戶科尚南京兵科○以廣東遊擊將軍魏宗瀚為廣州惠潮叅將○總督陝西三邊侍郎霍冀請罷延綏總兵官郭琥回衛兵部覆奏 上以琥才勇命降副總兵調衝邊用○辛丑上 孝潔皇后 孝烈皇后尊諡冊寶是日早遣成國公朱希忠定西侯蔣佑駙馬都尉許從誠安千伯方承裕祭告 天地 宗廟 社稷 上親告 世宗皇帝几筵遂出御皇極門遣英國公張溶定國公徐延德奉冊寶恭詣二陵上之 孝潔皇后冊文曰孝于皇帝臣 稽首百拜上言臣聞國有大事必 祖憲之是遵人有公言即 天心之攸在屬將告于 廟而升楸謹用稽于眾以尊名恭惟 皇妣孝

潔皇后沙麓炳靈河州騰譽以孝愛承 三后懌洽 燕閑以  
端潔奉 一人敬孚 宸極身範克待乎淑順壹儀允備乎徽  
柔溥逮下仁每見感昂參而頌德明事 上之義屢闕脫替珥  
以獻忠安貞獨得于性成莊敦夙徵于教立爰修內治贊外治  
以咸和式闡坤元佐乾元而資始承 天之功業著協 帝之  
美斯昭邇前代之舊章文母實並尊于 烈考按本朝之定制  
元配乃祔享于闕宮敢順人以颺言肆籲 天而稱命謹奉兩  
寶上 尊謚曰 孝潔恭懿慈睿安莊相天翊聖肅皇后伏惟  
慈靈降鑒彝典茂膺歆陟 廟之明禋崇儼 皇之鴻號垂光  
有奕錫佑無疆謹言 孝烈皇后兩文曰臣聞名以謚尊而虛  
情虔厚斯謚之所由傳禮以義起而報德報功乃義之所由協  
恭惟 皇妣孝烈皇后德稟坤純道承乾健奉 兩宮之盛饋

克副徽音助 九廟之蒸嘗尤嚴孝享六壺式端莊之範 一  
人資和順之休將事惟勤於悅之規無斁宜家以惠江沱之詠  
時聞動周弗致言皆有物至解宮闈之難尤為 社稷之功視  
漢姬之富熱心等而力倍擬舜妃之興藥事異而勲同爰稽衆  
論之公式遵節惠之義謹奉兩寶上 尊謚曰 孝烈端順敏  
惠恭誠祇天矧聖皇后代惟 懿靈鑒格茂享鴻名益薦慶于  
邦家永流光于圖史謹言○陞福建布政使司右布政使劉光  
濟雲南布政使司右布政使鄔健俱本司左布政使○陞尚寶  
司卿邢宇庭為順天府丞○陞福建按察司僉事戴從儉雲南  
按察司僉事張佳胤俱布政司左叅議從儉浙江佳胤廣西○  
上加恩內臣歲加司禮監太監黃錦祿米二十四石詹弟姪一  
人錦衣衛指揮僉事王本馮保各弟姪一八錦衣衛正千戶胡



明喬明曹憲各弟姪一人錦衣衛百戶從龍太監梁鈿李芳歲  
加祿米三十六石廕弟姪一人錦衣衛指揮同知張仲恭崔廷  
玉陳鈿陶金呂用崔玉高相榜義張恩各廕弟姪一人錦衣衛  
正千戶宋朝用張潤榜添壽馮明夏雲嚴用李佑各廕弟姪一  
人錦衣衛副千戶張廷周保王榮李忠李鑾趙朝郭陽李惠趙  
忠陳忠李祿各廕弟姪一人錦衣衛百戶于玳劉用各廕弟姪  
一人錦衣衛所鎮撫俱世襲○內官監太監李芳劾奏原任工  
部尚書革職閑住徐杲與監正王儒等六人前修理蘆溝橋侵  
盜官銀萬計得旨命錦衣衛執杲等送法司鞫問刑部擬如律  
追贓發遣從之○壬寅陞禮科給事中辛自修為太僕寺少卿  
大理寺右寺丞溫如璋為本寺左寺丞山東道御史王諱為大  
理右寺丞○陞江西瑞州府知府方邦慶為雲南按察司副使

○調南京鴻臚寺卿陳道基為四川按察司使○命陞皇親錦  
衣衛百戶李鈺為指揮僉事鈺德平伯銘弟也○兵部覆總督  
陝西三邊侍郎霍冀陳經畧延綏五事一本鎮邊牆西偏最當  
虜衝今修築未完者尚四十餘里工費甚鉅請令戶部以本鎮  
募兵銀四萬兩及主客兵馬借支過修邊銀三萬餘兩連為處  
給一請移協守副總兵于東路孤山堡一請建延安靖邊守禦  
千戶所于靖邊營設守印巡捕千戶各一員吏目一員管理所  
事其各堡領斛軍馬錢糧悉憑印出納一本鎮缺馬一萬七千  
五百有奇乞量撥太僕寺馬價銀三萬兩買補一延安府衛并  
膚施縣逼近邊徵城池空虛其調去鎮靖堡新軍五百七十人  
宜仍還本衛備操又威武堡設有守備原議兼防清平懷遠今  
清平已設遊擊守備即當裁革俱從之○癸卯以清明節遣太

田伯將榮彭成伯張熾成安伯郭應乾璠安伯徐夢時分祭  
長陵 獻陵 景陵 裕陵 茂陵 泰陵 康陵 永陵都  
督僉事沈至祭 景皇帝陵寢都指揮同知陳書祭 孝潔皇  
后及 袁冲 莊收二太子都指揮同知王極祭 孝恪皇太  
后指揮同知文承武祭 孝懿皇后中官祭 恭讓章皇后及  
廢后吳氏各陵園。敕諭文武羣臣軍民人等曰朕恭膺 天  
命副承大寶已推恩覃及宇內顧惟在京文武羣臣軍民人等  
昔奉我 先帝令事朕躬效勞尤多宜加特獎分別等第給賞  
公侯駙馬伯每員紵絲四表裏文官一品至九品各給與應得  
誥敕內先已給領者進應得勲階一等如品同而職銜不同照  
見任改給署職者與實授試御史試中書侯實授庶吉士侯授  
官日各補給其有額移封者聽若先已移封今給與本等誥敕

雜職每員絹二疋武官一品二品每員紵絲三表裏三品二表  
裏四品一表裏五品六品各紵絲一疋署試鎮撫百戶各絹四  
疋優給優養官一品二品銀五兩三品四兩四品五品三兩六  
品以下二兩優養官軍母妻女每口銀二兩將軍旗校力士軍  
匠馴象養馬及操備等項旗軍勇士并京營家丁修理 山陵  
官軍各銀二兩紀錄旗校力士幼軍各一兩歷事監生辦事官  
吏知印承差等各減免月日史館官生禮部儒士順天府學生  
四夷館驛守生錦衣衛聽差營操舍人欽天監天文生太常寺  
樂舞生太醫院醫士武學官生陰陽人醫生坊廂里老各衙門  
民匠及廚子樂工各賞絹布有差○陞某任巡撫應大都察院  
右僉都御史曹邦輔為左副都御史協理院事○陞巡撫南贛  
汀漳都察院右副都御史吳百朋為大理寺卿○陞福建按察

使劉佃江西按察使江珍為布政司右布政使湖廣副使徐斌  
為右叅政南京工科給事中甄沛為左叅議佃仍福建珍斌俱  
雲南沛江西山東道御史張元卿光祿寺寺丞萬廷言俱按察  
司僉事元卿福建廷言雲南提調學校○命原任總兵官趙奇  
元為事官鎮守延綏等處○錄嘉靖四十四年四十五年延綏  
磁窯溝等處獲功死事官軍方振等六十四人各陞賞優卹如  
例

明穆宗莊皇帝實錄卷之四

明穆宗莊皇帝實錄卷之五

隆慶元年二月甲辰清明節 上親祭 世宗肅皇帝几筵○  
加謚元妃李氏爲 孝懿皇后 元期遣駙馬都尉謝誥告 奉  
无殿 上親告 世宗肅皇帝几筵是日 上御皇極門遣成  
國公朱希忠持節宣望侯湯世隆俸同寶詣 陵園上之大學  
士徐階恭題 神主希忠行祭禮冊文曰朕誕膺洪祚寅奉丕  
圖去天道以理陰陽本人倫而弘治化特揭中闈之號適追元  
配之賢典秩攸隆存仁奚問咨爾妃李氏躬有令德起于名家  
受命 先皇作嬪滿邨鶴鳴問寢夙祗乾于坤儀燕至祀祿早  
發祥于震器正期偕老乃遽長終茲朕愷會承祀既已臨于幽  
憂而爾收華掩彩莫獲至于春秋懸星服之徒存張鸞蟠其焉  
往時用率循矣矩矱卜嘉辰備具備諭之章進正軒星之位遣

伏侍節奉用追諡廟為孝懿皇后於戲主也。有漚雖未享厥室之盛禮歿而不朽尚克歆廟歿之鴻名式表至懷永慈幽奧。○先是禮部言國朝廟制一后配帝其禮甚嚴如先王孝肅皇太后孝穆太皇太后孝惠太皇太后神主皆祀于奉慈殿近幸乃遠奉各殿均祀于別所今孝烈皇后改題神主宜初所司于大內別建殿宇奉安以副皇上一體孝事之意。上命會官定議以聞。至是上議言：列后奉祀別所例有二端，非祀于大內之別殿則祀於殿寢，然內殿之祀似近而專，殿寢之祀稍疎而遠。今孝烈皇后以先帝視之則位非元配，太廟拊享之禮固當遷改，以皇上視之則分爲母后近方，低奉母稱若使遠遷于殿寢則于皇上追崇之孝臣民瞻戴之情均有未安。臣等反覆詳議，惟大內別殿之祀

為雷命如議行遂以景雲疑奉 孝烈皇后尊祀○達思鑿長  
官司遣郡綱積格兜等入貢方物給賞如例○贈故南京工部  
左侍郎龔輝為郡蔡院右都御史賜祭葬如例○先是內府匠  
役以工完陞秩生太僕少卿者二人苑馬卿二人布政使司叅  
議二人郎中一人員外郎三人他如鴻臚寺丞光祿著正等銜  
以百數員濫不可勝紀 上心惡之于是內官監太監李芳等  
奏請裁革事下吏部議留用閒住及裁減職級俸薪食糧供役  
有差仍請自今有貢緣已陞者聽本部叅治從之○祭太倉銀  
一十六萬六千四百兩於薊鎮六萬九千二百兩於永平一十  
九萬二千八百兩於蓟雲七萬四千九百兩於昌平備容兵支  
用○編置閒住工部主事劉子延口外為民子延以考察閒住  
奏辨郡蔡院以其違禁請論罪如律從之○乙巳以加謚忠懷



太子瑄倅王追封遂萊公王太和公主先期遣駙馬都尉謝詔  
告奉先殿上親告世宗廟皇帝几筵是日上御皇極  
門遣定西侯蔣佑倚節安鄉伯張鑑捧冊詣憲懷太子及瑄倅  
王各墳園行禮大學士郭朴題神主佑致祭安平伯方永裕奉  
冊詣遂萊太和兩公主墳園行禮大學士陳以勤題神主永裕  
致祭憲懷太子冊曰朕惟天子元子名爲太子分既定於儲貳  
恩罔闕於存亡今古彝章國家令典朕長子主鍾靈秀夙具岐  
嶷之姿年在幼嬰遽罹天亡之厄仰荷先皇之痛軫賜以世  
儲之顯封茲朕仰極萬念天親爰建位名用示隆溘特加謚爾  
爲憲懷太子於戲降年不永祇增埋玉之悲賜命孔昭式慰衆  
雲之奠爾靈未泯尚免祇承○恭仁康定景皇帝忌辰遣清  
平伯吳家彥祭陵寢○命內官住啓承慶皇堂頒設明器

○罷玉芝宮歲時享祀日供膳如舊初 先帝建特廟奉 睿宗及 睿宗升祔 太廟因罷其祀四十四年以舊廟往產芝更名玉芝宮欽定祀享禮儀命日供膳如內殿四時歲暮大小節辰牲帛諸品如 廟祀不用祀呀遣陪惟令駙馬謝詔伯方承裕上香行叩頭禮 上即位詔承裕請下禮部酌議禮部議以 睿宗獻皇帝 憲孝獻皇后既升祔 太廟奉祀內殿凡行禮之日已與 列聖同臨鑒享而後有玉芝宮諸祭祀似為煩數請自今罷免止存日供之膳乃為合禮 上猶以玉芝祀典出自 皇考孝思復命詳議以聞至是尚書高儀等乃極言前祀當罷謂我朝 宗廟之常禮如每季四孟及歲暮大禘則止行于 太廟大小節辰又 列聖考妣忌辰則止行于內殿未嘗有併祭者國有大事或告于 太廟或告于內殿亦未嘗

有併告者今于玉芝宮則無所不祭無所不告是列聖皆一  
祭一告而于睿宗則兩祭兩告也其在先帝行之則以為  
豐于 禩廟未為不可今睿宗于皇上為皇祖凡事必  
兩祭兩告則遠而列聖近而先帝皇上將何以處之此  
所謂禮之難行難繼者也至于日供之膳則有可言者漢考南  
京奉先殿原奉太祖以上列祖神位于中迨北京奉  
先殿成南京奉先殿各祭俱罷而供膳至今不輟蓋以奉安  
神位之所而特存有舉奠祭之義也今玉芝宮既為睿宗原  
廟近人設有二聖神位故臣等以為日供之膳宜如舊奉設  
而悉罷其因時享格及節序忌辰并有事奉告之祭庶國家之  
典禮先帝之孝思可以兩全從之然南京奉先殿乃高  
皇帝聖靈所寓人遷主於北故仍存日供以見如生之意今

以 睿皇帝視之則有間矣故議者謂玉芝供膳猶爲黷云○  
陞原任刑部郎中徐學詩爲南京通政使司右叅議浙江布政  
使司右叅政張柱廣西布政使司右叅政劉子興爲按察司按  
察使柱江西子興福建湖廣按察司副使莊應慎爲廣西布政  
使司右叅政南京吏部郎中顧鯨岳州府知府姜繼曾西安府  
知府楊綵馬按察司副使鯨繼曾俱湖廣綵山東○先是虜欲  
犯廣寧住東北邊白雲山遼東總兵官王治道率師赴之斬首  
八十九級使聞 上命賞總督侍郎劉焘及治道巡撫都御史  
魏學曾等銀幣有差○錄嘉靖三十七年十月至四十二年八  
月福建同安等縣澳頭彭厝等處獲功官軍魏宗瀚等二百五  
十八人嘉靖四十五年萬全右衛東沙河等處獲功死事被創  
官軍沈宜等一百五十八人各陞賞如例○丙午命陝西總督

操下遊擊將軍著都指揮僉事崔廷威爲分守寧夏北路峽將  
陞廣西慶遠守備指揮僉事馮良隱爲著都指揮僉事充廣東  
肇慶遊擊將軍改興都留守司僉書副留守趙弘祚爲著都指  
揮僉事掌雲南都司事○新寧伯譚功承平賜祭五壇有司營  
葬如例○丁未勅諭禮部曰朕初即位念守邊官軍勞苦宜加  
恩眷爾等其會兵部備查遼東至甘肅緣邊一帶地方官軍實  
數以聞○禮部進 世宗廟皇帝梓宮發引至柩享儀注一三  
月初五日太常寺奏齋戒文武百官宿於本衙門致齋三日京  
城內外禁屠宰至葬畢止禁音樂至柩 廟止勅命大臣一員  
護喪并領在途諸祭化物化總內官及入 皇堂內官內使各  
衙門俱預定送葬官負姓名以請一初九日遣官以葬期告  
天地 宗廟 社稷 上稟服告 几筵內侍陳酒饌如常儀

內導引官導 上詣拜位奏四拜禮奠帛獻酒讀祝再四拜舉  
哀哀止奠帛祝禮畢初十日遣內官祭告乾清宮門隆宗門思  
善門并橋歸極門千門端門承天門御橋大明門遣太常寺官  
祭告土河橋德勝門并橋清河橋沙河安濟橋朝宗橋闕王廟  
天將廟靈濟宮成化廟東苑廟真武廟一初九日初十日百官  
俱哀服晨詣思善門外哭臨一初十日晚 上哀服告辭 几  
筵內侍陳杖屨內導引官導 上詣拜位行禮如前儀次 世  
廟皇貴妃等妃祭次 皇后祭次 皇子祭次溇蘭王妃等妃  
祭次崇泰王妃祭次寧安長公主祭次內官內使祭一十一日  
梓宮發引先期一日司禮監禮部錦衣衛官督執事者設大昇  
輦於千門裏列葬儀千門外至大明門外一 梓宮將發引內  
侍官陳設酒饌拜位內導引官導 上哀服詣拜位 皇后

皇子及宮眷各袞服就拜位行啓奠禮如常儀內導引官導

工於几筵殿內稍東西向立執事者升徹帷幕等物拂拭

梓宮內侍徹啓奠執事官進龍輜於几筵殿下設真亭神帛

輿謚用寶輿於丹陛上內侍官陳設酒饌拜位內導引官導

上袞服詣拜位皇后皇子及宮眷各袞服就拜位行祖奠

禮如前儀內導引官導上詣殿上梓宮前稍東西向立內

侍奏請奠駕進發內侍先捧謚冊寶由殿中門出置于輿內

次捧神帛由中門出安奉于輿內神帛前置于後次真亭安置

訖內侍捧銘旌由中門出執事官升奉起梓宮內執事侍筭

分左右障護梓宮降殿內侍奏請梓宮升龍輜執事官奉

登龍輜訖以綠色帷幕障飾梓宮遂啓行執筭者仍分左右

石內侍擊纛前侍衛如常儀仗居前用存日所御者謚冊寶與

神帛與真子銘旌以次先行內導引官導 上由殿左門出  
皇后 皇子及宮眷皆哭後隨 皇太后宮眷哭于殿中 梓宮  
至干門內內侍奏請 梓宮升大昇攀執事者安奉訖內執事  
官陳牲醴設 上拜位內導引官導 上詣拜位行遣奠禮如  
前儀畢內侍奏請 靈駕進發司禮監官率儀衛詣同寶輿等  
先行 上哭盡哀內侍奏請 上還宮 皇后 皇子及宮眷  
俱送 梓宮由干門中門出葬儀等以次前行太常寺先設香  
燭于 太廟中執事官設褥位于香案前 梓宮至端門外少  
駐導引官導遺官易淺淡服色詣神帛與前跪太常寺官跪于  
遺官之左奏請 世宗廟皇帝朝 祖太常寺官與遺官俯伏  
興詣與捧神帛由廟街左門入至 太廟跪置神帛于褥位與  
遺官立于神帛後贊禮贊跪遺官跪太常寺官跪于遺官之左



奏 世宗崩皇帝謁辭太常寺官興遣官俯伏興行五拜三叩  
頭禮畢遣官跪捧神帛興仍由廟街左門出至輿前以神帛安  
奉訖太常寺官跪奏請 遣駕進發遣官易袞服隨行 梓宮  
由承天門大明中門出天武百官俱袞服自大明門步送至德  
勝門上城外祭畢而還其應執事及各衙門送葬官皆送至  
天壽山紅門外仍步送至 承慶是日俱免辭還日朝見沿途  
布卷軍民人等過 梓宮至皆跪俯伏舉袞候 梓宮過而興  
梓宮在途并至 慶朝夕奠哭臨俱護喪官行禮送葬官負生  
還過宿頓處行叩頭禮大并舉行緣途每程俱宿頓于席殿內  
儀仗等物貯庫房內一 梓宮至順天府前皇親命婦及文武  
官三品以上命婦祭至上城外公侯伯及五府六部都察院等  
衙門官員耆老人等祭至清河禪師僧道官祭至沙河皇親及

駙馬祭主 陵執事官先陳能輜于獻殿門外候大井攀至禮  
官奏請 遣駕降攀升能輜詣獻殿執事官奉 梓宮升能輜  
由中門入護喪官由左門入詣獻殿工女奉訖詣同寶輿等仍  
陳于前行安神禮執事官陳酒饌設護喪官拜位內侍官引護  
喪官詣拜位贊四拜興贊跪奠帛獻酒詣祝俯伏興再四拜攀  
袞哀止焚帛祝百官俱于獻殿前傳贊行禮同是日遣官祭告  
后上并 天壽山 長陵等陵一十七日掩 玄宮先行遷奠  
禮執事官陳酒饌內侍引護喪官詣拜位行禮如前儀百官傳  
贊同立將掩 玄宮內侍引護喪官詣 梓宮前跪奏請 遣  
駕赴 玄宮護喪官俯伏興執事官升奉送 梓宮進 皇室  
安奉訖內侍官奉溫同寶直于前陳列冥器等畢仍于獻殿上  
設靈座以候奉安 神主遂行贈禮內執事官陳酒饌于 皇

堂門外奉玉幣案至香案前內侍引護喪官詣拜位贊四拜跪  
獻酒贊請進贈執事官捧玉幣跪進于護喪官之右護喪官交  
玉幣獻畢以授內執事捧入 皇堂安直訖贊俯伏興四拜舉  
哀興哀止贈事畢內侍出遂掩 玄宮行享禮執事官陳牲醴  
于 玄宮前內侍引護喪官詣拜位行禮如前儀百官于 陵  
下傳贊行禮同遂題 仲主內侍設香案于 玄宮門外陳酒  
饌如常儀設題 主案于香案前西向設護喪官拜位于前北  
向內侍盥手出 主于案上題主官盥手西向題 主畢內侍  
奉 主于神座成神帛于榻中置座後內侍奏請 世宗欽天  
鞭道英殺聖神立文廣武洪仁大孝肅皇帝神靈上 神主行  
禮如前儀畢內侍答履履 主奏請 世宗肅皇帝神主降座  
升與內侍奉 神主升靈輿至獻殿上內侍奏請 神主降輿

升座奉 神主即座訖行安神禮如前儀百官倍拜是日別遣  
官以掩 玄宮祭謝 后土并 天壽山及以蘇羊告 長陵  
等陵遂虞祭執事官陳酒饌于 神主前內侍引護喪官就拜  
位贊四拜行初獻禮跪奠帛獻酒讀祝畢亞獻終獻再四拜舉  
哀哀止焚帛祝畢內侍官捧神帛箱埋于殿前屏處潔地焚喪  
儀十野遂詣 神主降座升輿還京 靈輿進行儀仗侍衛如  
儀護喪官後隨在途仍朝夕奠是日既初虞十八日再虞三虞  
十九日四虞五虞二十日六虞七虞俱在途二十一日八虞在  
城外俱護喪官行禮二十二日至京安神後九虞 上親行禮  
神主還京先於城外置帷次錦衣衛備儀衛教坊司備鼓吹設  
而不作文武百官哀服出城奉迎 神主至帷次百官行五拜  
三叩頭禮畢 神主進行百官後隨至于門外儀衛等退內導

引官導 上衮服奉迎于午門內 神主至 上舉哀步行前  
導至宮門外 世廟皇貴妃等妃 皇后 皇子王妃公主及  
宮眷人等迎于宮門內舉哀以次後隨 神主至 几筵殿門  
內侍官奏請 世宗肅皇帝神主降輿升座 上捧 神王安  
奉于靈座訖行女神禮內執事官陳牲醴如常儀內導引官導  
上詣拜位奏四拜獻酒讀祝再四拜舉哀哀止焚祝畢 世廟  
皇妃等妃 皇后 皇子以下以次入拜位舉哀各行謁見四  
拜禮百官于思善門外侍唱行禮同是日行女神禮訖內侍官  
陳酒饌于 几筵前內導引官導 上衮服詣拜位行九座禮  
四拜奠帛獻酒讀祝再四拜舉哀哀止焚帛祝禮畢遂行平哭  
禮如前儀自是罷朝夕奠一二十二日 神主拊 太廟前期  
三日齋戒先一日奠官以拊享告 太廟至日太常守官設牲

禮于 太廟如特享之儀樂設而不作設 世宗肅皇帝御座于 太廟錦衣衛設儀衛于午門外行卒哭禮畢內侍官陳酒饌于 几是設 世宗肅皇帝衣冠于 几延前進 神主輦于殿前設衣冠輿于丹陛上 上衰服內侍引官導引詣拜位以特享告 几是奏四拜奠帛獻酒讀祝再四拜舉哀哀止內侍官詣靈座前奏請 世宗肅皇帝神主降座升輦詣 太廟特享奏訖 上降 神主由殿中門出安奉于輦內執事官捧衣冠置于輿後隨內侍擎緞扇如儀至歸極門 上具祭服升路後隨至午門外儀衛如儀至 太廟南門外俱分列左右上降路太常寺官導 上詣輦前跪太常寺官跪奏請 世宗肅皇帝神主降輦詣 太廟特享奏訖 上俯伏典禮詣輦轅 神主由左門入內侍官捧衣冠隨入贊禮贊樂舞主就位

執事官各司其事贊迎神 神王至丹陛上贊禮贊 世宗肅

皇帝謁 廟內侍官捧衣冠立于 世宗肅皇帝御座之下引

贊贊詣神位前至 太廟正中 上捧 神王置俎位立 神

主後出步行五拜三叩頭禮候 世宗肅皇帝謁 廟禮畢

上揖主捧 神王北向立太常寺官唱賜坐內侍官捧衣冠安

于座內 上捧 神王安于衣冠前出立立于傍導引官導

上詣拜位行祭禮如時享之儀文官五品以上武官四品以上

各祭服隨行禮畢導引官導 上詣 世宗肅皇帝神王前太

常寺官奏請 世宗肅皇帝神王還 几足 上揖主捧 神

主由廟左門出太常寺官捧 各廟衣冠安于原處 世宗肅

皇帝衣冠以次安于 太廟 神王出至 太廟門外安奉于

輦轍扇儀衛專從俱如未儀 上出至升階後隨至于門外儀

衛止 上至思善門外降輅易哀服後隨 神主輦至 几筵  
殿前內侍官奏請 世宗肅皇帝神主降輦升座 上捧 神  
主升座訖內侍陳酒饌如常儀內導引官導 上詣拜位行安  
神禮四拜獻酒讀祝俯伏興再四拜舉哀哀止焚祝畢 上釋  
服還宮自初九日至奉迎 神主還京日洪亮朝褥 廟後擇  
吉日 上具黑翼善冠淺淡色衣黑犀角帶御皇後門百官烏  
紗帽淺淡色服黑角帶行奉慈禮○禮部進奉卷 孝潔肅皇  
后附葬附享儀注一三月初五日初命奉遷官并領在 度在  
途一應祭祀真獻初啓 玄宮亦入 皇堂內官匠作人等奉  
齋戒與 世宗肅皇帝同一初十日遣官以附葬否 天地  
宗廟 社稷 上親告 世宗肅皇帝几筵 上素服內導引  
官導 上詣拜位奏四拜奠帛獻酒讀祝再四拜焚帛祝禮畢



一十一日未時啓 玄宮見 梓宮行祭者禮執事官陳酒饌

沃奉筵官拜位于 玄宮前內贊引奉筵官詣拜位贊四拜真

帛獻酒讀祝再四拜焚帛祝禮畢遂還 梓宮至享殿拂拭安

奉訖執事官陳酒饌內贊引奉筵官詣 梓宮前拜位行祭奠

禮如前儀曠內原安奉玄燭玉璧五谷等物就瘞于曠一先期

一日司禮監禮部錦衣衛官替執事者設大昇饗于享殿門外

葬儀以次陳設于外各衙門官素冠服詣 陵園以候騎送至

承慶一內侍徹蓋奠執事官進龍輜于享殿下設真手神位與

盂罔寶與于殿前畢執事官陳設酒饌拜位內贊引奉筵官詣

拜位行祖奠禮如前儀畢內侍官詣 梓宮前奏請 聖駕進

發內侍先捧盂罔寶次捧神位罔輿俱由殿中門出安奉與內

執事官升奉起 梓宮降殿內侍奏請 梓宮升龍輜執事官

奉登龍輜訖以幃幕障飾 梓宮遂啟行執姜分列左右內侍  
擊鐵扇侍衛如儀儀仗居前謚冊寶輿神位輿真亭銘旌以次  
行 梓宮至 慶園門外內侍官奏請 梓宮升大昇輦安奉  
訖執事官陳設牲醴拜位內贊官引奉遷官詣拜位行遣奠禮  
如前儀畢內侍官奏請 靈駕進祭司禮監官率儀衛謚冊寶  
輿等前行鼓樂前導設而不作葬儀等以次前行緣途軍民另  
女人等遇 梓宮至皆俯伏候 梓宮過而興大昇輦行每程  
宿頓于廡殿內儀仗等物貯廡房內將至 慶設席享殿于  
承慶殿殿之右執事官陳龍輜于享殿門外候大昇輦至禮官  
奏請 靈駕降輿升龍輜詣享殿執事官奉 梓宮升龍輜由  
中門入奉遷官由左門入詣享殿上安奉訖謚冊寶輿神位輿  
仍陳于前執事官陳設酒饌拜位內贊官引奉遷官詣拜位行安

仲禮如前儀分送官俱于享殿外侍贊行禮同禮畢分送官回  
京一十七日將掩 玄宮執事官陳設酒醴拜位內贊引奉遷  
官詣拜位行遷奠禮如前儀少退內贊引奉遷官詣 梓宮前  
內侍奏請 靈駕處 玄宮奉遷官俯伏與執事官升奉起  
梓宮進 皇堂安奉訖內侍奉誥冊寶置于前陳列冥器等畢  
執事官陳設酒醴于 皇堂門外奉王幣菜蔬香案前行贈禮  
贈畢行享禮 世宗肅皇帝護喪官一併行一 世宗肅皇帝  
梓宮至 永陵日遣官祭告 后土 天壽山并 長陵等陵  
掩 玄宮日遣官祭謝即以 孝潔肅皇后 孝恪皇太后并  
葬一併告謝一二十二日 世宗肅皇帝神主與 孝潔肅皇  
后神主同祔 太廟一先期內府衙門恭製 太廟及 廟殿  
內 孝潔肅皇后再合用神座儀物等一先期一日遣官以升時

世宗肅皇帝告于 太廟即以 孝潔肅皇后祔享同告一足  
日執事官設酒饌于 奉先殿西夾室內侍設 神王與衣冠  
與于 奉先殿左門外至朔遣官以祔享告于西夾室告畢內  
侍奏請 孝潔肅皇后詣 太廟祔享奏訖恭奉 神王入內  
侍官捧衣冠俱由左門出各奉安于與執事者擎繳扇如儀至  
于門內候 世宗肅皇帝神王以次迎至 太廟南門外太常  
寺官奏請 孝潔肅皇后神王降輿內侍官恭捧隨 世宗肅  
皇帝神王由左門入又內侍官捧衣冠隨入立于 世宗肅皇  
帝衣冠之次 上捧 世宗肅皇帝神王置于褥位訖內侍官  
捧 孝潔肅皇后神王隨置于褥位之右內侍官退其謁 廟  
賜座等禮儀俱與 世宗肅皇帝同行祭畢 世宗肅皇帝神  
王退 几足內侍官捧 孝潔肅皇后神王奉安于 廟後其

衣冠同 世宗廟皇帝衣冠奉安于 太廟俱第九室禮畢○  
禮部又進奉卷 孝恪皇太后拊屏及 神王回京奉安儀主  
拊屏儀悉如 孝潔廟皇后神王回京儀一十七日葬畢奉卷  
官暫安 神王于殿內一二十二日寅時執事官設酒饌于  
神王前內贊引奉卷官詣拜位贊四拜奠帛獻酒讀祝再四拜  
奠帛祝畢內侍官奏請 神王降座升輿還京奏訖俯伏興于  
靈座上奉 神王升 臺輿進行沿途儀仗衛如儀一二十  
五日 神王還至城外陞次內執事備儀衛教坊司備鼓樂設  
而不作文武百官各着素服烏紗帽黑角帶序列於陞前行五  
拜三叩頭禮 神王進行百官後隨 神王入大明門至于門  
外儀衛退內侍引官導 上黑翼善冠淺淡色服黑犀帶奉迎  
於午門內 神王至 上步行前導至賢善門外 皇后 皇

于及宮眷人等迎于門內以次後隨充詣 專殿序立于殿西  
稍北東向內侍官充于 奉先殿丹陛上正中設褥位 神主  
與坐 奉先殿門外少柱內導引官導 上詣 神主與前跪  
內侍官奏請 孝恪皇太后神主謁 奉先殿 上俯伏與詣  
與捧 神主由殿左門入至 奉先殿跪置 神主于褥位  
上俯伏與贊五拜三叩頭禮畢 上跪捧 神主與由殿左門  
出安奉與內侍官于 世宗肅皇帝几筵前設褥位 神主  
與坐 几筵殿門外內導引官導 上詣 神主與前跪內侍  
官奏請 孝恪皇太后神主謁 世宗肅皇帝几筵 上俯伏  
與詣與捧 神主入跪置 神主于褥位 上俯伏與贊五拜  
三叩頭禮畢 上跪捧 神主與出至殿門外安奉與內坐  
專殿門外內侍官奏請 孝恪皇太后神主降與升座 上捧

神主由殿中門入奉安于神座訖行安神禮內執事官陳設法  
幄內導引官導上詣拜位贊四拜興贊物獻禮贊奠帛獻酒  
讀祝畢俯伏興贊立獻終獻再四拜焚帛祝禮畢 皇后 皇  
子以下依次入行謁見四拜禮○起用原任戶部右侍郎趙貞  
吉為吏部左侍郎兼翰林院學士掌詹事府事○發太倉銀四  
萬兩于延綏鎮備募軍修邊之用○陞邳州守備指揮使常德  
楨為署副留守兼書興郡留守司事○戊申命使部左侍郎滿  
歲兼翰林院學士掌院事○戶部奏定內府各監勾歲冰錢糧  
供用庫白熟梗米五萬石芝麻七千三百五十石菜豆一千二  
百石菜菔三萬五千斤芥菜四萬五千九百斤酒糟麩勾小麥  
五千九百石白熟糯米七千五百石黃豆二千五百石黑豆一  
千三百五十石菜豆三百二十五石內官監白熟細梗米一千

二百石白熟稷米九千石光祿寺小麥三萬二千石號生一百  
五十石白熟稷米五萬三千石白熟糯米一萬四千石細粟米  
五萬七千五百石赤豆五百五十石黃豆一千六百石菜豆八  
千石青菜豆三百石白豆六石葛林五千三百五十石芝麻六  
千石借新司白熟糯米一十五石一斗粟一萬五千五百七十  
斤司苑司黑豆一千九百五十石御馬倉大麥三千五百石號  
豆三千五百石菜豆五千七百石馬草四十四萬束中字庫銀  
珠三萬一千七百五十斤或珠二萬二千九百五十斤號花青  
四千四十斤黃丹五千八百斤烏梅四萬一千八百斤紫草二  
千三百斤明礬二萬五千斤礞石七千八百斤藤黃二千九百  
斤光粉一萬七千斤黑鉛二萬四千斤棉花一萬斤水膠一萬  
斤紅花一萬斤藍錠二千斤丁字庫黃熟銅二萬九千三百斤



紅熟銅二萬三千斤黃蠟二萬四千六百斤主漆八萬四千二百八十斤桐油九萬七千三百七十斤錫八萬三千七百斤辛筋三千九百四十斤因言內官一切供應大半嘉靖初年與弘治年間數目畧同自嘉靖二十年以後做派漸增視正額加倍臣等仰體 皇上致崇儉約至意的住準今悉從裁減乞勅監寺衙門永為遵守不得擅議增派本部亦不許曲意奉行得旨各項錢糧依從減派各該撫按官其嚴察有司毋容泥做有員朝廷德意○先是昌平盜害二鎮自嘉靖庚戌坐撥漕糧徑運該鎮違軍便之已而運軍古因仍改通倉乞運奸商借吏因緣為奸米至腐爛不可食總督右都御史劉燾請復改運該鎮戶部議言該鎮糧餉乞運則竄弊雖出為違軍病徑運則轉般甚難為運軍病宜通融立法自今年為始將去年漕糧令江止山

東二總撥赴兩鎮自後率分循次均派毋得偏累一衛一所家  
雲糧由通州水路運至牛欄山交車戶接運昌平糧由通州石  
嘴更船至大通橋陸路交車戶接運仍付各運官上納該鎮沿  
途委官二員督察勿令稽遲致有侵盜交納之地至龍慶石匠  
等近倉而止收倉日即給通關毋令淹滯其漕運衙門仍查給  
托米腳價及應支糧餉如數庶邊軍足食而運軍亦得沾優恤  
之惠從之○降延綏鎮守總兵署郡督僉事郭琥為揚守大同  
副總兵○命南京工部修葺 孝陵殿柱○己酉禮部言 孝  
潔肅皇后神主將祔 太廟宜就 奉先殿西夾室改題以俟  
速附 孝烈皇后神主將專祀別殿宜遷于西夾室同題以俟  
奉安又國家舊制 太廟一歲五享而節序忌辰等祭則行于  
奉先殿若有別殿專祀則諸祭並行于別殿今 孝潔肅皇后

既拊 太廟則 奉先殿宜奉安 神主 孝烈皇后既改祀  
別殿則 奉先殿原設神位亦宜奉遷乃奏上應行禮儀一二  
月二十八日改題 孝潔肅皇后神主先期執事官于西夾室  
陳設祭品內侍官設香案于室內正中設 主案于香案前稍  
東西向至期導引官引遣官入就拜位贊上香五拜三叩頭禮  
內侍官詣神牀跪奏謹請 孝潔恭懿慈睿安莊相天翔聖肅  
皇后神主恭用奉題題主官詣案前內侍官盥手捧 主安于  
案上中書官重寫題主官盥手奉題訖內侍官奉 主安于神  
座內侍官跪奏請 孝潔肅皇后神靈上 神主奏訖內贊贊  
遣官四拜跪奠帛獻酒讀祝亞獻終獻俯伏興四拜禮畢內侍  
各履履 主奉安于神座訖行叩頭禮 一內府該衙門恭製  
奉先殿 孝潔肅皇后神位完備暫安別所俟拊 廟日迎安

殿內恭製 奉先殿合用神座儀物等項先期陳設于殿內第  
九室一三月二十二日內侍官充設彩輿于暫安神位之所執  
事官設祭品于 奉先殿俟拊 廟禮畢遣官隨詣神位所導  
引官導入贊跪內贊跪于其左奏請 孝潔肅皇后神位詣  
奉先殿奉安遣官叩頭與內侍官恭捧神位置于與執事官恭  
興擊執織扇如儀遣官後隨至 奉先殿門外輿止內侍官恭  
捧神位由左門入奉安于室叩頭訖遣官行祭古禮如常儀一  
同日改題 孝烈皇后神主先期內侍官設彩輿衣冠等輿于  
太廟門外設 孝烈皇后神座于 奉先殿西夾室在 孝潔  
肅皇后之右執事官設祭品香案等同至日早遣官以 孝烈  
皇后遷奉別所古 太廟畢內侍官詣 廟殿神前跪奏詣  
孝烈皇后詣 奉先殿西夾室改題 神主奏訖恭捧 神主

由廟左門出入內侍詣 太廟捧衣冠等隨出各置于輿執事者舉輿擊執纛扇如儀遣官後隨至 奉先殿門外輿止內侍官恭捧 神王反捧衣冠等俱由左門入奉安于西夾室行叩頭禮導引官引遣官入祭古題 主儀俱與 孝潔肅皇后同一改題 神王奉安畢內侍官隨詣 奉先殿恭捧 孝烈皇后神位入西夾室尊歲于 神王後另覆以匱俟別殿修理完日本遷○陞山東青州府知府杜思為湖廣按察司副使○庚戌徑部進 孝懿皇后拊享內殿儀注一遣官于三月二十五日早以拊享香 孝懿皇后復園行禮如常儀祭畢遣官此迎護 神王回京一先期內府護衛門設 神王與香亭于享殿門外俟祭畢內侍官于 神王前跪奏請 孝懿皇后神王降座升輿還京奏訖遣官四拜內侍官于神座上奉 神王升輿

執事者與儀仗侍衛如儀遣官隨後行 神主至德勝門外  
次候 孝恪皇太后神主至別入幄次百官先于 孝恪皇太  
后幄前行禮畢隨于 孝懿皇后幄前行四拜禮內執事備儀  
衛教坊司備鼓樂設而不作 神主隨 孝恪皇太后神主以  
次進行入大明門至于門外儀衛等退 上奉迎 孝恪皇太  
后神主于午門內步行前導 孝懿皇后神主與以次後隨至  
奉先殿門外少駐候 上捧 孝恪皇太后神主出于興內侍  
官印跪奏請 孝懿皇后神主前 奉先殿詣輿捧 神主隨  
上入至丹陛上候 孝恪皇太后神主置于褥位內侍官隨置  
神主于褥位在 孝恪皇太后褥位之西南內侍官退候 上  
行禮畢內侍官仍捧 神主隨出安奉輿內仍詣 世宗廟皇  
帝几筵殿行禮並同遂隨 孝恪皇太后神主同至奉先殿門外

候 上捧 孝恪皇太后神主由殿中門入奉安于神座內侍  
隨設褥位于殿內內侍官捧 孝懿皇后神主入置褥位 上  
臨時遣命代拜畢內侍官捧 神主奉安于神座併行安神禮  
○先是雲南上酋鳳繼祖作亂攻圍武定執政憲臣勢甚猖獗  
守臣會川貢土漢兵數萬人討平之至是雲南撫臣呂光洵奏  
上土官保結充改一織安素儀那恕高忠判世麒判悅等功請  
充加賞賚四川撫臣譚綸言土官鳳氏珏師抵家為繼家所刺  
宜加優卹 上命給鳳氏棺欵銀三十兩紹充等各賞銀五兩  
紵絲一衣裹兩者功罪下御史覈實以聞○壬子廕原任河南  
道監察御史曾紳子綬為國子生以紳為御史時劾吏部尚書  
汪鑑死于廷杖也○工科給事中王謨劾戶部主事那元哲貪  
濫不職而考察時考功郎中武金以門生故曲庇之遂獲倖免

請按其罪吏部議元哲以任事蒙恩非有賊跡而金廩五實不  
私有旨俱令仍舊供職○改分守宣府西路叅將尤月為山西  
中路叅將陞寧夏管理屯田指揮僉事李光祖為都指揮僉  
事充陝西總督軍門標下遊擊將軍○以大同將士擢粟功賞  
副總兵趙奇等銀幣有差仍命御史覈功狀以聞○癸丑恭題  
孝潔皇后 孝烈皇后神主遺明馬都尉李和祭告 太廟并  
奉光祿西史室遺大學士陳以勤張居正題 主如儀○乙卯  
中宮千秋令節免命婦入賀



明穆宗莊皇帝實錄卷之五

大明穆宗莊皇帝實錄卷之六

隆慶元年三月丙辰朔 孝肅皇后忌辰遣都督僉事沈王祭  
裕陵○皇太后命名剪髮禮○陝西傅峪等族苗人姚革等  
進貢方物給賞如例○南京吏部都察院會同考察庶官貪酷  
工部員外郎劉安節等三人素行不謹戶部主事劉承恩等三  
十五人浮躁淺露吏部署郎中朱潤身等五人才力不及戶部  
署郎中蔣三益等十二人年老有疾大理寺右評事錢師周等  
七人罷輒無為雜職一人各疏名上請詔罷黜降調致仕俱如  
例○命原任遼東總兵佟登克副總兵管宣府西路叅將事○  
丁巳南京兵部尚書叅贊樞務郭乾吏部尚書毛傑戶部尚書  
馮森都察院右都御史孫植俱以考察自陳求退 上皆諭留  
之○戊午織造 大祀十二章衣服皮弁服造工部侍郎魏尚

此行禮○命安鄉伯張鉉掌前軍都督府事○授翰林院庶吉士陳經邦陳懿德周子義戴洵為編修張秩許國林偕春高裕愚陳思育成憲沈鯉沈淵為檢討李存文陳行健管大勳嚴用和韓楫王重為給事中存文文科行健戶科大勳禮科用和兵科楫刑科重工科王嘉言蘇永吉楊一桂吳學詩王湘李良臣楊九中鍾繼英俱御史嘉言浙江道永吉江西道一桂湖廣道學詩河南道湘山西道良臣四川道允中廣東道繼英雲南道○騎給延安衛靖邊守禦千戶所印○夜木星逆行守亢宿○乙未南京吏部右侍郎瞿景淳禮部右侍郎裴宇兵部右侍郎劉畿刑部右侍郎徐陔提督操江都察院右僉都御史盛汝臨太常寺卿郭汝霖光祿寺卿江治各以考察自陳求退得旨景淳等仍舊供職汝霖致仕○總督陝西兵部右侍郎兼都察院

右僉都御史霍冀巡撫陝西都察院右僉都御史楊巍俱自陳乞休不允○劫襲王子安福王載堯主喪暫管府事○陞五軍營大號頭指揮僉事耿仁為署副留守僉書中都留守司事○庚中以 大行皇帝梓宮發引勅駙馬都尉謝詔護喪成國公朱希忠鎮遠侯顧寰率官軍圍守駙馬都尉李和奉還 孝潔肅皇后梓宮慶都伯杜繼宗奉還 孝恪皇太后梓宮保定侯梁繼瑞副將王玉懷寧侯孫世忠副將戴元亮提督柎葬諸事○南京禮部尚書林度機乞致仕許之○鎮守總兵官左都督馬芳都督同知劉漢都督僉事孫吳王孟夏尹秉衡王治道副總兵都督僉事任勇為事官趙奇都指揮馬珠各遵詔自陳不職章下兵部覆奏得旨芳漢吳孟夏秉衡治道勇奇俱留用舉革任閒任○辛酉修乾清宮交泰殿坤寧等宮遣侍郎魏尚純

於后土司工之神○降原任光祿寺寺丞萬廷言二級調外任  
先是禮科給事中周世選劾工部尚書雷禮以私意中傷廷言  
出為僉事且列禮罪狀宜罷禮亦上疏辯言廷言推陞在吏部  
非臣所敢與而世選以此劾臣緣世選與廷言反給事中胡應  
嘉等為朋比死友每聚坐夜分雌黃時事勸諷先帝營建謂  
臣違迎夫世選等以言為職既以營建為不可當時何無一言  
而今乃徒為此不情之訕其他指摘皆不根詣與世選廷鞠以  
明心廷事下吏部都察院于是尚書楊博等覆奏廷言以刑部  
主事職調兵禮二部尋改光祿項又營陛儀制郎中臣惡其輕  
躁而復惜其文學故陞提學僉事以示裁戒之意其事實臣博  
主之禮與臣同列九卿何能相壓主臣吏部之事且廷言以五  
年進士得拜風紀儒臣計資論望固已處非其據矣乃猶以外

補為撫舉動乖刺非清朝所宜有宜重加降罰以為庶官弁兢  
之戒禮心迹既白而 山陵重事正屬工部經理不宜聽其求  
去 上命降廷言外任而留禮視事如故○提督上林苑內官  
監太監李芳奏本監官屬內自僉書而下外自左右監丞而下  
各有本等俸給其跟辦卑隸冠帽習儀等項銀兩係近年增派  
宜悉裁減著為定例得旨允行○壬戌陞陝西布政使司右叅  
議張蕙為按察司副使福建按察司僉事李紀為布政使司右  
叅議俱本省○勅湖廣按察使馮時兩閒任以巡按河南御史  
李文績勅其不職也○錄嘉靖四十五年榆林城馮畧黃鼠爪  
等處獲功死事官軍王通等六十三人各陞賞優卹如例又以  
是歲十一月虜入大同平虜舊水口掠應州奪總兵官孫吳俸  
一月叅將劉文輝麻錦遊擊將軍戴椿馬添祿反守備操守等

官命御又還治有差○癸亥復除光祿寺以卿手覈原職○南  
京學五軍都督府事魏國公徐鵬舉豐潤伯曹大炳南寧伯毛  
國器南和伯方炳僉書都督僉事單輔許昭訓唐玉宇南京錦  
衣衛事都指揮袁吉僉書指揮許都各遵詔自陳不職兵部覆  
奏得旨鵬舉等俱留用○甲子以世宗肅皇帝梓宮行旅引  
遣定園公徐延德告南郊靈壁侯湯世隆告北郊駙馬都  
尉許從誠告太廟安鄉伯張鉉告社稷次日延德等復以  
孝潔肅皇后孝恪皇太后祔葬告郊廟社稷上  
親告世宗肅皇帝几筵○禮科左給事中王治上四事一議  
宗廟之禮以隆聖孝謂先帝追崇獻皇大備尊稱誠萬  
世不刊之制至于入廟稱宗一事在今日尤有當議者蓋  
獻皇雖貴為天子之父實未嘗南面臨天下而今乃與祖宗

諸帝並列雖親為武宗之叔父然嘗北面事武宗而今乃  
設位於武宗之右揆之古典終為未合故先帝于獻皇  
祔廟之後世廟之享猶不忘設是先帝之心亦自有不  
安者臣以為獻皇祔太廟千萬載後不免遞遷若專祀  
世廟則億萬世不改惟陛下勅廷臣博考詳議務求至當以  
妥獻皇之靈以光先帝大孝二議朝講之禮以圖治安三  
議親輔弼之禮以成德業四議燕居之禮以溢化源謂人主  
深居禁掖隔遠外反左右便佞伺百出或以宴飲擊樂或以  
遊戲騎射使人主接之不以時用之不以禮近則損敬精神疾  
病之所由生久則妨累政事危亂之所由起不可不慎也比者  
人言藉藉若謂陛下言中燕閒舉動有非諛陰所宜者竊意  
聖明必無此事然臣子防微杜漸不敢下為陛下言之伏



望以後退處法官必調適服御省減嗜慾凡無益之事漸削之物一切禁止章下所司○陞河南按察司僉事段錦為陝西布政使司右叅議戶部郎中郭石刊部郎中徐作俱按察司僉事石氏酉作福建○命雲南按察司兵備副使楊守晉提調學校○起原任神樞營副將署都督僉事田世威為協守山西副總兵陞遼東都司掌印署指揮僉事張子鯨為分守大同靈丘等處叅將○乙丑命吏科給事中鄭大經兵科給事中張齊刑科給事中曹當勉工科右給事中王謨分詣各鎮給賞遼軍○錄嘉靖四十五年榆林城隍纒墩龍兒灣等處獲功死事官軍四十二人各陞賞優卹有差○丙寅 世宗肅皇帝梓宮發引是日 孝潔肅皇后 孝恪皇太后陵園同時開 玄宮奉遷梓宮茲行如儀○戊辰漕運總兵官臨淮侯李庭竹協守叅將

都督僉事福時各遵詔自陳不職兵部覆奏得旨俱留用○已  
已陞太僕寺少卿李邦珣為南京通政使司右通政○陞四川  
布政使司右叅政魏大猷為湖廣按察司按察使江西南安府  
知府吳炳庶為雲南按察司副使南京刑部郎中蘇愚員外郎  
劉得寬俱按察司僉事得寬河南憲福建○先是總督宣大山  
西軍務侍郎王之誥以宣大兩鎮招回被虜人口叙宣府總兵  
馬芳大同總兵孫吳等功宜加陞賞 上命兵部查例以聞于  
是兵部言往時邊軍多殺降冒功故招徠者少今將士奉法遺  
民懷歸其數自倍故事總兵以七百人為平叅將四百人守備  
把總備禦三百人各陞一級不及數者給賞今總兵吳于數加  
二倍宜陞二級叅將麻錦守備馬添祿加一倍宜陞一級其餘  
賞擢皆如總督所擬 上曰叅將守備等官人自効力數多為

難總兵官合集衆力數多爲易自今恭將四百人守備而下三百人各陞一級多者遞加總兵官七百人陞一級多者加賞孫吳等各如令例陞賞有差其未歸者督撫官厚加撫恤務令得所率領者視所率人數賞錄○庚午鑄給直刷光祿寺閤防及湖廣江西山東河南南直隸上江江北監兌主事各關防○直隸提學御史耿定向奏科場事宜一兩京鄉試主考官宜簡學行兼長者毋拘年資一兩京同考官宜令廣取正備卷呈送主考官所取未稱責令再閱或付別房覆校主考官仍自行揀閱卷卷果有異材亟收錄之毋避嫌輕棄一主考官止宜發初場試卷付同考必經校閱二三場更易品訂毋專委一人致令偏重初場遺真才積學之士一題來經書時義體制大壞有浮蔓五千餘字者宜嚴立程式一籠止許五百字以上六百字以下違式

者不與謄錄一命兩京各首于揭曉之日以中式舉人硃墨卷發提學官查驗鈐封送京府各布政司解部以防偽濫一革去兩京應試監生字號與土員一體彌封取中之數仍如舊額滿三十五名則止已而御史陳聯芳言亦重復場以羅實學及令兩京同考閱卷不必書各考字樣主考止以文字去取毋以考官為額數分考為次第禮部議覆俱允行之○陞山東都司顧班指揮僉事聶大經為署都指揮僉事掌河南都司事○辛未世宗肅皇帝梓宮及孝潔肅皇后孝愷皇太后梓宮俱至永陵獻殿奉安遣英國公張溶武定侯郭大誠玉田伯再崇安平伯方承裕恭階陵定西侯蔣佑然后土之神成國公朱希忠祭天壽山之神○禮部言孝愷皇太后神主奉安內殿孝懿皇后附享其歲時享祀禮宜如孝穆皇太后之

制一歲五享四存薦新忌辰行忌日供膳如 太廟 奉先殿  
之儀從之○浙江巡按御史王得春言各省舉人坊牌銀兩乃  
國家寶興盛典至嘉靖三十七年始以邊儲缺之權議扣減似  
非昔人勸駕續食之義宜查先年例全給禮部議覆從之○陞  
大理寺卿吳百朋為兵部右侍郎兼都察院右僉都御史仍提  
督軍務巡撫南贛先是吏部以百朋任南贛又在兵間稍遷大  
理卿未代而都給事中歐陽一敬等言巢賊屢撫屢叛頃高砮  
下歷出連岑岡為患巨測不宜輒易撫臣宜仍留百朋屬以剗  
賊為使吏部請從其議故有是命○陞陝西按察司副使朱綱  
為四川布政使司右叅政江西贛州府同知趙時齊為福建按  
察司僉事○置雲南祿勸州撤里巡檢司○壬申奉 世宗肅  
皇帝梓宮葬 承陵 孝潔肅皇后 孝恪皇太后梓宮附葬

達英國公張溶等皆 諸陵及祭謝后土 天壽山之神○勅諭禮部朕皇子二女適李氏生可冊封為皇貴妃江氏可冊封為賢妃以二十七日行禮其具儀未聞○癸酉起用吏部右侍郎林樹聲奉詔自陳求退不允○陞刑科都給事中徐公道為太僕寺少卿○陞河南彰德府知府張天馥為陝西按察司副使山東濟南府同知某龍為雲南按察司僉事○貴州宣慰使司土合安國亨遣人貢馬如例給賞之半○先是南京戶部尚書馮森以陞秩具疏謝 上報聞因命禮部查官員陞遷并一應謝疏當停免者俱酌議遵守至是禮部議在京文武百官凡遇冊立等大禮合進一表及 聖節正旦冬至等節止于丹陛前致詞稱賀一應陞賞奉賜既經面恩或廷謝者俱不得具本稱謝南京并在外五品以上衙門及各總兵官凡遇三大節進

表慶賀俱照常例行或值冊立等大禮例該慶賀者須待本部題允方許撰表齎進其總督撫按俱不得違例進表稱賀南京五府掌印官六部都察院堂上官大理寺正官及各處總督巡撫官皆係重臣一應陞遷及經論勅留用或軍功受賜邊鎮給賞等項既不得寸謝仍許具疏三司將佐等官一同受賞者總兵督撫即與併謝不得另奏其疏務明白簡直不得牽合四六之體務為浮靡之辭有不遵守者聽本部及該科指實叅奏詔如議行○直隸巡按御史周弘祖言淮安府所屬十一州縣水災重大種馬人戶流移未復請仍以三年為限得逃戶種馬折價悉與蠲免俟其歸復仍舊徵解兵部請從其議并行有司加意招復 一是之○甲戌禮部建冊封 皇貴妃賢妃儀注一先期內府造 皇貴妃金冊金寶并賢妃金冊及各冠服玉圭

等前一日鴻臚寺設節冊寶案于皇極殿節案居中冊左寶右  
設節冊寶綵輿于丹墀教坊司設中和韶樂及大樂設而不作  
一是日早內官設 皇貴妃受冊位于宮中設節冊寶案于受  
冊位之北節案居中冊左寶右設香案于節案前設賢妃受冊  
位于宮中設節冊案于受冊位之北節案居左冊案居右設香  
案于節冊案前設內贊各三人引禮各二人一是日早 上具  
常服以冊封 皇貴妃賢妃告于 奉先殿 世宗皇帝几筵  
孝烈皇后殿 孝恪皇太后殿如常儀一是日早鳴鐘鼓錦  
衣衛設儀仗如朔望儀 上具皮弁服御中極殿執事官行禮  
單鴻臚寺奏詣陛殿導駕官導 上陞座鳴鞭訖文武百官俱  
朝服入班行叩頭禮左右侍班正副使就拜位贊四拜禮畢奏  
傳制執事官舉節冊寶案由殿左門出用黃金遮送至丹墀中



傳制官由左門出搏有制贊跪正副使跪傳制訖贊俯伏與四拜禮畢執事官舉節冊寶綵輿大樂前導設而不作鴻臚寺奏禮畢鳴鞭 駕輿節冊寶輿至歸極門外正副使北向立內官舉節冊寶輿入將至各宮門引禮請 皇貴妃具禮服出迎于宮門外內官捧節冊寶由正門入 皇貴妃隨至拜位內官以節冊寶置于案內贊贊四拜贊宣冊贊跪宣冊女官取冊立宣于 皇貴妃之左贊措圭贊受冊宣冊女官以冊跪授于 皇貴妃 皇貴妃受訖以冊授女官女官跪受于 皇貴妃之右立于西贊宣寶宣寶女官取寶立宣于 皇貴妃之左贊受寶宣寶女官以寶跪授于 皇貴妃 皇貴妃受訖以寶授女官女官跪受于 皇貴妃之右立于西贊出圭贊輿四拜贊妃受冊行禮同惟不宣寶禮畢內官持節由正門出 皇貴妃賢妃

各送出宮門外內官齋節出至歸極門外以節授正副使散禮  
單正副使持節復命一是日 皇貴妃賢妃受冊封畢各具禮  
服候 皇上率詣 奉先殿 世宗皇帝几筵 孝烈皇后殿  
孝恪皇太后致行謁告禮如常儀畢遂詣乾清宮候 上服  
皮弁服 皇后亦具服各陞座贊引女官引 皇貴妃賢妃詣  
前就拜位行八拜禮畢各還宮一二十九日恭詣 上御皇極  
門百官各具吉服行稱賀禮（宣大山西總督侍郎王之誥奏  
兩鎮軍儲已奉詔蠲免十分之五虧邊軍半歲之需宜各補給  
及添設軍馬糧草費用之數宣府七萬二千餘兩大同四萬五  
千餘兩宜增入裁額戶部議以見徵四十五萬錢糧及帶徵四  
十三年以後逋欠者補給軍餉其年例宣府主兵銀十二萬兩  
客兵銀一十三萬五千兩大同主兵銀二十四萬九千六百兩

容兵殿六萬兩移太倉給發 上是其議詔見徵及帶徵錢糧  
行各撫按官嚴督有司作速完解有遲誤者聽該部劾治○乙  
亥更名景雲殿曰 弘孝殿○禮部以 弘孝殿工完進遷奉  
孝烈皇后神主儀注一三月二十二日早內侍官詣 神主  
輿衣冠等輿于 奉先殿左門外至期遣官以遷奉告于西夾  
室行禮如常儀告畢內侍官跪奏詣 孝烈皇后詣內殿奉祀  
奏訖內侍官于神座上恭捧 神主及內侍官捧神位衣冠等  
俱由左門出各奉安于輿執事者舉輿擊執纛扇如儀遣官後  
隨至內殿門外以駐內侍官詣神輿前跪奏詣 孝烈皇后神  
主降輿升殿奏訖于輿中恭捧 神主由中門入至殿內奉安  
于神座隨捧神位衣冠各以次陳設遣官行安神禮如常儀每  
歲五享四序薦新忌祭日供俱于本殿行禮○贈故南京兵部

尚書李遂太子少保賜祭二壇命有司營葬○御史王得春條  
奏四事一清宮闈謂累年選入宮人充滿掖庭其中老弱幽閉  
者未免抑鬱愁怨有傷和氣宜悉簡出一禁諂諛謂邇年多獻  
祥瑞以干恩澤備極諛辭即有災異匿不以奏甚非憂治危明  
之意乞悅諭中外臣工毋得仍蹈故轍四方水旱疾疫寇賊姦  
宄即宜據實報聞一慎題覆謂比來章奏繁多必該部秉公執  
奏明旨斷而行之乃為尊君命重主威之義近言官論事奉旨  
擬議該部率多委曲遷就以致政令不一下不知所守請勅各  
部今後章疏是者即為覆行非者即與論罷不必依違兩可以  
柰國是一慎貢選謂近奉詔令用人毋拘三途誠為美意但歲  
貢中沉淪日久壯志已隳似難責其策勵宜查復選貢例與正  
貢並行又宜慎選提學無采虛名其取士不當者即加顯黜禮

部覆奏從之○丙子遣駙馬都尉許從誠以世宗肅皇帝升  
祔及孝潔肅皇后祔享告太廟○鑄造日本等國雲南四  
夷車里宣慰使司等處信符金牌○詔建雲南新興州江川縣  
儒學除學正教諭各一員以禮部覆巡按御史劉思問奏也○  
命遼東都司掌印署都指揮僉事趙斌為分守遼東海蓋叅將  
○丁丑世宗肅皇帝神主至京遂升祔太廟駙馬都尉許  
從誠告奉先殿西夾室請孝潔肅皇后神主同祔享如儀  
遂遷奉孝烈皇后神主於弘孝殿遣駙馬都尉李和行禮  
○戊寅降太常寺掌寺畢禮部侍郎師宗記為本寺少卿少卿  
魏承詔袁好禮為寺丞宗紀等皆以道流致列卿御史王得春  
劾其冒濫宜罷下吏部議謂宗紀等素習祝贊之事請姑降級  
敘用自今卿及少卿有缺皆于科目中推舉從之○己卯上

御皇極門文武百官行奉慰禮始鳴鐘鼓鳴鞭百官奏事如常  
○庚辰奉安 孝恪皇太后神主于 神霄殿專祀 孝懿皇  
后神主祔享如儀○大學士徐階等言自古帝王莫不以講學  
為首務至我 祖宗列聖月開經筵日御講幄謨訓典式尤為  
炳然蓋以成就 聖德講明治道胥賴于此仰惟 皇上方建  
太平之業宜勤問學之功向以 世宗皇帝梓宮在殯未敢上  
請茲 山陵事畢祔 廟禮成經筵日講正惟其特伏望 皇  
上率循舊典特舉盛儀以緝熙 聖學實 宗社無疆之幸命  
候初行○兵部以薊宣二鎮修邊募兵移戶部發太倉銀協濟  
戶部奏言募兵之費屢經科道會議明旨屢分責在兵部其以  
本部助修邊 先帝嘗一行之然因馬價不足故為權宜之計  
今馬價收貯六十餘萬而修邊之費纔一萬有奇本部歲派錢

糧奉詔蠲免過半九邊軍儲尚不能給乃欲分外責辦其何以堪乞勅兵部自今比係各鎮修邊募兵務儘馬價夫給如米價乏已極本部儲蓄稍充然後議處從之○辛巳改南京太常寺少卿周怡為太常寺少卿○陞河南都司領班指揮同知王承詐為署都指揮僉事掌遼東都司事○壬午上以冊封皇貴妃賢妃告奉先殿世宗皇帝几筵及弘孝神霄二殿畢遂出御皇極殿遣英國公張溶鎮遠侯顧寰持節大學士高拱陳以勤捧冊寶行禮皇貴妃冊曰朕惟王化必始於閨門止備后妃之制天心欲昌於胤祚式先女士之釐爰舉彝章用延景貺咨爾李氏宅心貞順稟質惠溫恭而能安步履中珩璜之節敬而無失周旋合圖史之規乃受祉於神明誕儲休於宗社熙熙協夢丕照震索之祥蘭玉敷華茂發坤亨之瑞

庸頑異渥俾晉崇封茲特遣官持節封爾為皇貴妃錫之冊寶於戲位以德升已顯陟等威之峻慶由善積尚益凝福履之隆擲成治理於闡雅導集禎祺於麟趾欽哉賢妃冊曰佐乾綱而運化允資四德之良贊坤極以承休夙備三宮之制令德既登夫妙選徽稱宜被于褒章彝典具存渥恩斯霑咨爾江氏各區敬秀鉅族儲祥稟性淳和有如圭如璋之美提身淑慎得中規中規之宜勤勞久効於潛閨位號宜登於秘掖進龍軒之恭亞寵數攸隆被程榆之等儀榮光昭奕匪直鴻名之永耀抑期內範之協襄特封爾為賢妃錫之冊命於戲必欵必戒恒思繹于賢稱克慎克恭庸淑承于渥眷勉相暨敦之職茂延方韞之祥欽哉○瓜未道太常寺官祭東嶽泰山之神○命毀紫極殿紫極宮改建翔鳳樓樓在南城嘉靖中燬於火至是命重建之○



陞吏部左侍郎兵獄為南京禮部尚書○巡按四川御史李廷龍劾右叅政魏文煇僉事傅思明肅九成俱貪濫不職吏部議思明閒住九成降調文煇回籍聽勘從之○陞太僕寺卿鄒應龍為太常寺卿○南京刑部右侍郎徐陟以疾乞回籍調治許之○補廕原任太僕寺卿楊維聰子文禕為國子生以維聰長子文祥既廢而歿也○總督兩廣軍務兵部右侍郎兼都察院右僉叅御史譚綸遵詔自陳求退不允○大學士徐階以疾請假上許暫調攝仍命太醫院官診視賜猪羊酒饌○命懷寧侯孫世忠協同守備南京掌後軍都督府事○甲申勅諭禮部朕聞自昔帝王履中興之運者其德必崇啓昌隆之祚者其業必廣所從來遠矣至於闡述鴻休敷揚駿烈以流播無窮旨則後人事也洪惟我皇考世宗肅皇帝以至神至聖之資績

二祖七宗之緒明倫更制振教敦仁內珍奸欺外平倭虜盛德  
大業照耀古今真足以追 二祖而超百王宜有紀述以備一  
代之制爾禮部其遵 祖宗故事通行中外采輯事實送翰林  
院纂修實錄其以太師兼太子太師成國公朱希忠為監修官  
少師兼太子太師吏部尚書建極殿大學徐階少保兼太子太  
保吏部尚書武英殿大學士李春芳郭朴少保兼太子太保禮  
部尚書武英殿大學士高拱禮部尚書兼文淵閣大學士陳以  
勤吏部左侍郎兼東閣大學士張居正為總裁禮部尚書兼翰  
林院學士高儀詹事府掌府事吏部左侍郎兼翰林院學士趙  
貞吉吏部左侍郎兼翰林院學士林樹聲禮部左侍郎兼翰林  
院學士學院事潘晟禮部右侍郎兼翰林院學士殷士儋為副  
總裁左春坊左諭德兼翰林院侍讀姜金和等為纂修官一應

合行事宜悉炤例舉行欵哉○巡按直隸御史蘇朝宗條奏鹽法六事一蠲工本以蘇商困言鹽課自都御史王紳建議扣留餘鹽銀八萬二千兩每引官給窳戶銀二錢收買餘鹽謂之工本後以引鹽積滯旋議停罷而銀兩以無見貯者議於正鹽外每引附帶餘鹽二十斤淮南八單淮北四單共徵銀八萬二千兩有奇以抵工本之數而鹽課逾重商本愈虧今宜稍從寬恤將附帶鹽斤秋季以後即為停止每引照舊以五百五十斤稱掣則額課減而商困少蘇一明分地以正鹽法言直隸淮南廬鳳河南南陽汝寧陳州係淮北行鹽地方載在銅板興鹽法志近南陽十二州縣為河東所侵迄今未復今淮北淮南兩受其敕宜勅該部查照舊界將南陽所屬地方悉行准鹽以充課額一定科差以恤貧窳言窳丁糧差如嘉靖二十年黃冊恤窳之

法甚傳近來有司務爲苛刻混如僉派動行勾攝更徭雜出迫之逃亡鹽課積負率由於此宜勅撫按行淮揚二府將竈戶稅糧存留本處上納其徭役志舉蠲除非有重犯毋得勾擾一通零引以均戶則言竈丁貧富不一今九則編派之法自四引起至二十引止皆以耦起數甚於貧竈不便宜兼用奇耦之數下下丁以三引四引起算下中丁以五引六引起算至於上三則則更加一算如十五引至二十三引而止辨事之厚薄分丁力之壯弱斟酌拍益務使竈丁人得其平一掣河鹽以疏邊商言國初邊商親自支鹽至儀淮二所掣賣其後困于餘鹽將河鹽堆置淮揚存積漸多不暇守候乃分撥引目繫之居民故內商坐致富饒而邊商奔走益困宜照嘉靖四十年事例淮鹽河鹽相兼稱掣則鹽法疏通而邊儲給足一革濫費以肅官箴言兩

淮運司設有店戶居停官商各場有工脚充捏鹽看倉之後近  
來店戶計引徵銀歲以萬計及隸卒既已額編而別取工食皆  
有奸私宜一切禁革戶部上其議 上允行之○乙酉勅諭禮  
部朕惟講學乃帝王進德圖治之首務茲 山陵事畢經筵日  
講宜即舉行爾禮部擇日具儀并合行事宜來聞○陞陝西布  
政使司右叅政王道行為湖廣按察司按察使工部員外郎諸  
祭兗州府同知部大經俱按察司僉事祭四川大經陝西○詔  
贈故刑部左侍郎劉玉為刑部尚書賜祭一壇有司治葬謚端  
毅初玉以大獄罷士論冤之至是以恩例卹錄故有是命○虜  
犯遼陽長安堡備禦指揮王承德引兵力戰中流矢死官軍多  
被創巡按御史李叔和請卹錄承德并治指揮宋世舉都指揮  
高惟忠及副總兵楊四畏失事罪得旨承德贈都指揮使仍令

其子襲陞二級世舉等御史連問

大明穆宗莊皇帝實錄卷之六



明穆宗莊皇帝實錄卷之七

隆慶元年四月丙戌朔孟夏享太廟○是日陪祀官多不至有旨查奏罰定西侯蔣佑等一百五十餘員祿俸各一月○吏部疏上給事中張爾弼御史陳聯芳等會薦起廢諸臣南京戶部尚書劉采禮部尚書吳山兵部右侍郎吳嘉會都御史方廉即中劉瀾牧知府黃華原任都給事中厲汝進知縣霍瑛瑛得旨未等准起用嘉會爾弼報寢○河南道監察御史陳聯芳疏陳五事一資補助之益請退朝之後時御使數召對輔臣凡國家大政令大刑賞及陛下起居舉動之類使得因事納忠一務從諫之實請於羣臣章疏時動省覽如事關君身可為修齊治平之助者親賜披繹務見諸行事一重詔令之施言改元一詔中外傳頌兩華轂之下近侍之臣阻撓不行如適者查盤內府



錢擢之類是已乞將近日詔條嚴行遵守有懷私阻格巧詞破  
調者必罪無赦一慎爵賞之權言近日傳奉世襲官數至三十  
七員頗聞其中有以子而廢父以同姓而廢異姓者甚至都指  
揮重職亦與世官尤為例所未有俸途一聞人懷覬望請自今  
一切恩澤廢襲之官俱勅該部擬議以請其傳奉一節未為裁  
罷有以外陳乞者容臣等參論一復執奏之規言國初大臣因  
事執奏者甚衆如于謙在兵部王恕在吏部王昶在都察院  
班班可為宜特降諭旨凡事由中出而未合制典或已奉旨處  
分而未悉機宜者許部院諸臣援據典章條陳利弊 陛下與  
宰輔大臣定其可否而行之 上覽奏報聞○陞工部左給事  
中朱繪為都給事中兵科右給事中魏時亮戶科右給事中孫  
枝俱左給事中禮科給事中周世選為右給事中繪枝俱刑科

時亮兵科世選仍禮拜○雲南巡按御史劉思問奏請以該省積負鹽課自嘉靖三十一年至四十四年查係災傷失誤借解別年者悉與蠲免以惠竈丁黑白安寧等井提舉鹽課司官多課少事簡費繁宜將安寧鹽課司以屬安寧州帶管其提舉司等衙門設官併行裁革戶部議鹽課姑免二歲餘仍帶徵安寧提舉司仍留正提舉一員管事餘從汰省得旨如議行○丁亥禮部進經筵日講儀注一四月二十二日開講先一日直殿內官於文華殿內設御座又設御案於殿之東稍北設講案於殿之東稍南至朔司禮監官先陳所講經書各一本置御案各一本置講案講官撰經書講章各一篇置於冊內是日早 上御皇極門早朝後還宮進膳畢常服出文華殿陞御座將軍侍衛如常儀鴻臚寺官引知經筵同知經筵侍班講讀展書執事侍

儀等官於子陞上行五拜三叩頭畢以次上殿東西序立侍儀御史給事中各二員於殿門內左右北向立序班二員舉御案置御座前二員舉講案置御座南正中鴻臚寺官贊進講講官二員出詣講案前稍南北向並立展書官二員亦出班東西相向立鴻臚寺官贊講官鞠躬拜叩頭興平身東展書官詣御案前跪展四書起退立講官一員進至講案前展講四書畢仍掩書退就原所東展書官詣御案前跪掩所展書畢仍起並立西展書官并講經官展講進退如之既畢鴻臚寺官贊講官鞠躬拜叩頭興平身各退就班展書官亦退就班序班舉御案及講案俱置殿東原所鴻臚寺官贊理畢各官以次出丹陛上行叩頭禮退。上還宮一每月初二十二二十二日會講先期司禮監官陳設書籍御案講案如前侍班侍衛侍儀執事進講禮同

但各官止行叩頭禮每日進講 上御文華後殿止用講讀官  
及內閣大學士侍班不用侍衛侍儀執事等官侍班講讀等官  
入見行叩頭禮東西分立講官先講四書次講經或講史講畢  
各官叩頭退○改協戎政兵部左侍郎王本固為吏部左侍郎  
○戶部覆直隸巡按御史劉翹條奏鹽政四事一調停商竈言  
竈丁積習鹽課奉詔蠲免商人先已報中無從支給宜將鹽課  
如舊追徵其竈丁貧乏者別議優恤一議廢食鹽言在京官吏  
食鹽皆責場竈起解有裝載包賠之苦宜令各衙門公處腳價  
自行開支一清查竈丁言近者竈戶貧苦往往竄名軍伍中丁  
口日損額辦日耗宜行各督撫將召募軍丁嚴行查勘如係竈  
戶不得收伍其各運司官亦宜加意撫綏毋因以徭役一嚴禁  
私販言權貴射利者指以內監等衙門為名販或私鹽絡繹道

路沿河勢要之家窩藏守頌者亡喪公行販賣莫敢誰何宜行  
尚膳御馬二監今後啖馬涼鹽及魚蛤等鹽止許易買高鹽不  
得入場販載一切指稱者聽所司擒治其豪石窩藏及皇船及  
帶者官兵設法搜捕重則巡鹽御史劾奏以聞從之○先是徽  
王國除其莊田界鹿邑亳州者召民佃種鹿邑民佃種一百一  
十六頃亳州民佃種六百三十五頃畝徵銀三分入河南布政  
司稅徵宗藩祿糧時亳州民趙桂等積負租銀一萬七千餘兩  
乃謾言前地係本州軍民田土係時姦徒以獻徽府逼取軍民  
子粒不勝重困今徽府已廢前地宜各給主事下兩省撫按會  
勘有司隱不報已而勘實得其地于牛寺孤堆等處有司籍報  
又不以實所收租銀稱一千三百七十餘兩而解銀止九百餘  
兩于是巡撫都御史孟養性奏請嚴限追徵解部濟遼毋令姦

民侵占仍治桂等罪如律從之。命襄城伯李應臣僉書右軍都督府事。己丑南京吏科給事中岑用賓湖廣道御史尹校等以自陳考察拾遺劾奏原任都御史萬恭工部尚書呂光洵刑部尚書黃光昇太常寺少卿羅良當羅工部尚書雷禮刑部尚書錢邦彥行檢可議而大學士高拱屢經論列宜各令致仕。上以閣臣無拾遺例旨下切責用賓等命拱供職如故恭等下吏部議聞于是拱上疏求退。上溫旨慰留不允吏部覆擬光昇禮留用邦彥光洵致仕恭調邊方良調南京別用俱從之。岑用賓等又劾奏南京禮部尚書林廷機尚寶司卿郭彥彥枉道回籍及先帝遺詔不與哭臨。皇上登極不與慶賀奉詔考察不問自陳宜罷時廷機已致仕詔原之調立彥外任。○京山王勳熾內江王承燮稷山王胤柯薨。上輟朝一日治喪。

齊如例。○庚寅陞南京吏部右侍郎瞿景淳為禮部左侍郎湖廣布政使司左布政使畢拱為太僕寺卿。○兵科都給事中歐陽一敬再上疏劾秦大學士高拱屢經論列不思引咎自陳反指言官為黨欲威制朝紳專擅國柄亟宜斥罷。上以拱昔侍藩邸講讀年久端謹無過令拱安心供職拱因奏辨且言一敬必欲去自臣一日不去其攻擊一日不已惟上裁察上復優詔留之。○詔罷翔鳳樓工時都給事中馮成能等言皇上初御宇內山陵甫畢正宜修舉政事以新天下之觀瞻今他務未遑而亟于翔鳳之作流聞四方以為工作復興詔令之不信舉動之不當從此始矣今四方多虞公私耗竭一毀一建工費不貲昔文帝作露臺借百金之費而止翔鳳之費不止百金而陛下之仁優于文帝臣竊謂聖心必有不安于是舉者

惟陛下重明詔恤氏窮亟賜停止時闕臣亦手疏極陳其當  
罷上嘉納其言遂罷之命以紫極等殿材收貯別用○辛卯  
重修顯陵後思殿工成奉安唐宗獻皇帝慈孝獻皇  
后神位都督符華奉命行禮○兵科左給事中魏科亮請上  
於宮中慎節佚遊保愛精神日御便殿省覽章奏面與閣臣裁  
決章下所司○復除刑科給事中張縉于吏科○陞江西按察  
司僉事張祉為山東布政使司左叅議○大學士徐階上疏引  
疾乞歸上曰卿輔弼元臣德望隆重朕方虛懷委託督理化  
機豈可以微疾輒求引退宜即出供職以副養倚不必再辭○  
南京科道官岑用賓等以武職自陳拾遺劾奏後半部督府掌  
府事成國公朱希忠總督漕運臨淮侯李庭竹右軍都督府書  
都督僉事唐玉錦衣衛都指揮同知張大用各不職得旨希忠



留用度竹兼勸供職大用致仕玉華任○巡撫南贛兵部侍郎  
吳百朋奏高砮賊謝允樟等見官兵四集懼而求撫今春夏用  
兵恐方料作宜且聽許以安地方兵部覆奏從之○壬辰命保  
定侯梁繼璠僉書前軍都督府事○癸巳命太師兼太子太師  
成國公朱希忠少師兼太子太師吏部尚書建極殿大學士徐  
階知經筵事少保兼太子太保吏部尚書武英殿大學士李春  
芳郭朴少保兼太子太保禮部尚書武英殿大學士高拱禮部  
尚書兼文淵閣大學士陳以勤吏部左侍郎兼東閣大學士張  
居正同知經筵事賜之勅曰朕惟帝王修齊治平之道具在經  
史然必講明之無疑庶幾推行之有效肆我祖宗列聖法  
古帝王講明正學經筵盛典世世舉行朕以眇躬君臨萬國仰  
承丕緒恒思克荷之艱祇率舊章冀獲多聞之益今將以四月

二十二日御經筵命爾布忠階知經筵事春芳朴拱以勤居正  
同知經筵事詹事府掌府事吏部左侍郎兼翰林院學士趙貞  
吉吏部右侍郎兼翰林院學士林樹聲禮部左侍郎兼翰林院  
學士掌院事潘晟禮部右侍郎兼翰林院學士殷士儋國子監  
祭酒林燦右春坊右諭德兼翰林院侍讀呂調陽翰林院侍讀  
呂夏王希烈修撰諸大綬丁士美編修孫毓張四維林士章陳  
棟乞經筵官階春芳朴拱以勤居正并晟士儋大綬四維日侍  
講讀夫君以修德為要宜勤講學明理之功臣以輔德為忠務  
盡責難陳善之實卿等其尚端志竭誠稽于古訓啓沃朕心凡  
經文所載理欲消長之端政治得失之故人才忠邪之辨統業  
興替之由明白闡陳毋有所隱務俾學緝熙于光明治允躋于  
隆盛上以副 皇天 祖宗眷託之重下以敷海宇黎庶熙皞

之休而卿等引君當道輔成上德人臣之職斯無忝矣欽哉○  
陞山東布政使司右叅政使陳元資為湖廣布政使司左布政  
使刑部員外郎陳成甫為江西按察司僉事○南京廣東道御  
史李復聘等劾奏大學士高拱奸惡五事請罷之 上以其言  
不實切責復聘等令拱安心供職○錄大同殺胡堡等處揭賊  
功陞實官軍王信等二百五人○甲午工部尚書雷禮復上疏  
乞休不允○革錦衣衛冒濫官旗朱萬春等八十二人○授  
皇貴妃父李偉錦衣衛都指揮僉事賢妃父江泰錦衣衛正千  
戶○乙未陞禮科都給事中丘楨為南京太常寺少卿浙江道  
御史張登高為南京尚書司卿○陞山東按察司按察使李尚  
智為本布政使司右布政使○大學士高拱復上疏乞休 上曰  
朕素知卿宜再三求退宜即出以副眷懷○以宣大官兵出

遷搗糞有功賞總兵等官馬芳等銀幣有差○丙申禮部言  
郊廟社稷諸祭太常寺先期具奏行禮止奏日不奏時以  
故陪祀諸臣供奉失期者衆請以後並奏日時從之○起用原  
任南京戶部尚書劉采為南京工部尚書南京刑部尚書趙大  
佑原職改刑部右侍郎鄭宗臯為兵部右侍郎協理京營戎政  
陞提督操江南京都察院右僉都御史歐汝謙為大理寺卿○  
兵部尚書趙炳然以疾乞歸許之仍賜馳驛○黃塵四塞○丁  
酉陞山東布政使司左叅政熊柁為本省按察司按察使○戶  
部覆巡按御史周弘祖奏三事一言文忠院官匠錦衣衛官校  
各監局匠作光祿寺廚役額外增設者宜悉裁省以復嘉靖初  
年之舊一言官吏優免丁糧各有定數今貴勢之家多冒名詭  
藉以幸蠲復宜定為審編之法每甲明載官員舉監生員等應

免數目送驛傳道印記及府縣收貯不得違例多免一言殿稍  
不登椒請發內帑奏留漕糧甚非久計宜復古社倉之法令貧  
富出粟有差推有行誼者一人為社長主其歛散非甚貧者不  
得貸貸者稍出倍息如此數年村社皆有蓄積即遇凶饉不必  
仰賑于官詔如議行○戊戌 孝懿皇后忌辰 神霄殿行祭  
禮遣安平伯方承禧祭 陵園○己亥陞山東按察司副使胡  
湧為本布政使司左叅政○勅浙江按察司副使毛朮僉事李  
擢間任兩淮鹽運使司運使楊若璽降調以撫按官劾奏也○  
海西者判等衛女直夫人都督阿失卜等來朝貢馬宴費如例  
○庚子遣駙馬都尉謝詔以冊封告 奉先殿 上親告 世  
宗皇帝几筵遂出御皇極殿傳制遣使持節冊封楚府東安恭  
懿王長子顯梈為東安王夫人仲氏為東安王妃瀋府臨川莊

安王長子恬矯為臨川王沁水昭宣王第四子理塔為沁水王  
兵馬指揮黃佐女為吉府穀城王妃○禮部尚書高儀等請冊  
立東宮言元良為生本以綿萬年之胤祚太子豫建所以繫  
四海之人心自昔三代有道之長端在于此仰惟皇上誕膺  
明命昭受丕基蒞祚秉乾己啓龍飛之運永祧主器當宏燕翼  
之圖矧聖嗣早毓于潛藩而天序寔居乎元子唐齡方  
茂英哲夙成天下臣民罔不引領跂足願舉冊主之典臣等頃  
當春正建元之初即具疏題請聖情謙讓未賜允俞然而伏  
讀明諭且先賜名後行冊主臣等恪恭從命不敢遽言今復  
三月有餘朝廷大禮俱已告成維是東宮設儀闕焉未舉中  
外人心不勝企望願皇上俯容臣等上表陳請斷自宸衷  
勅下本部擇日具儀舉行以定國本以慰羣情上仍不允○

以重錄永樂大典成加少師兼太子太師吏部尚書是極殿大學士徐階正一品俸少保兼太子太保吏部尚書武英殿大學士李春芳郭朴少保兼太子太保禮部尚書武英殿大學士高拱各加少傅兼太子太傅禮部尚書兼文淵閣大學士陳以勤加太子太保吏部左侍郎兼東閣大學士張居正陞禮部尚書兼武英殿大學士原任太子太保吏部尚書兼武英殿大學士嚴訥給應得詔命總校等官禮部左侍郎瞿景淳兼翰林院學士陞俸一級國子監祭酒林煥陞太常寺卿管祭酒事侍讀呂旻王希烈修撰諸大綬俱左春坊左諭德修撰丁士美右春坊右諭德各兼侍讀大綬士美仍加俸一級編修孫毓為左春坊左中允張四維右春坊右中允各兼編修仍與五品服色修撰馮自強編修陶大臨俱侍讀侍郎汪銓陞俸一級吏部左侍郎

李鳴雷賞銀二十兩綺絲二表東南京國子監祭酒胡杰銀十  
五兩一表襄諭德姜金和修撰徐時行各十兩一表夏間位學  
士王大任檢討吳可行各復職致仕制勅多侍詔王槐俸二級  
詔中李苟左監正書恕俱河南右叅議右寺丞顧從禮光祿寺  
少卿與四品服色同維藩吳白成俱尚寶司少卿兼侍書餘各  
加俸秩及書寫生儒以次授職給賞有差已而偕等各上疏辭  
免恩命俱優詔不允○改南京兵部尚書郭乾為兵部尚書○  
陞大理寺石少卿唐繼祿為南京都察院右僉都御史提督標  
江魚管巡江○辛丑陞浙江寧波府知府吳道直直隸松江府  
知府黃華俱按察司副使道直山東華江西江西袁州府知府  
李寅實為兩淮都轉運鹽使司運使○命萬全都司署都指揮  
僉事王化熙元神樞營伍掌將軍四川都司掌印署都指揮僉



事張燾充松潘東路遊擊將軍。先是嘉靖丙寅十月套虜寇延綏定邊瓦剌等處殺總兵郭江及千把總等官高嵐等十四人執副總兵特鑿以去。旬月之內再出再入破城堡十餘所蹂躪數百里所殺掠甚衆。有旨旌郭江死事龍總督侍郎陳其學陝西巡撫都御史戴才回籍候勘奪廷綏巡撫都御史王遵休革總兵官郭琬職令戴罪殺賊而下巡按御史戴寶以聞。至是御史溫如玉劾奏功罪首論琬失事狀宜與守備等官高天吉等五十三人宥治如律并論才及遵而請恤銀嵐等兵部覆議失事地方非才所轄而遵以殘破之餘禦大舉之寇展布寔難宜稍示降罰不當深罪琬姑令暫理大同副總兵事仍與天吉等聽御史究問嵐等死事各錄其子令世級世襲得旨遵降俸一級策勵供職才候缺起用餘皆如擬。○壬寅以天氣晴熱命

錄法司及錦衣衛獄囚徒流以下減等發落重囚情可矜疑及  
初號者錄名以聞南京法司一體行已而法司奏死罪當出者  
八人免初號者十二人笞杖徒流減等一百十有三人從之○  
癸卯陞南京光祿寺卿江治為太常寺卿○陞戶科左給事中  
何起鳴為禮科都給事中吏科右給事中吳時來為工科左給  
事中禮科給事中張鹵刑科給事中曹當勉俱右給事中鹵戶  
科當勉兵科錄陝西忻都城等處死事官軍孫居等十五人各  
陞賞有差○甲辰始命夏至祀方澤以卯時行禮先是冬至  
祀元孟秋享太廟春秋祭社稷先師孔子歷代帝王俱  
用子時祭朝日壇以卯時祭夕月壇以酉時孟春孟夏孟冬時  
享及禘享太廟俱午時惟夏至祀地時未有定至是太常  
寺以請遂定于卯時○以修理景仁宮鑄給監工科道閔防○

乙巳封荆府樊山王載冷上母張氏為樊山恭裕王次妃代府  
和川王廷斌生母高氏為和川榮康王次妃從其請也○命改  
封襄府隆慶王載燭為鄖城王載燭以封號與紀元同疏請改  
封故有是命○陞大理寺寺丞溫如璋為奉寺右少卿○吏部  
右侍郎林樹聲以疾不能赴任乞在籍調理許之○陞南京工  
部員外郎宋繼先為浙江按察司僉事○工科給事中李貞元  
劾奏大學士高拱剛愎褻急無大臣體外姑為求退之狀而內  
懷患失之心屢劾屢辦屢留屢出中外指目轉相非笑非感世  
所宜有願臣賜罷免或特加優禮以示曲全有旨責元貞瀆擾  
令拱安心供職拱不自安力請去位上曰朕屢旨留卿特出  
眷知宜以君命為重人言不必介意○陞江西南贛團操指揮  
僉事王如澄為署都指揮僉事僉書廣東都司事○丙午禮部

覆戶科左給事中何起鳴言往事西番進獅子光祿寺日飼一羊搗上供之費以養無用又南京進鮮馬快船承天府增進香米等物擾害地方俱當詔罷太常寺歲用牲三千有餘例以行戶上納價未及領而上納之費已數倍當令并道官會同該寺給散牲價及稽察好弊得旨進鮮船騾擾及太常寺一切宿弊如議禁革承天府香米等物及外夷珍禽異獸即行停止不許進獻○禮部尚書高儀等言人君紹極繼統乃天命維新之會臣民觀化之特惟我皇上嗣登寶位已四月于茲矣一時羣臣感遇昌期胥謁誠款謀猷入告惟恐或後如大學士陳以勤首先獻納條為十事以為聖明保大嗣服之助已蒙溫旨嘉納其他科道等官咸有論奏亦各奉旨俞旨臣等祥閱諸臣之疏中間條列雖有不同至于請御文華殿召見輔臣大臣而加

詢聞親決庶政一事則甚有裨於 聖治今日要務信莫有先  
于此者臣等切惟唐虞君臣萃聚一堂都俞吁咈情意周闔上  
帝導下之言也則曰予違汝弼又恐其不盡言也則曰汝無面  
從所以君臣道合血脉流通古今稱盛世莫及我朝 列聖相  
承每每接見輔弼廷訪大臣或同游咏和致燕對庶時明良喜  
起庶享咸熙國家萬世太平之業端肇于此惟我 皇上登極  
數日即出御門朝宇威儀已復 祖宗之舊但大庾之上體統  
森嚴拜起唯諾勢相懸隔若止循例具文上有懷而不得下聞  
下有見而不敢上陳竊恐情意既不相接見聞未免日壅諸司  
奏牘中外事機豈能一一盡白于 聖衷耶今 山陵已畢典  
禮就緒經筵日講復賜舉行惟使殿執政尚未之及伏望 皇  
上仰稽 列聖之盛典俯納諸臣之忠言自今開講以後每日

朝罷即御文華殿除內閣輔臣日侍講讀自宜隨入供事其六部都察院大臣仍乞 皇上不時召見即將覽過題奏于係大賞罰大黜陟大典禮大刑獄大軍機大會計與凡一切大政令當斟酌詳議者特降清問許部院官陳述始末內閣輔臣即擬可否 皇上加以臈斷親賜裁答儘有疑難雖再三尚確然後答旨亦無不可科道掌印官每次各輪二員隨進如諸臣陳述未詳議擬未當者許公同詳正至于輔臣講讀之餘仍乞 皇上親發玉音咨詢治道或以章疏應采擬者令即在御前有詳面請宸斷如此則萬機之理日熟於 聖衷四海之治可運於掌上矣 上報可然其事竟寢不行○命應城伯孫文棟無書南京前軍都督府事萬全都司無書署都指揮僉事許南金掌本司事○巡閱御史陳杲劾奏原任藩子崧奏將滿詔及薊鎮

總兵官王孟夏腹削無厭大壞邊事乞罷孟夏追論詔未盡之

罪兵部覆議詔已請成勿論孟夏素稱勇故請降用以資後效

上報可降孟夏為虎擊將軍○丁未 上初御經筵賜宴于

會極門并賜知經筵同知經筵侍班大臣及進講展書執事等

官白金寶鈔彩段表裏有差○復駙馬都尉鄒景和原職景和

先帝時入侍直贊意頗不樂 先帝覺而遠之後于謝賞疏

引馬革裹屍語詔下法司問狀削籍為民至是給事中張鹵御

史陳聯芳等疏稱景和帝室親臣素負忠直無罪被擯公論惜

之遂復其官○海西阮水河等衛女直夷人都指揮那台失等

來朝貢馬宴費如例○陞原任吏科都給事中戶相禮科都給

事中魏良弼為太常寺少卿戶科給事中張選為通政司左叅

議南京浙江道御史馮恩為大理寺寺丞大理寺寺正毋德隆

南京兵部職方司主事劉世龍為尚寶司火卿各致仕吏部言  
相等 九朝遺直宜以次敘用而年皆七十以上例得引年宜  
陞秩致仕以示優厚故有是命○陞密雲城守備指揮僉事費  
懋甫為署都指揮僉事掌四川都司事○工部覆御史李惟觀  
奏言城河開壩工程宜定為規制以三歲一舉用首積久浩大  
之費廣源青龍二閘相距密邇宜令閘官兼攝并汰原派閘夫  
之一從之○戊申戶部尚書為守禮等奏直隸山東等處土贖  
民貧流移日衆者以有司變法亂常起科太重而徵派不均也  
夫因田制賦按籍編差國有常經今不論籍之上下惟計田之  
多寡故民皆棄田以避後且河之南北山之東西土地硠瘠歲  
入甚寡正賦尚不能給矧復重之以差從乎往臣在河南親睹  
其害近且行之直隸浸法及於山東矣山東沂費鄒滕之間荒



田彌望招墾莫有應者今行此法將舉山東為沂費鄒滕也夫  
工匠傭力自給以無田而免差當高大賈操費無算亦以無田  
而免差至襁褓胼胝終歲勤動者乃更受其困此所謂外也乞  
下明詔正田賦之規罷科差之法使小民不離南畝則流移漸  
復農事可興又國初徵納錢糧戶部開定倉庫名目及石數價  
值行各省以泐小民照倉上納完欠之數瞭然可稽其法甚便  
近年定為一條鞭法不論倉口不開石數止開每畝該銀若干  
吏書因緣為奸增減灑派弊端百出此泐之法變也至于收解  
乃又變為一串鈴法謂之夥收分解收者不解解者不收收者  
獲積餘之資解者任賠補之累是豈得為平乎且錢糧必分數  
明而後稽查審今混而為一是為那移者地也不惟不便於民  
抑不便于官宜勅所司查復舊規其一條鞭等法悉為停罷庶

稅額均而徵派便矣。上曰爾等以司計司農為職，茲所奏悉舉行其他可以足國裕民者，宜勿避嫌怨，盡心幹理，以副朝廷委任之意。○陞賞居庸關及土木等處獲功陣亡官軍王愷等二百四十人，有差。○己酉陞大理寺右寺丞王諍為本寺左寺丞，尚寶司丞海瑞為大理寺右寺丞，南京太僕寺卿袁洪愈為南京光祿寺卿。○吏部覆主事郭諫臣奏一正一真人荒淫不檢不當復令世襲，宜行所司查議應否，永為革除。一本朝重典非軍功不得世襲，皇親玉田伯蔣榮安平伯方承裕宜止終，奉身照泰和伯陳萬言例，仍著為令。甲身後不許再襲。一衍聖公或遇親喪，自今仍令守制，具襲封一事，所司代為奏請，令其守護印信，候服滿起送承襲，服內免其入芻。一太常鴻臚禮樂之司，自今正卿宜仍用進士，令其恭酌禮儀約束官屬，其列述出

身者太常寺至少卿而止鴻臚至左少卿而止秩滿之日止許  
加俸其制誥兩房中書官不得陞列九卿一兩司方面員缺宜  
于本省及鄰省就近遷轉令到期赴任一府縣官賢能者宜行  
久任之法其治行卓異者知府歷二三考得陞叅政以上知縣  
歷二三考得陞左右給事中以上得旨先行○庚戌改南京刑  
部尚書趙大佑為南京兵部尚書叅贊機務○改禮部右侍郎  
兼翰林院學士殷士儆為吏部右侍郎仍兼學士經筵日講如  
故○陞通政使司通政使樊深為刑部右侍郎○大學士高拱  
復上疏求去 上慰留不允○命神樞營副將署都督僉事李  
世忠充總兵官鎮守薊州永平山海等處○陞賞宣大二鎮平  
遠堡等處獲功陣亡官軍段元崇等九十五人石差○卒矣陞  
中都留守司領班指揮使沃允謙為署都指揮僉事僉書萬全

都司事○以遼陽諸路招還被虜人口千五十人及降夷六十  
五人陞總兵官王治道一級及叅將趙應昌副禦指揮劉承武  
賚予有差○壬子復鄭世子載堉冠帶以鄭王復爵也○禮部  
建 聖駕親祭 方澤儀注一前期四日 上御皇極殿太常  
寺奏祭祀如常儀一是日早 上御皇極門太常寺堂上官奏  
請 聖駕詣 方澤致祭錦衣衛官備法駕設板輿于皇極門  
下中門內侍官跪請 上陞輿錦衣衛官跪奏起輿 上常服  
象輿由午門臨門承天門長安左門安定門詣 北郊壇外西  
門內北門之左降輿導駕官導 上至具服殿具祭服出導駕  
官導 上由內壇右櫺星門入行文祭禮如常儀祭畢仍導  
上至具服殿易常服還宮○陞浙江按察司副使沈應時山西  
按察司副使李玘俱布政使司右叅政四川成都府知府劉侃

為按察司副使刑部員外郎栗魁周為按察司僉事俱陝西○  
刑部尚書黃光昇以疾乞致仕許之仍賜馳驛以歸○先是嘉  
靖四十五年八月廣東賊張韶南黃仕良等流劫南隄始興等  
處分守叅政郭應聘督兵攻之斬首一百七十有奇俘獲稱是  
至是撫臣李佐以捷聞上命賞佑及應聘銀幣有差諸有功  
者御史叢奏○癸丑詹原任陝西監察御史浦錠嫡孫朝柱為國子  
生以錠死廷杖也○甲寅詔追贈故新建伯南京兵部尚書王  
守仁為新建侯謚文成賜祭七壇太保左都督周尚文為太傅  
謚武襄火傅魚太子太傅戶部尚書謹身殿大學士蔣冕為火  
師謚文定火保魚太子太保吏部尚書喬宇為火傅謚莊簡各  
祭九壇禮部尚書汪俊為太子少保謚文莊祭二壇太子少保  
戶部尚書王杲為太子太保祭四壇刑部尚書喻茂堅為太子

火保祭二壇各命有司治葶廡事府火唐事黃佐為禮部侍郎  
都察院右僉都御史朱方為右副都御史各祭一壇南京禮部  
右侍郎呂柟為禮部尚書謚文簡太子太保吏部尚書武英  
殿大學士石瑄為火保改謚文介追奪尚書顧可學徐可成侍  
郎朱隆禧郭文英贈謚命及仆其謝祭等碑奪侍郎張寔誥  
命先是禮科都給事中李自修河南道監察御史王好問等各  
疏言冕等勲業聞望雖有不同然立朝大節皆無可議當酌賜  
卹典柟為耆儒宿學而謚號未定瑄以名德碩輔而謚曰文隱  
常為補改可成黃冠雜流文英匠作黜後本土論所不齒而可  
學以方術隆禧以藥物並冒恩寵尤大得罪於名教實以儒士  
習書遂濫擢職悉當追論以示創懲禮部議覆俱從之自修等  
又請追奪原任工部尚書甘為霖祭葵禮部議為霖人品雖庸

方然與異端雜沍不同宜優容勿論報可○陞太僕寺少卿李一元為鴻臚寺卿○勅山西布政司左叅議谷鍾秀河東都轉運鹽使司運使王潏冠帶閒住以山西巡撫王繼洛論奏也○兵部覆巡撫南贛都御史吳百朋奏龍南下歷安遠等縣巢賊雖已就撫而餘黨尚熾防禦猶當戒嚴宜令贛州府捕盜通判龍南縣捕盜主簿各移駐下歷新城領贛營及本縣操兵五百人守之本府捕盜事則以屬管糧通判魚理其下歷巡司宜移於高砂蓮塘協力守禦仍建社學訓子弟以開其自新之途又岑岡巢賊食盡勢孤宜飭廣中守臣及時議處并錄知府黃宸建議安撫之功上皆從之○平虜衛地震

大明穆宗莊皇帝實錄卷之八

隆慶元年五月乙卯朔。改南京禮部右侍郎裴宇為南京吏部右侍郎。巡撫應天等處右副都御史謝登之為通政使。陞南京都察院右都御史孫植為南京刑部尚書。南京大理寺卿吳悌為南京刑部右侍郎。陞大理寺卿管國子監祭酒林煥為禮部右侍郎。兼翰林院學士。仍充經筵講官。陞神機營練勇叅將孫國臣充神機營副將。丙辰。陞兵部著郎中歐陽穀為山西左叅議。襄陽府知府王可信為河東都轉運鹽使。巡按陝西御史溫如玉以套虜數犯邊境。殺掠無算。請治總督侍郎霍冀及巡按都御史王遴罪。兵部議。遴已降。俸勿論。冀水積弱之後。猝難振舉。姑令及時修飭。勉策後勲。從之。初。南京應天等五衛軍人防守浦子口。其食鹽俱赴買於龍江閘。已而



江浦縣李天瀾謂浦子口隸本縣令買食鹽本縣引鹽不得越江以啟私販巡鹽御史已主其議而浦守禦及諸軍堅執以為不便相持久之遂互相攻訐諸軍大譟擊殺部民天瀾僅以身免至是南京郭乾言二臣本以私忿相敵法當究治仍乞酌議鹽以杜爭端得旨買鹽地方仍舊行事于軍民有不便者自宜奏訴守禦官乃敢縱軍暴橫殊不畏朝廷法度平及軍人首事者南京兵部逮至法司重究以聞。丁巳。禮部覆給事中曹當勉奏宗藩子姪莫非王室懿親皇上即位覃恩當施由近始凡慰問勸獎及賑恤貧乏諸事請下撫按覈實本部議行至於名封婚禮各府所奏動以千數而本部必待覈實乃為題覆是以日歷月積廢闕甚多臣等議以為選擇婚配在于民間誠宜慎重其名封本府既以保勘及宗人府本部冊籍看詳無

異宜即題請其內外衙門需求許本宗奏陳及會五城緝事衙門訪治從之。以大祀方澤上親告太廟請太祖高皇帝配。戊午。改南京吏部尚書毛愷為刑部尚書愷疏辭不允。己未。端午節罷百官宴。道內官祭中霤之神。河工成先是黃河決新集龐家屯等處汎濫徐沛間故道沮洳不可復沒尚書朱衡議從南陽以南東至夏村又東至留城凡一百四十一里故都御史盛應期所鑿河形在焉又其地阜黃河即至昭陽湖不能復東乃鑿舊渠因深廣之引鮎魚諸泉薛砂諸河注其中壩三河口疏舊河築馬家橋堤過河之出飛雲橋者使盡入秦溝自留城至赤龍津又五十三里凡為閘八減水閘二十為壩十有二為堤三萬五千二百八十丈有奇石堤三十里已而鑿黃家口導薛河入赤山湖鑿黃浦導沙河入獨山湖

凡為枝河八旱則資以濟漕潑則洩之昭陽湖由是運道遂通  
○陞賞大同左衛應朔等處獲功陣亡官軍紀倫等九十一人  
○庚申○陞提督四夷館太常寺少卿林潤為都察院右僉都  
御史總理糧儲巡撫應天等處。起原任禮部左侍郎陳陞為  
南京禮部左侍郎改南京國子監祭酒王杰為國子監祭酒。  
陞賞陝西七里口小山等處獲功官軍萬私等七十六人。辛  
酉 上親祀池于 方澤 孝忠敬皇帝忌辰 奉先殿行祭  
禮遣彭城伯張熊祭 泰陵。癸亥。陞浙江道御史高薦芳  
為太僕寺少卿。復故刑部尚書吳原職贈太子少保初原問  
擬等罪忤旨落職吏部并叙其巡撫四川提督南贛時軍功故  
有是命。陞江西布政司左布政使范惟一為南京太僕寺卿  
浙江布政司左叅議殷從儉為河南按察司副使。以擒斬廣

東賊首王西橋等陞總兵官俞大猷為署都督同知提督侍郎  
吳桂芳俸一級分巡副使張子弘為按察司按察使管仲威兵  
備事分守恭將王詒遊擊將軍魏宗瀚各一級仍與分守等官  
陳祀等各賞銀幣有差其失事指揮等官任元相等下御史速  
問○總理河道尚書朱衡言河工告成宜分管理黃河上自漕  
縣直抵豐縣堤界新河自南陽起至朱家口而南及黃河自豐  
縣堤界而南可屬之徐州兵備迨其預防黃河繕理新河事宜  
皆聽計畫合用失力黃河調閘溜淺夫新河得調曹單等縣堤  
夫互相協助其和貯山東漕河搖夫工食及河道工食兩有事  
許呈請支費諸管河官員悉憑二道委用又請于曹縣上下築  
縷水壩修掃水臺以防秋水衝決之患其工費于兩淮工本銀  
及山東河南料價之給上皆從之詔運船過臨清免其帶

碑以漕軍重用也。甲子 太祖高皇帝忌辰 奉先殿行祭禮 諭禮部朕將以十二日出幸邸所司祇候毋怠禮部尚書高儀等以巡幸無名恐開逸遊之端疏請停寢禮部都給事中何起鳴河南道御史王好問等亦疏諫不從改太僕寺少卿徐公道為太常寺少卿提督四夷館。復除南京戶科給事中陸鳳儀於史料 詔復大學士楊廷和尚書王廷相梁材劉詵聶豹崔鵬侍郎江晚程文德曾銳楊守謙商大節張漢副都御史孫繼魯等原職。戶部請以錢糧文冊定式頒行天下自嘉靖三十六年至四十五年凡起運京邊錢糧完欠起解進徵數目及貧民不能納完者備記冊中白州縣以達府自府達布政司於來歲入覲送戶部查考如有隱漏那移侵欺及不如式者參治得 旨文冊如議行應泰官員部臣具以名聞。虜犯大同

任達溝等處泰將劉國引兵禦之戰西山及謝窪斬首二十餘級奪獲馬匹二千餘虜引還事聞上命賞國銀幣。史科都給事中朱繪等言湖廣施州衛中路安撫司應襲覃大寧一日奉五上語多不實情究治因言邇來游民潛聚京師鼓扇刁風大為奸利宜一切禁緝都察院議以土官覃壁爭印相跋及磁不當轄四川二事下撫按官看報奸民潛住者令五城御史及廠衛嚴行緝究從之。總理河道尚書朱衡條議新河應舉事宜一改移官夫改撥新河留城馬家橋夏村宋家口楊莊西柳莊馬家口八閘應役其沛縣宋家口此入山東界中宜割屬濟寧主事各提調允管以便約束一建議提夫議以新河南自留城至佃戶屯此自南陽至新橋橋新築堤岸及三河口壩堰俱建鋪設夫防護修理即以舊河提夫充役一查復淺夫除防守

堤壩外俱應留用仍如南旺事例三年兩挑與南河搖夫併力  
閘睿一改移驛遊議移沛縣泗亭驛遞運所于三河口山東河  
橋驛各亭遞運所于南陽沛縣夫廠於河口令豐蕭等縣協濟  
如故一分定職掌議自宋家口以南至白洋淺屬南河郎中督  
理自宋家口以北屬北河郎中督理各州縣掌印官管河等官  
悉聽察舉其沽頭分司移建夏村徐州沛縣魚臺管河官移駐  
瀕河以便巡視一申明漕規議令徐淮臨德管倉主事嚴限催  
督運船查革私載遺延希圖寄囤等弊一蠲免稅糧議新河獨  
山等處水占地土免其租稅及南陽一帶積水之地立法儲水  
以濟運道上皆從之。大同大雨雹。乙丑。太常寺官祭  
京城隍之神朝鮮國王李岷遣陪臣禮曹恭判宋贊等齎表陳  
慰別遣戶曹泰書鄭宗榮等進香 詔進香于 永陵獻殿門

外行禮賜其使織金衣綵段布有差禮部以山陵雖與而使  
者以陳慰進香至與他朝貢者不同請仍賜宴于遼東都司從  
之。禮部請舉幸學之典從之。陞江西右布政使曹三暘為  
左布政使右叅議崔近思為左叅議俱本省。陞五軍營練勇  
叅將李節僉書南京右府事起原任陝西總兵署都督僉書徐  
仁為神機營練勇將軍。丙寅仁宗昭皇帝忌辰遣成安伯  
鄭應乾祭獻陵。上出幸潘邨文武堂上官及科道掌印官  
俱扈從是日還。巡撫河南右副都御史孟養性以疾乞歸許  
之。丁卯。遣太常寺官祭前漢將軍壽亭侯。禮部奏纂修  
世宗寶錄事蹟令各省提學官採輯編彙齋送史館免差官  
採訪從之。陞山西按察使程瑤為江西右布政使。己巳。  
陞延安府知府周國卿為陝西按察司副使。以是年春汎福



建擒斬倭賊功。發巡撫塗澤民總兵戚繼光左布政使劉光濟銀幣有差。○兵部覆陝西督撫等官霍冀等奏本鎮下馬關為套虜衝斥之區。乞增設遊擊一員領募軍三千員。曰固原北路遊擊將軍與三路遊擊更番八衛。其本關守備仍移駐鎮戎所防守。又所募軍人宜用戰馬三千餘匹。發太僕銀二萬五千六百餘兩從之。上從其議。○庚午。詔罷寶坻縣等處採取魚鮮。自今薦新。上供俱令光祿寺備辦。毋得奏遣內官。著為令。○陞河南彰德府同知為山東按察司僉事。○以嘉靖四十五年延綏鎮招徠降人六百餘名。賞總兵官郭琬及叅將李希靖銀幣有差。○辛未。○陞右春坊右諭德兼翰林院侍讀呂調陽為南京國子監祭酒。○改巡撫遼東右僉都御史劉應節巡撫河南。○改南京工部尚書劉采為南京吏部尚書。陞協理京

營戎政兵部右侍郎唐宗皐為南京右都御史巡撫湖廣右副都御史方廉為南京大理寺卿。陞吏科都給事中楊思忠為太僕寺少卿。壬申。戶部言本部專理財賦內供國用外給軍需必用知天下倉庫盈虛之數然後可以通融節縮調停經費。祖宗時令天下所司歲以文冊報部立法明備為慮深遠而適者有司以為虛文漫不加意或久而不報或報而不詳欺慢混淆弊難枚舉。聖明臨御之始百度維新雖是舊典相應振飭請遣御史四人分行天下奉勅行事查盤各倉庫所積多寡有無登記文冊一進御覽一俚戶部稽考其冒破營私一切弊政勿論官之大小歲之遠近從實劾治從之。命御史譚啟往南直隸浙江馬明謨往江西福建廣東廣西張問明往湖廣四川雲南貴州趙岩往北直隸山東河南山西陝西各賜之勅

詔修國子監。寧夏總兵雷龍陝西總兵郭琥甘肅總兵傅  
津遼陽副總兵楊四畏甘州左副總兵劉永業涼州右副總兵  
張弼寧夏副總兵楊真蘆州振武營副總兵李勇各應詔自陳  
不職兵部疏列賢否以請有旨津革任龍等仍舊供職。陞  
汀漳守備曹南金為署都指揮僉事僉書福建都司事。以虜  
犯九壩等處論失事罪甘州右衛指揮蔡瑛發戍遣衛永昌衛  
都指揮孫朝等各降一級。癸酉。贈故南京戶部尚書張舜  
臣為太子少保賜祭二壇遣官治葬。甲戌。乾清等官殿工  
完遣尚書雷禮祭后土司工之神。降廣東道試御史齊康二  
級調外任初康以大學士高拱屢被論劾意大學士徐階主之  
乃疏論階險邪貪穢專權靈國狀復言先帝欲建儲階堅執  
不可及皇上登極有疑懼心遂詐稱疾以嘗上意又與大

學士李春芳聲勢相倚有旨切責康妄言令階春芳安心視事於是階疏辭言御史康劾臣過惡皆曖昧之事及謂父子請託則各部當事之臣可以召問俱不必辯至以建儲一事係臣阻撓尤為妄誕臣昔在禮部曾四疏請立東宮不報及備員內閣先帝嘗問及傳繼於時恐啟他釁以故不敢贊成而皇上之純孝曾懇為先帝陳之至今繳進御劄及臣所藏皆可查入亦何待臣之辯而後明也獨以父子蒙恩叨逾已極履滿處盈者人所成乞罷臣父子官以謝人言者上報曰卿夙夜忠懇朕以久悉尚茲當初政方切倚毗豈可遽以浮言求退宜遵諭即出供職是日春芳亦具疏乞休上亦溫旨答之不允於是六科給事中陳贊歐陽一敬等十三道御史凌儒張櫟等交章劾康為拱門生聽其指授宜置諸法而大理寺寺丞海

端言階事 先帝無能改於神仙土木之誤畏威保位誠亦有之然自執政以來憂勤國事休休有容亦有足多者康乃甘心鷹犬搏噬善類其罪又浮于拱左都御史王廷言拱前後被劾不自引咎輒復送辯以故言者不已康懷奸挾私黨邪誤國不重治之無以慰人心定國是日尚書楊博侍郎遲鳳翔樊深等各奏府妄言 上納其言乃重責康而諭留階始康疏上科道諸臣集闕下相唾罵之一敬尤不勝憤首疏論康而康亦論一敬互相指為黨邪譁然攻訐無復忌憚至於康疏雖妄然 皇上既已洞察宜候 聖斷乃舉朝騰疏攻之亦非政體識者非之○雲南京總兵黔國公沐朝弼湖廣總兵張桐貴州總兵石邦憲廣西總兵俞大猷浙江總兵劉顯南直隸江南副總兵郭成各遵 詔自陳不職兵部覆 上皆命供職○起原任寧夏

總兵趙應為五軍營練勇恭將原任大同恭將楊縉分守本鎮  
威城等處陞固原守備欽克本鎮北路遊擊將軍。乙亥。  
以天暑輟筵筵日講。丙子。追贈故南京兵部尚書湛若水  
為太子少保南京刑部右侍郎周廣為右都御史右僉都御史  
王雲鳳為右副都御史。丁丑。少傅兼太子太傅吏部尚書  
武英殿大學士高拱懇疏乞休許之自胡應嘉以言事得調歐  
陽一敬等數論拱拱前後疏辯詞旨頗激言者益眾及齊康論  
劾徐階眾籍籍謂拱族之於是九卿大臣及南北科道官紛然  
論奏極言醜詆連章特疏不下數十其持論稍平者勸上亟  
賜拱歸以全大臣之體而其他詞不勝憤輟目為大克惡寺丞  
何以尚至請尚方劍誅拱以必去拱為快御史巡按在遠方者  
轉相做效即不言眾共起之大抵隨聲附和而已拱既稱病乞

休疏屢上。上為遣醫診視。宣諭賜賚。恩禮有加。馬拱終不出。求去益堅。至是言。臣實為狗馬疾。恐一旦遂填溝壑。惟上幸哀憐。使得生還。上知拱不可復留。乃報許。命馳驛還鄉。調治。仍賜白金文綺。遣行人護送。大學士徐階三疏乞休。上曰。朕勉留卿。正賴裨益。新政況輔。弼大臣義當先國事。而後身圖。豈可固求引退。不允。辭宜速出供職。戊寅。陞直隸常州府知府李幼滋為山東按察司副使。乙卯。永陵。稜恩殿工完。遣成國公朱希忠恭請。世宗肅皇帝神位。中官恭請。孝潔皇后。孝烈皇后。孝恪皇太后神位。奉安。希忠行祭告禮。陞都察院右副都御史曹邦輔為兵部右侍郎。協理京營戎政。陞甘肅左副總兵劉承業為都督僉事。充總兵官。鎮守甘肅等處。命神樞營佐擊將軍著都指揮僉事。洪東陽充五軍叅將。

庚辰 勅諭太師兼太子太師成國公等曰茲者恭修 皇考  
世宗肅皇帝實錄已勅禮部采取事續命爾希忠為監修官大  
學士階春芳朴以勤居正為總裁官禮部尚書兼翰林院學士  
高儀等為副總裁左春坊左諭德兼翰林院侍讀姜金和等為  
纂修官於元年六月初一日開館朕惟我 皇考臨御天下四  
十有五年功德巍巍如天之大固未易以名言然其政令賞罰  
之施制作文章之盛言為典謨動成規範其事布之天下其文  
具在有司可得而稱述茲命爾等稽古義例纂輯成編以佐後  
人貽萬世其一時史職之稱否臣下之微惡亦得附見以垂鑒  
戒爾等宜悉心綜理夙夜勤事毋忽以致遺母誇以失實毋偏  
以廢公毋怠以玩歲殫乃心方用一代之令典以覲揚我 皇  
考之耿光稱朕意焉欽哉。陞禮科右給事中王治為吏科都



給事中工科右給事中王謨為戶科左給事中史料給事中陸鳳儀工科給事中李臺為右給事中鳳儀史料臺刑科。大學士徐階四疏求退。上曰卿德望隆重中外具瞻朕方懷倚託其弘化理豈可以浮言決於引去宜體朕勉留至意即出贊輔慎毋固辭。朝鮮國王遣陪臣議政府右議政權輿工曹判書鄭惟吉等進表文方物馬匹賀即位賜宴并織全衣綵段絹布有差。海西思里等衛女直夷人都指揮同知哈兒麻等奉朝貢馬宴賚如例。先是司禮監太監黃錦當廢弟姪為錦衣衛指揮乃奏辭新命而為其姪黃浦乞復都督衛仍僉書錦衣衛事下兵部議會錦死事遂寢已而太監滕祥等復為浦奏且乞授其族人黃保等六人為錦衣衛官為錦衣衛守墓仍令黃斌等三十人充御馬監勇士以示存恤。上皆許之至是給事中

嚴用和管大勳御史陳聯芳張楨等文章言浦等前已不職罷  
不當復叙而保等欲藉守墓冒授官職斌等以廝借勇士之名  
糜廩餼皆不宜聽許惟陛下為國家愛惜名器慎重法紀悉  
收回成命乃予以應得恩廕兵部覆請從之。壬午。駙馬都  
尉謝詒卒詔以嘉靖六年閏八月選尚永淳公主歷管宗人府  
事大漢將軍至是卒賜祭十五壇與長公主合葬西山。發太  
倉銀一萬九千兩于固原鎮新增兵餉。南京御史李復聘劾  
奏南和伯方炳窩藏江洋大賊鄭泮等請治其罪兵部覆請得  
旨炳革任下御史勘問以聞。命原任遊擊將軍石玉充為  
事官管固原東路遊擊將軍事陞五軍營備兵坐營指揮潘鳳  
翼甘肅平川堡守備朱清各署都指揮僉事鳳翼充神機營佐  
擊將軍清充分守西寧叅將。降慶成王府奉國將軍知恤為

庶人聞宅禁錮窩藏盜賊也。○癸未。○以纂修實錄賜監修總裁纂修等官宴于禮部。命英國公張溶尚書楊博高儀待宴。○修理普濟閘以河水衝溢也。

大明穆宗莊皇帝實錄

大明穆宗莊皇帝實錄卷之九

隆慶元年六月甲申朔始開史館纂脩 世宗肅皇帝實錄

命禮部遣官行取衍聖公孔尚賢及翰林院五經博士顏肇先孟彥璞仍別取孔氏老成族人五人顏孟族各二人馳驛來京以 聖駕將幸大學也。戶部署員外郎林喬相以三年秩滿請得追贈生母 上許之仍著為例故事嫡母在生母不得封喬生母已故故有是命。乙酉。先是賊劫湖廣保康縣殺知縣張士勲撫治鄖陽都御史劉秉仁以聞 上命秉仁督所司刻期捕之至是巡按御史陳省言秉仁制禦無策并劾都指揮孫紹先鄖陽知府介一清襄陽府知府王可信守備等官陽召等失事罪兵部酌議以請 上令秉仁戴罪紹先等住俸督兵緝捕召等下御史逮治。錄嘉靖四十五年大同鎮李官兒无

等處獲功陣亡官軍陳清等一百九十八人陟溝子獲功被創官軍王鳳等一百一十二人威虜堡等處獲功被創官軍喬文魁等二十七人命陞賞如例。新河鮎魚口等處山水暴決漂沒運船數百艘人民溺水無算。丙戌詔以隆慶懷來等州衛所莊田歸有司以供軍餉從太監梁鈿等奏也。丁亥。吏部左侍郎兼翰林院學士殷士儋以妻喪請假還鄉因乞恤典上念其講讀舊勞特賜馳驛給路費銀鈔仍賜其妻祭一壇所司治奠。陞戶部郎中朱熙載為陝西布政司右叅議。戊子。戶部尚書葛守禮以母老乞終養許之命河南都司僉書署都指揮僉事馬光祖充叅將分守河南嵩縣等處陞管理寧夏鎮城指揮僉事尹濂為署都指揮僉事充陝西軍門標下遊擊將軍。己丑。巡撫都御史謝登之巡按御史董堯封

追論湖廣按察使王道行徐州兵備副使徐節前為蘇州府知府貪濫不職狀有旨各回籍聽勘道行淳謹節敏幹治郡咸有聲而去後為周官所中故得重效。釋高墻某錮庶人充燹等及庶人聰澣等家屬還本府有司給養贍米如例以撫按官奉詔查奏也。以蘇遼春防事竣賞總督劉燾巡撫耿隨卿總兵劉漢及兵備泰政羅瑤副使張守中沈應乾銀帶有差。錄嘉靖四十五年陝西倒狼虎刺湖等處斬獲功賞官軍土各赤等一十七人。庚寅。添設湖廣隨州同知一員令駐出山小林二鄉專緝捕盜賊移置梅丘巡檢司于界牌地方裁革稅課司大使一員從鄖陽撫臣劉秉仁奏也。陞直隸真定府知府陳奎為山東按察司副使整飭徐州等處兵備。命寧宗人府事駙馬都尉劄景和兼管大漢將軍。先是套虜六百餘騎入犯

戚武堡榆林澗墩遊擊將軍高大吉引兵禦之指揮陳銳千戶  
党世恩等各出戰共斬首二十餘級俘獲連馬四百餘匹督撫  
官以捷聞兵部上狀并叙巡撫王遴及總兵趙奇功因言本鎮  
最銳衝弱獲功賞格宜加優厚如詔書所定得旨賞遴及奇等  
銀幣有差仍令兵部遵詔查擬邊腹衝緩等地具奏 命南京  
工部解織造餘積料銀濟邊應天府未解者仍照舊數追徵准  
明年料價南京工部二部未解者悉行停止從南京工部奏也  
○壬辰○兵部侍郎鄧洪震疏言臣竊見入夏以來淋雨弥月  
不止此陽制于陰仁柔不斷之象又京師去冬地震今春靈火  
作白日無光占者為地震陰不靜也主嬖倖盛感女寵漸感風  
靈兵象也主夷虜將有窺伺中國近日大同又報雨雹傷人畜  
平虜衛地震有聲以 陛下臨御甫及半載而災異疊見如此

豈無所以致之者耶臣伏見陛下臨朝之時聖容端拱未嘗時賜清問体察民情諸司奏章少經御覽經筵日講止襲故常未蒙虚心詢訪傳聞後宮日為娛樂遊幸無時嬪御相隨後車充升所謂女寵漸盛者未盡無也左右近習恩蔭徇情賜與頗濫所謂嬖倖蠱惑者未盡無也疏令非一前後背馳邪正混淆用舍猶豫所謂仁柔不斷者未盡無也萬一奸宄潛生胡虜入犯其何以待之惟陛下惕然深思暫罷遊宴務齋戒洗心以期感格諭令大小臣工同加修省敷陳直言以匡不逮勅戶工二部查民間室廬傾塌田禾漂沒之數且實奏聞量蠲今年田租之半以甦民困仍乞陛下留神萬幾輯熙典學以為應天之寶如此則可以轉災為祥矣得旨上下修省事宜禮部查奏舉行錄嘉靖四十五年九月固原寧夏榆林等處獲功陣亡



官軍劉彥中等一百七十七人命陞賞如例。癸巳。禮科都給事中何起鳴戶科右給事中張鹵等言。皇上迺來視朝大晏講讀暫輟輔弼御佐既未有召對之期諸司庶僚日疏於堂陛之隔非所為隆。聖治光新政也請自今視朝之時必以日初出為度經筵雖以威暑暫輟尤宜倣先朝故事仍御日講即以軍國大事與輔臣面議處斷并召見六卿科道咨訪政務疏下禮部覆請施行而御史鍾繼英亦請于輟講之期命內閣儒臣撰講章進呈上于宮中檢閱以資聖學疏上俱報聞。錄嘉靖四十五年十二月瀋陽平虜堡等處功陞賞官軍賀朝用等六十八人。甲午。改南京戶部尚書馬森為戶部尚書陞工部左侍郎魏尚純為南京工部尚書。命黎山長王子幹邦緩寧王長子幹垓襄陵王長子謨善淳化王長子緒煥襲封給祿

未三分之一以登極蒙恩詔天下暫免今年決囚。乙未命莊浪左恭將署都指揮僉事白允中左副總兵協守甘州鳳陽軍門署都指揮僉事李夢孫僉書河南都司事。錄嘉靖四十二年馬根單等處堡獲功陣亡官軍劉繼恩等八十五人命陞賞如例。修理河西務馬營道口等處堤岸以水災衝決也。丙申。上諭輔臣曰連止霖雨不止有傷民間禾稼朕甚憂之其令戶部查覆被災地方以聞內外宜痛加修省是日禮部議上修省祈禱及停刑禁屠事宜上曰內外有司其各務省愆修職以副朕畏天恤民至惠祈禱修省停刑禁屠俱五日諸司奉行不實者該科劾奏。先是御史張楨言皇極等門宜悉復聖主舊額大監李芳言南北二郊當合祀。上俱下禮部會官詳議至是上議曰天子正朝之殿所以臨御萬邦其名義實至

重我 皇祖締造之初名以奉天蓋用明王奉若天道之意先帝因天心示變革故鼎新之餘更曰皇極蓋取洪範皇建其有極之意為義並精所包皆廣至於他殿閣名額先後雖殊意各有當夫 皇祖為創業垂統之聖君 先帝實中興禮樂之英主凡有制作莫不仰順 天心遠稽古訓皆非臣下所敢輕議但竊見我 皇上御極以來善繼善述因革得宜凡事闕典禮細常安危治亂遺詔所載者俱次第釐正其遺詔所未及俟更張者則率循成憲不愆不忘蓋釐正者所以新一時變化之宜而率循者所以在三年無改之義聖明舉措高出千古若殿門等額遺詔未載關係頗緩今仗于 先帝山陵甫畢之後一旦舉而盡更之竊恐 皇上純孝之心有所未忍臣等以為仍遵舊名為當謹按周禮言園立方澤之制甚詳列載壇壝坎禮

樂象舞之數亦各有別則知天地分祭之說在成周已然矣秦漢之初去古未遠皆主分祭自是而後則分合靡常而論議不一然大抵主分祀者十之六七主合祀者十之二三程頤朱熹號稱大儒一則曰冬至祭天夏至祭地此何待卜則曰天下有二大事一是天地不當合祭則分合之當否槩可見矣我太祖高皇帝定鼎之初一時廷臣斟酌考訂建圜丘於鍾山之陽以冬至祭天建方澤於鍾山之陰以夏至祀地蓋亦倣周禮而為之至洪武十年偶感陰雨始改合祀我世宗皇帝應運中興乃集廷議更定四郊如洪武初年之制當時諸臣亦言辯論先帝折衷群議斷自聖心銳然舉行然非先帝作而為之實遵聖祖初制也茲遇皇上嗣登大寶遵奉遺詔凡一應郊社等禮下之廷議令參稽舊典斟酌改正中間如大享之禮

祈各之祭與天地社稷之祀原不係祖宗舊典及與古禮不悖者俱以釐正惟此四郊二祀原為聖祖成制臣等如舊請行荷聖明允俞北郊之禮又已修舉若復輕議更改臣等未見其可竊以為當如初議上曰殿門等名出自皇考欽定郊壇分祀亦皇考議復皇祖初制俱如舊遵行不必更改○原任南京兵部尚書郭乾疏辭新命不允○戶部言福建每年額徵鹽折屯折糧剩倉折鹽糧料鈔魚課酒稅并應解事例扣減弓兵驛遞寺租科舉駐劄等銀約二十五萬自嘉靖三十六年至四十三年以倭亂兵興留為兵餉不復起解其後撫按往往請留今倭寇既寧供億漸減請徵太倉毋以國家常賦溢一方糜費從之以霖雨壞民廬舍令五城御史以房疏錢巡按御史以賑罰銀分賑之貧者戶給銀五錢次三錢仍諭都察院

左都御史王廷等督御史嚴加稽察務使貧民得沾實惠。叙  
治河功加工部尚書朱衡太子少保仍陞俸一級陞都察院右  
僉都御史潘季馴為右副都御史禮科給事中何起鳴候四品  
京堂缺推用先後經理河道漕運都御馬森霍冀遲鳳翔張瀚  
孫慎翼練洪朝選孟養性先後巡按御史尚德恒蘇朝宗韓君  
思孫丕揚孫以仁李文績管河郎中程道東員外郎游季勳主  
事陳楠李承緒吳善言副使徐節原任叅政熊桴副使梁夢龍  
胡湧郎中李汶等主事唐鍊等各賞銀幣有差。丁酉。禮科  
都給事中何起鳴等以邊鎮地方雨雹京師靈雨不止疏請早  
朝晏退詢大臣開言路遠聲色戒伏堪重邊防節財用并下所  
司務修舉實政以應天心弭災害報聞。戊戌。上以修省  
素服避殿御皇極門視事巡撫浙江右副都御史張師戴以

疾乞歸許之禮科左給事中王治等奏上清查內府各監局庫  
布絹綿絨香蠟之數請如詔令舉行因劾奏掌洪用庫內官程  
廷玉掌丁字庫內官馬戶等乾沒之罪上報可仍以廷玉尹  
屬司禮監治罪。兵部覆巡撫遼都御史魏學曾條陳邊務一  
分衛治言逆者行太僕寺少卿加以憲職割鎮武西平西寧西  
興盤山五駟堡屬之使居中統轄然僅隸數堡而不令隸衛事  
勢必齟齬不行宜將鎮武盤山仍歸屬分巡道而以分守道所  
轄海州衛并東昌東勝二堡及原轄西平西寧西興三堡并屬  
之太僕歲以水合時駐海州防大虜餘月則移駐西平以備零  
寇一定信地言河西高平去副總兵駐劄之地遠甚有警猝難  
應援宜令高平遊擊專聽總兵節制副總兵不得調遣一改屬  
堡言潘高架子臺等處常被虜患往往由遼陽長營堡入瀋陽

距長營四十里而距遼陽百里宜割長營僅屬瀋陽備禦以副  
總兵所轄武靖營屬長營備禦為便一移備禦瀋陽備禦所轄  
上榆林平虜靖遠三堡地皆衝要而平虜尤甚今瀋陽城既駐  
遊擊宜令備禦率兵四百移駐平虜以嚴防守一處橋朋言本  
鎮有馬官軍月糧折銀不及地鎮三分之一自給不贍而倒馬  
者既責自買不當追銀自今倒馬官軍無力自買者方追梅銀  
其月徵朋銀盡與蠲免命如議行。己亥 命陝西行都司掌  
印署指揮僉事湯昂充左叅將分守莊浪地方陞建陽衛指揮  
使蕭應祥為署都指揮僉事充鳳陽軍門中軍官提督孫江右  
僉都御史盛汝謙舉副總兵等官李錫等才勇可用宜加紀錄  
仍乞給賞以示激勸兵部請下南京都察院查議上以操江官  
軍無給賞例汝謙市恩妄請兵部不能斥其罪又推諉行查非



人臣體國任事之義俱切責而宥之。○修理泰陵門殿廊廡其  
橋梁暫停止以詔書初止興作也。○庚子。○時帑藏空虛詔書  
多所蠲免經費不足戶部條上其議一南京戶部折銀等項銀  
三十萬南京兵部馬價二十萬南京工部太僕寺料價等銀并  
地租各十萬臨清廣積二倉德州倉四川湖廣採辦大木各布  
政司及直隸府各庫所貯銀兩宜令量留三分之一以備本處  
支用其二分盡起運入京一本部會議奏行條件內開分取軍  
餉變賣番貨稅根在剩抽收鈔稅魚課引錢查楚府蘆州鹽課  
河銀申明茶禁官產等價屯田銀稅契引錢查取引錢改折馬  
價酌處駟遞水夫工食曆日紙張缺官柴薪併開納事例等項  
銀本為邊餉不足計無所出多方括索而有司不行查解部檄  
屢下未有至者宜令查盤御史嚴督解京如有怠緩及他弊者

劾奏一各處派徵農桑布絹及額辦冬夏布疋原以備內府供  
應今各庫所積疋支二三年宜改嘉靖四十五年為折色每疋  
於原估外量加二錢臨蕪湖荊州九江南北新開蘇州淮陽河  
西務等處錢鈔亦改折色待三年後仍解本色如故其織造採  
辦等項已奉詔停止其原行徵辦價銀與南京蘇杭織造餘銀  
盡數解部供應甲丁等庫物料既積有盈羨當悉改折色一  
贓罰銀兩十分則留用二分解戶工二部各四分而工部營建今  
已詔罷宜悉歸戶部并僧道度牒吏承班銀有司如期起解不  
得怠緩議上從之改折銀兩仍屬御史查理完解。賞春班官  
軍趙舉等一萬一百十員名各銀一兩以禮兵二部覆鎮遠侯  
顧寰奏也。辛丑。兵部覆御史王友廣條陳邊務可行六事  
一重將領以專責成言今用將之弊多由選擇不精而還轉太

驟事權甚輕而文法甚密必嚴簡擇之法行久仕之規而假以  
事權略其細故然後真才可得而用也一嚴清勾以實行伍言  
蘇鎮自石店嶺至山海關原額官軍幾滿十萬屬者冊籍徒存  
行伍日出宜令備嚴原冊勾補充數一革贅畫以除苛擾言近  
年各邊稱篋畫者皆贖緣僥倖之徒冗食軍餉冒濫首功宜悉  
罷斥一罷關稅以重國體言故事取山海商稅以助撫賞今征  
求無度侵扣滋多商人若之宜令守關分司驗權而永平道以  
時覈之勿委胥吏重為商困一清撫賞以宣德威言朵顏三衛  
歲有撫賞而承委者往往侵盜致扣軍糧抹山木償之而尤不  
足宜令兵備道同叅將遊擊等官身詣隘口分給毋蹈故轍一  
節貢夷以防邊隙言夷人入貢皆將領啗之使來以自為功而  
來者不過部落厮隸藉以邀賞者以故需求無厭甚者攜入奸

細國家亦何假此。屬以為重乎。宜禁各總兵官不得賂使入貢。其入貢者必都督等職。仍令守備官押護節其出入。從之。○壬寅 永陵工完。遣英國公張溶祭告。長陵武定侯郭大成王田伯蔣榮安平伯方承 祭告。猷陵 景陵 裕陵 茂陵 泰陵 康陵定國公徐延德祭告。永陵恭順侯吳繼爵告。祭 天壽山之神侍郎徐綱告。謝后土司工之神吏科左給事中陳瓚條上六事。其通上下之交納匡救之忠黜近習之誘正。敷奏之議四事。皆請召見大臣親決庶務。屏遠佞容。納直言。諸臣已屢言之。其中勸戒之典言故大學士楊廷和尚書林俊彭澤梁材侍郎何孟春員外楊繼盛太僕寺卿楊最御史楊爵贊善羅洪先卹典宜加優異。總督楊順御史路楷阿附權奸。殺害忠直。宜追論其罪以示勸懲。其核循良之實。請加意守令。得

旨采其事聞 朝廷者餘下所司着議以聞。保定巡撫都御史曹亨巡按御史郝杰遵詔請裁革保定府通判一員定興縣巡捕主簿唐縣縣丞各一員。及祁州易州清苑安肅定興新城唐縣博野完縣蠡縣雄縣束鹿涿水等州縣各訓導一員大寧都司吏目一員河間府滄州清軍同知獻縣清軍主簿鹽山縣巡捕縣丞寧津縣管糧主簿任丘縣巡捕主簿各一員及滄州景州河間阜寧交河清縣寧津吳橋東光南皮鹽山獻縣阜城任丘故城等縣各訓導一員真定府井陘靈壽平山三縣各管糧縣丞一員贊皇縣黃沙嶺巡檢一員及真定井陘獲鹿元氏藁城栾城無極平山定州新樂曲陽行唐冀州南宮新河藁強武易晉州安平饒陽武強趙州柏鄉寧晉深州衡水等州縣各訓導一員順德府任縣縣丞一員刑臺沙河河南河平鄉廣宗

鉅鹿唐山內立任縣各訓導一員廣平府曲周縣主簿一員及  
鷄澤威縣清河永年邯鄲成安曲州廣平肥鄉等縣各訓導一  
員大名府管馬通判一員南樂清內黃東明等縣各巡捕主簿  
一員及開州大名南樂清豐內黃東明元城魏縣濬縣滑縣長  
垣等州縣各訓導一員從之。癸卯。陞戶部左侍郎劉體乾  
為南京戶部尚書起原任巡撫宣府都察院右僉都御史趙孔  
昭提督軍務巡撫浙江等處以陝西布政司事例贓罰銀五萬  
五千餘兩為固原鎮兵餉。論遼東甯陽清河等處功罪陞指  
揮石金守備王世祿千戶白任各一級指揮高世勳王增吉李  
平陽孫光裕及百戶王大恩等俱下御史按治。甲辰。吏部  
尚書楊博以凡靈兩地震冰雹恙為兵象疏請申飭邊備。上  
曰各邊兵食戡守機宜令劉燾王之誥霍冀各鎮兵備守巡等

官竭忠為國協力整理秋防事峻仍覈功罪以聞。刑科右給事中李臺論劾南京工部尚書魏尚純黃緣通顯宜罷尚純亦兩疏乞休。上不許令仍供職。乙巳。陞故都察院右都御史張岳男宿為國子生初岳長子得承蔭尋中順天鄉試宿援例乞補許之。秦府管府事隆德王敬容辭其祖母母妃養贍米歲二百石。上從之仍賜書獎諭。丙午。禮部覆都給事中何起鳴奏令隆慶二年天下來朝官即賞進。萬壽聖節表文不必別委自後朝觀年悉遵此例從之。巡閱御史王友賢劄鎮自馬蘭峪至峨眉山地多膏腴請如密雲故事募民佃種以做寓兵於農之意戶部覆奏可行從之。御史劉翹奏北隸武清等處山東汶上縣等處水災異常壞漕河是岸橋閘及民間廬舍田禾甚眾請下撫按官查勘蠲賑章下所司。丁未。歲給

唐順王宙祿母妃丁氏等。繼妃夏氏等。養贍米五百石。○兵科給事中張齊言宣府收馬草場屯田圍種等地。往以勲臣內官為鎮守總兵各佃種數十頃。收租以充公用。後雖奉旨革回。而占田如故。吏莫敢聞。遂以閔愚民投獻之端。為奸人遁逃之藪。請一切清理還官。上令巡按御史查追具奏。如有勢豪私占者。即以名聞。不得故縱。○先是給事中趙軫御史周弘祖請以故禮部侍郎薛瑄從祀孔廡。御史耿定向亦請以故新建伯兵部尚書王守仁從祀。下禮部議。至是覆言孔廟從祀國家所以崇德報功。垂世立教。其典甚重。我朝祖宗列聖增入名實。類皆宋元以上。而明興二百年間。未有一人誠慎其事也。臣等謹考侍郎薛瑄潛心理道。勵志脩為。言雖不專于著述。而片言隻簡。動示楷模。心雖不繫于事功。而偉績恢猷。皆可師法。尚書王



守仁質本超凡理由妙悟學以致良知為本獨難性命之原教  
以勤講習為功善發聖賢之旨此二臣者皆百年之豪傑一代  
之儒宗確乎能冀贊(訂)聖學之傳矣然瑄則相去百年輿論共  
服先朝科道諸臣建言上請累十餘疏而儒臣獻議與  
瑄者十居八九世宗皇帝亦嘉瑄能自振起(猶)尤謂公  
論久而後明宜俟將來若守仁則世代稍近恐眾論不一請  
勅翰林院詹事府左右春坊國子監儒臣令其廣諮博討撰  
議進覽仍下本部會官集議以俟聖斷上是之○戊申  
陞南京刑部郎中姚篚為貴州按察司僉事○以雷澤兩詔  
免宣府鎮南山一帶衛所屯糧有差○賜故少師兼太子太  
師吏部尚書華蓋殿大學士楊廷和太子太保兵部尚書兼

左都御史梁材祭四壇兵部侍郎曾銑楊守謙太子太保兵部尚書聶豹各祭九壇太子少保戶部尚書高大節右副都御史孫繼魯祭一壇各命有司治塋南京國子監祭酒鄒守益祭一壇俱賜謚廷和謚文忠廷相肅敏豹負襄材端肅銑襄愍守謙恪愍大節愍<sup>端</sup>繼魯清愍守益文莊賜故刑部尚書劉詔兵部尚書翟鵬各祭二壇工部右侍郎江曉南京工部左侍郎程文德兵部左侍郎張漢各祭二壇遣塋如例○己酉 孝莊睿皇帝忌辰 奉先殿行祭禮遣都督僉事沈至祭 裕陵○命公侯伯應襲子弟俱赴國子監習禮以禮部言視學在迓欲其迎駕聽講故也○賜故太子太保刑部尚書林俊祭九壇南京工部尚書廷舉二壇有司治塋俊謚貞肅廷舉謚清惠戶部左侍郎唐胄祭一壇給塋之丰罷故江西副使汪一中專詞其及<sup>祠</sup>

子孫廕授錦衣百戶。改注原籍衛所追奪故副都御史戚端明  
贈謚誥命勒原任文選司主事史際閒住先是南京給事中岑  
用賓言俊廷舉胄皆先朝名臣大節素著而卹典未備一中  
失機殞身原與仗節死義者不侔而卹錄太厚御史陳省言端  
明以方藥于寵際以建醮祝壽加秩皆名教所不齒請賜奪追  
禮部議覆從之。禮部進聖駕臨幸太學行釋奠義王禮一八  
月初一日行禮前期致齋一日太常寺預備祭儀設大成樂  
器于廟堂上列樂舞生于階下之東西國子監灑掃廟堂內外  
設監同錦衣衛設御幄于廟門之東上南向設御座彝倫堂正  
中鴻臚寺設經案于堂內之左設講案于堂內之西南隅錦衣  
衛設衛衛教坊同設大樂俱于午門外是日早晚朝百官吉服先詣國子監門外迎駕分  
奠陪祀等官武官都督以上文官三品以上及翰林院七品以

樂設而不作太常寺先陳設祭儀于各神位前設酒罇爵如常儀司設監設上拜位于先師神位前正中是日祭酒司業率學官諸生于成賢街左迎上至廟門外降輦禮部官導上入御幄具皮弁服奏請行禮太常寺官遵上出御幄由中道詣先師廟陛下唱執事官各司其事執事官各先斟酒于爵候導上至拜位分奠并陪祭官亦各就拜位分奠官列于陪祀官之前俱北向立贊迎神樂作樂止奏上再拜分奠陪祀官行禮向奏播圭太常寺官跪進爵樂作上立受爵獻畢復授太常卿奠于位前樂止奏出圭上出圭分奠官以次詣神位前奠爵訖各以次退就原位贊送神樂作樂止奏上再拜分奠陪祀官同贊禮畢太常寺官導上由中道出分奠陪祀官各退易服上入御幄更翼善冠黃袍禮部官入奏請幸彝倫

堂 上陞興禮部官鴻臚寺官前導由樞星門出從大學門入  
諸生先分列于堂下東西相向祭酒司業學官列于諸生前  
駕至皆跪候 駕過然後序立北向原分奠陪祀官及百官分  
列堂外稍上左右侍立 上至彝倫堂陞御座筮祭酒司業學  
官諸生行五拜三叩頭禮武官都督以上文官三品以上及翰  
林院學士升堂光祿寺預設連几於左右執事官各以次立贊  
進講祭酒從東小門入至堂中鴻臚寺官奉 案進于御前禮  
部尚書奏請授經于講官祭酒跪受經畢 上諭講官坐祭酒  
乃以經置講案叩頭就西南隅几塌坐講上賜武官都督以上  
文官三品以上及翰林院學士坐皆叩頭序坐于東西諸生圍  
立于外以聽祭酒講畢叩頭退出堂外就本位司業從西小門  
入進講亦如之贊有制祭酒司業學官諸生以次退先從東西

小門出列于成賢街候尚膳監進茶 上諭光祿寺賜各官茶  
畢退于堂門外叩頭序立鴻臚寺奏禮畢駕興升輿出太學門  
升輦鹵簿大學前導樂奏祭酒司業學官及諸生俟 駕至跪  
叩頭退百官吉服先詣午門俟 駕還鹵簿大學止于午門外  
上御皇極門鳴鞭百官吉服鴻臚寺致詞行慶賀禮畢鳴鞭  
駕興還宮百官退初二日襲封行聖公率三氏子孫祭酒司  
業率學官諸生各上表謝恩 上具皮弁服御皇極殿錦衣衛  
設鹵簿駕百官朝服侍班行禮 上易常服御皇極門禮部官  
引奏賜祭酒司業學官及三氏子孫衣服諸生鈔錠畢 駕還  
是日 上御皇極門賜宴武官都督以上文官三品以上翰林  
院學士并檢討以上祭酒司業學官并三氏子孫及禮部太常  
光祿鴻臚寺執事官員與宴初三日祭酒司業率各官諸生謝

恩 上賜勅勉勵師生祭酒司業率學官諸生復謝恩一國子  
監習禮公侯伯俱令迎 駕聽講觀禮跪受宣諭班列于學官  
之次諸生之前得旨如擬既而以 世宗皇帝服制免文武官  
宴其三氏子孫及祭酒司業俱賜宴于禮部。遣翰林院檢討  
許國兵科給事中魏時亮頌即位詔于朝鮮賜其國王及妃紵  
絲表裏文錦綵絹有差國等各賜織金衣一襲鈔百錠。吏科  
給事中王治勅奏總督蒯遼保定軍務都御史劉燾總督南京  
糧儲副都御史曾于拱各貪不職吏部議燾任邊方數年有脩  
設調度功宜留用拱如治言當罷得旨燾眾勵供職于拱閑任  
。禮部覆御史王得春凌儒奏請釋放宮女不報。庚戌。改  
南京戶部右侍郎萬士和為戶部右侍郎總督倉場。御史王  
廷瞻以雨災言三公漁成牧場子粒新增銀兩及裕府莊田改

作乾清宮供用錢糧者宜賜蠲恤 上命詔旨免十之五。發  
慶戌王鎮國中尉知鄭高墻禁匠坐兩傷其兄知懋故也。辛  
亥 孝穆皇后忌辰遣都指揮同知王極祭 茂陵 陝西柏  
林七占他寵哈古等族番人刺卜等進貢方物馬匹給賞如例  
。壬子。遼東巡撫都御史魏學曾言本鎮自開納例行衛所  
軍舍餘丁多援納吏役規免徭賦以致尺伍日虛乞罷其法許  
之。先是內府供用庫太監翟廷玉等言歲用黃白臘糞米鹽  
茶等物行移戶部辦納送庫戶部執奏不可有旨再議至是戶  
部復言據查盤料道文冊所開內庫所積尚有贏餘俟此後支  
用不足再行酌議今 聖政方新請免加派以信昭旨以明儉  
德 上是之。兵部覆巡應天都御史謝登之奏往者大江南  
北以倭寇故募兵增餉萬非得已今地方稍寧宜將水陸軍兵



量為汰革歲省糧費八萬有奇其常鎮二府各設重兵無所統轄宜令清軍同知改註海防分地駐守兼理清軍事從之

大明穆宗莊皇帝實錄

大明穆宗莊皇帝實錄卷之十

隆慶元年七月甲寅朔孟秋享太廟。巡按直隸御史艾可久論劾禮部左侍郎潘晟南贛兵部右侍郎吳百朋各貪冒不職狀歲上疏辯乞休。上以其所論無事實留待講讀如故而吏部亦覆言百朋當巢寇反側有經畧才輒易不便有旨令策勵供職。乙卯。建州左等衛女直夷人都督等官抑尚等朝貢賜宴賚如例。丙辰。上諭內閣曰朕即位以來積卿等輔弼乃科道官不諳事體屢肆欺言卿等宜有以處之。于是御史李惟觀言天下大勢尤人一身必元氣周流乃能安然無事。我皇上自即位以來首錄建言得罪諸臣凡官民利弊許諸臣直言無隱甚感德也。頃者京師霖雨為灾宣大地震淮徐水溢遼東之旗鎗出火而民間之金釜皆鳴此宵旰殷憂之日一時臣

工爭相與畢智効忠以稱明旨而皇上過生疑慮逆折讜言非所以謹天戒而一衆聽也上下其章于所司已而工科都給事中馮成亦上疏極言聖明之世不當以言為諱宜發德音明示天下使曉然知前日之諭乃一時有為之言而非皇上本意度忠言日聞而無壅蔽之患上報曰所諫朕之素心若所言當理無不嘉納昨諭乃謂妄言失實者此後爾等進言各宜審擇以稱朕意○黜廣西按察司僉事章汝槐為民生貪酷為巡按御史朱炳如所劾也○南京戶科給事中岑用賓南京織染局往年因積負數多司局長隨陳憲妄以添機匠區為名加派于應天府屬者踰數萬金此非先帝意也請自今罷工匠之召募仍免派徵未輸者以蘇畿之困詔可○丁巳仁孝文皇后忌辰奉先殿行祭禮遣彭城伯張熊祭長陵○陞

都察院右僉都御史鄭世威為左副都御史協管院事。起原任巡撫福建右僉都御史游震得于南京總督糧儲。山東巡按御史李叔和勘上。二月間虜犯遼東錦州宜坐守備王政嚴及官屯指揮潘坤等罪得旨政嚴革任加坤等俱下巡按御史問。戊午。巡撫延綏都御史王遴總兵趙奇各以防秋事宜條議分布兵馬責成脩築追逐程限飛報收斂堅壁戒嚴激勸鄉兵選鋒出奇預頒賞賚精覈功罪等。尤其追逐程限精覈功罪一事專言勘事之臣不度地里遠近視守巡為督鎮私黨而寄耳目于吏胥故多失實于是都給事中歐陽一敬等言遴近被溫御史諭劾故設此言與爭勝剛愎無大臣体御史陳于階等亦言遴橫肆褻心籌邊無策日夜謀歸假此求退不宜罷去以遂其奸兵部言勘事之臣職秉是非其操常嚴而封疆之臣

身履利害乃患人之嚴此大較也然往者延鎮之敗亦大矣溫御史雖劾遘止加薄罰遘不宜復以愬言者惟上加切責俾之省改上曰秋防在邇遘其慎脩職業勉圖實効毋負氣任性致誤迨他事皆從之總督宣大侍郎王之誥上防秋分布兵馬事宜得旨之誥嚴督所部多方偵探相抗戰守不用命者以名聞○陞戶部職方司郎中周冕為太僕寺少卿命故新寧譚功承男國佐襲○乙未○先是宣大總督王之誥宣府巡撫莫銖以脩理南山工費為請而戶兵二部互相推諉莫任其事躡白之乃命戶兵二部會同科道定議費所宜出於是戶部左侍郎徐養正兵部尚書郭乾戶科都給事中李用敬兵科都給事中歐陽一敬等議言主客主軍本折芻餉則隸戶部募兵及本折馬匹隸兵部賞功則隸禮部業有專任矣惟脩邊一節

往歲皆各鎮自辦後以功大始開請乞之端而戶兵二部當事之臣因為酌量調停之術馬價有餘則兵部多發馬價不足則戶部多發蓋以二部事本相闕義當共濟云耳行之既久在兵部則惟恐馬價之無餘在戶部則惟恐帑藏之不充持議紛紜迄無定說自今以後凡各鎮以此請者以十分為率戶部給十分之七兵部給十分之三永為定例得旨如議行不許推諉誤事○兵科都給事中歐陽一敬等上言八事一言兩京營兵息之弊乞時其簡教而散其黨聚一請令諸鎮督撫不得與將士同賞有敗罪亦不及以懲推諉專責成一言諸鎮之兵疲于入衛乞請屯田練工者一請預養將材以待用一言兵籍日增人無實用乞汰其老弱一乞今各省操演團練之卒以強盜賊一請裁錦衣冒監之弊一請杜驛傳驗授之弊兵部覆言兩京兵

制在北則戎政府素不練習徒畜不捕之猫在南則振武營桀  
驁尤甚至養貽患之虎此大患也今宜令戎政大臣時加簡教  
勿仍姑息罷南京振武營兵各歸大小教場及神機等營有缺  
勿補敢有飛語惑眾者必寘以法其錦衣衛勢權所集兢進門  
多假以緝捕橫肆羅織因緣冒賞祿其匪人自今緝獲奸人輒  
送刑部毋擅訊拷所隸革任致仕官止給祖俸其他陞級之俸  
及柴薪之直悉不復給以復邦政條例之舊及一敬他議亦多  
可采者請詔下行之報可。庚申 贈故少師楊廷和為太子  
太保兵部尚書王廷相攝豹為少保太子少保戶部尚書梁材  
為太子太保刑部尚書劉劄林俊工部尚書吳廷舉為太子太  
保兵部侍郎張漢曾曹銑楊守謙商大節為兵部尚書南京工  
部侍郎程有德為禮部尚書工部侍郎江曉為工部尚書都察

院右副都御史孫繼魯為兵部左侍郎國子監祭酒鄒守益為  
禮部右侍郎仍廕廷和一子為尚寶司丞銑守謙大節繼魯各  
一子為國子生 追復故太子少保吏部尚書兼翰林院學士  
李默原職仍賜祭奠○酒醋麵局署局事太監馮明等請加派  
米麥易餉以完經費戶部左侍郎徐養正等執奏此奉詔所裁  
省明等違例妄請不可許 上從部議○原任總督浙直江西  
侍郎劉畿奏言頃特陛下灵威海波不揚浙江布政司所存軍  
需銀一十八萬六千餘兩度可支數歲宜罷賦勿復徵各部官  
兵又可及无事時漸次散遣以甦民困兵部覆議報可○辛酉  
詔以京庫絹布改折色一年各關錢鈔改折色三年從御史  
譚啓等奏也○以應天府鄉試命左春坊左諭德兼翰林院侍  
讀王希烈右春坊右中允兼翰林院編修孫釵為考試官○全



星畫見。廢故兵部員外郎楊繼威子應尾為國子生。癸亥命遵化遊擊將軍都指揮僉事牛紹元充分守黃花鎮。泰將原任三屯營遊擊將軍錢勝充為事官。管理蘇州巡撫標下操兵遊擊將軍事。甲子。改直隸常州府鎮江府清軍同知為練兵清軍同知。鑄給閔防。大學士郭朴以疫乞假。有旨許暫調攝。遣太醫院官視疾。賜藥物酒饌。禮科給事中何起鳴奏申飭科場事宜。一曰重懷挾之罪。一曰革傳述之奸。一曰慎同考之選。一曰正詔諛之風。一曰預監臨之差。一曰嚴誣騙之罰。疏下禮部覆奏。得旨懷挾傳述諸弊。依擬加疏重處。今後科場搜檢不嚴。閔防不密。責在外簾。舉動不慎。檢閱不公。責在內簾。禮部並察院分別叅奏。餘悉如議行。陞大理寺左少卿何維柏為都察院右僉都御史。乙丑。廢大學士李春芳。男茂年

為中書舍人以三年秩滿也。陞河南道御史趙錦為太常寺少卿。宗人府掌府事駙馬都尉鄔景和疏辭歲祿米一百石。上答曰：祿賜乃朝廷常典，景和但盡心供職，以圖報稱，不必辭免。工部以城垣郊壇工作並興，請罷他役之不急者以寬財力從之。丙寅，贈故右春坊右贊善羅洪先兵部員外郎楊繼盛俱為先祿寺少卿，仍賜之諡。洪先文恭，繼盛忠愍。陞工部右侍郎徐剛為本部左侍郎，應天府府尹譚大初為工部右侍郎，南京太常寺卿江治為工部右侍郎。建築湖廣荊州沙洋紅廟二堤，從撫按官請也。宣大總督侍郎王之誥等言：六月初一日虜二十餘騎犯朔州，恭將麻錦、叅議周斯威督官軍追之，擒二人，斬十三人。上命發錦、斯威銀幣。巡按直隸御史郝杰、王友賢、李維現各奏言：臣等閱視薊昌保定等處兵卒

上中等十二下等十五未練者十三遼保宣大延寧等處入衛  
軍率上中等十一下等十五未練者十四乞降罰當事諸臣兵  
部請寬總督劉燾而擬上諸將臣罪 上命奪指揮王世爵等  
俸一月恭將孫昂等二月降指揮胡承宗等一級指揮趙鳴鳳  
等各降級如故未練兵令燾嚴督實練務臻成效。錄貴州鎮  
遠府勦平苗賊功賞前巡撫都御史陳洪濛總兵石邦憲兵備  
林延規章恭將梁高恭議高負圖等銀幣有差 皇親錦衣衛  
帶俸指揮僉事李偉疏乞房價工部議新政之初恩澤不宜濫  
與 上從之。丁卯 上諭吏兵二部薊鎮邊牆因久雨傾圮  
雖已降旨脩築未知工緒如何又未知脩築之外別有禦虜長  
策否其亟推才望大臣一人行邊會同督府等官閱視工程及  
講求便益凡邊臣所不能為之事所不敢言之情具實以聞於

是尚書楊博等言兵部侍郎遶鳳翔可 上即命鳳翔兼都察院右僉都御史賜勅以行是日又諭禮部秋霖不止重為民災朕祇畏 天戒軫念時艱深用憂惕內外百官宜各痛加脩省自十五日始青衣角帶辦事仍禁屠五日順天府祈禱晴日止○禮部尚書兼翰林院學士高儀引疾乞休 上優詔慰留之儀固稱疾篤不允○戊辰○中元節 上以霖雨為災避殿御皇極門視事○遣玉田伯蔣榮彭城伯張熊清平伯吳家彥興安伯徐夢暘祭 長陵 獻陵 景陵 裕陵 茂陵 恭陵 康陵 永陵都督僉事沈至祭 景皇帝陵寢都督同知王極祭 孝懿皇后中官祭 恭讓章皇后及廢后吳氏指揮同知文承武祭哀冲莊敬二太子各陵園○脩理都城重城遣工部尚書雷禮祭告后土司工之神○陞大理寺右少卿溫如璋

為左少卿左寺丞王諱為右少卿。罷南京振武營諸選募。孝陵衛餘丁千餘人俱分隸大小教塲神机等營同正軍操備身終勿補各將官家丁及前尚書李遂調淮陽民兵五十餘人俱散遣之諸悍卒消除殆盡留都始安。己巳。以永陵工完加太監李芳王鼎各恩二等周景等各一等侍郎徐剛陞俸一級廢一子為國子生郎中陳燁員外郎張守中各陞俸一級仍各與工部尚書雷禮鎮遠侯顧寰等郎中費堯年等各銀幣有差。遣駙馬都尉許從誠祭告孝陵。陞薊州守備指揮李信署都指揮僉事充遵化等處遊擊將軍。江西道御史方新追論國子監祭酒胡杰往典試南京與諭德吳情罪同乞并照上謂事已前決令杰視事如故新攻之不已吏科給事中王治等言皇上臨雍伊迓杰即無他業已為人指數恐其慙於講

席非所以肅觀瞻重風教也有旨改杰于別衙門用而以侍郎  
趙貞吉暫攝祭酒事杰不自安再上疏称疾求去許之。○庚午  
○免大同鎮陽和高山二衛屯糧有差以督撫官奏冰雹傷稼  
未也 贈故駙馬都尉謝詔少保。○調山東按察司副使金立  
敬于四川提調學校。○陞太僕寺卿畢鏘為應天府府尹南京  
光祿寺卿袁洪愈為南京太常寺卿。○刑科給事中韓楫上君  
道三劄一屬 聖志請勅部院條新政之大者孰為目前之畫  
孰為久遠之算自軫淵衷期必見之施行二載 聖政請一切  
章奏下所司嚴限覈實以聞不得遷延過期以滋壅蔽二弘  
聖智請下時召見大臣商確政体略如 先朝御平臺御左右  
順門之制仍令科道官更番入侍以廣听納得旨疏內事閱朝  
廷者朕已知之迓來內外臣工奉行詔旨甚多違慢考覈一事

吏部稱察院着議以聞。論遼東寧遠小圍山堡被虜失事罪  
奪總兵王治道俸一月。下於將萬國等巡按御史問。陞賞大  
同西陽河獲功陣亡官軍黑曉等四十二人。四川盜劫威遠  
縣庫撫按以聞。得旨奪守巡道叅議萬思謙僉事錢于隣俸各  
二月。知縣徐守倫等巡按御史問。詔發襄垣王府宗室俊諱  
於高牆禁住。私出禁城聚眾剗為撫按官所奏。故也。○辛  
未。成祖文皇帝忌辰。奉先殿行祭禮。遣定國公徐延德祭  
長陵。鑄造金牌命侍郎徐綱祭告。以虜警免陝西延安  
慶陽臨洮鞏昌平涼五府及所屬州縣正官來朝。總理河道  
工部尚書兼都察院右副都御史朱衡辭免太子少保。新命不  
允。太常寺卿郝應龍言洪恩靈濟宮之祭一歲中至三十餘  
次。殊為煩黷。宜照國朝功臣事例止。以春秋致祭。得旨仍舊行。

○工部覆陝西撫按官奏將職造所餘絲綿易價以抵隆慶元年二年料銀因與原額內如數扣減得旨前銀即留該鎮充年年例之用。壬申。朝鮮國王李岷遣部臣李榮賢等上表貢獻方物賀世宗肅皇帝尊諡禮部議尊諡廟號故事無稱賀禮然不當槩以律遠夷特受之制可給賞綵幣有差。陞山東布政司左叅議張祉為按察司副使整飭青州兵備。降兵部右侍郎吳桂芳俸二級仍趨令赴任坐總督兩廣時擅離職任為南京兵科給事中徐尚所劾也。陞大理寺右寺丞海瑞為左寺丞雲南道御史耿定向為大理寺右寺丞工部尚書雷禮引疾乞休不允。巡按湖廣御史陳省劾太和小守備太監呂祥罪七乞徵祥還并罷守備官兵部言內臣有事太和小始于成化初然止用以提督道流于地方無與也宜如省言罷



之便 上是之詔革分守徵祥還已而司禮監請以御馬監右  
監丞劉進代祥 上仍命提督分守湖廣行都司等處於是兵  
科都給事中歐陽一敬疏言臣訪知劉進者本劉俊嘗守 顯  
陵誅求萬狀 肅皇帝下之獄以充 孝陵衛淨軍今逃籍易  
名復得進用代祥此退飽虎而得飢虎也 上悟遽命罷進問  
司禮監孰可代進者于是內官監左監丞柳朝自司禮監典簿  
得推用仍兼分守兵部尚書郭乾曰臣惟人君之尊如天其令  
四時也故傳曰令重則君尊夫一太和山內臣耳部臣曰分守  
可革 陛下亦曰可革科臣曰分守可革 陛下亦曰可革而  
旨從內降旋復易之傳播中外殊駭聽聞臣等以天事 陛下  
以天自處而堅四時之信天下幸甚 上是之命改給朝提督  
太和山關防毋兼分守○陞賞酒馬吉堡獲功陣亡官軍金繼

儒等一百二十人牌厦溝麻承恩等十七人蒲陽黃登等十三人延綏王棟等三十二人劉成等二十八人。癸酉。脩築鞏華城垣令畿內八府止解銀付順天府兌其分工從巡撫都御史曹亨言也。先是虜陷陝西黃甫川鎮靖堡總兵趙奇副總兵何其昌俱以失事抵罪昌論死奇就逮未結已而兵部復用薦者言奇免逮署大同總兵事仍陞延綏總兵其昌推補寧夏靈州叅將俱充為事官戴罪立功自贖巡按陝西御史温如玉劾奇等前失事罪大不宜復用兵部覆奏得旨令嚴限責奇等立功贖罪俟防秋畢日覈議以聞。甲戌。遣御史凌儒陳聯芳監順天鄉試上以科場事宜近年弊多諭儒等悉心綜理嚴加禁革先是兩京監試御史皆臨期方遣禮部以為倉卒之際下便防奸故是歲遣官特早云。禮部尚書兼學士高儀以病

固乞休致。上遣內使賜羊酒米菜慰留之。○乙亥。少保兼太子太保吏部尚書楊博九年秩滿。上遣中官賜羊酒寶鈔于私第。仍諭曰：博性資忠亮，才猷敏達，典兵掌銓，茂著勞績。其加少傅兼太子太傅。廢一子為國子生。博疏辭，至再聽免。廢子餘不允解。戶科都給事中李用敬等追論尚書趙文華都御史阮鶚周克史褒善侵盜公帑之罪，乞申飭有司立限責補。上是之。令各巡按御史嚴行提問，有寬縱者部院該科以名聞。○夜月犯畢宿右股北第一星。○癸丑。陞貴州布政司左布政使姜廷頤為南京光祿寺卿，禮部郎中潘允端為山東布政司叅議。○丁丑。陞賞廣寧鎮安堡獲功陣亡官軍劉恩等二百六人，大同殺胡堡趙定等五十七人，遼陽長勝堡余黑四等五十三人，山西馬站堡李應改等三百二人。○戊寅。以登極

命豐城侯李儒泰寧侯陳良弼駙馬都尉許從誠寧晉伯劉斌  
伏羌伯毛澄忻城伯趙祖征德平伯李銘前軍都督府署都督  
僉事周于德禮部右侍郎兼學士林嫌工部右侍郎徐剛通政  
司右通政王政國大理寺右寺丞海瑞太常寺右少卿王怡提  
督四夷館太常寺少卿徐公邁掌尚寶司掌司事太常寺少卿  
王凝尚寶司少卿徐崐光祿寺寺丞何以尚辦中書舍人事通  
政司右叅議夏範辦中書舍人事大理寺左評事碩從義刑科  
都給事中朱繪工科都給事中馮成能禮科都給事中何起鳴  
刑科右給事中李臺兵科給事中袁世榮分祭嶽鎮海瀆歷代  
帝王先師孔子 祖陵等陵徐王等王太嶽太和山真武等  
神及近年薨逝并追封親王。辛巳。紫荆關雨雹秋稼殺七  
十里。朝鮮國王李瑄遣陪臣吏曹恭判洪春年等齎表文方

物馬匹廢質冊立 中宮賜宴賚如例春年等以 上將幸太  
學乞留觀禮計之。刑科給事中王之垣言河南山東川廣等  
處流民失業者乞行所司招撫五年之後方為起科其糧長見  
而稱收火耗夫馬折乾廩給扣送諸弊一切釐革戶部覆議從  
之。監順天鄉試御史凌儒陳聯芳條上科場六弊一買求二  
倩代三道同四夾帶五傳遞六偏重請盡行釐革 上皆從之  
內偏重一事謂考官故抑貢生及世家子弟蓋臆說云

大明穆宗皇帝實錄卷之十一

隆慶元年八月癸未朔上幸大學行釋奠禮于先師命大學士徐階李春芳陳以勤張居正衍聖公孔尚賢吏部尚書楊博兵部尚書郭乾吏部侍郎趙貞吉分奠四配十哲兩廡禮部侍郎潘晟致奠啟聖祠畢上宣諭師生曰聖人之道如日中天講究服膺用資治理爾師生其免之○陞浙江布政使劉懋為太僕寺卿山東按察司副使吳承燾為本布政司左叅政命廣東道御史周弘祖提調南直隸學校○復設大同北路通判專管糧餉從總督王之誥請也○四川布政司右叅政陳鏊為本省按察司按察使湖廣布政司右叅議甘茹為山東按察司副使○免四川新設龍安府知府同知來朝○先是七月中虜擁二千騎入得勝堡總兵馬芳遣遊擊麻貴賈國忠分道按

伏而自率前鋒解生追之擒八人斬十三級奪戰馬十三匹事  
聞上賞芳銀三十兩紵絲二表裒解生等有功將士令御火  
玉勸上既又用部議先賞麻貴等銀二十兩以旌之○遼東鎮  
臣奏自五月來淫雨不止壞垣墻未黎物價騰貴斗米銀二錢  
東草銀二分而廣寧軍日支銀每名三分不建以充一為半日  
之費乞加給人二分俟秋熟更議上許之巡撫保定燕提督  
戴利等聞右僉都御史曹亨條陳憲躰四事一獎薦賢能不許  
行謝二糾發奸私不得回隱三舉勳務持大体不必紛更四動  
用錢糧撫按互相覺察詔如議行○工部右給事中吳時來言  
臣屬者從清河來睹記治河之事契在議論繁而要實未審也  
其甚者惟新河三難之說臣請得而解之夫黃河故道難復無  
論已乃今新河以三難稱者豈不以馬家橋易淺沙河易淤薛

河易衝為患我臣以為此志在委耳源之不通委將安屬故治源者急也夫新河與清源山至近也而東充以南賞嶧邳滕之水注焉以一堤而捍羣流又當大山瀉下之勢與素號潞水之區能保其不潰乎故疏濬分殺之謀宜豫也夏村遠遜數十里地勢居高必導水于薛河非開支河引薛河上流以分其波及三河口鮎魚泉諸地鑿口使岬築砌益以啟閉之關能免衝決淤塞之虞乎故蓄洩之計宜慎也願自今以河渠事命憲臣一人與藩臬之佐一人專之罷濟沽南旺部臣之分理者上然其言令尚書朱衡計處以聞○甲申上御皇極殿衍聖公孔尚賢率三氏子孫嘗祭酒侍郎趙貞吉司業萬浩率學官諸生上表謝恩賜冠服紗錠有差仍賜三氏子孫及祭酒司業宴于禮部○南京工料給事中張應治等言近日三河口之決以新



渠地高不能受汶泗濼薛諸水故一遇霖雨至於潰溢而工部尚書朱衡故多大言功不補惠昔既弃彼三沽而為大河波及之區今又穴此一溝而萃全兗合流之水咎有所歸宜加罰治得旨○衡俸一級仍令悉心經理以圖後效設肅州西寧二倉監收通判各一員裁革肅州西寧二衛知事各一員○贈故太子太保兵部尚書彭澤為少保刑部尚書顧順壽為太子少保南京工部左侍郎何孟春為禮部尚書太僕寺卿楊最為都察院右副都御史石金喻希禮為光祿寺少卿復故貴州提學副使蔣信官澤孟春最仍賜祭塋并謚澤謚毅孟春文簡最忠節廷綏遊擊李世倫侵盜邊徇論梟斬○乙酉勅諭國子監師生曰朕以眇躬續承洪緒總億兆君師之責深惟古昔帝皇臨歸天下莫不建學立師宣明教術育賢善世以底沐車扶耜

慕之思與宇內之士臻于斯路爰尋舊典紀元之初躬視太學  
祇謁先師孔子因進尔師生講解經義厥禮告成尔師生其曷  
以稱塞朕意夫學校之設以明人倫也五倫之道根于惟命之  
自然而推極其用則化成天下恒必由之六經垂憲炳如日星  
所以發揮斯道甚備會其旨要身体而力行之以昔諸事繁非  
今日教學之所急欵朕方立極緩猷為天下先尔等其夙夜祇  
懋相與講求經術之微博叙彝倫之大期於体立用廣以成化  
于今追古雍熙太和之盛无令唐虞三代得專其美不亦善乎  
若徒事辞章離經峇道卒忘其性命之實而靡適於世用非所  
望于尔師生者也欽哉○補廢故南京禮部尚書閔如霖孫世  
譽為國子生○陞廣西布政司右叅政徐貢元為光祿寺卿○  
丙戌○起用南京兵部尚書趙大佑以母老乞終養許之○故

總制薊遼右都御史兼兵部左侍郎王忬子原任山東按察司副使世貞上書訟父寃言臣皓首遯廷六過大戕不幸以事忤大學士嚴嵩坐徵史論死傷竟舜知人之明鮮豪傑任事之体乞行辨雪以伸公論詔復忬官○陞戶科都給事中李用敬為太僕寺少卿浙江按察司副使凌雲翼為布政司右叅政廣西按察司按察使周淑為布政司右布政使河南按察司僉事王文翰為布政司右叅議雲翼淑俱本省文翰陝西○工科右給事中吳時來請以臨德二倉米充漕糧之漂流者并補造運舡以濟轉輸又欲罷各省監兌主事及總理南糧都御史戶部覆請得旨主事都御史設如故餘允行○總督宣大山西侍郎王之誥上言六事一申將令以振兵威言三鎮兵輪將懦宜申嚴束伍之法一伍不進斬其伍長各隊司哨皆然至于諸將失

檄者除總兵而下得先以軍法論死然後奏聞一增兵將以扼要衝謂肅州單弱宜有增兵聞薊遼總督劉燾自大同來時從馬軍六百人入關未遣今宜歸肅州專勅守備卑之統禦一革冒濫以清營伍謂三鎮兵少弊在將領役占太多曩者軍中一坐營三十總六把總六十營隊所役軍卒一營三百餘人今坐營之外私設傳事中軍分一把總為二營隊之外又有貼隊十把總又自立頭目等官私役衆兵何以不削且臣聞之諸鎮無不然者宜痛禁之一統交通以清邊徼言我卒多為虜嚮導者擒之易耳諸將慮其挾寇內困乃怯不敢如新乎叅將麻祿擒斬王忠大等四人至今交通絕迹虜亦豈敢逾南牧哉宜勅諸將以祿為法務剪禍本一嚴燒荒以寧邊固言燒荒不早不達無以控虜宜及秋深草枯時督卒出塞三五百里之外分道

併力母事虛文一明功罪以勸間諜言總兵馬芳養子雲入虜  
巢斬有名郎中者功未列上而為遊卒所殺且陛下御史議邨  
以勸後人來遇人用命者兵部覆奏從之○丁亥○遣太子太  
保禮部尚書兼武英殿大學士陳以勤祭先師孔子○起原任  
兵科給事中顧弘潞于本科○調古北口副總兵董一奎于極  
邊用而以墻子崩叅將陳九思代一奎曹家寨遊擊吳昂代九  
思提調曹煥代昂山西奇盧守備高仲安補鞏華城遊擊將軍  
煥仲安俱陞署都督指揮僉事從總督劉燾請也○戊子 上  
親祀 太社 太稷以順天府鄉試命右春坊右諭德兼翰林  
院侍讀丁士美右春坊右中允兼翰林院編脩張四維考試官  
○大學士郭朴引疾乞致仕 上以朴年力未衰溫旨諭留之  
未幾朴復求去不允○巡撫廣東都御史李佑奏嘉靖四十五

年六月以來海寇林道乾梁有川等聚衆三千餘人駕巨艦出入雷瓊諸處總兵湯克寬等前後與戰計斬三百餘人俘獲稱是功宜褒錄叅將戴冲霄怯懦宜罷得旨佑及寬等各賞銀幣有差冲霄革任。己丑。陞浙江布政司右叅政郭朝賓廣東布政司右叅政郭應聘為按察司按察使朝賓本省應聘廣西。○降太僕寺少卿周怡為山東按察司僉事怡上疏陳五事一定君志以脩業德二畏天命以消災異三收大臣以尊師道四澤左右以慎近習五勤朝政以勸臣工詞多觸忤上以為抗違命降二級調外任然其言廷誕亦無可採者。○裁華遮洋運糧把總而以所屬淮安泗州大河三衛分屬江北淮安總高郵州揚州二衛屬江北揚州總長淮一衛屬中都總俱運南糧以在北德州等九衛以江北淮安總所屬徐州左歸德三衛俱併

入山東一總免運山東河南之糧德州九衛與臨清平山二衛  
撥運薊州倉糧旗軍行糧每名加增四斗徐州等三衛與山東  
各衛撥運京通天津倉糧旗軍行糧如故其山東把總每歲將  
京糧催至白河復督運至薊州使南京無裹糧之苦而北衛近  
地之便從漕運總督等官李廷竹方恩馬森張翰等議也○庚  
寅 孝康敬皇帝忌辰 奉先殿行祭禮遣恭順侯吳繼爵祭  
泰陵○辛卯○陞總督宣大兵部左侍郎王之誥為都察院  
右都御史仍兼兵部左侍郎總督如故迺例西北邊督撫兵備  
官三年秩滿稱職即得叙陞之誥以三年考滿故也○陞湖廣  
按察司副使殷正茂浙江按察司副使謝鵬舉為布政司叅政  
正茂浙江鵬舉廣東以薦願修邊將士勞苦命兵部發馬價銀  
一萬一千兩戶部發太倉銀五千兩攜之仍諭以給散有方使

沾寶惠。○南京刑工二部以徒犯錢金等後登極恩詔乞赦各持論不合移刑部議侍郎樊深等議言臣謹按大明律令凡徒犯已至配所者例不許放還祇因市板訛謬流傳不一致工部執以為可許刑部執以為不可許以法言之則刑部當是無可疑者第徒流著役之人雖律令俱稱不宥然律又有赦書臨時定罪名特免之文則是國家立法之意凡遇霽恩若止是傳旨肆赦不別定罪名者則當俱常赦不原之律其餘自當別論今皇上登極輿恩既不止於傳旨肆赦而臨時所定又各條有罪名豈可以常赦所限而拘之且詔書所云已發覺未發覺已結正未結正者罪無大小咸赦除之徒流着配之人獨非已結正者乎臣惟國家赦宥有法所以立萬世之經使人難犯登極有赦所以悌曠蕩之恩使人自新今遵行明詔而又膠柱于律



今奉楊殊典而又掣肘于常法宜乎其執滯不通也況上稽洪武近及嘉靖年間赦書往往于此輩有開釋者亦未聞於律令背馳其徒流之罪例許折贖此輩獨以無力故就胥靡令徇印發塚諸犯罪不應折贖者既蒙寬宥而此輩獨已至配所反不得一沾殊恩恐非所以昭我皇上樂與天下更始之意第事不歸一故人持兩端伏乞明示德音布告中外使奉法之吏有所依守疏上詔登極舉恩典常不同徒流人犯已至配所者許放還○是日大理寺署左寺正事左評事高文薦亦言臣伏讀詔書罪無大小咸與赦除是大之而極于死刑小之而至于笞杖得而赦之矣而有司牽於文法不能推廣 聖意重辟如竊盜三犯強姦匿名偽造印信之類單徒如故掌侵費之類一切禁錮臣蓋不知其說夫姦竊偽造之類皆係十惡重情不可恕

者至於侵欺軍徒或係里甲丁田及夫役工食者或係料價工  
費及廩給支應者或係紙價賦罰及脩理物料者或係頒出給  
散在外者收掌如此之類既非正額錢糧又非倉庫盜出既擬  
監守自盜比引腹裏查盤之例通不蒙宥何哉乞勅法司更加  
詳議開款奉行刑部覆言刑名之職情狀雖多大端不過賊罪  
二者而已罪則當酌量情法可宥者宥之不可宥者別行奏請  
賊則當別其名色凡係官者如舊監追不赦其餘入官給主之  
贖百兩以下徑自除豁百兩以上據實奏請如此則人心易于  
遵守事體可以通行從之○左春坊右諭德呂旻以疾請告許  
之○壬辰○祭夜明於夕月壇遣英國公張溶代 孝慈高皇  
后忌辰 奉先殿行祭禮○癸兵部馬價銀戶部大倉賑共肆  
千兩給宣府增築鎮城從總督王之誥奏也○癸己○脩理園

丘遣工部左侍郎徐綱祭告后土司工之神 上初御文華殿  
日講。改鑄撫治重慶兵備。閔防從巡撫四川右副都御史譚  
綸請也。陞布政司原任四川叅議萬思謙福建布政司叅議  
陳一松為按察司副使。思謙浙江一松湖廣。陞山東按察司  
副使張祉為太常寺少卿。命廣西都司僉書署都指揮僉事  
黃應中掌廣東都司事。宣大總督王之誥言大同與宣府隣  
近而軍士之吾特甚者其故有三夫免屯者為其身自屯種不  
欲輸官以其月糧抵補官免催科之勞而軍省加耗之費也然  
軍士之願屯者無幾而屯丁之逃故者日多逃故者之所補何  
與於軍營糧郎中期於足額凡每月軍糧槩從半給不諭有屯  
無屯而以一切之法行之是削軍士之衣食而償屯丁之流亡  
一矣今內郡之田有司徃徃以荒蕪請蠲租賦而沿邊玉林雲

川威遠平虜各鎮屯田之處比歲苦虜或變為鹵疆或沒為沙  
蹟或蕩為溝塹乃其額糧獨不得視內郡未減二矣原額屯田  
拋荒既多官軍扣補力已不勝而屯田御史又於額外新增本  
色糧六千七百石有奇折色糧一千四百石有奇草四萬八千  
束有奇牛具之銀不與焉邊民間之徃徃棄產亡去今新開之  
地復成污萊而新增之稅遂為常課是使國家冒重歛之虛名  
而遺邊郡無窮之資禍三矣今欲足兵足食先除此三害乃可  
戶部請下其章於實軍科臣及撫按管糧官議從之○命應天  
府屬江東等宣課司局等衙門嘉靖四十五年以前者課鈔每  
貫折銀二毫先行上納隆慶元年以後者每貫折銀陸毫不用  
本色從南京戶部尚書馬森等奏也○甲午○經筵開講○原  
任南京戶部尚書馬森上疏解光新命 上以森性資純實才

議明達遜令赴任不允辭。陞興安守備指揮使甘棠為署都指揮僉事充廣西梧州遊擊將軍。初工部以織造事疏請分別歲辦緩急循次奏完以寬民力。上是其言會司織染局太監陳洪連疏督造。上亦是之於是工科都給事中馮成能言頃罷織造之不經者本出自明詔今業不能盡罷則當以次寬之部臣言是也疏入。上竟從部議。○乙未。賜故黎山王譽收謚曰榮僖廣寧王充健謚曰榮昭。陞湖廣按察司僉事劉志伊包汴為福建布政司叅議。○丙申。御史溫如玉復論巡撫延綏都御史王遠剛復自用不堪重任昭遠回籍聽勸。○陞河南布政司叅議朱仰為山東按察司副使。陞兵科給事中袁世榮江西道監察御史方新亨江為按察司僉事世榮新俱湖廣江四川。命廣東都司僉書署都指揮僉事繆印王如澄

俱充叅將印分守瓊雷如澄惠潮而以前廣西都司僉書白翰  
紀代印前福建行都司僉書朱熙代如澄。初太常寺卿師宗  
紀縮寺印盜出庫銀二百兩錢三千兩文今典簿蔡本高贊禮  
郎包義傑入其半於已而以半與寺丞魏奉詔袁好禮楊自和  
王承業者四人分之及郭應龍為太常寺卿具得其事言之刑  
部刑部并發宗記自嘉靖三十六年以來侵盜四郊租稅銀千  
有餘兩及索屬官賄賂諸事而禮科給事中管大勳亦以為言  
於是坐宗記監守自盜俟追贓完日發遣承詔好礼自和承業  
以首故減二等本高義傑俱黜為民。奪中軍都督府帶俸成  
安伯郭應乾祿未半年坐縱僕毆死人命故也。丁酉。遺戶  
部侍郎劉自強祭京都太倉之神。程表節婦四人陝西湯縣  
民任盡孝妻王氏延安府生員張世勛妻李氏河南考城縣義

官馮期魁妻趙氏西華縣民王泰妻馬氏項城縣烈婦一人童  
生王大樂未娶妻高氏。陞四川順慶府知府伍典為陝西行  
太僕寺卿浙江按察司副使楊成為四川布政司左叅政。黜  
聽降廣東按察司僉事畢竟立為民竟立既敗後上疏稱寃語  
侵撫按都御史王廷劾之故黜。戊戌。陞浙江按察司僉事  
陳善道為河南布政司左叅議。陞灤水守備指揮僉事李懋  
元署都指揮僉事僉書廣西都司事。鑄給陝西各分守道清  
軍道關防舊制分守清軍例無關防惟管理糧儲有之巡撫右  
僉都御史楊巍以陝西一省八府道路遼闊非一人能周題革  
督糧驛傳而以分守道兼管糧儲清軍道兼管鹽糧水利故有  
是命。己亥。皇子千秋節。上御皇極殿門文武群臣致詞  
稱賀建州左等衛女直夷人都督等官勝革力等入貢賜宴賞

如例。陞山東布政司右布政使李尚智為都察院右僉都御史巡撫延綏等處。戶科給事中莊國禎劾南京兵部尚書郭宗皋總督南京糧儲都御史游震各哀庸不職部覆二臣精力尚強得旨俱留用陞荆瞿守備指揮僉事湯世傑為署都指揮僉事僉書湖廣都司事。庚子。陞兵科左給事中魏時亮為都給事中吏科右給事中陸鳳儀為左給事中禮科給事中趙軌吏科給事中張縉為右給事中時亮戶科鳳儀軌俱禮科緒工科。以虜患免山西大同太原二府并谷屬應潭蔚朔保德奇嵐忻大八州大同懷仁山陰馬邑靈丘廣昌廣靈河曲興嵐繁峙五臺靜樂臨岢嵐定襄寧鄉十七縣及行太僕寺正官來朝。○吏科給事中鄒大經奉命賞蒞遼軍還條上十事一題驛遞言遼鎮驛遞原係各衛所額設軍戶與內地僅邊者殊又不給



月糧比大侵之後耗減七八諸夷入貢動滿千八一年數過誅索無厭馬羸不足借堡馬以充死則留備故驛遞日愆而行五日虛請以檇軍餘銀量發五十兩濟之禁毋復借官馬重累堡軍而以遼鎮市課買馬分俵一增兵防言鎮武西興西寧二百餘里一線之路遼之咽喉也舊隸海蓋恭將近以願武堡置遊擊一人西寧西興悉隸焉然道遠應援不及宜以西寧西平二堡割屬海蓋恭將有急而與遊擊互援便一豫修守言寧前鉄場堡至概木衝二十一處與虜北隣兵力單弱運道所在可為寒心宜及時脩補又鎮北至丁字泊十堡大水後無復華夷界限虜入無寧日宜召募軍民濬墻下濠以防零騎之入一復馬市言遼東長安堡舊有馬市默存馭虜之權且資戍馬之利後以叛服不常誘而殲之市遂以罷比虜性性求復宜許之以為

虜一使盼刺言陰山叅將管理鎮東等十三城堡而饒陽守備沿江備禦為之屬而分治焉顧地理紆迴馳驟不及宜改鎮夷甜水站屬守備險山寧東青台谷屬備禦使一嚴勘報言勘事之官功罪所係而今納賂曲詞者多故人心憤而邊事壞也宜申飭將士虜入境而嬰城不援致亡人畜多者亦坐守備不設之罪勘官納賂不以資聞者以受財枉法論一清勾補言寧前錦義沙嶺高平比歲稔以來十率七五且查河東各衛寄籍逃軍志行微發仍諭礦洞守備補解宜申飭所司嚴行勾補一革科畝言遼鎮軍糧年例本折間友折色月糧二錢五分本色則歲不滿兩月之用較之他鎮二分一耳而尚為官司所漁宜嚴其罰一優哨望言墩軍夜不收勞苦特甚乞將本色加五斗斤色柴給五錢畧倣薊鎮之例一恤貧軍言鎮武西平西興西寧

四堡迫近虜境又曾歲歛斗米二錢人不聊生自今每年月糧請上半年給本色下半年給折色疏下兵戶二部議皆如其言惟哨探月糧止許加增本色夜不收五斗激軍三斗而復馬市便鈐制則以屬守臣議處從之。辛丑。發戶部大倉銀一萬五千四百兩兵部馬價銀六千六百兩為寧夏鎮脩築城堡之費。○裁革內府各監局官匠計一百六十二員名其有逃亡者令仍虛其數止于革去數內量減一二堪役者以補之。壬寅。○裁革山西布政司檢校案牘一員都司副斷事吏目一員太原府屬靜樂縣主簿訓導各一員忻州訓導一員石州同知訓導各一員定襄縣縣丞清源縣主簿各一員古州同知一員絳縣灵石二縣主簿訓導各一員隰州太平臨晉平陸夏縣訓導各一員潞安府所屬屯田臺閘二縣訓導各一員遼州通判一

員榆社縣主濟一員。○以水災免湖廣荊漢二府及江陵公安石首監利均州襄陽棗陽南漳宜城穀城商州洋縣各正官來朝。○禮部尚書高儀以疾乞休不允。○遼東鎮城計擒叛賊黃勇以聞。上嘉之。賞總督劉燾銀幣陞總兵王治道遊擊郭承恩官一級。巡撫魏學曾俸二級。勇衆示如律。勇本降故。後復亡。歸虜首速把亥。盡以中國虛寶告虜。導虜入寇者十四。殺備禦二官。軍五百有奇。克陞站城十餘。遼人患之。是年四月中。開馬市。速把亥部落有詐。稱桑顏人混入者。總兵王治道等掩捕得三百七十五人。使人謂速把亥曰。爾歸我黃勇。我歸爾。俘速把亥。遂縛勇來獻。遼人因相謂曰。與虜共亡者。尚有大哈刺等七人在虜中。患未已。且吾臺卒為虜者尚多。宜反此。要之。乃留十七人。不遣。虜怒。教遣輕騎入寇。我輒敗之。六月虜以少騎入犯。

而伏三千人于邊外中軍王世祿易之乘勝追入伏起為虜所  
敗治遁救之乃得還亡其卒七十餘人殺把總佟國勳等四人  
虜乘勝攻鎮靜堡克臺而去給事中鄴大經言遼禁市之事釁  
起于激虜因劾奏總兵治道輕追納梅守堡官陳言守備王政  
嚴備禦畢朝用閑住叅將杜堂承調叅將萬國遊擊馬文龍畏  
怯覲望請治其罪兵部覆言政嚴前已革任宜勿問國前為事  
未竟與諸臣有罪者皆宜罰罪有差然幸以好謀無成敗戰致  
敗請用輕典上從之命奪治道俸二月巡撫魏學曾策勵供  
職降文龍別用革言任國及守堡千戶方世臣等十九人下御  
史按問○准山東按察司僉事張翰翔引疾致仕○癸卯○陞  
陝西按察使史直臣為布政司右布政使山東按察司僉事黃  
九成為布政司右叅議河南布政司叅政莫如忠為按察司按

察使工部員外郎張光翰為海察司僉事直臣光漢俱山東人  
成河南如忠陝西裁華應天府屬溧陽溧水二縣各稅課局大  
使一員太倉州黃涇長州縣塘浦吳縣橫金吳江縣因濟各巡  
檢一員崑山縣巡鹽主簿一員松江府上海縣稅課司大使鎮  
江府丹徒縣新港壩官各一員池州府東流縣訓導一員香口  
河泊所官一員香口鎮巡檢司巡檢一員太平府蕪湖縣天城  
河泊所官一員安慶府懷寧縣硯音港巡檢一員張家港小口  
各河泊所官各一員太湖縣小池巡檢司巡檢一員廣德州稅  
課局大使一員給事中吳時來言兩廣總督譚綸總兵俞大猷  
戚繼光皆知兵且召來使專督練邊兵以省諸鎮徵調之擾兵  
部覆言大猷才且於南徃者常一試於北不效且老矣綸繼元  
惟上所用 上然之令召綸入京 命山東都司掌印著都

指揮僉事張成己充常鎮叅將。○甲辰 憲宗純皇帝忌辰 奉先殿行祭禮遣玉田伯蔣崇祭 茂陵脩。○景仁等宮工成。○以水災免順天永平二府所屬州縣并榮州前屯永清等衛屯糧有差。○南京兵部右侍郎劉畿以疾乞歸許之。○乙巳。○修理長陵便橋永陵行宮。○贈故戶部員外郎申良為太常寺少卿給事中張廷常叅右春坊清紀郎中張秩俱光祿寺少卿先是吏部議卹 先朝言事諸臣以光祿寺少卿馬從謙及良等名上 上恕不許兵覆引例奏亦報罷從謙以勅中官杜泰得死而部臣首議卹祿故中人撓之于是給事中王治江西道監察御史龐尚鵬各上疏援部議力爭 上以從謙所犯比于罵父律終不允惟申良以下四人得追贈云 命瀋陽遊擊王沂充寧前叅將而以原任叅將杜鐘代沂調錦衣叅將趙克充

開原叅將而以鎮武遊擊卽得功代完。陞西平備禦畢朝用署都指揮僉事充鎮武遊擊將。丙午。陞山東巡撫右僉都御史洪朝選為南京戶部右侍郎命提督漕運兵部左侍郎兼都察院右都御史張瀚以原職總督兩廣軍務兼理糧餉巡撫廣西。命昌平遊擊張禮充河營叅將陞涿州守備張斌署都指揮僉事代禮。丁未。以遼東修邊餘銀三萬四千餘兩及太倉庫銀四萬兩補給該鎮軍餉蠲免之數山東民運額派該鎮者令撫按臣嚴督所屬徵解從巡撫都御史魏學曾請也。錄清平堡大澗墊等處功陞賞官軍劉世忠等二十三入。戊申。上諭內閣欵親詣天壽山行秋祭禮大學士徐階等上疏言。皇上重祖宗弓劔之藏切歲時霜露之感歎躬脩陵祭此乃聖孝所發視他遊幸不同但天子之孝以保安社稷為大故



○累朝舊制發引之送止于午門而祭祀之禮為太廟親奉其  
○山陵皆止遣官即在常時尚未輕出以重社稷也乃今東西  
二虜日夕窺伺薊遼宜大警報屢聞此何時耶 皇上顧欲冒  
危而性萬一至彼少有震驚于時悔之亦復何及此不獨臣等  
及諸臣民不願 皇上有此舉動竊惟祖宗在天之靈愛護  
聖躬記念社稷尤不樂 皇上有此行也乞深留 聖恩特賜  
停止 上不允令如前旨傳行於是階等極言今邊報方急重  
以澧雨為災外虞內憂皆當詳討遠慮不宜冒此二患決于一  
行 上不悅責階等遺旨煩言階等復奏臣慮不能奉行 上  
命無所逃罪所以再疏勸止不避煩瀆者為 皇上計為國家  
計耳夫 天壽山之後即黃花鎮黃花之外即虜地今虜既結  
聚萬一猝入何以禦之近據邊將報稱東虜土蠻等欲犯喜峯

口西虜把都兒等欲犯古北口此繫豈輕小者臣等不知皇  
上何所見聞何所倚伏而聖欲為此行也臣等亦知順旨可以  
取悅但計度利害實不敢以國家之事輕試于危險上悟乃  
止命以事寧之日奏行○脩理隆德殿英華殿○慈靈宮并各  
宮殿工完遣工部尚書雷禮祭謝司工后土之神○雲丘王府  
鎮國中尉如鶩如毯如煖及如鶩子輔國中尉新熾以小忿殿  
死署教授卬典膳傅廷齡事聞詔以知鶩為首發高墻禁治如  
毯如煖新熾為從降為庶人追賜刑部右侍郎樊深母潘氏祭  
如例從其請也○賜故南京工部右侍郎蔡汝楠祭葬如例○  
陞四川按察司按察使嚴清為布政司右布政使廣西按察司  
副使韓子允為東苑馬寺卿○庚戌○改南京大理寺卿方庶  
為都察院右副都御史總理漕運兼提督軍務巡撫鳳陽等處

陞南京光祿寺卿晏廷熙為都察院右副都御史巡撫山東○  
錄大同弘賜堡斬虜功賞總兵孫吳叅方琦等銀幣有差○辛  
亥○戶部請自元年以後錢糧免進內庫皆留太倉以充邊費  
許之○江西瑞州有男子傅子忠者稱為未封王子名載壅入  
京師徑馳禮部請給祿未禮部覺其詐移法司問坐詐為  
制書論死得旨如擬

大明穆宗莊皇帝實錄

大明穆宗莊皇帝實錄卷之十二

隆慶元年九月壬子朔禮部進大報等祀日冊。改南京國子監祭酒呂調陽為國子監祭酒。癸丑。上命太監呂用高相陶奎坐團營兵部尚書郭乾執奏以為營制經先帝裁定革去團營盡復。二祖三大營之舊官有定員不用內侍此萬世不刊之典遺訓昭然今一旦易之不可。上曰朕觀大明會典有內臣監營之制仍命草勅賜之。以分守延綏西路左叅將署都指揮僉事謝朝恩充副總兵分守延綏定邊等處。錄遼東鎮清河等處斬獲功賜守備劉雲銀幣。兵部議史料給事中鄭大經所陳五事一重險要以防衝突一預戰備以防潰決一正撫賞以壯國威練土著以省冗兵一重君命以作勇取其一正撫賞謂宜禁屬夷狹華人要索及各邊賂夷嫁禍者其練土

著謂宜將邊民免糧抽丁團練漸減容兵其重君命謂各邊將  
領被罪斥罰者旋謀起用人無忌憚宜重其禁命如議行。順  
天巡撫右僉都御史耿隨卿言鞏華城工浩大不當專崇順天  
一府乞行畿內各府額估原派應脩之處并力繕完 上從之  
○甲寅○陞太常寺少卿徐公遠為南京光祿寺卿○勅江西  
布政司左布政使范惟一閑住降叅議王正色一級調按察司  
僉事張承賚簡僻皆以江西撫按劾其不職也○翰林院檢討  
沈鯉以疾乞假回籍許之○乙卯 孝恭章皇后忌辰 奉先  
殿行祭禮遣都督僉事沈至 景陵○脩葺蓬萊公主等墳以  
兩妃故也○北虜俺荅率衆數萬入寇大同井坪邊鎮至山西  
偏頭關老營陞驢皮窖等處撫按官以聞 上手詔總督鎮巡  
等官各加嚴戰守毋得怠慢於是兵科給事中歐陽一敬上言

聖情軫念邊事 天詔所臨旌旗生色顧用兵之道非嚴紀  
察之司恐官軍不無退怯至事寧而始行勤免矣 上是其言  
命該巡按御史隨營紀察功罪務以實聞○丙辰○兵科給事  
中歐陽一敬等巡視京營給事中孫枝御史韓君恩等各上疏  
言內臣不當坐營且團營裁革已久而無可坐乞追寢前命  
上以示輔臣徐階等言 太祖原無團營團營之設起於景泰  
年間至嘉靖二十九年已經 先帝裁革特以大明會典修於  
正德中未及明載今內委無團營可坐事体有碍施行言官所  
言無非仰望 皇上遠遵太祖之初制近守先帝之定規似應  
俯從 上不悅因詰階等何故不奉詔令具以意對階等對言  
皇上有旨臣等豈敢不遵但團營先於嘉靖二十九年 先  
帝因虜賊犯懲戎務之廢弛考 太祖之初制將團營裁革內

臣取回數年以來事權稍得歸一操練漸覺有效良法美意誠  
萬世所當遵行者也今命內臣坐營若據見在之制則已無營  
可坐若必欲用內臣則須將先帝定制盡行更變不惟臣等  
不敢竊恐聖心亦有所未安者且團營始于景泰革於先  
帝臣等下情實願皇上惟以先帝為法是以昨蒙發下科  
道之疏輒有陳奏無他意也 上納其言遂命罷之○裁革淮  
安府太軍東新二倉副使各一員清河洪澤驛驛丞一員仍將  
廢驛改為巡檢司徐州治農判官一員桃源宿遷沛縣治農主  
簿各一員邳州管糧治農判官一員徐州衛知事一員海州及  
桃源宿遷鹽城陽蕭碭豐沛八縣各訓導一員儀真縣清江關  
關官一員無為六安和四州及鳳陽盱胎蘆江巢霍五縣各訓  
導一員靈璧縣主簿一員鳳陽府廣儲一倉廣儲二倉廣儲四

倉及本府倉各副使一員及無為六安二州各稅課局大使一員無為州河泊所官一員泗州龍窩驛丞一員。勅原任貴州左叅議楊美益閒住同仁府知府孫序為民各坐食墨為撫按官所劾也。發太僕寺寄養馬一千一百八十四匹給薊鎮官軍。以遼東廣寧坐營中軍指揮僉事王世祿為寧前遊擊將將。錄陝西雙乃山等處斬獲功賞副總兵牛秉忠銀十兩。丁巳。修理承天門端門遣工部尚書雷禮祭告后土司工之神。戊午。陞吏部文選司郎中胡汝桂為太常寺少卿提督四夷館。兵科給事中嚴用和言邊臣請餉旦夕侍命部臣會議給發性性稽延至旬時殊非同心共濟之事義。今後有因此候事者請連坐之。戶部覆言建白止據一入意見而諛部職司所繫必須詳稽情跡然後敢覆况事下戶兵會議閱涉兩部即



難獨斷至給發時亦必視帑藏多寡彼中緩急而節縮調停之  
不當槩以遲緩見罪 上是部臣言。乙未。南京工部尚書  
魏尚統以疾乞致仕許之。陞巡撫寧夏都察院右僉都御史  
王崇古為右副都御史巡撫如故以三年秩滿也。給錦衣衛  
帶俸指揮僉事李偉以故指揮孫綢房及脩葺銀一百兩從其  
再乞也。辛酉。錄盜府鎮伍嘯額計兒等處獲功死事中傷  
軍丁尼金等四十七人各陞賞如例。刑科給事中王之垣工  
科給事中王謨各上疏言近來有司泥于詔書枉法誣騙之文  
不論輕重一切禁錮請下法司詳定申明之刑部覆言枉法受  
財必須得枉法者方以枉法論而不宥諸如求索之類及坐賦  
准枉法論者即當宥免止稱誣騙必在京潛住大肆姦惡賦及  
千百以上者乃以誣騙論而不宥諸如在外詐欺局扣之類情

與賊不甚重者即當宥免他如充軍人犯毋論已未着伍但非  
款聞不赦及減死謫發者俱許釋還奏入詔誣騙財係指稱官  
員名目各衙門打點使用者內外俱不赦餘如擬○壬戌○霜  
降節遣英國公張溶定國公徐廷德恭順侯吳繼爵玉田伯蔣  
榮祭 畏陵 獻陵 裕陵 泰陵 廉陵 永陵○彭城伯  
張熊祭 景皇帝寢都指揮同知王極祭 孝懿皇后○中  
官祭恭讓皇后廢后吳氏指揮同知文承武祭○哀冲莊敬二  
太子各陵谷○先是南直隸浙江撫按官各以地方災寇奏免  
淮陽二府及杭寧溫台四府正官來朝吏科都給事中王治言  
朝覲大典劄 聖明臨臨之始正受夏會同之日六府官非有  
大故不宜援有市地方例乞免 上是其言命仍來朝如制○  
達塞入犯鎮邊頭墩原任總兵為事官胡鎮恭遊補于漢等敗

之于靖虜堡虜逃去總督侍郎王之誥以捷聞詔賞補于漢胡鎮等五人銀兩仍令鎮策勵自效。癸亥。虜掩谷寇山西石州陷之殺知州王亮來揚言欲移兵南向總督王之誥以聞因請親率宣府遊兵二枝西援鴈門。上從之命留總兵馬芳防守南山。罷宣府副總兵任勇以原任古北口副總兵量一奎代之。以脩理乾清宮工成太監李芳漆祥各廢弟姪一人為錦衣衛千百戶李遵等加恩二等工部尚書雷禮廢一子為國子生督工給事中張縉御史王加言俱陞通政司右叅議鎮遠侯顧寰禮部尚書高儀兵部尚書郭乾掌錦衣衛事都督朱希孝工部侍郎徐綱兵部侍郎邊鳳翔曹邦輔工部郎中劉經緯等各責銀幣有差既而禮故辭廢子芳祥亦辭。上俱免之仍賜銀幣緡加言亦以不習奏事辭不拜改尚寶司卿。乙丑。

初湖廣撫按官奏興都額賜湖馬灘羅水山池河焦山羅鉄溝  
利河六莊赤馬野豬蘆伏二湖計地八千三百六十八頃自  
先帝龍飛始命內臣主之後聽信敕舍王道等廣緣為評肆行  
蕪併新增田地八百八十頃分為三十六莊軍民受害為甚乞  
將地近純德園陵者仍屬司香內臣管理其餘六莊二湖納租  
者悉付有司徵收侵占者追還原主已奉旨允行道等下所司  
逮治矣至是承天守備太監張克奏留前地養贍仍為道治等  
稱寃 上復從之○戶科都給事中魏時亮上疏謂且如前旨  
不聽 命大寧都司僉書署都指揮僉事施沛掌山東都司事  
○叙修整大同威平墩堡濠官廨功賞兵備僉事郭大紀副總  
兵郭琬叅將麻錦等銀幣有差○罷分守台金嚴叅將李超浙  
江都司僉書軍政馮經超仍下巡按御史提問以原任總督侍

郎劉畿劾其貪縱不法故也。○丙寅。○廣西巡按御史朱丙如奏言糧賊占據古田縣殺官劫庫勢日猖獗請令總兵官俞大猷會同總督張瀚征勦又言古田守備指揮俞事卜棟與安守備指揮使甘棠不職乞罪之報可。○罷馬蘭谷叅將孫昂下巡按御史提問以賞軍吏科給事中鄭大經劾其貪暴不職也。○丁卯。○裁革廣州府屬三水縣主簿訓導各一員清遠縣縣丞訓導橫石遞運所大使各一員增江驛驛丞一員馬岡巡檢司一員南雄府訓導二員稅課小嶺中站遞運所各大使一員常平副使保昌縣訓導各一員韶州府知事通濟倉副使各一員曲江英德二縣訓導一員高州府并吳川縣各河泊所官一員雷白石城二縣各訓導一員永豐存積在城倉副使各一員信宜巡檢司巡檢一員肇慶府知事訓導各一員德慶州訓導廣

備倉副使河泊所官各一員高要縣河泊所官一員惠州府知  
事一員歸善博羅河源海豐龍川興寧長樂七縣各訓導一員  
歸善河泊所官清溪巡檢各一員潮州府屬揭陽澄海各縣丞  
一員饒平平遠各主簿一員潮州府揭陽澄海各縣丞一員桃  
山驛驛丞一員饒平澄海程鄉平遠各訓導一員楓洋白垵磁  
窰各巡檢一員雷州府屬遂溪縣泗川巡檢一員徐聞縣河泊  
所官各一員瓊州府知事檢校廣儲倉副使稅課司大使訓導  
各一員崖州瓊山文昌化感恩各訓導一員清瀾調薰蓮池  
延德各巡檢一員海州遞運所大使一員清瀾南甞廣儲廣積  
大甞軍儲倉副使一員歸善太平都許驛各驛丞一員廣州左  
右前後肇慶海南六衛各知事一員○江西道御史孫代追論  
太常寺少卿胡汝桂先任文選時譖不法事得旨令回籍聽勘

○戶部尚書馬森奏太倉銀庫歲入僅二百一萬四千二百有奇歲支在京俸祿米單一百三十五萬有奇邊餉二百三十六萬有奇各省常賦諸邊民軍運今年詔蠲其半以出入較之共少三百九十六萬一千四百有奇謂國無三年之蓄國非其國今查京通二倉之粟七百餘萬石以各衛官軍月糧計之僅支二年之用歲漕四百萬石內除撥薊鎮寬運班軍行糧并免湖廣顯陵二衛起兌實入二倉者三百四十九萬二千六百餘石逋負漂流歲更不下二十餘萬折改湊補別用不與焉歎為三年之蓄不可得况六年九年乎且今四方虛耗百姓困窮邊餉增多原無顯派有如運道告阻臣恐所憂不止各邊而已因條上目前所急莫善後事宜一各省坐派南京倉米近改折色六萬石每石徵銀八錢請將五錢解南三錢解北可得一萬八十

丙一南京工部貯庫銀十九萬三千餘兩先經本部取用十萬兩新增蘆課一萬九千餘兩昨行巡江都御史清查數不止此宜盡數起解定為歲額一漕糧奉詔改折十分之三該免運米九十萬石百九十七石改免米一十八萬七千九百四十石宜遵先年額折九錢八錢之例計可得二十一萬九千餘兩一漕糧既行改折其減存料銀扣價約計十三萬五千五百餘兩內將十萬解京以其餘數留河上一南京兩總每年撥運浙江糧二十萬石旗軍例有行糧扣餘銀各得二千八百九十餘兩一南京上元縣庫貯各衙門贖錢計四萬四千三百三十餘一各郡邑額僉防夫此以為間役宜革去折銀類解一各省所編民壯快手機兵諸役及巡檢司弓兵本為防護巡邏而設今止聽州縣差遣而已宜於原數每十名中革去二名折銀解京一官



馬寄民間而獸醫編銀仍解太僕寺公用實為冒濫以後宜盡  
納太倉作歲用之數一各省契銀有侵沒數多未經追納者一  
近蠲四十三年以前宿逋有已徵在及馬價皇木解夫銀兩在  
庫者請行撫按悉查解部以上所陳乃日前急救之務也漕糧  
四百萬迺來改折完運數多宜復原額一湖廣 顯陵承天二  
衛免運漕糧宜分派各總代運不得改折其江西原議改折者  
仍復本色一薊 顯班軍行糧因庚戌虜警奏撥原非舊額乃改  
納京通二倉在密雲昌平二鎮者亦如之一臨德二倉設在運  
河之北舊皆有數十萬之積以汾河道有阻便於轉輸後因倉  
攢困於守支部官逋嫖致虧仍前積貯為便一在外預備倉舊  
制甚周今奉行者視為虛文設遇師旅聽聽輒誅內帑宜戒飭  
有司從實舉行以備不虞以上所陳乃將來經久之計也奏入

上允行之仍令內外諸司各實心經理構節以濟國用。湖廣巡按御史郝光先奏沒入故犯陶仲文家估價三萬一千八百餘金解京濟邊報可。戊辰。裁革湖州紹興二府各添設總捕通判寧波府市舶提舉史目各一員海鹽桐鄉武義浦江松陽遂昌慶元宣平八縣各縣丞一員杭嘉湖三府織染局副使一員湖州寧波二府各稅課司大使一員廣豐廣積二倉各副使大有倉副使一員三魁雅楊家埠各巡檢一員奉化縣西店驛驛丞一員安吉州并分水青田龍陽龍泉宣平五縣各訓導一員天賜場大使橫浦永嘉二場副使各一員杭州右前海寧紹興寧波臨山觀海昌國台州海門溫州十三衛各知事一員。免貴州思明鎮安等府州縣司土官及佐貳首領同知等官來朝。添設鎮守廣東標下總兵坐營官各一員命指揮僉

事陳其可侯廷佐充之其可廣東廷佐廣西俱以都指揮休統  
行事 命原任巡梧左叅將魯國賢等備古田○己巳○令福  
建都轉運鹽使司年老運使何思贊致仕陞汀州府知府曹先  
代之勒河南按察司僉事楊彬福建按察司僉事徐梓聞任坐  
貪墨為撫按所糾也○錄貴州勦平伯泥司土書楊贊等功賞  
巡撫都御史杜樞總兵石邦憲及布政使晏廷熙等守備薛守  
宸等各銀幣有差○錄延綏高家堡史家溝墩等處甘肅栢楊  
溝柳湖等處遼東寧前沙河驛等處獲功死傷軍丁萬清等九  
人楊潘等十六人楊燮等一百四十七人各陞賞如列○辛未  
○初戶部議派內府供應白糧以弘治及嘉靖初曾許之數折  
中庭五萬石曾 上登極覃恩例當減半于是太監翟廷玉奏  
見仕內官一萬四千五百餘名歲用來六萬九千六百餘石即

如原派之數尚少二萬請為補給下戶部覆奏今會計已定加  
派不及請暫借光祿米給之○吏科給事中鄭大經條陳薊遼  
屯鹽二事其議屯田謂薊旗屯當量地理而定其則遼屯當改  
營田而足其額此興復屯政之大較也而根本之地則當輕催  
省賦勞未失業者如額外之徵求武官之侵剋禁做莊田之豪  
占宜盡行裁革其議鹽法謂今薊鹽滯而不行遼鹽行而不廣  
弊在餘鹽日廣正課不通請酌議裁減至于收納之際則當均  
派倉口嚴查禁防使奸商無所規避而官攬不得需索此公私  
兩便計也戶部覆餘鹽歲課例辦難以遽減餘俱如議從之○  
山西副總兵田世威條陳安復大計三十事其富兵勢謂各邊  
耗弱之原欲在持議者以文章空誤玩愒歲月無益費用今宜  
先責廷臣定議而後責邊吏効力 皇上仍以乾明英斷臨之

於上則邊事無不可為者其立紀功謂科道官寄耳目於人舉  
劾不公請以其事屬之各道州縣官使身自督戰隨營紀功則  
士氣自倍可以免他日行勤之煩且寃絕墨謂文臣多設疑事  
以嘗將願款戰則責其不能守款守則責其不能戰展轉牽制  
非大破常格不可以成功其集料款謂將庶而後軍和乃百戰  
百勝之術然必任將者毋愛重祿厚賞方可責之恤士其戮願  
刺請令各邊臣不得通權貴一書其曾經保薦者亦不得私謝  
薦主其鋤禍萌謂各鎮兵勇於家丁而怯於應軍家丁飽獍驕  
貴謀以降胡皆邊城腹心之梗而鎮臣方倚為用如虎傳翼斬  
不可長其重入衛謂客兵來衛陵京乃諸邊驍捷而前鎮多奴  
虜使之忍飢負土挫其銳氣乘虜退盡數掣回及他議亦多可  
採者 上以其章下兵部者詳會世威坐失事繫獄議竟寢○

壬申。虜酋土婁寇薊鎮。由界嶺口羅漢洞潰墻入大掠昌黎。縣時宣府報。西虜黃台吉擁兵窺祠。陵後南山兵部以聞。上命薊遼總督劉燾總兵李世忠巡撫耿隨卿率兵東禦。土婁昌平總兵劉漢西防。黃台吉又遣京營左叅將陳良佐遊擊將軍邵勇防護。陵竄召宣大總督王之誥自鴈門還。駐懷來。巡撫曾亨自保定移兵通州以脩之。更造車里等處。鍍金陰陽文信符金牌一十四副。五面共七十五面。陞大理寺右寺正郭崇嗣為河南按察司僉事。上以虜寇深入。諭兵部。募有能力戰破敵者。如嘉靖四十二年故事。重加陞賞。兵部乃議。不拘軍民壯大。凡遇寇斬首一顆者陞一級。不願陞者賞銀五十兩。其登戰大敵擒斬一名。顆者陞二級。不願陞者賞銀一百兩。所得虜中財物。盡賜之。其斬獲大小頭目。如土婁等不在是例。

上命懸格薊鎮他鎮不得比焉。○點原任陝西固原兵備副使李臨陽為民坐前為岳州府知府修岳陽樓科罰金六十兩及應朝受饋故也。○癸酉。虜入陝西滅武常樂等處官軍拒敵出塞斬首三十級奪馬五十匹總督靈翼地撫王遴以捷聞命賞總兵趙奇及遊擊高天台等八人銀幣有差。命經畧邊事兵部左侍郎孫都察院右都御史遲鳳翔督兵暫駐昌平防禦西寇。○工部奏委司馬整竄攻守器具。上從之。仍令事畢之日分別動惰以聞。○甲戌。以水災免湖廣勛陽襄府屬縣保康房南漳穀城襄陽宜城杖糧有差。○謫無太子太傅史部尚書武英殿大學士郭朴乞致仕許之。令給驛以歸。○先是御史龐尚鵬論朴員才使氣無相臣體。上以朴先朝舊臣稚稱慎靜尚鵬言妄不聽。而御史凌儒復言朴朴居父喪齊情赴

呂爲士論所鄙又言朴有老母病羸殆且死不思乞歸終養傷  
薄風化於是朴求去蓋力章三上始得請云朴爲人長者方大  
學士徐階高拱兩人排相根攻朴與拱同鄉頗懷不平及拱去  
尚鵬等遂并劾朴而儒至訖之爲忘母尋端力攻真傾危之士  
也○初上用議者言兩京鄉試監生卷各華去四字號於是  
南監中式者僅數人虧舊額四分之三既揭曉後考試官王希  
烈孫凝等至國學謂文廟而監生下第者數百人諠噪於門外  
同希烈等出遮訴語甚不遜巡城御史操江都御史各使人呵  
止之久之方解事聞詔兩京法司逮治其爲首沈應元等數人  
如例發遣祭酒呂調陽蒞任未幾且勿論守備魏國公徐鵬舉  
以聞變坐視奪祿米司業全達以吟東不嚴奪俸各二月監生  
編號如舊行○乙亥○總兵官李世忠引兵束拔永平與虜遇



於撫寧南李家莊斬首五千級總督劉燾以聞上命申嚴號令宣布當格督勵將士速行驅勦以靖地方○時西虜掩谷兵尚留壁石州間出精騎抄掠交汾等處山西騷動總督王之誥請增兵赴援誥發宣府遊兵一枝及前召保定巡撫曹亨河南巡撫劉應節延綏總兵趙奇各引兵分道救石州之誥為芳仍留本鎮東防明日之誥再疏乞將宣大入衛遊兵三枚掣回本鎮防守自請督馬芳率兵西援上不許○京師戒嚴詔五城御史誥察非常漕糧集河下者令巡倉御史獲入城○兵科都給事中歐陽一敬等言倖者違臣失事大半以夤緣得釋故臨敵相仗莫肯用命者今虜東西入其所殘破比之倖禍尤烈宜痛懲前誤申嚴失事之罰使人自為戰然後可以破虜上以其言示遲鳳翔王之誥劉燾凡將官有仍前推諉誤事者必真

以法。○丙子。○追賜刑部尚書顏頤壽南京兵部尚書土軌祭  
墓如例。○巡視京營刑科左給事中孫枝以虜患請勅本兵及  
京營諸臣條議京城防守從之。○丁丑。○陞吏部考功司員外  
郎劉大適為浙江按察司副使。○戶部覆巡撫陝西都御史楊  
魏奏屯田給種徵稅別無差役不得比民田認蠲之例自行各  
邊如舊輸納詔可。○戶部奏預開隆慶二年各邊中鹽一百四  
十五萬六千八百六十引內派甘肅淮鹽一十二萬七千引浙  
鹽一十五萬引得銀一十萬二千一百五十兩延綏淮鹽一十  
二萬七百一十二引浙鹽一十萬五千七百引得銀九萬七十  
三百七十五兩五錢寧夏淮鹽八萬四千九百八十一引浙鹽一  
十三萬引得銀七萬七千九百九十兩宣府淮鹽十四萬三千  
四百八十八引又改撥二萬四千二百九十六引長蘆鹽九萬

七百七十五引得銀八萬九千八百九十九兩大同淮鹽七萬三千三百七十九引又添派五千引長蘆鹽四萬五千引得銀四萬三千一百八十九兩五錢遼東淮鹽六萬一千八百一十二引山東鹽六萬二千五百引得銀四萬二百八十一兩固原淮鹽二萬七千八百七十八引浙鹽一萬引得銀一萬七千四百三十九兩山西淮鹽五萬六千七百八十引浙鹽四萬八千九百九十九引山東鹽六萬三千六百一十引得銀五萬五千八十二兩蘆鹽淮鹽九千一百四十九引長蘆鹽四萬五千三十三引得銀一萬三千五百八十一兩其各邊引價淮率五錢浙率三錢五分而惟甘肅各減五分長蘆率二錢山東二錢五分制曰可。罷靖州叅將曹堂蓋以得梧叅將祝民代之從貴州巡撫杜極奏也。戊寅。以水災免順天永平真定保定河間

秋糧有差。○廢南京都察院右都御史孫植男成憲總督宣大  
兵部左侍郎王之誥男夢麟為國子生皆以三年秋滿也。○廢  
故省祭官孫鏜男尚恩為國子生鏜松江賈人也嘗以倭寇壓  
境糾集山陝諸高協力禦之戰死。先帝嘉其節贈鏜為光祿  
寺署丞仍廢其子以旌之。○乙卯。停解各省自嘉靖四十二  
年起至四十二年原派川漆等料及補庫銀兩如已徵者即以  
抵隆慶二年料價之數。○詔以貴州應解軍需料價發補本省  
軍餉不足之數從撫按之請也。○庚辰。命原任宣府遊擊署  
都指揮僉事王國勳僉書萬全都司事。○山東布政司右叅議  
喬應光石州人也聞城陷憂怖成疾以外官無歸省例上疏乞  
致仕拜甚哀切。上憐之特予給假去不為例。○辛巳。陞原  
任禮科給事中顧存仁為南京通政使司右叅議。○罷江西湖

口縣新設料廠以南京貴州道御史張啟元言其不便也○以  
應天府進呈試錄不謹奪府尹徐應休二月

大明穆宗莊皇帝實錄

大明穆宗莊皇帝實錄卷之十三

隆慶元年十月壬午朔。欽天監進貳年大統曆。上御皇極殿受之分賜文武群臣。頒行天下。○孟冬享太廟。○湖廣保靖宣慰司土官彭養正遣人慶賀貢馬幣鈔如例。○廢故禮部主事臧文奎男繼蓋為國子監生。文奎在先帝時以禮杖死者也。○巡按陝西御史房楠殿上原任鞏昌府推官王蓋臣受贓杖刑部。以蓋臣所犯贓非在庫者。宜如恩詔免。上以貪官詔所不宥。如律坐罪。○癸未。孝潔肅皇后忌辰。奉先殿行祭禮。○遣安平伯方永裕祭永陵。○陞南京吏部右侍郎裴宇為南京工部尚書。刑部左侍郎林雲同為南京都察院右都御史。左春坊左諭德姜全和為南京國子監祭酒。○甲申。以昌黎樂亭撫寧盧龍縣等處被虜殘破。命巡按御史王友賢

禁懷奪掩骸骨。夜金星入南斗。乙酉。上日講畢問大學士徐階以石州陷故諭令選將調兵加意防守。于是戶部都給事中魏時亮上言比者陛下因閱御史奏而憂及虜寇。又于日講之後問輔臣以石州事。此二事乃見我皇上之加意勤政。乃安懷之大本也。願益推此心。遠法堯舜之母。急毋荒近法。孝皇之召問大臣。司馬強兵。司徒足食。宗伯教民。以礼令親上。死長而冢宰揀拔真才。以任群治。如古六卿之賤而陛下猶以神運之則順治威嚴而虜患不足平矣。工科給事中吳時來亦言。聖情留意邊防。如此虜已在目中。更望歷召吏戶兵三部。問以督撫得人。若何錢糧接濟。若何庶令當事臣工人惕勵。永保無虞。上皆嘉納之。罷貴州按察司按察使盧岐嶷。陝西行太僕寺卿張天復。廣西按察司副使韓子允。江西布政

司叅議黃正色按察司僉事齊宗道山東鹽運司運使劉憲俱坐素行不謹為史料都給事中王治河南道監察御史凌衛所劾奏也。陞河南按察司按察使李敏德為本布政司右布政使。給事中王治歐陽一敬等。以山西失事論劾兵部尚書郭乾侍郎遲鳳翔各褻懦不職會乾方移病乞歸許之鳳翔亦自求罷得旨降俸三級用。命調江西巡撫兵部右侍郎任士憑撫治勳陽右僉都御史劉秉仁於南京別衙門用以御史凌儒劾其不職故也已而給事中吳時來等又言秉仁前議裁革分守太和山內臣首胤畏禍乃疏薦太監李芳暗結其心元大臣節不得槩從輕貶秉仁坐罷。巡撫保定右僉都御史曹亨奏易州歲餉二十八萬八千有奇頃奉恩詔半免軍元具糧乞將真保等府來歲軍需銀先借二萬級之報可。巡按山西御



史王漸封虜犯河曲時失事官守備營中軍副千戶徐世勛且  
坐臨陣先退罪斬偏頭守禦千戶所指揮僉事李世爵鎮西衛  
右千戶所百戶劉環太原左衛指揮同知于環偏頭守禦千戶  
所千戶仇天爵鎮西衛指揮僉事王試勲試百戶籍倉俱守備  
不設宜遠遠充軍革其世襲得旨如擬○丙戌○虜酋俺荅始  
遯出邊○巡倉御史蔣机奏漕糧四百萬根本之地出多入少  
非所以權輕重備緩急也自今請無拘三七四六之例凡充運  
者悉入京倉改兌者入通倉戶部覆議從之 命巡漕御史蒙  
詔監兌主事劉佩賴廷檜顧春譙程文著兼催各省通負錢糧  
○以虜退 命總督列素還鎮召回侍郎遲鳳翔并掣原調官  
軍守通州者○總理河道尚書朱衡請于東郡開支河三道以  
洩河流又于東郡之上別開支河歷東官橋以達百中橋鑿象

裡補諸處為渠使水入赤山湖繇之以歸呂孟湖下景山而去  
至沙河水築堤于支河之下令水由此以出鮎魚泉而于泉之  
對河開泉塘築堤以納其流而殺其勢回言楊莊南陽佃戶屯  
高城諸閘或宜改建或宜脩理俱必不可已之工而有司多不  
得人如徐州守鄒臣督建王家橋閘旋就傾圮宜重懲之 上  
從其言下鄒臣巡按御史問且誠治河官以安心幹理毋蹈前  
轍○丁亥○以天氣漸寒命輟經筵大學士徐階等疏言 先  
朝停免經筵日講各有故事弘治元年于十二月二十五日始  
停日講嘉靖元年于十一月二十五日日始講經筵即今天道  
尚未嚴寒視前日期似為太早宜以 聖學為重 祖宗為法  
六科給事中魏特亮等十三道御史王好問等具疏請如閣臣  
言俱以有旨報罷○直隸提學御史耿定向上明學術正人心

疏大畧謂股肱耳目之臣宜消一己之私見而真心為天下國家則太平之業庶幾可致上報聞○御史陳省劾奏遼王憲御借侈亂倫多殺無辜諸不法事有旨革其真人道號追奪賜印諸撥置奸人俱令巡按御史按問以聞○陞河南布政司右叅政陳瑣為本省按察司按察使○陞總督三邊兵部左侍郎霍冀疏辭不允○錄義州等城大寧等堡獲功死事中傷軍丁崔世爵等八十八人各陞賞如例○戊子○御史李叔和條陳屯盤二事謂遼東屯田半廢近行營田之法撥軍耕種致行伍空虛且歲收田租止俗修邊工費而各軍支給糧賞如故有損無益臣愚以為此法止可行於河西人少之處若河東地方人稠當廣召種之令受田徵稅悉抵歲餉以省內輸簡回壯勇以實行伍仍特勅寺道諸臣量之一如內地屯田之制又遼東中鹽

弊叢奸積公私俱病蓋史胥官攬蠶絲為奸則費多商苦不得  
不寬手頭招採之斗頭既寬上納穀少是在官之弊宜革去也  
鹽商暗賄營私避遠就近以至揄和虛出膏窩奸計百出莫可  
究詰是在商之弊宜革去也若填西諸堡則應設添設請令管  
糧部臣斟酌計處戶部覆奏從之○以虜入山西薊鎮令總督  
劉燾王之誥巡撫耿隨卿王繼洽總兵李世忠申繼岳俱任俸  
聽勸已而給事中歐陽一敬御史郝杰等請免罷繼岳及  
奇胤兵備王學謨其餘諸臣如有遊擊歸虜功者姑候巡按御  
史核實議處從之○兵部議殺直隸巡按御史王友賢郝杰奏  
謂被虜地方宜加賑恤而昌黎樂亭撫寧盧龍諸處特免糧差  
以甦之杰又言連年來膏每濫加罰但曲貸盛行於文臣而寬  
於武升刑及于主帥而畧于偏裨士不用命臨敵奔潰率由此

請必正法以復國威報可。己丑。工科都給事中馮成能言  
臣從新河所來相度南北地勢可慮者有三。一。新河自南陽而  
下至鮎魚口與三河口地勢俱高水以平流積滯之故漫溢四  
野致奪樹藝之地。又諸閘半就淹沒而長堤崩潰未已。此上流  
之患可慮者也。一。三河匯萬流以西注既悍湍難制而其下連  
新河猶高屋建瓴衝擊彌甚。故泥沙填壅之區。澇則俱衝旱則  
俱淺。此中流之患可慮者也。一。夏村以南諸閘水勢高下相懸  
幾及於丈。啓閉之節蓄淺為難。此下流之患可慮者也。以上三  
患皆由三河上下地既居高水復平行。雖目前告成。宜逆為未  
然之備。上以其疏示尚書朱衡。令熟計開。庚寅。令浙江  
衢州府同知章時憲。改註山東兗州府。駐劄滕縣。管河工。從尚  
書來衡請也。○陞浙江按察司按察使郭朝賓為本省布政司

右布政使廣東布政司右叅政劉蚡為貴州按察司按察使浙  
江按察司副使袁汝是為河南布政司右叅政陝西按察司副  
使許東望為甘肅行太僕寺卿廣東按察司副使遊天庭為遼  
東苑馬寺卿雲南府知府俞文榮為山東都轉運鹽使司運使  
○先是 上允官議將江南田糧詭寄花分諸獎盡行查革  
至是巡按直隸御史董充封奏查出蘇松常鎮四府役詭田一  
百九十九畝五千四百七十畝花分田三百三十一畝五十五  
百六十畝因條上便宜第一議丈量請將境內田地履畝丈量  
定肥瘠荒熟均官民輕重為一定永遠之計二定糧差當以黃  
冊為準吳中又有白冊書冊展轉滋弊宜置實徵白冊五年一  
造其私立者禁之三均糧役謂地方糧役繁重其間又有疊役  
朋役之苦宜將通邑戶田分別等則從公編審而官籍大戶則

令其自覓以覓糧後四明優免謂士夫優免之例案經言官建  
白乞更加酌議行之五平均徭謂取各縣十段丁田遂為查雷  
裏多益募務得其平六裁供億謂將均徭里甲供億諸類裁定  
章程務使出入相符此外不得濫編科罰七甲法守謂法輕則  
易犯以後投詭花分田請盡沒入官里書為奸者罰戍邊八嚴  
責成謂前項諸弊當專責掌印官不時查覆改正附載冊中戶  
部覆奏大量均賦私免恐煩擾難行優免雖有定例但吳中起  
科重若論糧石似為不均宜視田畝之數為差其餘悉當如議  
報可○辛卯○修葺○園丘殿宇齊宮工完遣工部尚書雷禮  
祭后土司工之神○壬辰○廢故都御史潘希曾孫元度為國  
子生○御史顧廷珩劾奏巡撫大同都御史張志孝庸劣不勝  
重任宜罷得旨志孝調外任用 命神樞營佐學將軍署都督

指揮僉事史綱充神机營練勇叅將浙江軍門標下遊擊將軍  
署都指揮僉事艾升充分守白金嚴等處叅將陞威武堡指揮  
僉事陳統為置都指揮僉事充延綏清平堡遊擊將軍。癸巳  
○錄宣府鎮石頭屯等處獲功死事中傷官兵四十九人各陞  
賞如例。○以原任金山遊擊將軍署指揮僉事丁山充廣西梧  
州遊擊將軍。○甲午。○以永平被虜免汰料銀及天津海口治  
河之役。○陞巡撫陝西都察院右僉都御史楊巍為右副都御  
史提督鴈門等關兼巡撫山西趣令赴任不必候代。○陞南京  
太僕寺卿劉光濟為都察院右副都御史巡撫江西湖廣布政  
司右布政使孫應鱉為都察院右僉都御史撫治鄆陽。○起用  
原任陝西按察司副使李攀龍于浙江。○陞巡撫寧夏都察院  
右僉都御史王崇右為兵部右侍郎兼右僉都御史總督陝西



三邊軍務。○陞江西布政司右叅政蔡文為按察司按察使。廣東布政司左叅議許公高漢中府知府范以作為按察司副使。文浙江公高廣西以作陝西。○陞延綏等處副總兵署都指揮僉事謝朝恩為置都督僉事充總兵官鎮守山西等處。○乙未。○陞刑部右侍郎樊深為本部左侍郎。改南京戶部右侍郎洪朝選為刑部右侍郎。改南京吏部尚書劉東為南京兵部尚書。叅贊机務。○召福建總兵戚繼先入京協理戎政。令總督薊遼都御史劉燾回籍聽勅。先是虜入永平。燾報功不实。給事中陳瓚等劾奏。燾薦繼先故有是命。○南京內織染局太監劉安奏請預給染料。工部覆嘉靖中每十年一奏料少亦不下柒年。今四年預請非故事不可從。上是其議。○丙申。○戶科都給事中魏時亮請錄真儒以彰道化。舉薛瑄陳獻章王守仁均得聖

學真傳並宜崇祀孔子廟庭章下禮部議。○浙江道御史凌儒  
奏言近者虜犯永平諸處深入百八十里僵尸數萬總督鎮巡  
等官劉燾李世忠耿隨卿自知失事罪重盡刳被傷民首以報  
功致八百餘級請覈正其罪以紓民情且言燾在閩中素稱貪  
淫徒以粗傲虛冒才名實不足用是日兵科給事中歐陽一啟  
等亦言山西失事諸臣乞早議罰。上命逮申維岳李世忠王  
純洛耿隨卿至京問劉燾已別有旨所獲首級下御史詳覈以  
聞。○以界嶺口失事下保定都司吳光裕永平遊擊胥遵忠獄  
以叅將利喬壽備禦楊騰代之。○丁酉。陞太常寺少卿張祉  
為都察院右僉都御史巡撫陝西。○起原任巡撫大同都察院  
右僉都御史宋廷巡撫寧夏陞浙江布政司右叅政劉祐為都  
察院右僉都御史巡撫大同以廷漢入衛遊擊將軍署都指揮

僉事張臣光分守荊州滯子嶺等處叅將。戊戌。陞湖廣按察司按察使李心學為本布政司右布政使貴州按察司副使殷邁為江西布政司右叅政。南京吏部郎中曹一鳳為河南按察司副使。南京禮部左侍郎陳陞卒陞浙江餘姚人舉嘉靖辛丑進士改庶吉士授編修陞前職以奉命勘估。皇陵修理工役至鳳陽病卒陞為人醇謹有清譽嘗預修大明會典同考會試者二主考應天鄉試提調禮部會試各一至是訃聞上以陞歿于公事特進禮部尚書賜諡文僖及祭奠如例命原任鎮守延綏總兵署都督僉事郭琬鎮守永平山海等處。○己亥。孝誠昭皇帝忌辰。遣清平伯吳家彥祭獻陵。○陞大理寺卿盛汝謙為南京戶部右侍郎改南京禮部尚書吳嶽為南京吏部尚書工部左侍郎張守直為南京大理寺卿。

陞兵部右侍郎曹邦輔為本部左侍郎兼都察院右僉都御史  
總督薊遼保定等處軍務。調巡撫河南都察院右僉都御史  
劉應節整飭薊州等處邊備。兼巡撫順天等處。陞提督狼山  
等處副總兵署都指揮僉事李錫為著都督僉事充總兵官鎮  
守福建及浙江金溫等處。以著都指揮僉事分守寧夏東路左  
叅將劉濟為分守延綏定邊等處副總兵。工科給事中吳時  
來言請停中差官之權。木直者以其屬之府佐得旨如故行。  
庶子。賜原任兵部尚書翁萬達謚襄敏。兵部左侍郎陶諧謚  
莊敏。吏部左侍郎董圮謚文簡。萬達諧已給祭葬仍。賜紀祭  
葬。朝鮮權國李匡李崧遣陪臣任說表獻馬匹方物宴賚如  
例。刑科左給事中孫枚言都城九門稅課原有定例。逐年橫  
徵倍索。契札滋多。請自今分屬五城御史各委兵馬一員監收。

歲終公同部臣覆奏其原設監生史典悉行裁革 上允之仍  
令申明原定則例榜示甕城○巡按山西御史周詠奏陽和高  
山二衛兩電害稼請蠲免田租戶部覆各邊屯田原無蠲租之  
詔宜將二衛災重者每石折銀三錢稍輕者每石折銀二錢五  
分報可○辛丑○以原任宣府遊擊將軍署都指揮僉事竇淮  
充延綏鎮軍遊擊將軍○論沙河驛堡被虜罪把總蔡承勳指  
揮裴紳坐守備不設諭死紳以代故減死充軍俾禦王汝材失  
于遠探降二級千戶蔣承恩百戶劉廷梧邊於策應降一級管  
叅將事為事官萬固戴罪殺賊○下原任宣大總督都御史楊  
順巡按御史路楷獄論死○先是嘉靖中有錦衣經歷沈鍊者  
以上疏請誅嚴嵩發保安州為民蒿與子世蕃深嚙之會順以  
僉都御史總督宣大蒿世蕃回以鍊屬順使殺之適虜犯大同

諸衛堡殺掠甚衆順不能禦及縱兵妄殺擄掠者冒報首功鍊  
目擊其事不平為詩刺之有白草黃沙風雨夜冤魂多少鬚頭  
顧之司順亦恨鍊遂與楷謀誣鍊以交通妖賊閔浩等勾虜寇  
邊當斬阿嚴氏父子意使叅議朱天俸僉事許用中文致成獄  
鍊竟坐死士論寃之無何順以虜入應懷不能禦又殺平人冒  
功為刑科給事中吳時來所劾楷亦以順黨不具實奏併逮至  
京法司當順守備不設為賊所陷論斬楷奏事不實輸徒作而  
嚴德之順竟得免死摘戍鎮武衛楷降雜職邊遠用後嚴氏敗  
鍊尋以遺詔獲卹錄至是史料給事中陳瓚追論順受匿賕卹  
銀及盜邊儲銀七十兩賂楷與共殺鍊擄戍未盡其辜鍊子襄  
亦為其父訟寃乃命逮順楷下法司及錦衣衛議治俱坐交  
結近侍律斬妻子流二十里並追其所盜賕銀天俸用中下巡

按御史提解未京問。壬寅。改順天府府丞邢守廷為太常少卿。叙修築大同山西乃河顧家店賈家圪塔等處堡墩官廨功賞建議首事巡撫山西兵部左侍郎萬恭勳勞官分守冀北道叅議周斯盛各路叅將麻錦等銀兩有差。癸卯。補原任神樞營佐擊將軍署都指揮僉事宋希效郊於本營。命分守大同東路叅將署都指揮僉事趙伯勳充副總兵協守大同分守紫荆關叅將署都指揮僉事王繼祖充副總兵提督狼山等處。以守備廣東勅韶等處指揮僉事吳良知為浙江軍門樑下中軍坐營都司官。先是薊鎮墻子嶺邊外屬夷窺犯潛撲哨軍叅將吳昂叙之為虜所殺。巡按督撫上其事。下失事指揮麻天爵等御史鞠奏降密雲兵備副使張守中為僉事。命萊勵供職。甲辰。上諭輔臣徐階等曰。朕聞東西二邊寇虜奈

毒汙虜之策圖之宜豫仰等宜會文武群臣務實詳議以聞○  
漕運都御史張翰奏兩浙漕運近多失期乞將東西把總二員  
合而為一每歲更番一員領運一員預備次年運務戶部覆奏  
浙江將漕視別省倍加繁劇兩總分任似難更變惟浙江都司  
僉書賤事煩閒宜委任一員賜之專勅督程運務 上是之命  
兵部註委都司僉書官一員管理聽戶部漕司舉劾○以河南  
都司僉書署都指揮僉事李夢孫為統領睢陳兵馬分守鳳陽  
叅將甘肅涼莊遊擊將軍署都指揮僉事裴尚為分守寧夏東  
路右叅將浙江金盤把總指揮同知梅魁為浙江軍門標下遊  
擊將軍○套虜謀犯固原潛撲哨單鎮守寧夏總兵雷龍吳州  
叅將何其昌督兵出塞破賊於倒狼可免白疔痘等處斬首二  
十九級奪獲馬匹夷器甚衆督撫等官以捷聞 上命膏雷龍



其昌銀幣有差其餘功次令巡按御史覈奏。直隸巡按御史郝杰劾總督劉燾巡撫耿隨卿當虜入邊擁兵觀望任其剽掠虜退乃劄死。人首劄功。又獲奪遼東將士捧櫟崖之功肆為欺罔俱為逮治。兵備沈應乾聞虜入即夜入永平以私財托知府劉庠寄庫。及遊擊李信周冕追遯失事。法當併論。巡閱御史王友賢奏亦如杰言。兵部覆議。上命罷沈應乾。下李信周冕獄。仍趣勘該鎮功罪以聞。初陝西劉孟湖等盜擁眾五百餘人。據西番寨及悶葫蘆山。灵壽寺流劫金州諸縣。捕之久不獲。至是始就擒。命誅之。乙巳。陞巡撫保定都察院右僉都御史曹亨為兵部右侍郎。協理京營戎政。巡撫湖廣都察院右僉都御史楊豫孫為大理寺卿。陞江西布政司左叅政方弘靜為湖廣按察司。按察使山西按察司僉事謝廷萑為河南布政司右

叅議。○禮部覆給事中莊國楨奏章太常先祿等寺役厨役二百五十名及內府玉器等官匠工完年久冒給先祿酒饌者上從之。○丙午。○陞大理寺卿溫如璋為都察院右僉都御史。巡撫保定。兼提督紫荆等關。起原任戶部右侍郎王國光以原職。兼都察院右僉都御史。巡撫河南。○陞山西按察司副使陳善為布政司右叅政。刑部郎中喻顯科為右叅議。工部員外郎孫冲。兵部員外郎周鳴瑱。俱為按察司僉事。善。江西顯科。廣東。坤山。西。鳴瑱。四川。改原任太僕寺少卿趙灼為太常寺少卿。提督四夷館。○巡邊兵部左侍郎遲鳳翔條上密雲便益。謂本鎮荒田近得兵備。張守中開墾二十餘頃。邊士賴之。但近曹家寨地方軍民告爭疆界。紛紛不已。且踏勘查明。以杜阻撓。又石塘嶺一路有裕陵。恭陵。廢榛閒地。舊令軍民佃種。每畝納租。

二三分請以給本路官軍之無業者覓其租疏入從之。○錄嘉靖四十二年四十五年甘肅鎮王子莊等處獲功紀錄事功中傷軍丁吳江等二百九十九人陞賞有差。○黜禮科左給事中陸鳳儀為民。○鳳儀見上憂遯事乃上疏首述。聖諭以為今日防虜之策大臣必有能悉心條對上紓宵旰之懷者第人情玩愒多爭邊臣皆狙詐不足使宜大破常格專任曹邦輔決計勦虜以安中國若一方財力不繼則當調集各處士馬天下之賊與天下共擊之不直以壹堂全盛之朝畏勞惜費屬於小醜疏入。上怒其所引。聖諭禮改教字手批點為民。○丁未。○以宣府東擊遊擊將軍署都指揮僉事馬孔英為分守大同東路左叅將萬全都司署都指揮僉事許南金為分守紫荆關等處叅將。○戊申。○修理承天門端門等工完遣尚書雷禮祭后

土司工之神。○陞太僕寺卿劉慤為都察院右僉都御史巡撫湖廣。○陞詹事府掌府事吏部右侍郎蕪翰林院學士趙貞吉為南京禮部尚書。○陞湖廣布政司右叅議鄭洛鳳陽府知府王一鶚俱為按察司副司。洛山西一鶚山東廣西古田賊常扶枝等夜劫省城官軍拒之擒扶枝等五十八餘各踰城走。巡按御史以聞并請調兵勦除。兵部覆言副總兵及守備巡捕諸臣宜令住俸戴罪捕賊而以征勦事宜。宜下督撫總兵會議從之。○乙酉。以協同漕運叅將署都督僉事福時為提督漕運總兵官鎮守淮安。○御史蔣机請增築通州月城以重保障從之。○庚戌。御史劉翹言鹽法七事。一新行禁鹽私每月限以捕獲之數其封城大小戶口多寡費問為故不及數者多培鉅取盈以避罪甚為民累酌量裁減一山東官臺等十一場鹽積課

逋且比由粟鹽一引加色索餘鹽六十斤定納粟銀二錢伍分  
免其牙稅內將一錢伍分充本丁課銀一錢為附餘鹽銀竈地  
多被豪右侵奪宜視舊藉清查不許私相典賣一各州縣居民  
佃種逃亡竈地逋稅甚多爭競展轉漸失故額悉宜清理一奸  
豪收逋年間引抑膏商人以致正課缺乏此為鹽政大害宜禁  
治之一長蘆山東鹽丁宜比兩淮克課事例通行賞贖以寓優  
恤激勸之意一傷官位卑祿薄有數年不得支俸者何以責庶  
宜立定限令縣官如期給之戶部覆奏報可○兵部以軍興缺  
馬請量派各府州縣加徵本色惟南直隸全派折色 上從之  
○仍命太僕寺加意飼養見在馬匹其有虧損誤依充者听本  
部及印御史勅治○以分守楊州叅將者都指揮僉事顧承勳  
為協同漕運叅將○山西巡按御史王漸義奏邊臣失事罪狀

言自虜入犯距出邊之日縱橫蹂踐者已踰三旬劫掠傷殘者  
追將千里中間攻陷燒燬殺傷者何啻數萬計而總督王之誥  
等自八月間聞虜結聚于黑石崖等處正與井坪邊對境不能  
無事預防山西副將田世威叅將黑雲龍列室等皆逗遛不戰  
俱宜明正法典兵部覆錄得旨逮世威等下獄今之詰回籍住  
雲龍等奉俱所勘○辛亥○改廣東大城所水路叅將署都指  
揮僉事胡守仁為分守浙江杭嘉湖叅將○陞大同破虜堡守  
備署都指揮僉事張蕙為都指揮僉事充宣府東路遊擊將軍

大明穆宗莊皇帝實錄

大明穆宗莊皇帝實錄卷之十四

勅脩

隆慶元年十一月壬子朔禮部上大祀○圍立及出入告廟儀  
任一前期五日錦衣衛備隨朝駕如常儀質明 上御皇極殿  
太常寺官奏請 聖駕視牲百官具吉服朝參候鳴鞭訖先趨  
出午門外東西序立候 駕出恭送 上由大明門正陽門兩  
天門舊路至犧牲所南門包西 上降輦禮部尚書侍郎太常  
卿少卿導 上至所內太常卿跪奏祀大視牲遂一視畢仍導  
上至幄次內 上少憩出禮部太常官仍導陞輦 上還宮  
百官于承天門外序立候迎一前期四日 上御皇極殿太常  
寺奏祭祀如常儀一前期三日質明 上乘輿詣 太廟門西  
降輿至廟門幄次內具祭服詣 太廟告請 太祖配神行一



獻禮畢 上出至幄次內易皮弁服回 御中極殿太常寺先  
祿寺官奏省牲訖 上御皇極殿侍制文武百官朝服聽受誓  
戒一前期二日午後太常寺官捧蒼玉帛匣香盒同神輿亭進  
于皇極殿內司禮監官捧帛同安設于御案之北一前期一日  
質明 上從文華殿出由會極門由皇極殿左門入至御案前  
立太常卿捧祝版由中門進于御案上 上填御名訖太常卿  
捧安輿中司禮監官進帛于 上裝于匣內并蒼玉安訖太常  
卿捧安御中太常卿隨捧香盒于香亭右跪 上三上香行一  
拜三叩頭禮畢轉于東面向立歸衣衛官校入提輿亭由中門  
出該衛備設法駕板輿于皇極殿丹 陛下正中內侍官跪請  
上陞輿 上由殿中門出乘輿由大明門止喝門詣 南郊  
至昭亨門之西禮部尚書侍郎太常卿少卿等等官序立行叩

頭禮畢分兩旁候 上降輿禮部太常寺官導 上由昭亨門  
入至內墻太常卿導 上至午階尚書等官俱正太常卿導  
上至 園丘恭視 壇位畢導 上由東階下尚書等官同導  
上至神庫視籩豆至視廚視牲供太常卿引入逐一奏畢禮  
部太常寺官導 上仍由左門出至昭亨門迤西陞輿至齋官  
分獻陪祀官朝奏傳旨賜早飯各官叩頭謝恩至午間各官候  
旨朝參仍傳旨賜午飯叩頭謝恩如前儀一是日午後太常寺  
陳設如圖儀如至一更時分禮部尚書等官詣 皇窮宇尚書  
上香請 神侍即二員導引太常寺官以次捧 正位 配位  
神版神牌詣壇奉安訖候報時 上常服乘輿由西門墻出至  
外墻外神路之西降輿尊駕官導 上至神路東大次上香官  
同導引及捧 神版神牌官復命畢 上具祭服出導駕官導

上由內壇左櫺星門入行大祀禮如常儀祭畢 上至大次  
易常服至齋宮少憩 駕還正祭前期一日免朝文武百官例  
該部記者先朝入壇同候其餘各具吉服于承天門外橋南東  
西序立候 駕出大明門而退候 駕還之時陪祀官先趨回  
其同餘百官具朝服照前序立迎接候 駕入午門百官隨詣  
皇極殿丹墀內侍立行慶成禮一初六日早 上常服以親  
詣 南郊視牲預告于 太廟內贊贊就拜位 上就拜位內  
贊官導 上至 太祖及 列祖香案前奏上香上訖奏復位  
奏跪奏讀告詞讀訖奏行四拜禮畢 上隨詣 世宗皇帝几  
筵殿 弘孝殿○神霄殿行禮俱如 太廟儀一初七日早  
上詣犧牲所視牲畢 駕還詣 太廟及 世宗皇帝几筵殿  
弘孝殿 神霄殿參詣如前儀一初十日早 上常服以親

詣南郊大祀預告于太廟內贊贊就拜位上就拜位內  
贊官導上至太祖及列祖香案前奏上香上訖奏復位  
奏詭奏詣告詞請訖奏行四拜禮畢上隨詣世宗皇帝几  
筵殿弘孝殿神霄殿行礼俱如太廟儀一十一日早  
上詣南郊十二日行大祀禮畢駕還仍詣太廟及世  
宗皇帝几筵殿弘孝殿神霄殿恭謁如常儀禮畢上具  
衆冕服御皇極殿行慶成禮自嘉靖中親郊之典久缺不謹  
上初嗣服乃命祠官綴葺舊章具上其事一時稱快觀云○  
改南京通政司右通政李邦珍為大理寺左少卿陞南京禮部  
祭司郎中胡嘉為湖廣布政司右叅議○以神机營副將署都  
督僉事戴元亮充副總兵協守山西命陝西都司僉事署都  
指揮僉事王宣掌陝西行都司事○陞山東領班指揮同知宮

于野為著都指揮僉事僉書河南都司事。免北直隸山西虜所殘破州縣昌黎盧龍撫寧樂亭文水交城清源祁霍石汾州孝義介休平遙虜入所經縣榆次大谷徐溝太原陽曲壽陽蓋平定平樂及福建濱海晉江等縣各正官朝覲。○甲寅。○祭三皇於景惠殿遣禮部侍郎林熈行禮遣太醫院官祭先醫之神。○朝鮮國權國事李肱遣倍臣沈銓入謝貢馬匹方物因歸被倭掠去人民二十餘人。上嘉其忠順賜勅獎諭仍賜白金百兩錦綺四尺絲幣十二表裏其獲功人等賞金帛有差。○陞刑部雲南司員外郎夏道南為廣西按察司僉事整飭蒼梧兵備。○丙辰。恭讓章皇后忌辰遣中官祭陵寢。○賜朝鮮國王李垣謚恭憲遣中官姚臣行人歐布稷予祭封其位署副事李肱為朝鮮國王。○以著都指揮僉事大同八衛遊擊將軍戴椿

山西老營堡遊擊將軍方振俱充山西叅將捲分守東路派分  
守西路。陞操守碾伯署都指揮僉事陳愷為署都指揮僉事  
充莊涼遊擊將軍。南京科道官張崇倫李之茂等奉詔糾拾  
方面官湖廣常州府知府葉應春福建布政司左叅政楊準江  
西布政司左叅議何全福建郡武府知府吳國倫各不職杖吏  
部覆擬應春全間住準國倫調簡僻用從之。起原住總督三  
邊軍務都察院右僉都御史兼兵部右侍郎陳其學以原職總  
督宣大山西等處軍務兼理糧餉。丁巳 命革廣東鎮守總  
兵官湯克寬任聽勘巡撫都御史李佑戴罪供職忠潮海叅  
事各調用仍切責總督侍郎張瀚督率鎮巡兵備等官亟行勸  
賊以清地方先是海賊吳平既逃而餘黨曾一本突入海惠來  
間為忠克寬倡謀撫之賊既就撫乃從克寬乞潮陽下會地以

居仍令其黨一千五百人竄籍軍伍中入則原食于官出則肆掠海上人令鹽艘商貨報收納稅居民苦之於是大家井氏陳世業余乾仁等同率衆叛攻圍揭陽縣城克寬乃調曹賊等兵勦屠之撫按李佑王同道各以疏聞而曹賊所以激變大家井之民惟同道疏及之佑謂不然且奴克寬功越七月曹賊亦叛執澄海縣知縣張濬焚殺潮郡居民數千人撫按復流請兵已有旨令克寬賊罪殺罪至是分守嶺東道叅隊陳紀以給由入京具言曹賊必不可招而兵科部給事中歐陽一收劾奏克寬既不當招必叛之賊以激變居民及居民亂又不當驅賊兵勦之是克寬縱寇釀禍其罪大而蹇耒喬同事河比李佑匿不以聞亦當併論兵部覆從其言故有是命。戶部覆延齡都察院右僉都御史王遴奏本鎮黃甫川運河已通漕粟見貯府各縣

倉乞頒降印記一顆責令本縣典使主之人運船水手臨河雇  
覓非經文計請於葭州神木府谷吳堡米脂綏德等州縣均徭  
內增編比常役少加優異以恤其勞報如議。戊午 聖駕詣  
南郊視牲以後日遣大臣輪視。○陞江西按察司左叅政安  
部武庫司郎中田汝隸為江西布政司右叅議。○己未。○陞大  
理寺左寺丞海瑞為南京通政司右通政。○裁革陝西城固縣  
縣丞畧陽縣洛南陽各主簿一員畧陽嘉陵州州丞鳳縣褒城  
畧陽漢陰平利商州商南鎮安各訓導一員湖廣德安府知事  
應城縣三臺河泊所官河南南陽府稅課司大使濟安倉副使  
唐縣倉大使鄧州儒學訓導一員改中都留守司署正留守何  
自然為著都指揮僉事充叅將分守揚州。○庚申。以 人祀  
南郊 上御 皇極殿傳制誓戒文武百官致齋三日遂告



太廟請 太祖高皇帝配。改禮部左侍郎燕泰士潘晟為吏部左侍郎掌詹事府事兼官如故。辛酉。輔臣徐階等以

上示文武羣臣集議防虜之策于是府部卿等科道等官各陳所見階等因上議曰比者 皇上以東西二鎮突被虜患特降

聖諭命臣等務實講求預處之策此誠 聖慮宸猷所以制治保邦衍隆平之慶于無疆者也臣等愚陋不足奉明詔具事在闕外雖送度者請仍俟邊臣計奏而廷臣得便直從事者臣等亦無容鎖瀆以煩 聖聰謹以邊臣所不得自言之情與所不能自專之情提綱挈要隱括諸臣所條議而益以一得之愚具列十三事如左伏惟 聖神裁擇一肯實效夫方今邊事所以難振者其弊在邊臣循襲虛文而不務實仰惟 皇上銳意邊防凡申飭之令警戒之諭蓋教下也乃邊臣鮮聞以實應者

如薊鎮嘗謂能修邊矣而虜近從羅漢洞入山西石州嘗議修  
築城池矣而院委之通邊委之一縣官上下相蒙遂成陷沒臣  
等謂今日整飭邊防當嚴行將吏痛懲此獎殫忠協謀務臻實  
效軍士之逃故古後者必從實勾補清查兵馬之老弱疲羸者  
必從實選汰嚴養城堡之修築必實足防禦器械之製造必堪  
實學刺操練毋以常套飭覘而尤必公行賞罰勿矜毋以虛欺  
報完而尤必及時給散幹理則必誠必信閱視則必躬必親遠  
者在外聽巡按御史在內聽兵部科道劾治仍乞于半年或數  
月後特遣才望大臣一員選帶司屬分詣諸鎮查驗有無竒效  
奏請賞罰每至三年遣官巡視一次庶今所議不為虛談而可  
以仰副 皇上命臣等務實詳議之意于萬一矣一定責任謂  
各邊總督總兵巡撫責任均重但比歲地方失事總督身受重

辟而總兵官反得漏網黃緣復用以改詠者遂歎專責總兵殺  
賊其賞罰督撫皆不得與孟有激乎言之也夫人之常情相與  
共事必功罪同之而後肯協力以共濟且諸邊巡撫各有軍務  
職銜所奉勅書又有訓練調遣等語倘令專任糧餉而臨機  
調度悉責諸總督副鎮將官去總督近其聽命固使君山西遼  
東寧夏甘肅保定諸將不令取裁于在近之巡撫而制于在  
遠之總督督其能及乎合無今後總督鎮巡仍令各遵勅行事  
遇有功罪自總督以至副叅將遊守兵備有司查照職任一体  
從公賞罰看為定例以杜推諉之私一明戰守凡用兵必審地  
利蒞顧天險可固當主於守修邊之工不可廢然虜狡計百出  
率數歲一入又不可專恃守而不習戰山西諸路大邊久失地  
多平衍當主于戰然見在邊牆亦可捍零騎抄掠使近邊居民

得以耕牧則今於兵來能戰守之時又未可輒先棄守臣等詳  
規群臣疏有欲減撤薊鎮入衛官兵者今且未敢輕議但該鎮  
每歲驅各兵修邊使人困馬飢坐耗銳氣而衛所等官因有容  
兵修邊將主賓費閑役占侵員軍糧使兵疲于非所當用財匱  
于無所措者均為失策合無行令總督以戰守之事專責之各  
鎮入衛官兵無事則同諸標兵訓練遇警則令分有信地者登  
牆拒守原擬策應者隨賊向往截殺而以修邊之事專責之本  
鎮主兵查照食糧文冊按糧以求人計人以分工若邊工浩大  
兵數不敷容再議以請其山西擺邊之兵應否罷撤亦仍行督  
撫速議至若宣府之當守南山保定之當謹哨探大同之操築  
遼東之積貯吏部所論已明悉宜卽舉行一申軍令夫主將所  
以能制偏裨與偏裨所以能制卒伍者無他說令嚴且各邊自

總兵而下每臨陣不能戮一部卒而副叅遊守原受總兵節制  
茲與總兵各領兵三千無異察竊如此今安得而行也合無主  
為定例凡領兵官無論總叅遊守臨陣之時但有部卒退縮者  
許即斬首以徇其領兵官臨陣退縮者把總以下許總兵及副  
叅遊亦即斬首以徇呈總督奏聞叅遊副總許總兵官取其死  
罪招由呈總督奏聞其間有懷私報復者總督撫巡按叅究重  
賞之法一重將帥將官與文臣其我國各有專掌其文移往來  
相見禮儀亦自有成規近來文臣或凌辱將官侵奪所職而將  
官又或自知職重不修甘自屈以求容庇此將權所以日輕休  
親所以日卑也合無今後加慎總兵之選總兵既得人則各營  
中軍千把總管隊等官許其自行舉用叅遊守備等官許其共  
擬去留遣諜購間等類公同許其輕從督撫閱支如事大費多

特為奏請至於糧草器械馬匹等或有缺少及或給發而不堪食用城堡等或有坍塌及或修理而不堪守禦並許大小將官申呈督撫查覓處置總兵見都督副總叅遊見撫按自稱則呼名稱總督則曰軍門撫按曰本院不許口稱老爺小的自損威重督撫巡按及兵備守巡等官如有仍受各官非公之稱及首望禮節私通饋遺宴飲者一體叅治一練軍兵夫軍士在前鎮者既後以修邊不暇練而各鎮又專恃家丁殺賊所部卒亦不練以此禦虜固宜其不恪也且通行各該總督鎮巡嚴帥將官自來年為始各將所部軍士清出占冒汰去老弱選立教師倍給糧餉俾教以火器弓箭鎗棍技牌等藝諸藝之中尤重大器務令時常操演第其能否而賞罰之總督鎮巡或巡歷所至或于各兵調立之日親自閱視并各將官亦親別賞罰其最無績

效者恭奏治罪至於京營之兵亦行戎政大臣如法訓練以壯根本一繕城堡堅壁請野乃禦虜一策况往年點虜止于攻毀堡寨今則陷州城矣可復不思所以嚴備哉合無通行諸鎮凡臨近衝所州縣及鄉市村落可通虜騎之所舊有城堡低薄者即增修之無者則創築之工竣仍檄巡按御史勘奏賞罰若互相欺誑致有疎虞各當事之人一併追論其修築之費即取給于各撫按等官歲解贖銀兩不給則又查發庫藏官銀可文用者其應奏請者奏請有軍民捐貲助工者以禮勸獎致於城守之具火器為先小如快槍神槍大如佛郎機一窩蜂連珠砲等類并令各府州縣如法製造仍選軍民有勇畧者註為神器手免其雜差專熟舉放轉發各城堡教習防禦一團民兵燕趙三晉古稱用武用財之地未嘗無兵合無通行各督撫兵備率

今有司于各鄉里戶壯丁選編成伍其中推一人素有身家信  
義者為堡長副給與冠帶統之無事則共習騎射有警則同為  
拒守仍俟便利出勦零賊若擒斬有功照依軍人每功陞一級  
世襲不願陞者賞銀五十兩堡民得功其堡長副本照軍職部  
下擒斬例陞賞其上司於此民兵止許閱視賞罰不得拘喚送  
迎及調赴他處遠者及奉行無審者至總總督撫按寬治一處  
久任夫邊方久任之法人人言之而竟不能行者何也蓋邊方  
危苦與內地異若使持久任之說而不有以處之則使才能之  
士積憂勞而不得遷在內城者反得優游宴安計資俸以濟要  
顯則不惟見任者心有所不平而進者且將以能為諱矣伏望  
勅吏兵二部今後推用各邊總督鎮巡務極揀選既受命役  
事各聽其展布勿為達利寬其文法勿使掣肘需以歲月積以



年勞督撫及兵備則查照近日題准三年考滿事例陞陞總兵及副叅遊守則稽其任內職業修舉防秋三年無事者許督撫具奏兵部分別地方險易題請加恩各勿易其地待再考以後總叙勞績不次超擢各官有不職者除失事并貪酷閒荒外其餘小過及雖犯罪而情有可原才有可用撫按科道勿輕劾劾如事不可已亦須於疏內備列美惡該部酌議上請或降秩俸或革職銜各仍令在任管事三功自贖如此教可免於教易驟足而亦無獨賢之嘆久任之法行矣一廣招納今虜中多華人固未嘗無故土之思但往者將官或妄殺以邀功故不敢自歸其幸獲生還者有司又不加撫恤以故甘心為賊用耳合無申飭近幸兵部所題招降事例立為資格令各邊總督鎮巡揭榜于道并多置木牌挿于邊外曉諭華人之陷入虜中者有能

計斬大酋如卷答黃台吉把都兒吉能士莖等巫首來獻封以  
伯爵世襲仍賞田宅銀五千兩能計小酋如擺腰兀慎等巫首  
來獻授以都督僉事世襲指揮使仍賞田宅銀二千兩能計斬  
逆賊趙全周元等巫首來獻陞都指揮僉事世襲指揮同知仍  
賞回宅銀一千兩其有率領男女歸正五百名口以上者授以  
指揮同知三百名口以上者授以指揮僉事各世襲除各視其  
人口多寡授以官職十名以上分別賞賚來降者免其差役務  
令得所若趙全周元能自悔罪率衆來降亦待以不死仍計人  
口授職一應有罪逃在虜中者或自歸或率衆來降各酌量宥  
罪行賞一踏人材夫天之生材自足供一世之用固未嘗借于  
異代而臨事乏才者以儲之無素也谷無令凡卿耕道於  
凡內外官員有材畧過人忠誠任事者各奉所知疏知具奏下

部再訪查照資俸議請添註于兵部堂司及各卿寺以備任使  
其有徇私妄舉及後憤事各查舉主治罪并令各邊督撫巡按  
荐舉將官無論指揮千百戶願撫一體荐舉而軍民人等果有  
能精通火器弓矢槍刀等藝及能力舉千斤勇當萬夫者即資  
給路費差人伴送兵部覆試量請錄用仍出示京城九門凡有  
藝勇者許自赴部投告以憑考驗其見在各軍門贊畫人員巡  
按御史悉行查出嚴加考試甄別去留庶進用之全既廣而奸  
欺之門亦塞矣一理鹽法夫防邊莫要于足兵而足兵又莫先  
於足食先年商人中鹽例於各邊上納本色謂之飛輓其利甚  
大且軍士之有屯田而貧不能耕者商人則資以牛種至秋成  
計所得之息分其粟而輸之官於是野無不耕之田市無甚貴  
之粟故鹽法與屯田相為表裏足邊之上策也近來鹽法大壞

及今復不整頓將來商人必至不肯中鹽而各邊乏食之憂益有不可言者乞勅吏部會同九卿科道公奉素有才力熟知鹽法之臣奏請簡用重其事權俾之清理因以興屯田之利裕塞下之民一擇邊吏自吾懷外必先安內况今所隸繕城堡團民兵等事皆責在有司不得人而欲其處置得宜難矣合無通行各總督撫按考察所屬沿邊府州縣掌印官不堪及彼此應更調者附近佐貳首領官有才勝邊任可補不堪員缺者甄別會奏吏部覆擬上請仍乞勅吏部自明年為始遇該推陞沿邊知府必加審慎其府佐知州知縣必多以進士除授及下第舉人願告揀選者驗果年力精壯多與收選凡行取陞廷查照近日分別繁簡事例各加優異庶今所異之事得人奉行而足以仰贊皇上安懷之大業矣上是之命各邊總督鎮巡等官

即以所議務實舉行其有仍前欺怠者兵部科道及巡按御史  
叅奏重治○復除原任工科給事中楊樞于史料○陞福建福  
州府知府胡昂為江西按察司副使整飭九江安慶兵備○癸  
亥○冬至 上親祀 上帝於圓丘奉 皇祖配遣公朱希忠  
張溶大學士李春芳陳以勤分獻諸壇祀畢 上還御 皇極  
殿百官行慶成禮遣豐城侯李儒惠安伯張元善武進伯朱承  
勳慶都伯杜維宗分祭 長陵 獻陵 景陵 裕陵 茂陵  
恭陵 康陵 永陵都指揮僉事江魚祭 景皇帝陵寢都  
指揮僉事李偉祭 孝懿皇后中官祭 恭讓章皇后及廢后  
吳氏固安伯陳景行祭 哀冲莊敬二太子冬陵園○陞守備  
大同雲石堡懷仁城指揮同知周伊盧林守備宣府滴水崖指  
揮僉事閻縉為署都指揮僉事各充遊擊將軍伊大同入衛林

山西老營繕遵化等處 命四川都司僉書署都指揮僉事委  
承宗掌陝西都司事。陞河南南陽守備指揮僉事姚應禎為  
都指揮僉事僉書四川都司事。甲子。免百官賀免慶成宴  
賜分獻陪祀官及該宴官胙其四夷朝使及土官人等仍賜宴  
于闕左門。免命嬪朝賀。朝鮮國王李恂遣陪臣朴大立貢  
馬及方物表賀宴享如例。己丑。補原任貴州道御史張騰  
于浙江道。丙寅。陞鴻臚寺李一元為太僕寺卿大理寺右  
寺丞工科左給事中吳時來為順天府府丞。陞刑部廣東司  
員外郎鄭孝為廣東按察司僉事整飭嶺東道兵備。丁卯。  
陞春坊左諭德蕪翰林院侍讀諸大綬為翰林院侍讀學士掌  
院事。陞應天府府丞徐應為南京太常寺卿。陞刑部浙江  
司郎中方良曙為河南按察司副使治河。以遺詔錄廢改兵

科給事中張原孫侍為國子生。○陞賈大同周二河口任達溝等處獲功死事官軍王鳳等四十八人有差。○戊辰。○陞戶部山西部中崔鑪為山西按察司僉事。整飭左右雲玉四衛兵備無分守。○己巳。孝惠皇后忌辰。遣武安侯鄭崑祭茂陵。孝烈皇后忌辰。弘孝殿行祭禮。遣安平伯方永裕祭永陵。○陞鎮守南直隸江西副總兵署都指揮僉事郭成為都督僉事。鎮守廣東。命萬全都司僉書署都指揮僉事閻守中掌本都司事。○陞西海泊守備指揮方圓為署都指揮僉事。代守中僉書。○追封故鎮國將軍祐祠為南康王。諡崇僖。大。胡氏為南康王妃。繼夫人楊氏為次妃。從其子淮王戴垕之請也。○庚午。○以建元年號。改隆慶殿為慶源殿。遣都督蔣華告祭。類陵。改隆慶州為延慶州。衛為延慶衛。改給印信六十六顆。○陞兵

部右侍郎吳桂芳為本部左侍郎 命練兵兵部右侍郎蕪都  
察院右僉都御史譚綸回部管事。陞都察院右僉都御史鄭  
世威為南京吏部右侍郎太常寺卿鄒應龍為大理寺卿太僕  
寺少卿享用叙為鴻臚寺卿 命浙江道監察御史凌儒提調  
直隸學校。巡撫河南都御史劉應節奏河南奉詔蠲租歲供  
祿米之半乞將布政司所貯事例民兵缺官紫薪馬皂等銀二  
十萬兩補給戶部覆前銀乃濟邊急用不宜輕發請以本省屯  
糧及兌運扣餘折色與之若更不足當於夏稅存留積歲逋欠  
處補 上是之。兵科給事中張齊條上屯鹽使宜曰廣召種  
曰清隱占曰行丈量曰險偽增曰禁屯害曰革餘鹽曰恤邊商  
曰慎勘合曰寬斗頭曰重整收戶部條覆加議惟餘鹽一事供  
邊百萬仰藉于此勢難遽革又內商以餘鹽納價在掣賣之後



措輝易以正鹽報中在數年之先上納難灶丁納一引正鹽僅得正銀五分而鬻餘鹽常獲數倍故半餘鹽者邊商之力而納灶丁之病也况餘鹽盡革人必多加正引引多不能行則勢益壅而邊商亦病宜行理醜諸臣悉心計議或立量減遞減之法以漸圖之報可○巡按直隸監察御史王友賢奏石州被虜殘破後人無固志乞亟令守臣修城濬池勞來安集之仍免其徭級三年又汾州寧鄉交城諸路皆孤城危弱當增將募兵置之石每間并行各州縣脩葺保甲及吏置州縣有司不堪任者上是之○命巡撫楊巍即嚴督兵備有司等官悉心經理有未盡事宜仍詳議以聞○辛未○陞大理寺右寺丞史朝賓為應天府府丞○癸酉○考選科道以行人石星主事劉繼文為給事中星史料繼文工科主事謝廷傑劉世曾饒仁侃周僊為

監祭御史廷傑浙江道世曾江西道仁侃河南道僑廣東道行人兼儒官試山東道監祭御史○兵部議覆戶科都給事中魏時亮所上遼鎮事宜一重堤築言鎮武西寧等州乃遼鎮事宜東西咽喉近多水患宜令守臣脩路築牆以捍禦之而願武一帶尤當增治亭障調軍戍守一處收歛言遼鎮士卒村屯去收驗之堡太遠故猝值虜至輒被傷殘宜令守臣擇適中之地添築堡臺而立之長虜至能率衆堅守及獲功者陞賞如例一厚困卒言寧遠前屯一帶軍士頻年苦虜請移文戶部如鎮武堡例各軍准給本色月糧半年而夜不收能深入虜營哨探得實或不幸被殺傷者宜厚加賞恤一禁騷擾言比者忻城伯祖征奉命遣祭比鎮所通徑下人無賴騷擾窮邊又往歲朝鮮臣闕從其煩糜費駟路而都司供張尤多請重罰祖征以警其餘得

旨奪祖征祿未三月餘悉如議。○甲戌。○陞吏部驗封司司郎中董傳策為太僕寺少卿。○乙亥。○陞都察院右僉都御史何維相為右副都御史協理院事。○改順天府尹陳紹儒為太常寺少卿。○陞禮科右給事中趙軌為南京大理寺右寺丞。以明年將行藉田禮。命工部修葺先農壇遺齋宮殿宇。遣侍郎譚大初祭。右土司工之神。○陞揮箭嶺守備指揮僉事胡懋功為署都指揮僉事。充定州鎮軍遊擊將軍。○陞實大同寧邊河獲功官軍麻相等四十八。○丙子。○裁革倒馬關軍城口巡檢司。移曲陽管糧通判於紫荊。從保定撫按官曹亨等奏也。○丁丑。○頒明年大統曆于朝鮮琉球。○中山王尚元遣使貢馬匹方物宴賞如例。○廣東巡撫都御史李祐奏。七月中滴水村居民林肆等獲漂流海賊張老者。敢人聞于碣石衛。掌印指揮

李守京巡捕指揮沈備守京備素貪執之索賂未林道乾餘黨  
二百餘人乘夜入衛城奪老等去請守京等于法而海康塞把  
總王正中等督兵追勦殘寇不能盡力以致貽患亦當併論得  
旨正中等戴罪殺賊守京等下巡按御史按問。戊寅。陞國  
子監祭酒呂調陽為南京禮部侍郎。陞戶科右給事中張蔭  
兵科右給事中曹當勉刑科右給事中李臺為左給事中。國禮  
科當勉本科臺工科史科給事中鄭大經戶科給事中莊國禎  
為右給事中。人經本科國禎工科。加山東布政司左布政使  
李勇倅一級。勇以王親不得推陞京職。時六年秋滿撫按官奏  
其治責故優之。○裁革江西布政司織染局官吏。杭州府景德  
鎮添設通判。餘干縣黃金準巡檢。臨江府檢校。瑞州府高安縣  
洪城巡檢。司官吏。吉安府永寧縣主簿。撫州府宜黃縣樂安縣

各管糧主簿建昌府豐盈倉副史廣昌縣主簿九江府彭澤縣  
峯山磯鎮巡檢黃土港河泊所官吏湖口縣禁江峯山磯逆砂  
陝河泊所官南安府儒學訓導一員贛州府贛州縣長洛巡檢  
司官吏弓兵贛縣興國石城瑞金捕盜主簿改撫州府臨川縣  
清遠相于縣北為溫家巡檢司樂安縣南平巡檢司于崇仁縣  
周坊為周坊巡檢司。陞署都指揮僉事浙江臨觀把總耿宗  
道陝西文縣守備楊弘舉俱署都指揮僉事僉書都司事宗道  
永臣本省弘舉廣西。己卯。陞光祿寺卿徐貢元為順天府  
府尹。戶部覆漕運都御史張瀚總兵官李廷竹會議六事一  
漕法徵兌緩期有司軍衛同罪今法但行于武弁兩州縣文職  
間以佐貳聞尊者塞責宜一體劾治毋得偏縱一蘇松常嘉湖  
官家納糧不赴水次每違私兌宜遵例禁革一凡及三年將運

官旌別淑，應送戶兵二部會考，舉其最者，超擢示勸。一南京上下江造船二廠，舊無上官督率，事多廢弛，宜分屬九江、蘇、松、吳、倫、道、蕪、理之一密雲、昌平邊糧，甚為遲卒之累，數年以來，廢革不常，請如大同例，發銀預糴，勿再分更一裁，革遮洋分派南北諸衛事宜，已經題覆，當著之令，申遵守得旨。運官賢否，惟以錢糧完欠為旋，如漂失掛欠數多，縱有他長，不得濫舉，餘俱議行。○以久旱，命順天府官祈雪。○庚辰，命鎮守福建福興、泉州及浙江金溫等處總兵官戚繼光充神機營副將，命分守南直隸蘇、松、叅將梁守愚充副總兵鎮守江南。○陞南京運糧北總指揮僉事鞏世爵為署都指揮僉事，湖廣行都司事。

大明穆宗莊皇帝實錄

大明穆宗莊皇帝實錄卷之十五

隆慶元年十二月辛巳朔○泰亨等三衛夷人右都督只兒孩等遣升合兒等二百餘人貢馬賀冬至節宴賚如例○戶部請令兩京凡卿三品以上堂上官并各科道官博訪才畧過人忠誠任事可任諸邊督撫兵備有司及熟知屯鹽利弊堪清理益屯之選者無論見任去任各舉所止上請簡用異特功罪并及舉主○上從之○壬午 命詹事府掌府事吏部左侍郎學士潘晟幹林院侍讀學士掌院事諸大綬統纂修玉牒官○陞左春坊左諭德兼翰林院侍讀王希烈為國子監祭酒○河南布政司右叅議謝廷蒞以疾乞休許之廷蒞四川富順人始官吏科以建言謫外稍迁至浙江按察司僉事致仕至是起為河南叅議引疾不拜吏部其行誼請以陞秋歸老焉○工部左侍郎



徐繼三年秩滿詔廢其子文童為國子生兵部覆奏宣府等處秩防功罪得 旨賞總兵官馬芳巡撫都御史與練及叅遊等官袁世祇等服藥有差副總兵任勇革任回衛。癸未。陞太常寺少卿趙鼎為光祿寺卿。免云南軍民府及元謀縣正官來朝以武定初改流官元謀擁南定故也。甲申 慈孝獻皇 后忌辰。奉先殿行祭禮。陞河南按察司僉事董文寀為本布政右叅議。江西撫按任志憑等請裁革九江分巡僉事併于贛州兵備改湖西分巡兼理袁州兵備駐吉安并轄湖廣叅政柳桂瀏陽等處兵部覆奏從之。乙酉。陞左春坊左中允兼翰林院編修孫綰右中坊右中允兼翰林院編修張四維俱左春坊左諭德兼翰林院侍讀。刑部覆戶科都給事中魏時亮奏請令撫按官於所屬詞訟無論大小不得批發軍賤及異

逐小官問理守廵等官俱宜親行听斷有司等官亦務秉公訊  
決又農工方亟請暫止受詞并釋輕罪以便耕耨佐貳官如有  
違例擅受民詞者罪之得旨近來司府官避事怠職其于訟詞  
弗親听理一槩批委所屬以故作弊多端百姓受害殊非朝  
廷設官為民之意今後有蹈此者撫按官即指名民奏治。尚  
衣太監高相等奏以物料不充乞如嘉靖十七年例增額召  
買工部執奏今詔書方務節省而相等首開糜費之端不宜听  
許得旨如部議。丙戌命分守嶺南叅將江廷佐充副總兵  
協守甘州。調分守浙江溫處叅將吳國分守蘇松山東嶺南  
兵叅將楊餘慶分守溫處。丁卯。戶科都給事中魏時亮言  
遼陽自罷海運轉餉甚難乞稍通舊路於每歲麥或大熟及荒  
之秋間一行之仍屬禁議祭非常則山東米粟留易既而兩利

萬一公河戒嚴而襟喉之地可無阻矣又宥遠前屯一路戍士困苦請頒武諸堡例月糧半給本色以示優恤上從其言○戶部覆巡撫應天等處都御史林潤條陳復糧額議改折折事謂省糧額得以夏稅秋糧馬草為正賦差徭增編為雜派惟是蘇松諸郡不分正雜而混徵之名曰平米其中如馬役料價義役原非戶部之加增如輕膏脚米戶口鹽鈔亦非糧額之正數雜派漸多當賦反累誠有如潤所言者宜令遂項清查舊額所增之數通行造冊送部以憑裁減至於兩京各衙門俸銀改折之議則當斟酌輕重事難盡從蓋南京水陸四通米谷饒裕便于改折若一槩施之北地有如運道告阻內鮮畜緩急之際何以為謀請將南京各衙門官吏人等月米及如嘉靖四十年以前積欠京儲尽行改折每石七錢在北者量折十分之二每石

一兩君來實仍復本色得旨允行。戊子。免百官蠟日宴。論先年虜犯甘肅沙窩林山王子莊等處功罪及是年延綏宥夏搗巢功錄原任總督郭乾廕一子為國子生去任巡撫戴才遇缺起用賞叅政李敏德千戶張勛等各銀契有差令副總兵列承業戴罪殺賊自効叅將白允中及遊擊劉滯等革任允中等仍下巡按御史逮問。陞史料左給事中陳瓚為太常寺少卿。陞直隸淮安府知府傅希學為浙江按察司副使整飭淮揚海防直隸大名府同知傅霖為河南按察司僉事整飭歸睢等處兵備。禮部尚書孫翰林院學士高儀五上疏乞休上復優詔畱之。己丑。史料都給事王浩等言故禮部侍郎何塘理學純臣且加美謚原任大學士夏言人品事業雖不可知至所論復套事未為過失其視曹旣均屬無辜宜加雪宥大

理寺卿朱廷立刑部侍郎唐翰殿成夏言曾旣之獄宜追奪原職禮部覆議如其言 詔賜塘謚文定復言吏部尚書瀚身廷

立追奪原職○以遺詔祿廩太僕寺卿楊最孫木為國子生○

庚寅○巡撫宣府等處右僉都御史與鍊再上疏引疾乞休不

允○辛卯○陞國子監司業萬浩為右春坊右諭德掌南京翰

林院事○發銀一萬六千兩昌平給軍○初兵科給事中嚴用

和疑陝西巡撫楊巍清補屯軍不實請下御史覆驗至是巍覆

奏平涼國原二衛共清出屯地三千七十八頃六十畝召補軍

士一十六十五人乞如科臣言以前後清補之數下御史復勘

而靖虜慶陽河州等衛尚來清未補者宜申飭有司一依行之

兵部覆奏 上是之仍令新任巡撫張祉率各兵備巡官亟將

靖虜諸衛如法清補毋畏浮議致黎成績 命甘肅遊擊將軍

張翼充叅將分守河州地方。命山西都司僉書署都指揮僉事。邵良掌貴州都司事。○壬辰。顏等衛夷人都指揮同知。傅華等四十餘人貢馬朝賀。○賜宴幣鈔如例。○定國公徐延德率廷德以加靖八年散祖爵歷左府僉書。伸威營管操。掌中府事。被劾閒住。至是。卒賜祭壘如例。○總督京營戎政鎮遠侯顧寰會巡視科道官孫枝等考閱三大營將領優劣。疏名以聞。得旨。把總蘇奎等獎賞有差。副將艾梓等。蘭勵。供賤坐營官。凡卑等致任遊擊。楊守承等。調用毛恭等。革任閒住。○癸巳。起原任巡撫陝西都察院右副都御史戴才。巡撫河南陞陝西布政司右叅議吳椿。為廣東按察司僉事。副使巡視海道。○右春坊右諭德。無翰林院侍讀。丁士美。乞假省親。許之。○工科都給事中魏時亮。請汰錦衣衛軍校及監局匠役冗濫者。從之。○甲

午○世宗肅皇后小祥遣附馬都尉許從誠祭告 永陵○賜

襄王厚頰謚莊慶符王賓沽謚恭和京山王勤炫謚溫惠汝陽

王勤葵謚榮定○辰刻有流星如蓋大青白色自中天東行尾

跡有光長二丈餘○乙未○貞惠安和 景皇后忌辰遣都督

僉事沈至祭 陵寢○賜故戶部尚書贈太子少保徐問謚莊

裕刑部尚書吳山都察院右副都御史李一翰祭壘太常寺管

園子監事吳正蒙給卹塋○陞兵部車駕司郎中王彥民為陝

西布政司右叅議○發賑一十二萬兩脩大同軍需○丙申

諭吏部朝覲官來朝 祖宗時不許各處官求於是尚書楊侍

等都御史王廷等給事王治等各上疏請嚴行申 勅內外官

有私相問覘五城御史以聞從之○禮部類奏四方災異請上

敬天法祖勤學親賢深以佚愆為戒 上曰 上天示異理

宜修省事聞 朕躬者自當加慎爾大小臣工其各秉忠君休  
國之心修奉職業用勗消弭以盡交修之義○復設貴州水從  
縣訓導一員從撫按官莊極王時奉請也○河南道監察御史  
劉劉近來屢奉特 旨考察外官率不待三年以致守令多乏  
員○傳舍今歲當開科取士請增其制額以補○其外官當考  
察者密于有司而稍寬於方面下吏禮二部覆議從之○以遺  
詔錄廢故江西道監察御史經子忠周為國子生○丁酉○贈  
故刑部尚書蔡云程為太子少保賜祭葬○貴州青山等十二  
長官司通犯蔡志祿等來朝貢馬給賞如例○鑄給居庸紫刑  
倒馬三關通判關防○夜大風黃塵四塞○戊戌○工部主事  
楊時喬陳時政言幾之當慎者三日勤朝講為修德之幾親裁  
章奏為出令之幾所言能斷為當事之幾契之最重者凡口治



休息弛曰法令教易曰賞罰冒濫曰納衛太多曰用度太繁曰  
莊場擾害曰習俗移靡曰士氣卑弱曰諭託虛浮勢之偏重者  
三宦寺之權重于唯制宗藩之祿重於唯給邊鎮之威重於唯  
振章下所司知之。先是福達以廣寇充斥議增設南灣叅將  
一員無統閩廣兵舡駐大城所防勤巡撫塗澤民以為閩廣所  
憂不在將少在所用不得其人且如舊使又言閩中見言水陸  
諸將皆先任總兵戚繼光所儲選以後乞就本省陞廷兵部覆  
奏從之。上諭戶部查內庫太倉糧出入數尚書馬森奏太倉  
見存銀一百三十萬四千六百五十二兩歲支官官俸銀該一  
百三十五萬有奇邊餉二百三十六萬有奇補發年例一百捌  
十二萬有奇通計所出須得銀五百五十三萬有奇以今數抵  
美僅足三月京糧見存糧六百七十八方三千五百五十一石

歲支官軍月糧二百六十二萬一千五百餘石遇閏月又加二十萬餘石以今數抵筭僅足二年有餘竊惟積貯天下大命故無三年之蓄則曰國非其國今帑藏所積似此可謂匱乏之極矣平居無事尚難支推萬一有不虞災變供費浩繁計將安出今日催徵急矣撥括穹矣事例開矣四方之民力竭矣各處庫藏空矣勢時至此即鬼運神輸亦難為謀臣愚以為生財未若節財多取不如儉用恭惟 皇上登極首詔銳意省節止土木之工罷珍室之市損無益之費損不急之官其一念節儉○天下固以喁喁然歌誦盛德茲復稽帑歲出入大數憂深慮遠之心更出尋常萬方臣切以為 皇上與念及此國家之福也然書有之曰慎乃儉德惟懷永晷夫儉美德也慎之誠是也而必曰惟懷永晷蓋俱夫儉德之不終也伏願上計國儲之匱

乏下恤民生之艱難視銀數之少若此則百金之費必思所以  
措之視糧數之少若則此九年之蓄必思何以致之持守此心  
始終不變由朝廷以及百官由百官以及萬民共成恭儉之  
化漸至殷富之盛則一切權宜擦括可以勿行而皇上憂國  
愛民之心亦當少慰疏入上手詔曰帑藏之積何乃缺乏致  
此朕于一切用度十分省減正供之外未賞妄費分毫尔等  
尚當悉心措處以濟國用森覆奏臣查祖宗舊制河淮而南  
以四百萬供京師河淮以北以八百萬供邊境一歲之入足以  
供一歲之用邊境固未當求助于京師京師亦不煩撙天下  
後因邊庭多事之費漸繁一變而有容兵之平例再變而有主  
兵之年例然其初正三五十萬迨來漸增至二百三十餘萬  
屯田十虧其七八鹽法十折其四五民運十通其二三悉以年

例補之在各邊則士馬不加于昔而所費則幾倍于先在太倉則輸納不益于前而所出則幾倍于舊如是則邊境安得不告急而京師安得不告匱加以改元 詔蠲其事故今日缺乏視往歲尤甚焉昨本部兩疏諫處以為美及錙銖然東捲西括不過為目前之計而於國家之大體民之元氣未暇深慮乃今復蒙明 旨責令臣等悉心措處敢不益殫心力仰紆宵旰之憂但今時誑謬臣等聞見有限且秉此 朝覲之期廣集衆思令各臣所見采納施行報可。己亥。陞史科右給事中鄭大經為本科左給事中兵科給事中陳行健禮科給事中管大勳俱為右給事中齊戶科之垣禮科行健兵科大勳刑科。史料都給事中王治疏陳劾吏治三事一定等則以辨才賢欲以三等九則評論方面有司官上三則以處懷竒蘊醇器識遠大才守

超然事功顯盛者中三則以處心術不俊才守可現職務修奉者下三則以處才守平常存留供職及紙疵相半唯以遞升者二公論劾以一事休言臣先議有司貪酷遺奸請同方面官論拾而部覆許科道各單疏論劾不必會同第恐章疏滋煩續擾聖听且各社已見擱傷必多故不若科道會同品題歸一劾其甚者得教人不為多三二人不為少雖無亦不為缺不必紛紛彈擊今善類過生危疑也三修實政以圖治安言屯田鹽法計議大臣整理然其事亦必責成于司府州縣屯鹽專官今各官俱以應朝至請令悉陳所見條議上請付之所司採擇施行他如防邊治水諸重大事情部臣各以賤掌采訪亦如之部覆皆如其言惟賢能官分為九則嫌于太繁且以上中下三等為限而限官糾劾則以屬之史科河南道報可○以統領保河民

兵遊擊將軍都指揮使王孟夏湖廣行都司署都指揮僉事孫  
紹先俱充叅將孟夏分守鎮番紹先統領山東民兵陞陝西漢  
中守備指揮僉事王云為署都指揮僉事充甘肅遊擊將軍○  
辛丑○陝西道御史周希旦劾奏太常寺少卿邢守庭必賤得  
旨調南京用○壬寅○禮部奏各王府及大臣輟朝一日滄  
州鹽山縣縣丞王邦直應詔陳十事一減賦役以括流移二實  
倉廩以備凶荒三戒有司以去奢儉四清驛遞以革冒濫五禁  
勢豪以除橫暴六正仕途以塞奔競七重功績以明考課八慎  
作春以剔繁冗九嚴簡練以修武備十振紀綱以勵風俗上  
以其言多切時弊令該部勘議以聞勿以官卑廢言○工部  
以歲辦惜薪司白灰例應十萬斤今定為府三部七之則仍各  
減黑炭之數以補其值從之○癸卯○吏科都給事中王治等

言項言在外牽劾間有異同夫異同之迹均而其故不一有剛柔通執嗜好支離者有操筆矢公誤于採訪者有入境不久急行履踏者有一人宜於此或不宜於彼兩地撫按各採風謹而實言者有一人或始勤終怠或先放後斂撫按各迷知見而元德者有望孚于積久不容終抑者有過彰于去後不容絡庇者有希恩作好者有徇私作惡者有中元定見隨人嘖嘆者有伸枉斥偉以扶公道者其公私改誤之間大不侔矣若壹槩以異固得罪恐將來司品題者人人自嫌莫敢待諭乞 勅該部從公評議稍寬文法如其言雖予盾心本元他者不得坐徇情謬妄之罪吏部覆請從之○以戶部右侍郎劉自強三考考滿廕其子懋武為國子生○鎮守延綏總兵官趙奇上邊議五事一以套虜猖獗本鎮兵馬寡弱不堪戰請于各城營堡及延慶二

鄆州縣不分軍民人戶每三丁五丁內抽一人充補一量增鎮城草價每月與銀六錢一請如宣大例以京運馬價十二兩全付軍士易馬一乞工部給造軍器諸費一遣大臣行邊以歷服人心兵部覆奏間外之事責在總督不必更遣大臣餘四事下督撫官詳議從之○徽州齊雲山道士金元請進經疏齋意上恚之下巡按御史問○甲辰○禮部高書高儀疏言臣奉歲之間以疾請告者屢矣然而乞去不去被番則番復番復告至再至三非惟曠擾宸聰抑且有幸群听臣進退之跡周章若此其情豈已得已哉幸賜教歸以全晚節上仍不允○己巳○陞吏部稽勲司郎中張翀為太常寺少卿○復故太子少保吏部尚書萬燿提督鴈門等關無巡撫山西都察院右副都御史江潮貴州道監察御史郭弘河南道監察御史王時柯刑部



湖廣司郎中胡璉兵部武庫司主事余禎官仍加贈鐘太子太保潮兵部左侍郎俱賜祭塋璉太常寺少卿弘化時柯禎俱充祿寺少卿諸臣皆世宗朝建言得罪者璉以進諫百花酒為趙文華誣奏視朕潮以勘問妖犯李福連劾奏武定侯郭鄧罷弘化以諫採木採珠削藉時柯璉禎以議大禮廷杖下獄璉禎杖死時柯編伍至是江西撫按任士憑蘇朝宗奉道 詔疏名上之故有是命○陞守備居庸八達嶺地方署都指揮僉事王世卿為署都指揮僉事充統領保河民兵遊擊將軍○刑部都察院上九月中虜寇薊頌諸臣功罪狀陞膏黜罰有差始虜攻界嶺口入羅漢洞時七路分守諸將都司吳先禧等俱無禦之者而守備軍亦邀去以故虜得潰墻入進蹂昌黎撫旁樂亭盧龍間其所殺掠焚燬不可勝計遊騎至于滦河京師震動虜入已

三日總兵官李世忠始率守夏副總兵楊禎延綏遊擊張臣遠東遊擊王有臣賤勝等東援至特虜已退遁李家莊世忠猝于虜遇為虜所圍偶一賊突出馳我營中大器殪勇氣少挫而總督劉燾巡撫耿隨卿亦督發諸將追襲遼東總兵王治道率叅將王忻等入閭巢虜見我兵四集始解圍北去款從舊路出邊知有條乃折而東我兵追至平山營選鋒前進遼東巡撫魏學曾亦入駐山海關遣叅將李成梁遊擊卽得功率兵于治道會虜遂由表院口出會天大霧迷失道墮捧搖崖中人馬相枕藉死者甚衆諸軍爭取虜手効功而世忠所上虜首多偽者至是御史按驗云實七百二十有餘級具以扶闡法司會吏兵二部議覆燾于隨卿職司既有分總信地又有東西罪難禁諭世忠既不能固手又詐冒首功罪雖輕貸其餘將吏各分別功罪

上請 上初怒款盡誅領兵諸將吏既以其頗有斬獲功乃降  
燾二級听用點隨御為民世忠發戍先裕等下御史按問陞諸  
有功治道署都督同知學曾右副都御史叅將羅瑞董一元遊  
擊張臣即得功尚智洛二級趙臣等各一級仍各賚以金幣○  
丁未○四川酉陽宣撫司貴州凱里安撫司各遣人朝貢馬賞  
賚如例○戊辰以○大裕祭告○大廟○桃廟遣附馬都尉鄒  
景和許從誠各行禮 命大宥都司署都指揮署都指揮僉事  
俞承先掌本都司事○陞湖廣彬桂守備指揮同知陳學易為  
署都指揮僉事僉書河南都司事○己酉○立春節順天府官  
進春 上御皇極殿受之百官五拜三叩頭禮免百官宴 命  
南京工部修葺 孝陵殿宇并壽春立王故○庚戌○歲暮行  
大裕札子 太廟遣太常寺祭○太歲月杵之神○以明日止

旦遣穿陽侯陳維藩懷柔伯施蒿襄城伯李應臣德平伯李銘  
分祭 長陵 獻陵 景陵 裕陵 茂陵 恭陵 康陵 〇  
永陵指揮僉事邵輔祭 景皇帝陵寢指揮僉事蔡繼祖祭  
孝懿皇后中官祭 恭讓莊皇后廢后吳氏指揮同知陳書祭  
哀冲 莊敬一太子各陵園 〇是歲天下戶口田賦之數戶  
一千万八千八百五十口六千二百五十三万七千四百一十九  
田四百六十七万七千七百五十頃一十一畝有奇錢糧除蠲  
免外来一千三百九万八千六百九石有奇麥二百三十二万  
三百一十三石有奇絲三万六千九百四十三斤有綿一十九  
万二千九百三十七兩有奇絹一十六万一百九十九疋有奇  
綿花絨一十二万三千三百一十四斤有奇布三十一万二千  
八百四十五疋有奇折色鈔四百七十九万八千一錠有奇雜

課鈔二十九萬三千三百八十六錠有奇米三萬六百七十二石五升有奇銀一萬四千六百四十七兩七錢有奇鹽課鹽二百三十二萬七千二百九引有奇鹽鈔折銀三萬四千二百二十兩六錢有奇鹽課銀六十三萬四千二百一十七兩九錢有奇茶課茶二十九萬一千八百八斤有奇屯田子粒一百八十六萬四千三百六十九石七斗有奇屯牧地銀二萬四千一百一十六兩有奇年例金一千兩水銀一百一十四斤八兩硃砂二十三斤四兩漕運安米三百五十二萬二千九百八十二石三斗各處運納糧五百一十八萬三千二十一石有奇奉年奉詔咸免天下田糧九百九萬八千六百九十石有奇

大明穆宗莊皇帝實錄卷二十五

大明穆宗莊皇帝實錄卷之十六

隆慶二年正月辛亥朔 上行拜天禮于宮中謁 奉天殿  
世宗皇帝几筵 弘孝 神霄二殿畢出御皇極殿文武群臣  
及朝 覲官四夷貢使行慶 賀禮免宣表免命婦朝 賀免  
百官宴賜節錢鈔。直隸巡按御史顧廷對條陳六事一治貪  
墨言近來貪墨有司雖有提問追贓之例而罰止納贖所追不  
及什二俾得饜飽以去故貪者不止宜及諸司朝覲時申明國  
初貪吏之律察其贓跡尤著者一二輩執赴法司從重究治一  
酌銓除言州縣正官于民最親近以歲貢選除者率多昏老關  
茸旋以不職罷去宜于大選時揀其才力尚壯可任州縣者更  
以文藝恭之則選授不濫一慎遷代言今州縣正官以行取陞  
遷去任者多經歲不補假攝之際因緣為奸自今宜隨時補選

即行收陞遷必得代乃去則新故相承不欠久任之遺去一議  
兵餉言山東河南等處歲調防秋民兵六千人騎兵八給銀四  
十兩步兵二十四兩所在騷擾而莫能用命宜行革罷徵其銀  
解邊以備召募一清國稅言各關稅課不益其弊有三姑息一  
避謗怨閤弱者滋侵漁近賦者多污濫今欲清稅課莫若更考  
部臣初巡按御史總理輪委府推官一負驗收一考一考則夙  
弊盡革常課可以漸增一查班銀言近時水差吏農待缺者率  
納班銀聽其回籍計真定一府歲不下六千餘兩河南一省歲  
不下萬餘其他可以例見而有司不行申報乾沒其中請行御  
史立法清查歲終解部以佐度支之費 上覽之○貪官止于  
罪熟誠不足示懲今次考察諸司職多跡著者部院列其罪狀  
奏請處治其餘下所司議聞○壬子以水災詔湖廣江陵公安

石首監利華容五縣南糧俱改折○癸丑 宣宗章皇帝忌辰  
奉先殿行祭禮遣武定侯郭大誠祭 景陵○改宣府遊擊  
將軍署都指揮僉事尚智於薊州操兵營命原任遵化遊擊將  
軍署都指揮僉事李信著石門寨參將事○虜酋賓免台吉等  
以千餘騎入掠堵虜城白草原等處殺官軍六十七人○甲寅  
金星晝見○乙卯詔優四川按察司副使葉應乾原職致仕仍  
給賞資以巡按御史論其任內討賊功也○丙辰內官監太監  
李芳等請停徵近年加增白熟細梗米四千五百石白青菴三  
萬斤隆慶二年以後歲減止照成化弘治開事例米一萬一千  
五百石鹽十三萬斤令所司辦納 上嘉其節費惠民從之○  
貴州宣慰司土舍安國身造土目安和等播州宣慰使楊烈造  
土目趙士賢等各未朝貢馬宴養如例○山西太原府地震有



肇○戊午孟春享太廟先是上已命成國公朱希忠代行禮官詣上親祭不允于是大學士徐階等跪言祭祀國家之大禮春祭四時之首禮在皇上必躬奉裸將而後為壽為敬在祖宗列聖亦必得皇上之躬親對越而後來格來歆故孔子曰吾不與祭如不祭自非有甚不得已之事未有可以遣官代行者焉曰萃亨王假有廟言萃聚精神總攝衆志之道莫大乎宗廟也仰惟皇上當萬國未王之初朝覲官更會試舉人四夷朝使咸集闕下正宜致謹廟享以萃合天下之心而乃無故遣代恐非所謂萃之道也且自宮至廟其路不遠奠獻有數其禮不繁皇上躬一奉行勞亦不甚夫以宗廟大禮雖勞且不當避况非甚勞者乎臣等謹披瀝上請惟聖明鑒元仍親詣太廟行禮上乃從之○遣太常寺官祭太歲月

侍之神○道中官祭司戶之神○禮科給事中張鹵等請及令天下諸司入覲時按行祖宗故事果有廉能卓異者特賜宴賚以風勵人心即一省得數人不為過即數省得一人不為踈無論藩臬守令及佐貳以下皆疏名上請吏部覆言洪武永樂間官多久任政蹟已成衆論已歸故宴賚之典行而與者無愧色不與者無異議其後官不久任名不稱實故天順弘治中間一舉行旋復報罷以今較昔又大不侔宴賚之舉未可輕議第擇其屢經薦舉允愜輿情者如正德十四年例行撫按給賞綵段羊酒以示獎勵從之○庚申發太倉銀一萬五千兩于永平鎮充入援軍馬芻餉○禮科給事中張鹵請加故都御史何塘謚號又給事中張漢卿鄭一鵬贈官因言先朝建言得罪及應得卹典諸臣事久特移搜覈未適宜趣撫按及提學官采訪

奏聞其諸陳乞者一切報罷于是禮部獲言諸臣中固有進退  
先明始終一致仕者亦有因人成事因事見斥及退咎之後肆  
情妄作挽節不終其為人品難以臬論設不稍為區別則朝廷  
勵世之典遂為臣下市恩之私其何以勸天下後世請申飭所  
司從公體訪分別等第行誼卓越心術純正見重鄉評者為上  
謹守無隅人無疵議者次之因利營私敗名喪節者為下各指  
陳實跡毋徇私情即有濫舉者參奏如法 上是之○辛酉  
孝恪皇太后忌辰 神霄殿行祭禮遣慶都伯杜繼宗祭 衣  
陵○吏科左給事中鄭大經等劾奏山東督著京糧青州府通  
判卽鉉侵盜公儲罪狀又言河南京糧亦有布政司官總理自  
今有遷調它故卽令蕪攝毋輒委通判等官則事權重而弊源  
可窒戶部覆奏從之○壬戌吏部都察院考察方面官素行不

謹左布政使萬衣等貪副使張天俊等酷叅議張冕才力不及副使金剛等老疾副使徐惟賢等又府州縣官雜職凡千六百六員得旨罷斥致仕降調俱如例吏部又言貪吏剝民肥己罪止罷黜不足示懲故言官疏陳其弊而皇上特降明旨臣等詳數論奏如副使張天俊等知縣汪允仁等贓跡尤著宜令所司遠問如法以爲貪墨之戒從之○兵部左侍郎吳桂芳以疾乞休得旨准回籍調理○巡撫順天都御史劉應節等以永平西門直抵海口至天津凡五百餘里可通漕議令永平通判及指揮等官募諸縣民習知海道者與俱赴天津領運仍同原運官軍駕海舟出大洋至記各莊更小舟運至永平倉具造船及水夫諸在募轉般之費取諸漕糧餘及倉粟之餘者戶部覆言故事獨薊鎮有遮洋總而無永平海運今驅漕卒冒不測之

險于計不便即如撫臣等言請以山東河南額派薊鎮漕糧分  
撥折色十萬石俱改本色運至天津交兌永平通判指揮等官  
徑自領運不必同原運官軍其沿途轉般入倉工費皆如漕規  
扣給以原撥永平民運及太倉所發年例如疏抵還薊州上  
從部議○詔掌正一真人名號奪其印張氏自東漢建武中張  
道陵以修煉符水術起傳數世有張魯者即史稱五斗米賊也  
號能攝役鬼物愚民神而事之魯之子元忠即道陵煉丹處設  
壇授法唐會昌間始賜名真仙觀宋大中祥符間王欽若奏改  
為上清觀元至正中始封正一教主真人主領符籙事國朝因  
令承襲傳至嗣孫張永緒以淫縱閹術益棄末緒死無嗣江西  
守臣因言張氏職名賜印不載典制且隱稅逃役公行吞噬無  
功於世有害於民宜永為裁革禮部覆如守臣言請掌其封號

止以高孫張國祥為上清觀提點鑄給提點印 上從之○癸亥禮部尚書高儀等復上疏請立東宮乃引宣德成化弘治間冊立 皇子皆二齡六齡華例為據言 皇上為生元嗣已踰六齡主壘得人臣民歡戴早建豫養宜在此時必冊立之儀既行則教養之道可舉惟 皇上早從衆心擇日行禮寔 宗社萬年無疆之休疏入 上乃許之命擇日具儀以聞○甲子給事中孫枝言協理戎政大臣今未及一載而更代者五人即起世之才不能于旬月間指揮訓練整齊約束使將士服習宜審擇其人即不能久任亦必假以歲月令得從容展布毋數遷易以增煩擾吏部覆議從之○乙丑上元節免百官宴賜節錢鈔○ 上以生辰大慶加恩輔臣及舊講官大學士徐階應一子為尚寶司司丞李春芳加無太子太師建極殿大學士食正一

品俸陳以勤少傅無太子太傅張居正少保無太子太保各賜  
衣一襲史部右侍郎兼翰林院學士致仕詹溼禮部尚書仍掌  
詹事府事階等各具疏辭免 上俱優詔襲答不允○丙寅陞  
山西布政使司右布政使楊挺高廣東布政使司右布政使熊  
汝達為左布政使挺高河南汝達仍廣東○陞山西按察司副  
使徐礦為山西行太僕寺卿直隸順德府知府徐衍祚為兩淮  
都轉運鹽使司運使山東布政使司右叅議喬應光福建漳州  
府知府唐九德運寧府知府朱奎俱按察司副使應光山東九  
德福建奎雲南○四川越萬等衛長官司道土目李春等來朝  
貢馬宴賓如例○陞靖虜守備指揮使楊鰲為署都指揮僉事  
充固原遊擊將軍○丁卯 英宗睿皇帝忌辰 奉先殿行祭  
禮遣懷遠侯常文濟祭 裕陵○戊辰史部左侍郎兼翰林院

學士掌詹事府事潘晟再疏乞休 上不允令供職如故○陞  
工科都給事中馮成能為布政使司右叅政陝西道御史韓君  
恩貴州道御史陳萬言光祿寺少卿尹樂舜俱按察司副使成  
能湖廣君恩浙江萬言江西樂舜四川戶科給事中王讓江西  
道御史蘇朝宗俱布政使司右叅議謨湖廣朝宗山東工科給  
事中莊國禎廣東道御史李惟觀貴州道御史張應亮河南道  
御史吳學詩俱按察司僉事國禎浙江惟觀湖廣應亮學詩俱  
四川○兵部獲薊遼督撫官曹邦輔劉應節條議邊事一薊鎮  
山險以一二人守數梁口間有踰越則餘皆瓦解宜令諸將乘  
障而守即虜入列陣拒戰仍預屯戰兵以備救援一懷柔縣民  
不習兵難與共守宜增設守備一負管領民快百名于防秋時  
量撥班軍一千人屬之以備戰守一造車二百餘輛置火器其



中以備兩營之用一築土堤於各區水口用防衝決一發太僕  
寺馬千五百匹為春防之用一本鎮累經虜馬蹂躪林木蕭疎  
宜多樹步生之本以固重險命如議行○陞大同私賜堡守備  
指揮僉事白添福為署都指揮僉事充宣府入衛遊擊將軍○  
陝西按察司副使姜子羔言入覲官各有道里費又饋遺私贖  
宜令進獻羨餘以佐國計布政司官銀三百兩按察司官二百  
宛馬行太僕二寺官一百運司及府正官二百五十佐貳官一  
百州縣正官二百佐貳官五十首領及邊遠者量進跪入 上  
曰進獻非事體朝廷亦不藉此足用不許第以諸司路費皆取  
諸民令御史查照原給銀數追收貯庫自後進表朝覲官吏不  
得派給累民○己巳陞雲南按察司按察使陳應和山西按察  
司按察使李逢時廣東按察司按察使薛天華俱布政使司右

布政使應和河南逢時山西天華廣東四川按察司副使金左  
敬山西按察司副使孫一正陝西按察司副使朱軫俱左叅政  
山西按察司副使陳瑞兩浙都轉運鹽使司選使桂嘉孝俱右  
叅政廣東道御史李復聘按察司僉事左敬瑞俱河南一正山  
西軫雲南嘉孝廣東復聘四川○吏科都給事中王治御史陳  
于階等以遵例拾遺劾奏布政使程珣陳天質副使閻光潛包  
撫芳知府周思久陸東伍典不職當罷吏部議令光潛閻住天  
資珣致仕東撫芳思久典俱降一級用從之○故事冊立 東宮  
次日百官上表稱賀畢即詣文華殿上箋賀 皇太子典璽官  
陳諫 太子座於殿中自嘉靖十五年殿坊黃瓦瓦 上御經  
筵已設寶座正中于是禮部以 皇太子受賀不當復設座殿  
內乃請 上裁 上命設于文華殿東廊西嚮○發太倉庫銀

十萬兩為山西三關兵餉○兵部覆浙江撫按官趙孔昭等奏  
浙江水陸官兵應革者八千人歲減兵餉銀一十四萬餘兩止  
徵銀二十二萬兩有奇以給存留官兵又寧波既設海道副使  
兵備事可以無攝其紹興兵備可省令寧紹台分守參議移駐  
紹興台州兵備僉事無分巡三府至於寧紹台叅將各防禦信  
地仍聽總兵官居中調度 上皆從之○庚午陞四川夔州府  
知府許宗鑑山東登州府知府李鳳為按察司副使宗鑑廣東  
鳳貴州湖廣按察司僉事曹棟刑部署郎中周紫星俱布政使  
司右叅議棟廣西聚星貴州○廣東撫按官李佑王同道以該  
省用兵奏留應解戶部鹽引紙價事例鐵稅路引棊馬俸廩寺  
田酒稅驛傳富戶等銀七萬三千餘兩以佐軍費戶部覆言廣  
東素有番舶之利而鹽課又通行廣西及湖廣之衝永江西之

南贖表吉且令府橋稅不下萬金而滿報者多官取其一私得  
其九即監課引目三四年間不赴南京戶部副給其它可知所  
司不為清理而欲取常供以充兵餉非計也請量留事例鹽引  
織稅路引鈔官茶馬俸原等銀一萬六千九百餘兩與浙江等  
處舊道餘息解京如故上是即議并以監課橋稅二事屬佑  
查數有勢豪阻撓姦商作弊者具以聞命定西侯蔣佑掌右  
軍都督府事寧夏左參將著都指揮僉事鄭印克右副總兵分  
守涼州山東都司僉書署都指揮僉事黎思後掌浙江都司事  
○山西督撫官陳其學楊魏條上邊防三事一嚴修守謂各郡  
縣城堡宜修築高厚令居民編為保甲且練且守二設將領謂  
太原參將宜仍駐內地汾州宜增設參將一員統兵三千居之  
至防秋則移駐石州拒守要害三實內地謂山西恃大同為藩

籬故有扣解大同班銀今虜頗深入藩籬無所復恃而解銀如故山西原額軍士七萬有奇今不追補遺逃而別加召募令州縣有勇士之徭衛所有壯士之役又山西與薊州同為邊鎮而畿出義兵銀五萬輸之薊州北皆滋浮費以軍無用宜裁省䟽下兵部以薊鎮有急義兵銀不當遂罷請下薊鎮總督議處其他皆可施行 上從之○辛未復改浙江紹興府知府黃維原職贈太常寺少卿維為刑部主事特旨諫 武宗南巡迂䟽五日嘉靖初以劾奏給事中陳洸忤大學士桂萼萼既攝刑部事盡反洸獄奏逮維瘦死獄中至是以遺詔卹錄乃有是命○陞江西按察司按察使張柱為布政使司右布政使湖廣德安府知府遠隨直隸保定府知府張烈文陝西平涼府知府祁天欽浙江布政使司右叅議勞堪俱按察司副使刑部部署郎中楊

修按察司僉事狂江西隨烈文俱山西天敘陝西堪四川修雲  
南湖湖廣按察司副使秦塗于貴州提調學校陞廣東惠州府  
知府張存義為兩浙都轉運鹽使司運使○令刑部左侍郎吳  
深致仕先是深以通政使起用陞今職御史王廷昭劾其褻庸  
不堪法紀重任吏部覆深前以奏劾逆鸞有強直名而年已衰  
暮當令致仕從之○以鳳陽南山賊殺鎮撫張希賢革留守司  
僉書者都指揮僉事郭雲職忝副留守等官耿仁等俸仍令戴  
罪殺賊○壬申禮科給事中張鹵條陳科場事宜一曰嚴闈防  
二曰嚴供應三曰正文體四曰廣制額河南道御史王好問亦  
言疏舍懷拔代替透漏等四弊禮部覆奏上曰奸弊不法何  
以得真才敢試御史其盡心嚴察不得寬縱○癸酉萬壽聖  
節上御皇極門文武宰臣致詞稱賀不宣長○免命婦朝賀

○免百官宴賜節錢鈔○遣英國公張溶玉田伯蔣榮彭城伯  
張熊固女伯陳景行分祭 長陵 獻陵 景陵 裕陵 茂  
陵 泰陵 康陵 永陵 錦衣衛指揮僉事王項祭 景皇帝  
陵寢中官祭 恭讓章皇后指揮僉事包琦祭 孝懿皇后各  
陵園○朝鮮國署國事李松遣陪臣柳景深貢馬及万物四川  
烏撒軍民府土舍安承祖貴州宣慰司土舍宋一清廣西西丹  
等州土司族莫懷等貢馬各入賀宴養如例○甲戌禮部上冊  
立 東宮儀注一前期一日遣官祭告 天地 宗廟 社稷  
至日早 上親告 奉先殿又 世宗皇帝几筵殿 弘孝殿  
神霄殿俱用祝文祭品如常儀一前期鴻臚寺設節冊寶案  
于皇極殿內冊東寶西節居中設綵輿于丹墀東教坊司設中  
和韶樂及大樂是日早錦衣衛設鹵簿駕 上具皮弁服御中

極殿執事官行禮畢鴻臚寺官奏請陞殿導駕官前導 上陞  
座作堂下樂鳴鞭文武百官具朝服行叩頭禮左右侍班引禮  
引正副使入就拜位贊曰拜傳制官跪奏傳制俯伏興執事官  
舉節冊寶案由殿左門出貫御道 傳制官由左門出稱有制  
贊正副伏跪制曰隆慶二年三月十一日立 皇子為 皇太  
子命卿等持節行禮 四拜禮畢執事官舉節冊寶置于絳輿  
中錦衣衛官校舉輿黃蓋遮送至會極門外正副使北向立內  
官捧節冊寶由正門入至文華門內侍引 皇太子出迎至文  
華殿內官以節冊寶置于案 皇太子就拜位內贊贊四拜贊  
宣冊贊跪宣冊內官取冊立宣訖贊授冊捧冊內官以冊授  
皇太子 皇太子受訖以冊授內侍內侍跪受立于西贊授寶  
捧寶內官授寶如授冊之儀贊四拜禮畢內官持節由正門出



至會極門外以節授正副使報禮畢正副使得報持節復命一  
領詔候冊命起行鴻臚寺官即設詔案于皇極殿中唱頌詔辭  
抹院官以詔授禮部官置于按奉迎至承天門開讀如常儀一  
謁告禮是日 皇太子受冊寶畢內侍引詣 奉先殿及 世  
宗皇帝几筵殿 弘孝殿 神霄殿謁告俱如常儀一謝恩禮  
是日 皇太子謁告畢內侍引 皇太子詣 上位前 皇后  
前各行八拜禮又詣 皇貴妃前行八拜禮畢回宮一次日文  
武百官具朝服上表稱賀陳設如常儀 上具袞冕御中極殿  
執事官行五拜叩頭禮畢鴻臚寺官奏請陞殿導駕官前導  
上陞座作堂下樂鳴鞭文武百官先行四拜禮贊進表表文不  
宣又行四拜禮鳴鞭 駕輿一同日文武百官上表畢進箋慶  
賀 皇太子前期内侍官于文華殿東廊朝西設 皇太子座

鴻臚寺改箋案于東廊外至日錦衣衛設儀仗教坊司設大樂  
百官具朝服詣文華門外北向立俟 皇太子出陞座作樂贊  
進箋箋文不宣贊四拜禮畢 皇太子還宮○乙亥 孝靜校  
皇后忌辰 奉先殿行祭禮遣豐城侯李儒祭 康陵○丙子  
陞福建布政使司右布政使劉佃為湖廣左布政使江西右叅  
政敕邁陝西左叅政梁夢龍江西左叅政陳善俱按察司按察  
使邁本省夢龍山西善廣東四川按察司副使陳道基為廣西  
布政使司左叅政河南南陽府知府徐學謨湖廣衡州府知府  
張一霽俱按察司副使學謨湖廣一霽陝西貴州石阡府知府  
周望為陝西行太僕寺少卿○命寧夏遊擊將軍署都指揮僉  
事蕭文奎金山遊擊將軍署都指揮僉事車梁俱充叅將文奎  
分守寧夏西路梁分守溫處○兵部覆御史周弘祖陳邊防五

軍一營兵選悞徒寄空籍當求者稍加清理胤以能語中之以故輒止宜簡任成政大臣殫心經畫勿畏浮言仍將協理大臣久任諸邊有警卽調營兵與內外夾擊一今日之患不在無將而在將多將多則兵散兵散則權分自古忌之矣今卽不可驟併亦宜定其職守使不得推避其論功議罪皆重武臣而督撫兵備之臣次之仍宜禮遇將臣少假事權以作其死綏之志一邇來報功大都賄求勢請又將領失事又多營私是以武夫率不用命宜信賞必罰用懲積弊一中國亡命往往為虜徇導宜令諸邊召真麾下使有所藉賴得其死力一虜不可力屈而可計取彼空穴而出五率猛士從間道搗之彼惰而歸吾盡示弱而宵劫之彼遺騎肆掠吾跡其所往伏而殲之惟在敏捷不論肯功從之○丁丑刑部侍郎洪朝選等廷劾天下采朝考察存

留官員不職請加選問詔宥之令回任用心幹理在外者仍移  
文示之○都察院言順天府錢糧宜照各省例併屬巡按順天  
御史會同所遺科官查盤毋復別遣從之○陞河南按察司僉  
事邵夢麟為浙江布政使司右叅議○兩廣督撫等官諱綸等  
言廣東岑岡巢賊江月照等招撫初定宜並為安集因條陳善  
後事宜一修復防守軍兵謂和平縣烏虎鎮與岑岡為隣故有  
盜兵防禦今漸廢不振請查復原額慎簡將官統領彈壓之一  
編立黨正保甲謂岑岡上下陵地近高沙諸巢勢成犄角遂為  
逋逃藪宜將近撫新民嚴立保甲以消意外之變從之○西番  
魯班等七寺刺麻番僧劄石領占等三十餘人貢馬及方物宴  
眷如例○大風揚塵四塞○戊寅陞福建按察司按察使劉子  
興為本布政使司右布政使山西按察司副使曹全為江西布

政使司左叅政湖廣武昌府知府黃弘字為四川按察司副使  
○改戶部右侍郎萬士和為禮部右侍郎巡撫南贛兵部右侍  
郎無却察院右僉都御史吳百朋為南京兵部右侍郎原任南  
京光祿寺少卿丘有嵩為光祿寺少卿○薊遼總督曹和輔欲  
令昌平永安營筆標兵四營軍糧皆它運近地免其赴京關支  
其行糧七合五勺宜增為一升五合順天巡撫劉應節欲以昌  
平像黍順義密雲三河薊州玉田平谷豐潤遵化遷安撫寧盧  
龍昌黎合州縣改為衛所惟間設一二府佐官約束之不言邊  
防宿蠹大者有五道路間關各廠隔遠軍士所支十無六七邊  
地物價賄賁雖折色不能當本色之半其支糧難也養馬折銀  
歲不過八九錢而馬死責價或四五兩此養馬難也原發撫夷  
銀僅數十金耳而費至數千乃尅軍糧以助之軍糧不足繼以

撫採撫採不足繼以私家之銀其撫養難也行邊之使相望於道所役者邊軍所乘者戰馬所食者軍餉既不能厚又從而削之此迎送難也武弁類多貪墨而文法之吏往往繩之太過其勢不得不曲意迎承以干薦達雖廝養陪堂皆過為款遇其所供億皆出軍士此科歛難也凡此五難諸邊有之而薊鎮為甚宜下所司悉心計慮于是戶部請以應節言下督撫諸臣熟計興革月糧本色常稅米之貴賤無使公私交因其改郡縣為衛所事不可行 上如部議○播運撫按塗澤民工宗戴以兵事未戢請再留本省解京錢糧備用戶部覆議以屯折銀一萬九千三百兩軍例贓罰銀一二萬兩聽留餘俱徵解如故從之○巡按廣東御史王同道以廣東羣盜紛起海寇曾一本林道乾等尤肆猖獗乃劾奏余將魏宗瀚王如澄等送兵玩寇請治其

罪仍飭督撫諸臣勉策後勲 上命奪宗瀚等職令戴罪剿賊

仍命撫臣李佑等嚴督諸將亟為擒獲以靖地方○命石塘嶺

叅將著都指揮僉事孫桓充副總兵仍管叅將事○己卯 中

宮千秋節免命婦朝賀○鑄給松江府青浦管糧通判關防○

復故都察院右僉都御史陳燿原職初燿巡撫大同以失事與

總督郭宗臯俱徵下獄論戍遣燿尋卒特宗臯已復官燿予以

例請吏部議覆從之○贈南京通政使司右叅議徐學詩為大

理寺少卿學詩以建言得罪起用未至官卒乃有是命○復都

察院右僉都御史蔣宗魯原職致仕從其子行人思未以恩詔

請也○以兵部尚書郭乾前總督三邊功歷其孫茂熙國子生

恆錄改兵部右侍郎揚宇謙歷其子汝滋國子生○吏科給事

中石星言天下之治不日進則日退人君之心不日強則日偷

臣竊見 陛下入春以來 天顏漸復視朝漸稀章奏頗闕  
遊屐肆用是不避斧鉞條上六事一曰養 聖躬夫人主一身  
祖宗之所付託臣民之所瞻戴關係至重不可不養然養之  
之道以節飲食寡嗜慾為要臣見 陛下清心寡慾漸不如初  
試以鰲山一事推之夫為鰲山之樂則必縱長夜之飲縱長夜  
之飲則必耽聲色之慾語曰皓齒蛾眉命曰伐性之斧其脆肥  
醜命曰腐腸之藥 陛下儻不亟戒萬一起居失調 聖躬虧  
損悔將奚及今鰲山之事既不可追酒色之害實當深警二曰  
講 聖學夫人君者睿智特達雖由天縱啓迪開導必資問學  
我朝 祖宗經筵日講每以二月蓋春氣融和則進修為苟今  
經筵一事雖屢經言官請行未見慨然俞允竊恐歲月愈邁德  
業無聞不亦重可惜哉伏願 陛下以務學為急即將經筵又



持舉行使 聖學日就光明三月<sub>口</sub>動視朝人君裁決庶政通達  
下情莫先於視朝 陛下即位以來未明而衣日旰而食歲無  
虛月月無虛日視朝可謂勤矣然自正月以來則似稍倦于勤  
者夫元宵以前有歲時之娛元宵以後有 聖節之樂暫爾優  
游理亦宜然若或有奸諛之徒迎合 聖意以 先帝二十餘  
年不出宮闈天下宴然勸 陛下效尤則尤不可蓋 先帝雖  
不視朝然紀綱振肅太阿獨持故百司奉行可幸無事然迨其  
賓天之詔曰朝講之儀久廢則亦悔之矣 陛下當朝儀久廢  
之餘萬事業勝之後若不再加勤勵何以保厥有終伏願 陛  
下從此日出視朝以周知民情以總理萬幾不惟可以作精明  
之氣亦可以快觀覩之私<sub>四</sub> 連俞允蓋人臣隨事建言所以  
冀人主之聽人主聞言嘉納所以誘人臣之言君無稽命臣無

隱情上下相成治化可舉 陛下即位聽言納諫或事涉無當亦即降旨今則有允有不允者矣不允者固未審如何而允者亦違常期矣是豈愚言拙計不當 聖心故濡滯以示警耶抑或左右內臣遇御章奏不使達于 宸聽耶臣嘗因而數之事有關於 聖躬者則留中不下事有關於內臣者則稽遲不允甚或有以此得罪者如此則雖有指鹿為馬之欺而詔畏師之禍亦無由知矣且尋常章奏稍緩可也乃如虜報軍機呼吸利害稍涉稽緩為禍不測臣願 陛下自今於尋常章奏三日而下兵機之事則不特進覽庶論音速示而壅蔽可通五曰廣聽納古者有進善之旌誹謗之木所以開治道而求諫也 陛下下詔求諫未幾而少卿周怡即以言觸忌諱怒而出之外任給事中陸鳳儀以偶遺 聖旨怒而黜之為民天二臣之過小也

陛下已不能容若有批鱗引裾之臣將何以處之乎故自二  
臣去而諸臣皆以言為諱矣伏望陛下召還二臣俾踐舊職  
仍諭諸臣勿以二臣為戒則忠言至計日陳于前六曰察讒潛  
孔子曰沒潤之階膚受之愬不行焉可謂明也已矣方今公道  
昭明讒說頗息間有一二內臣專作威福肆為無忌因言官攻  
發其奸遂怒目切齒欲行中傷夫其所以中傷者不過即其諫  
諍之言或過于直則曰此人欺陛下或過于激則曰此人慢  
陛下偶一言之尚未久從漸漬流久則不覺其入而發之怒  
矢怒則隨責加焉臺諫之臣由此杜口彼始得以遂其無忌憚  
之為而天下將至於不可收拾此固非人臣之利亦非國家之  
福也惟皇上深燭其情于凡一切譖毀之言悉置不行則保  
全善類而天下之至明必歸陛下矣疏入上怒以為惡言

訕上無禮命送杖六十黜為民○錄宣府高山臺斬虜功陞賞  
官軍頗雜落等四十人有差○修理社稷壇○庚辰命吏部  
右侍郎無翰林院學士林煥為日講官國子監祭酒王希烈翰  
林院編修王錫爵為經筵講官○發太倉銀十三萬五千兩於  
宣府鎮為客兵餉○工科左給事中王翼等言內庫之弊其在  
外者有三曰包攬花費曰解戶私逃曰那移運綏欲嚴擇官保  
籍其年貌以便稽查其在內者有四曰鋪墊曰守門科剋曰茶  
果餽儀曰批徒需索誣騙欲如會典所載令鋪戶拆驗錢糧每  
季輒易庫天盤運看守三歲一更科道給與印記年貌木牌方  
令進庫至於紙筆蓋帚車價雖難盡革亦宜酌量扣算立為定  
額抽發上庫者即用印記以防他日移咎委官其解戶在逃與  
繫獄者歲月寔深物久必壞當先寄庫執其人付法司情有可

原旨敕弗治得旨俱如議行○兵部左侍郎鮑象賢卒詔贈工部尚書賜祭葬如例象賢直隸歙縣人嘉靖己丑進士選授御史出為湖廣僉事部署江防以獲盜功陞雲南副使兵備臨安特安南用師嶺表滇南皆為之騷動象賢力沮其議累遷至右副都御史巡撫陝西越二年巡撫雲南平戾酋那鑑之亂尋陞兵部右侍郎提督兩廣軍務時山海寇盜縱橫出沒象賢設方略勦捕斬獲幾二千級以功蔭一子為國子生改南京兵部右侍郎尋免家居久之起家巡撫山東尋陞兵部左侍郎以老乞休卒于家象賢為人廓達練事多大畧歷任三十餘年所至有聲特論稱之

明穆宗莊皇帝實錄卷之十六終

大明穆宗莊皇帝實錄卷之十七

隆慶二年二月辛巳朔陞刑科左給事中孫枝為工科都給事中戶科右給事中張齊禮科右給事中王之垣俱左給事中兵科給事中嚴用和刑科給事中韓楫俱右給事中用和吏科齊仍戶科之垣兵科楫工科○禮科左給事中張鹵言 皇子方在睿齡外廷講讀事尚有待惟近侍內臣事易習言秀入所繫尤重宜勅司禮監慎選各監局人負必老成公正通詩書識大體者使在左右口授書史陳說民情利弊動作舉止必尊以正他日親賢講學基命成德之助端在於此 上是之○南京刑部侍郎吳悌卒詔賜祭葬如例悌江西金谿縣人嘉靖壬辰進士任宣城知縣擢授河南道御史病免家居二十餘年以薦起歷官至南京刑部右侍郎卒于官悌清修剛介生平一節士論

與之○陞賞陝西王家圪塔接連山等處獲功官軍王廷政等  
四十人神木縣蒼兒峪等處獲功官軍武希孟等四人○命江  
西都司掌印署都指揮魚事耿文光掌南京錦衣衛事○治嘉  
靖四十一年十月大同平虜衛及山西老營堡等處失事罪發  
叅將陳議違衛克軍奪守備錢棟俸一月降守備等官王官等  
原任苛嵐州知州張文林各一級○壬午以遺詔錄廢故左春  
坊左中允郭希顏子瑞禮部主事仵瑜子賓為國子生○留山  
西巡撫應解贓罰銀十分之四修石州城以總督陳其學等奏  
也○總督南京糧儲都御史游震得言各省布政司督糧官應  
天安慶徽州寧國池州太平六府正官請以南糧完費多寡參  
治降罰如漕運議單事例南京廣洋龍驤等倉各監收王事註  
選四員使得久任無輟更易戶部議覆允行之○先是巡撫遼

東都御史魏學曾請罷廣寧生營千戶任政以開原備禦指揮劉承武代之西平備禦指揮李尚元與金州守備指揮楊燮相更調兵部謂御史李叔和嘗薦政而戒飭承武即尚元亦學曾所嘗薦今舉刺異同前後矛盾宜令政與燮更調尚元與承武更調以全器便 上從之于是學曾又言政往時守堡幸無事以故得舉承武為擠者所中故得戒飭臣固不謂當也至如尚元者臣誠薦之然其才力不能當西原一面之寄燮信才然不若承武練達故臣復有茲議何傷於同異哉夫將官用舍邊鎮安危所係臣不敢依違遷就貽憂地方惟 陛下裁察疏下兵部不得已為請罷政其他如初議 上曰人才於事任或不相宜何妨更易其以承武充中軍尚元突互調政革任悉從學曾所請○陞賞延綏波羅堡等處獲功陣亡官軍高徽等六十八



人○於未陞河南按察司副使改從儉為江西布政使司右叅政湖廣按察司副使熊琦為福建布政使司左叅政禮部署員外郎徐雲程為河南按察司僉事○四川馬湖府泥溪長官司土舍王承謨等湖廣永順宣慰司土官黃廷正等貴州貴竹長官司通把宋京等各來朝貢馬詔以承謨後期于半賞廷正等如例○命白羊口遊擊將軍署都指揮僉事程文範充叅將分守山西汾州等處協同分守寧夏廣武營署都指揮僉事王國克本鎮領軍遊擊將軍陞湖廣武岡守備指揮僉事槐寅安慶守備指揮僉事王柱俱署都指揮僉事寅掌四川都司事柱克金山遊擊將軍○論山西石州被虜切罪總督鎮巡以下誅奪陞賚有差初俺荅欲犯汾石也謀者以告總督王之誥之誥下令屬奇嵐兵備副使王學謨等增修城垣急入收保而有司恬

不為意學謨勒報又不以實及虜騎分三道入老營壁迫擊方  
振遇虜屈家灣與戰身被十餘創却走虜遂深入之詔倉卒撤  
大同總兵孫吳提兵由間道應援而山西總兵申維岳等逗遛  
不進虜遂薄石州城亦掠嵐縣軍邠等處聲言欲蹂汾州還出  
太原府川眾議亦維岳及叅將劉寶九月黑雲龍四營兵尾賊  
南下兵及山西總兵田世威等間出天門關連擊賊前以過東  
歸而巡撫王繼洛駐代州不出維岳且前且却三日始抵大武  
鎮石州遂陷屠戮甚慘吳兵抵省城始援汾州虜使我叛人趙  
全潛遣人入城為內應州人獲之得預修守備比虜至急攻不  
能下而維岳以石州陷日尋間道走文水虜得大掠莠義介休  
平遙文水交城太谷隰州間所殺虜男婦以數萬計剪糧頭畜  
無算所過蕭然一空死者相籍石州既破之詔急督宣府總兵

馬芳提兵西後行一日或云俺酋雖西其子黃台吉尚在宣府  
塞外未動恐東間卒犯南山之誥等不宜西行本兵計無所出  
又急使人追之誥等東還防護 陵京獨遣二偏將將數千人  
往是時虜入邊已二十餘日在內地久氣亦疲乏又兩潦淹旬  
馬倒死者過半皆杖馬箠使步歸所鹵獲多不能盡載往往遺  
棄於道沒尋蹕跚至十餘日始出邊而我軍無一人禦之者第  
早從之誥之請趣令西後雖無捄於汾石之禍猶得以擊其情  
歸或頗有所奪獲以紓華人之憤而當事者昧於機宜反為虜  
偏師所綴令其得志益輕中國殊可恨也虜既去汾石雖岳始  
約吳兵進戰及虜出奇嵐東北吳竟以非已信地引還大同而  
惟岳世威終不敢戰之誥所遣二將亦皆遷延不見虜而還又  
十有四日虜悉遁去諸將乃稍稍出獲奸細明海俘董噓兒黑

里器等及他老弱疲殘類以掩襲得之獨振一與虜遇月逐虜于嵐縣普明村稍稱敢戰而已事聞上命奪鎮巡總督等官俸令回籍聽勅而逮繫繼洛維岳及世威實學謨至京鞠之下御史勘實至是御史王漸勅上因勅之誥等罪推振月功下法司會議法司以地方遠近兵力衆寡分別議罰請首治維岳世威實及繼洛學謨僨事殃民之罪守備楊時隆以下不守信地罪次之太原府同知李春芳苛嵐州知州王下賢嵒修不完雲龍等備禦無策隰州知州魏宗方等收歛不早罪又次之之誥專守南山難於造制吳夫於應援而衆寡不敵宜薄其罪謨上得旨維岳世威實各斬繼洛學謨謫戍邊春芳下賢降三級之誥降二級聽用吳藩職充為事官管事雲龍宗方時隆等及各守管操等官下巡按御史按問以聞振月各陞二級賞銀二

十兩先後捕獲奸細明海等及叛人董嗑兒等黑里器等俱斬以徇時邊臣逞愎怠玩掩罪冒功積弊已久故恣虜出入劫得利去至是議罰將士始知畏法焉○甲申恭三皇於景惠殿遣禮部侍郎林燠行禮○遣大醫院官啟先醫之神○陞工部右侍郎譚大初為戶部左侍郎總督倉場太常寺少卿張紳為都察院右僉都御史巡撫南贛汀韶等處提督軍務○陞戶部員外郎劉時秋兵部員外郎吳一本俱山西按察司僉事○錄寧夏大沙予等處斬虜功陞賞官軍蔣名等一百十七人○乙酉皇第四子生○陞直隸安慶府知府黃餘湖廣鄖陽府知府臧繼芳浙江衢州府知府何東序俱按察司副使餘湖廣繼芳河南東序山東○貴州宣慰司土合安國亨遣人貢馬賀 聖節賞賚如例○錄錦州大勝等堡斬虜功陞賞官軍趙策等七

十八人○建論嘉靖四十年十一月山西老營堡吊子溝等處  
失事罪發守備李大木戍邊降守備趙鍾一級奪守備陳祥正  
等三人及叅將等官俸有差○始新設山西汾州叅將旗牌盈  
甲○詔各首賊贖銀兩自隆慶元年九月以前應解工部未至  
者俱趣解戶部以濟邊用○丙戌會試天下貢士以少傅兼太  
子太師吏部尚書建極殿大學士李春芳禮部尚書兼翰林院  
學士掌詹事府事殿士僊為考試官○大學士徐階以歷一品  
俸再滿九年自陳不職 上曰卿輔佐 先帝又著忠誠翊戴  
朕躬勲猷益茂茲九年再滿朕心嘉悅其贊理如故吏部議擬  
應得恩典以閔階復上疏求去辭免加恩 上曰卿先朝耆碩  
才德無隆經國籌遠功在社稷朕已命所司議擬重加恩費用  
示眷酬何乃復疏求去其遵前旨即出贊理以副朕懷不允辭

是日吏部擬上恩例得旨輔臣階夫伯爵休養一子錦衣衛正千戶子太常少卿璫陞本寺卿仍掌尚寶司事賜勅獎諭宴于禮部○禁錮石城王府奏國將軍多焊于高牆以割竊事敗也○甯原任叅議朱天休僉事許用中死發邊衛充軍時法司及錦衣衛言天休等雖阿楊順路措意殺沈鍊然非其本謀不遇委靡附和而已今順措止論斬而天休用中亦附死比不無過重宜稍從末減故有是命○丁亥 上以皇第四子生告 奉先殿 世宗皇帝几筵 弘孝 神霄二殿百官致辭稱賀○祭先師孔子命大學士張居正行禮○詔建故兵部武選司員外郎贈太常寺少卿謚忠愍楊繼盛祠于保定府賜名旌忠令有司春秋致祭從御史郝杰奏也○陞白石口守備指揮僉事李希周為署都指揮僉事僉書山東都司事○南京工部尚書

裴宇以詔書停造軍器因言留都根本重地卽有緩急守備不可不豫請如例補造從之○勅諭天下朝覲官曰朕荷 皇天眷命躋承鴻業託于億兆之上深惟輯寧區宇以谷 天心卽位之初已亟下詔蠲免仗蕩滌煩苛有不便于民者悉與更始猶欲得循理之吏平心畢力各務究宣思澤以登于至治顧在位者多因循之弊鮮任職之心口習空言而不求其實政尚苟且而惟便于私欲民之安于田里而無愁怨歎苦之聲不可得也朕甚憫之茲當來朝特命所司審覈黜其不職甚者爾等獲赦簡留蓋寬之也自今其幡然永思善道勵精自新務在廉以律己仁以撫民公以存心勤以涖事率是四者而行之自然政平訟理民咸樂業治可庶幾於古矣朕豈無爵祿以爲勸于假使扭于舊習或朘削民財以自豐或殘害不辜以爲快或以



已私拂公理或以宴安廢官事有一于此皆足以蠹政傷民是從事焉不恪而守官無狀也朝廷之上凜然憲典在焉爾等曾不懷怵惕而戒勉譬猶踐薄冰以待白日也豈不謬哉尚相與欽承之母替朕命○戊子祭太社太稷○己丑禮部詣

聖駕親祭先農上躬耕耜田儀注一前期三日太常寺進祝版上御文華殿親填御名訖太常寺博士捧出安于香帛亭內擡至先農壇暫安于神庫順天府官以來招及種莖種于午門外伺候早朝畢捧至皇極門內官進呈芑少頃內官仍捧出授順天府官林由午門左門出置綵輿鼓樂送至耜田所一前期一日上常服以親祭先農并行耕耜禮預告于奉先殿

世宗皇帝几筵殿弘孝殿神霄殿一正祭日免朝上御皇極門太常寺堂上官奏詣聖駕首先農壇致祭并行耕耜

禮錦衣衛官備法駕設輦于皇極門下正中 上常服衣輦鹵簿尊從由大明門出詣壇所導駕官導 上至具服殿候報時具皮弁服出導駕官導 上至先農壇行祫先農禮如常儀祭畢導駕官導 上回至具服殿更翼善冠黃袍太常卿待百官俱更服訖入奏詣詣耕措位導駕官同太常卿導引 上至耕措位南向立三公以下從耕者各就從耕位戶部尚書北向跪進耒耜順天府府尹北向跪進鞭導駕官同太常寺導引 上東耒三推三返訖戶部尚書跪受耒佾順天府府尹跪受鞭太常卿奏詣復位順天府尹捧耒箱隨以種子播而覆之 上御外門南向坐觀三公五推九卿九推訖太常卿奏耕畢從耕官各就位教坊司承應畢太常寺奏禮畢導駕官同太常卿導引 上還具服殿俟 上陞座鴻臚寺官奏順天府官率兩縣官

著老人等行禮贊五拜三叩頭禮畢率庶人終嘒鴻臚寺官贊  
入班候百官序列定致詞慶賀贊五拜三叩頭禮鴻臚寺官拱  
聽 聖旨賜酒飯鴻臚寺官承旨訖贊入班一拜叩頭尚膳監  
進膳三品以上官各就丹陛上賜坐四品以下官臺下序立并  
宴勞著宿於壇旁宴畢鴻臚寺贊入班一拜叩頭奏禮畢駕興  
還宮鹵簿導從並如來儀大樂鼓吹振作 上還仍詣 奉先  
殿及 世宗皇帝几筵殿 弘孝殿 神霄殿參謁如前儀○  
命成國公朱希忠英國公張滾鎮遠侯顧寰充三公大學士徐  
階陳以勤張君正吏部尚書楊博工部尚書雷禮兵部尚書霍  
冀都御史王廷吏部左侍郎王本固戶部右侍郎劉自強老九  
卿行五推九推禮○泰寧等衛都督只兒挨等遣頭目升合兒  
等二百四十餘人貢馬賀 聖節宴費如例○庚寅 孝貞純

皇后忌辰 奉先殿行祭禮遣成安伯郭應乾祭 茂陵○  
上勅禮部曰 天壽山春祭朕躬詣行禮其擇日以聞于吏禮  
部奏上儀注一本月二十七日巳時 聖駕發京一前期一日  
上率 中宮 皇貴妃等妃以將詣 天壽山春祭行禮告  
奉先殿及 世宗皇帝几筵殿 弘孝殿 神霄殿用祝文  
祭品如常儀一錦衣衛設丹陛儀衛扈行一兵部奏請簡命文  
武大臣若守京師請勅行事及奏請直守皇城四門京城九門  
分調京營叅遊等官把守各山口關隘戎政衙門選點扈駕軍  
馬及差科道官點閱一戶部照例關給扈從官軍行糧一工部  
差官修理橋梁道路一光祿寺隨處預備御膳及酒飯供具一  
扈從官五府六部都察院通政司大理寺堂上掌印官各一員  
司屬官各一員詹事府翰林院國子監太僕寺掌印官各一員

六科十三道官各一員太常寺光祿寺尚寶司制勅房中書科  
鴻臚寺順天府應該執事人員太醫院欽天監各掌印官一員  
一扈從官在途供事以便衣朝服以常服一二十七日免朝  
駕發由長安左門出 后妃輦轎由東安門出一扈從官前行  
右守大臣同文武百官俱吉服趨赴德勝門外恭候送 駕一  
是日 駕次鞏華城行宮昌平州官吏師生耆老人等跪迎道  
傍 駕至行宮進膳畢 上出陞座從官朝見行叩頭禮如常  
儀鴻臚寺官引昌平州官吏師生及公差有事官員見行五拜  
三叩頭禮是日駐驛鞏華城行宮一二十八日早 上陞座從  
官朝參畢先詣 天壽山行宮候 駕一是日 上至 天壽  
山紅門降輦由左門入陞輿 后妃後隨 駕至感恩殿進膳  
畢 上出陞座從官行叩頭禮本日駐蹕感恩殿一二十九日

駕駐感思殿從官行禮如常儀一三十日質明行春祭禮

上具青袍栗杖輿至 長陵門外東降輿導引官導 上至

殿左門外典儀唱執事官各司其事內贊對引官導 上至拜

位奏就位奏詣前內贊導 上至香案前奏上香 上三上香

跪訖奏復位奏四拜傳贊百官同典儀唱奠帛行初獻禮內贊

導 上至御案前奏獻帛訖導 上至 成祖文皇帝御座前

奏獻爵訖導至 仁孝文皇后御座前奏獻爵訖奏復位奏跪

傳贊衆官皆跪贊讀祝訖奏俯伏傳贊百官同典儀唱亞獻禮

終獻禮執爵者代獻訖內贊奏四拜傳贊百官同典儀唱讀祝

官捧祝進帛官捧帛各詣燎位 上退拜位之東捧祝帛官出

殿門內贊奏禮畢傳贊百官同 上隨詣 永陵行禮俱如

長陵儀是日遣官六員俱青服遵照欽命分詣 獻陵 景陵

裕陵 茂陵 泰陵 康陵行禮一從官俱青服恭詣 長陵  
永陵陪祀畢先行趨赴感恩殿門外候 駕一本日 駕發

回京免朝從官先行至鞏華城行宮候 駕 駕至行宮進膳

畢從官行叩頭禮如常儀鴻臚寺官引昌平州官吏師生辭行

禮如前儀朝畢從官先行至德勝門候 駕 駕至文武百官

及軍民耆老人等俱於門外候迎君守文武大臣伏謁 駕前

致詞行叩頭禮教坊司大樂鼓吹振作 駕由長安左門入

后妃輦轎由東安門入 上詣 奉先殿 世宗皇帝几筵殿

弘孝殿 神霄殿謁告行禮俱如初儀報可○戶部尚書馬

森等給事中王治御史王友賢等各奏薦邊才見任大理寺卿

那應龍右寺丞龐尚鵬僉都御史趙孔昭劉懋林潤溫如璋唐

繼祿南京大理寺卿張守直南京光祿寺卿徐公邁副都御史

揚龜劉光濟陳大賓方廉府丞吳時采太常寺少卿張紳南京  
太常寺少卿丘擗光祿寺少卿李鍵布政使嚴清張柱按察使  
梁夢龍熊桴劉价陶承學叅政謝鵬舉羅瑤沈應時副使曹科  
楊綵馮奔漁楊錦顏鯨張學顏孟重僉事張守中董文衆吉大  
同知府史桂芳趙賢何東序何子壽徐學古馮叔吉恭可賢郎  
中吳允御史陳烈凡四十五人聽用僉都御史王輪李秋叅政  
梅守德丁憂副都御史谷中虛翁大立布政使朱大器叅政胡  
湧阮文中養病侍郎劉畿王國光聽勘侍郎陸穩僉都御史王  
遵闕住僉都御史張景賢叅政劉應箕聽調運同羅拱辰致仕  
知府徐可久馮民僉都御史徐紳叅政馮臯謨凡六十三人吏  
部上其議因言五方之氣雖萬于因材百中之能難拘小器使  
如往者輔臣揚一清以南人用之陝西尚書王驥以北人用之



雲南俱有聲績宜勿論南北資格斟酌推用務當其才 上深然之因命以所舉諸臣酌量任用有不稱職僨事者并坐舉主

○吏部左侍郎兼翰林院學士潘晟上疏請假還鄉 上以晟日侍講讀特賜馳驛○命江西都司僉書署都指揮僉事王國光掌本司事陞平利關守備指揮僉事丘如岳為署都指揮僉事僉書陝西都司事○以 駕詣 山陵命成國公朱希忠鎮遠侯顧寰扈從其皇城及京城重城諸門各命一勲臣統官軍防守其京城九門兼用文職大臣一員仍命總督曹邦輔陳其學各提重兵駐臨邊要地從兵部議也○賜扈駕及防守官軍馬軍人各銀六錢步軍人三錢守 天壽山後馬步軍如之九門皇城四門直宿圍子手及巡捕官軍人二錢○勅英國公張溶左都御史王廷君守京城○辛卯陞通政使司通政使謝登

之為工部右侍郎○兵科都給事中歐陽一敬等劾奏雲南總兵黔國公沐朝弼殘忍無親暴橫不道抗違明旨拘留母嫂不遣占愆惡黨蔣旭等不服聽斷又用調兵火牌遣人入伺京師動靜請責以抗違之罪諸佐使為奸及訶伺京師者捕鞠如律其火牌即行革罷以川賁調兵事添入巡撫勅中用稍折其奸萌兵部覆如一敬議從之○總督宣大山西都御史陳其學條上南山事宜其略言岔道以來自青石頂至四海冶火焰山宜乘春修築墩臺于柳溝等處水口濬橫壕一道壕外設石欄柵外建大石墩以分水勢并修張家等口道路禁軍民毋入山熊採岔道以西自青石頂至合河口為墩臺一百九十有七宜及時修補令軍人晝夜瞭望大山口迤東一道為暗門首六尺尺若庸宜嚴加譏察禁宣葭二鎮苦、不得超界起釁因薦南

山叅將李官修理防禦甚有方略宜令久任責成俟有勲勞加  
秩示勸毋輒更調兵部上其議 上皆允行之○壬辰經筵開  
講○大學士徐階三疏辭免恩命 上曰卿才兼文武久著勲  
勞特加殊恩以示酬養宜承命即出輔理不允所辭是日又遣  
太監劉大用至階第賜白金五十兩大紅麒麟服及紵絲四疋  
裏鈔五千貫并茶飯羊酒○發太倉銀十六萬六千餘兩於薊  
州鎮六萬九千餘兩於永平鎮一十九萬二千餘兩於容雲鎮  
七萬四千餘兩於昌平鎮為容兵餉○夔已補痊故兵部右侍  
郎林富曾孫統為國子生○甲午春冰祭大明於朝日壇命成  
國公朱希忠代先是禮部請祭東郊大學士徐階等言東郊雖  
係親祭之年但耕藉在通數日之間 聖駕再出 聖躬過勞  
宜暫遣官代祭故有是命○命懷遠侯常文濟僉書中軍都督

府事○乙未大學士徐階以溫旨諭留者三乃出視事復懇辭  
恩命上答曰卿忠貞茂績加恩非過覽奏情詞懇切具見謙  
慎伯爵俸及部宴准辭其餘宜承朕命○以貴州擒斬平州賊  
楊珂功賞巡撫都御史陳洪濠兵備副使祁清及指揮王道行  
土舍莫承俸銀兩有差○兵部覆山海關主事熊秉元陳防守  
本關事宜一復寇兵謂本關寇兵蓋為彈壓鎮城而設乃今以  
五百人調赴一片石殊失初意宜即掣回防禦其城操軍士止  
令守城勿復以擺邊之役困之一還遠軍謂故事以山海衛軍  
士二百九人遠戍牆子嶺人甚苦之宜遣還本衛而移其供餉  
別為召募以實牆子嶺一增馬匹謂本關故設寇兵千人今宜  
簡其壯者五百人人給一馬以備赴援一除軍器謂山海衛載  
輸料價銀一百六十餘兩於永平府請暫留一年以資本衛置

造軍器之費一修城壕謂遠城與鎮城接界之所宜結屋其上以若軍士其城壕之淤者及月城之損者盡修葺之 上命如議行○丙申遣戶部侍郎譚大初祭京都太倉之神○遣太常寺官祭恭靖公姚廣孝順天府官祭宋丞相文天祥○光祿寺卿趙錦言直隸江陰縣歲例進折子鱗魚萬斤路途遠數多不堪上用徒以累民請自今止貢五十斤餘皆折色便從之○廣西太平等府土官秩目許全等貴州鎮雄府土官胡美等四川平夷長官司土舍王良用等湖廣保靖司通把田仕等各來朝貢馬宴賚有差○陞兵部都給事中歐陽一敬為太常寺少卿○丁酉薊遼督撫等官曹邦輔劉應節等奏標下兵八百名自月糧外仍按日夫行糧以示優厚戶部議從其請因言標兵之鼓謂其指旣戢戰故以一軍兼二軍之食使徒冒廩餼而無益攻

守不惟耗費財力且無以服士心宜勅所司以時肄習使人人  
可用毋令糜司農之粟貽疆圉之患 上以其事屬邦輔等選  
練令行邊大臣及巡按巡閱御史查覈濫冒者以聞○虜犯葦  
溝堡新莊兒等處守備韓尚忠迎戰死之副總兵佟盛力戰僅  
免御史周詠以狀聞兵部覆尚忠死事宜加贈祭立祠死所以  
旌其忠盛雖喪師然力戰退虜罪有可原得旨尚忠贈都指揮  
僉事伊男陞祖職三級世襲立祠賜祭俱如例盛奪休二月○  
造大祀十二章衮服及弁服遣工部侍郎徐綱行祭禮○陞巡  
視湖廣洞庭湖指揮使陳大鵬守備四川雅黎指揮僉事張元  
俱署都指揮僉事行都司僉書大鵬江西元四川○戊戌陞守  
備殿陽城指揮同知栗卿備禦遼東寧遠城指揮使張廷賞各  
署都指揮僉事充薊鎮遊擊將軍卿松棚谷廷賞曹家營○己

亥 聖駕詣先農壇親祭先農之神禮畢詣耜田所 上秉耒  
三推公卿以下助耕畢 上御齋宮賜百官宴并宴耆老子壇  
傍賜農夫布天 駕還是日以禮部言增上中下三等農夫各  
十人于耆老之後如弘治中例○ 恭仁康定景皇帝忌辰遣  
都指揮陳書祭 陵寢○遣太僕寺官祭司馬之神○彙類等  
衛夷人都督同知伯考帖木等三十餘人貢馬賀 聖節恭寧  
等衛夷人炒蠻等三十餘人貢馬賀長至節各宴賚如例○發  
太倉銀四萬四千兩於易州鎮五千兩於良鄉涿州三千九百  
餘兩於真定府所屬為主客兵餉○陞守備河間指揮僉事施  
朝卿為署都指揮僉事僉書大同都司事○庚子詔行開納事  
例于延綏榆慶四衛軍民以其銀充募餉又發太倉半例銀二  
十九萬九千餘兩助之西安延安慶陽三府額派延綏鎮民運

燿俱復本色如故從戶部覆廵撫李尚智奏也○辛丑改南京  
禮部尚書趙貞吉為禮部尚書兼翰林院學士協管詹事府事  
初貞吉以起廢詔日侍講讀時年六十餘然氣壯甚議論侃侃  
輔臣薦其可大用上心屬焉及遷南京以吏部右侍郎林燿  
代一日上手詔諭輔臣調燿南京用而召貞吉還為講官添  
註詹事府與尚書殿士偕協管府事已而士偕以府事讓貞吉  
不允○錄大同捨風崖等處陣亡官軍張虎等九人陞賞有差  
○河南修武縣解京銀三千兩至良鄉為盜所劫霸州兵備剽  
使孟重以聞得旨良鄉畿輔近地使賊肆行劫掠守土官法當  
重究姑奪兵備及巡捕守備等官俸令速行緝捕旬日中不獲  
者兵部具劾以聞○給添設松棚谷莖擊將軍旗牌盔甲從總  
督請也○士寅廢故戶科左給事中薛宗鑑子洪為國子生以



鎰建言死是杖也○南京戶部右侍郎盛汝謙以疾乞休許之  
○詔湖廣承天府所進茶鮮令內臣以祖銀貿易無得授民其  
一切貢獻仍如詔旨停免○禮部覆提學御史周弘祖奏正士  
風五事一廣恩貢以實國學二中卧碑事例以整澆風三文任  
教職以收成效四責成有司以懲玩愒五試題須善惡並陳以  
革剽竊之習得旨開貢本為求才各提學官其嚴選毋濫如廷  
試之日發回三名以上者提學官以不職論降一級○陞賞大  
同弘賜堡出邊搗巢獲功官軍李公等九十人宣大山西三鎮  
王辛莊等處獲功陣亡官軍黃詔等三百五十人○癸卯起都  
察院右僉都御史王輪以原職巡撫甘肅等處○陞大理寺卿  
鄒應龍為都察院左副都御史總理兩浙福建二鹽運司雲南  
廣東各提舉司兼理江西浙江福建兩廣雲南貴州湖廣等處

鹽屯南京都察院右僉都御史唐繼祿為右副都御史總理河東鹽運司陝西花馬池四川提舉司兼理宣大山西陝西四川等處鹽屯大理寺右寺丞龐尚鵬為右僉都御史總理兩淮長蘆山東三鹽運司兼理江北山東薊遼保定河南等處鹽屯各給與總理鹽屯關防賜之勅○陞太僕寺卿李一元為通政使司通政使○乙巳陞禮科左給事中張鹵為都給事中兵科右給事中陳行健為左給事中兵科給事中顧弘澂工科給事中王賈俱右給事中鹵兵科行健刑科弘澂戶科賈工科○改山西石州為永寧州○丙午取會試天下中式舉人田一偈等四百名○陞浙江布政使司右布政使郭朝賓為本司左布政使○南京國子監祭酒姜金和以疾乞休許之○發太倉銀一十一萬兩於宣府鎮為主兵餉○戶部覆御史蔣機條上四事一

漕運總兵官每歲九月漕舟過淮則以催督事付之叅將而身自赴京會議仍亟還派撥新運叅將領運至者免其朝謁亟遣還漕艘不得停泊凍阻一杭州嘉興湖州蘇州松江常州運解白糧必以府佐賢能者任其事毋取委之首領及驗發批單水程簿勿令稽延又通行闕津量免其稅一戶部司官管理太倉銀庫者必滿歲方代且給闕防以防詐偽一咨工部管河郎中凡倉廩橋梁以時修葺使轉輸委積者無所患苦石壩普濟上平津三閘各增給舊運剝船十隻小脚四名以資盤運從之○遼東管糧戶部郎中丁誠言本鎮客兵利于支銀故折色不足主兵便于支米故本色日少彼此假借人易為奸今以客兵鹽引銀一萬兩抵補主兵京運年例此後戶部查發改定京運主兵銀十六萬三千九百九十八兩有奇客兵四萬兩主兵鹽引

三萬二百八十一兩有奇客兵一萬兩且著為例從之○諭元年八月陝西翻山嶺石棚溝靖安鋪等處被虜失事罪革指揮呂繼宗守備張邦政任仍與千戶姚勳俱下御史逮問○發太僕寺馬三千五百五匹分給宣大二鎮及標下官軍仍發本寺銀三萬六百兩買馬從總督陳其學請也○丁未 上詣 天壽山展謁 諸陵 駕發京師是日次華華城○詔禁內外扈從官員人等毋得沿途土事擾害百姓違者嚴衛緝治巡按御史叅劾以聞○戊申 上至 天壽山駐蹕感思獻○於歷代帝王遣英國公張溶行禮○己酉 上在 天壽山諭輔臣曰朕躬謁我 祖考陵寢始知邊鎮去京切近如此茲蒞州總督官未朝言近日虜情如何今邊事久壞無為朕實心整理者但選辭託弄虛文將來豈不誤事卿等其即以朕意傳諭宣薊二

鎮官軍未護從者可量賞否卿等及戶兵二部臣議擬以聞於是兵部言京師陵寢均為腹心重地去虜營密邇薊鎮藩屏於東宣鎮肢肱於西為左右輔使二鎮守臣實心幹濟固可恃以無恐而邇來人心玩愒或文武互為參商或官屬自相予盾或怵于法網之太密或牽于議論之太多坐是日弛一日誠如聖諭屬者雖據總督諸臣報稱無警而衣衽之防正在今日即當移檄二鎮守臣多方偵伺務令預得虜情早為經畧用紓皇上宵旰之懷其徒為文具債事殃民仍蹈故智者罪無赦上是之令總督鎮巡等官各條上見行戰守方略以聞已而戶兵二部請以原領給賞羨餘銀五千兩犒二鎮官軍報可○上諭戶部曰朕躬奉春祀式弘先德以惠民生所過地方其量免本年田租戶部尚書馬森等請覈昌平州宛平大興二縣

地凡建設行宮及屯營軍馬開除馳道者免十分之五所過者  
免十分之三 上元之仍命查所毀民房亦量予價值以示軫  
恤○道定西侯蔣佑祭 天壽山之神○庚戌清明節 上親  
詣 長陵 永陵行春祭禮分遣駙馬都尉許從誠彰武伯揚  
炳安平伯方承裕慶都伯杜繼宗德平伯李銘固安伯陳景行  
祭 獻陵 景陵 裕陵 茂陵 泰陵 康陵都督沈至祭  
景皇帝陵寢都指揮陳書祭 恭讓章皇后都指揮王極祭  
孝懿皇后都指揮江魚祭 袁冲 莊敬二太子及陵園○是  
日 駕還京

大明穆宗莊皇帝實錄卷之十七

明穆宗莊皇帝實錄卷之十八

隆慶二年三月辛亥朔 孝肅皇后忌辰遣安平伯方承祿祭  
裕陵○甲寅陝西慶陽西安等府山西蒲州安邑等處河南  
裕州等十三州縣及襄城新安等縣鄖陽寧夏漢中等處俱地  
震○陝西西寧衛天鼓鳴漢中府南鄭縣雨土○乙卯發太僕  
寺馬六百五十匹馬價銀七千八百兩給蕪鎮○立廣東惠州  
府和平縣岑岡等處社學從撫臣李佑請也○丙辰陞刑部右  
侍郎洪朝選為本部左侍郎順天府府丞吳時來為南京都察  
院右僉都御史提督珠江通政使司右通政姜寶為南京國子  
監祭酒改南京吏部右侍郎鄭世威為刑部右侍郎○命調安  
雲兵備僉事張守中于極邊以永平兵備副使張學顏代之守  
中既以墮子嶺失事降僉事未幾巡撫僉都御史劉應節以守



中有修築邊垣功奏令復職與學顏吏調總督侍郎曹邦輔勅  
守中初降級時自陳功伐有怨望心不當復職并劾應節狗私  
用人吏部覆議總督巡撫皆有邊鎮之責當同心共濟而應節  
不先會同極自題詣實于事體未安宜戒諭應節自今事情重  
大者須會同總督不得自持意見以妨大計守中負才使氣宜  
仍以僉事調極邊 上從節議○陞陝西布政使司左布政使  
新學顏為太僕寺卿山東按察司按察使熊惲為浙江布政使  
司右布政使○陞翰林院編修林士章為國子監司業○發太  
倉銀一十二萬兩於大同鎮并督值河南山西未完民運本折  
色糧草○以山西布政司例解太倉銀六萬四千餘兩為鴈門  
三閩兵餉從督撫等官請也○丁巳命大同入衛趙等將軍錢  
棟仍以為事官領山西太原右恭將事○大同總兵孫吳引兵

出邊擊虜於亂子山與叅將方琦遊擊張鐸坐營劉經斬首  
三十四級獲馬七十五匹以幹事聞命賞銀幣有差○戊午復  
故太子太保兵部尚書毛伯溫原職致仕初伯溫在 先朝落  
職為民以詔復聞位及是其子棟為中府都事考滿以例請故  
有是命○陞提督四夷館太常寺少卿趙灼為通政使司右通  
政提督騰黃南京通政使司右叅議顧存仁為順天府府丞山  
東布政使司右叅政周世遠為山東按察司按察使○南京戶  
部尚書劉體乾等言湖廣江西南直隸各府積逋本部銀共一  
百四十萬餘兩米八十九萬六千餘石絹布共三十四萬八千  
餘匹請責成各布政司督糧官直隸郡縣正官以時徵完其怠  
玩者部臣及總督南糧都御史劾奏如戶部例許之○發太倉  
銀十八萬於遼東鎮為主客兵餉○命陞山叅將李成梁為副

總兵仍管叅將李華長男備禦戴冠任下御史問以遼東撫臣  
舉劾也○命貴州都司金書署都指揮僉事孫克誠字本都司  
事○先是有旨命太監李佑往督蘇杭織造工部言頃以明詔  
取回織造內臣中外傳頌 聖德今詔墨未乾而制使復出殊  
駭觀聽請於撫按官如法督造而罷佑勿違毋渝大信而損儉  
德 上謂已有成命趣予佑勅令亟去于是都給事中孫枝御  
史却傑各疏言比來東南諸郡賦役煩苛財力困竭即乘輿服  
御有數而工役科派費實不貲且內侍督督最重最有司承奉惟  
恐不及一切供億皆民脂膏惟 陛下知部臣議以蘇東南久  
困之民俱報有旨○是夜延綏保寧堡鎮竿有火光○己未發  
太倉銀五萬一千餘兩於延綏鎮五萬一千餘兩於固原鎮三  
萬三千餘兩於寧夏鎮四萬一千餘兩於甘肅鎮為王谷兵餉

并補工本鹽引之不足者。○巡撫四川都御史陳烜請以本省  
解京銀二十萬運至陝西振太倉歲發邊餉之數以省遠道轉  
輸之費許之。○錄招徠被虜人口功復大同總兵孫吳署都督  
分事鎮守如故陞中路秦州副國一級賞銀十兩宣府總兵馬  
芳二十兩練幣一表裏。○保定府新城縣空中有聲如雷墮石  
二色黑。○大風揚塵四塞。○庚申以冊立 東宮 上親告  
奉先殿 世宗皇帝几筵 弘孝 神宵殿道英園公張溶鎮  
遠侯顧寬駙馬都尉鄔景和安鄉伯張鏊祭告 郊 廟 社  
稷。○陞光祿寺少卿李銳為南京通政使司右叅議浙江道御  
史凌儒為大理寺右寺丞吏部文選司郎中武奎為文常寺少  
卿提督四夷館河南按察司副使鮑承隆為山東布政使司右  
叅政。○南京戶科給事中張應治疏言 聖節加恩輔臣講官

為忠乎宜聽諸臣辭免以昭大臣庶讓之風 上以應治莫言  
奏捷切責而宥之于是大學士徐階等及尚書殿士僉各再疏  
辭免新命俱不允○發太倉銀五萬六千餘兩於荊州鎮三萬  
八千餘兩於永平鎮二萬三千餘兩於密雲鎮二萬七千餘兩  
於昌平鎮○改寧海縣柔州驛於關嶺○辛酉 上御皇極殿  
傳制冊立皇子 為 皇太子命成國公朱希忠為正使持  
節文學士徐階為副使捧冊寶詣文華殿行禮冊曰蓋聞萬國  
之奉屬在元良至茲之重歸於長子朕恭膺 景命嗣繼玉圖  
是惟古昔早建之文近考 祖宗相承之典爰遵 天序武正  
儲闡咨爾元子 日表粹和天姿穎異誕祥虹瀟風彰出震  
之符醜極龍樓允協繼繼之望是用披爾冊寶立為皇太子正  
位東宮於戲啟克敬承是以識如傳之行誦能基命是以卜姬

祚之長爾尚式彼徽猶定乃初志勤春夏秋冬之學用廣聰明  
親左右前後之賢豫端蒙養保三善悉備百度惟貞益綿 宗  
社之洪休普慰華夷之仰戴斯予一人永有慶焉欽哉是日還  
詔天下詔曰朕惟自古帝王奉 天子民思弘永世之圖莫不  
崇遵元良豫定儲貳所以隆國本而繫人心也我 祖宗列聖  
造基績緒累洽重熙率由茲道朕荷 天之眷早錫胤祚長子  
英姿岐嶷睿質溫文仁孝之德夙成中外之情允屬昨朕  
嗣登大寶文武群臣即以建儲為請朕以子奔方在幼冲未之  
許也茲者禮官復稱 先朝彙典疏懇至於再三詢謀僉同理  
難終拒美諷吉日既告於 天地 宗廟 社稷授冊寶立  
為皇太子以上以奉 九廟神靈之統下以慰兆人罔戴之心  
盛禮既成晉天同豫肆頒渥澤覃被多方所有寬恤事宜各該

巡撫都御史曾寧所屬查催完納一宗室子女請名請封送婚  
該府查勘明白通照新頒奏格徑自奏請禮部查果無碍即與  
題覆於內如有事體不明者方行巡按御史查勘其先前行查  
者詔書到日巡按御史作吏勘報以便題覆長史教授等官如  
或刁澄故違稽錯該部查出恭奏治罪一各處親郡王及將軍  
中尉等如有謹身修行樂善好學孝親敬長敦宗睦族足以勵  
世者許各該撫按官具實奏聞獎勵一累朝及見在公主所  
出子孫有志向學者許廢一子入監讀書一天下祀典神祇所  
以保庇生民有司務在誠敬以奉祭祀增廟過有損壞即時修  
理毋致褻慢其各處帝王陵寢及各臣賢士墳墓有被人毀發  
者所在有司即與修理仍禁約不許懸標枚放一自隆慶二年  
三月十一日以前昧爽以前凡官吏軍民有犯除真犯死罪十

惡吏機貪賊酷刑及潛往京師窺探為奸指名誣騙侵欺一應錢糧俱不赦外其餘已發覺未發覺已結正未結正或赦除之敢有以赦前事告者以其罪罪之一浙江等處布政司并南北直隸府州縣隆慶二年分秋糧除漕運四百萬石南東倉糧各處屯糧起運一應京邊錢糧照舊徵兌起解外其餘各存留地方者俱免十分之三以賑民困隆慶元年以前年分起解錢糧有侵欺事發者限三月以裏能完復批單俟與免罪照常釋放一南北直隸浙江廣西河南山東山西輪班匠價已徵在官者截數起解如有因貧難拖欠者及順天河間一府有拖欠第課者各布政司南北直隸有拖欠年例磚價并歲辦課鐵本色黃白麻折色者查係嘉靖四十五年以前俱與蠲免其或匠丁故絕荒地稅水衝漫無存所司仍與查勘明實具奏除豁一南



直隸浙江原派藍靛槐花烏梅梔子紅花等料已該工部召商  
買送織染局應用今後都着免派不許有司重科優一兩京文  
官一品至九品各給與應得誥勅先已給領者與進本品勳階  
一等如品同而職銜不同照見任改給署職者仍與實授試御  
史試中書候實授之日各補給有願移封移贈者聽若先已移  
封移贈今給與本身及妻誥勅在外二品以下七品以上方面  
有司官不必已未考滿但於本任內曾經總督撫按等官薦舉  
二次以上者亦與應得誥勅先已給領者於本品內進勳階一  
等一兩京三品以上文官未及三年考滿者許陞一子入監讀  
書一文武官員五品以上致仕在哀實年六十以上者各進階  
一級二品以上致仕大臣年八十以上者有司具奏存問其有  
不係犯私罪為民者與冠帶閒住閒住者與致仕一王府官年

老願致仕者進散官一級其長史歷任三年無過者給與應得  
誥命一各邊將領及各處軍職近因督撫巡按巡關巡七巡鹽  
等衙門陞遷任滿循例奏劾數多屢屢更易以致人無固志曠  
廢職業各官務要虛懷秉公于各將領軍職除失事重大及貪  
酷異常者不時舉劾外其餘管事未久無大過惡者宜存作養  
愛惜之意不得苛責輕論兵部亦要酌量題覆以服衆心其被  
劾題未結經薦用已立有功者開具前後功罪輕重有無相當  
奏請定奪不得一槩行提一各邊將領等官有素著謀勇果立  
戰功偶失事革職閒住及充軍等項并力未衰猶堪任使者詔  
書到日撫按科道官查訪疏名奏請定奪一軍職官有同班軍  
運糧運限奏降級者不拘已未問結各該撫按官查開軍數  
糧數多少及所還限期久近分別奏請一各處運糧官軍偶值

風火等項損失官程非力所及者許陳告所在官司勸明具奏  
儘其家產變賣賠補完足與免本罪一各處武官襲職十年以  
上人文不到部例不准襲但道路有遠近年力有少杜家道有  
貧富一槩革襲不無有沒汗馬先勞兵部即便查議定奪一各  
處倉官及收糧攢典守候二年之上故走至一十石以下者撫  
按即委官查監交與見任官攢接管起送免其守走一各處逃  
亡人戶情願復業者俱免差役二并里長不許勾擾其山東淮  
揚鳳陽等處拋荒田土數多許諸人告官承種仍免糧差五并  
之後方照常辦納各州縣有能招撫流民復業及開墾荒田數  
多者撫按官保薦擢用一旌表義夫節婦孝子順孫所以勸勵  
風俗近來各處有司視為常事富者曲為保勘貧者終身不得  
何以勸善今後不論貧富如果事實即申呈巡按御史勘結奏

間以憑旌表所司敢有稽遲者罪之一軍官旗軍將軍力士校尉舍人餘丁有為事聞發立功驟哨陰前款所聞不赦外其餘盡行放免復還職役例該帶俸差操者仍不許管軍管事中間有立功未滿病故者子孫准免減俸一大漢將軍侍衛二年年以上者給與冠帶四年半以上者授試百戶將軍侍衛二十年以上者亦俱冠帶榮身一各處儒學生員有親老無人侍養願告侍親者聽親終養學莫累舉不第年五十以上願告退聞者許以衣巾終身仍免雜泛差役一各處逃軍逃匠逃囚人等在京限一月以裏赴迪政司在外限三月以裏赴所在官司具首與免其罪軍還原伍匠仍當匠民放寧家一在京在外緝獲強盜妖言奸細等項多有貪功網利及無賴畜役妄擊拷打誣陷重罪今後門刑衛門務要從實研審的確有冤抑即與辨理毋

致虧枉一朝廷設立問刑衙門專為重理冤濫近來問刑官多有喜立聲名故為深刻送秋挾讐誣陷良善又有一種奸民自知犯罪難免故意牽連干問人眾以致經年不決累死無辜之人今後在內在外問刑官務要以於恤存心使刑協于中罪當其情毋得文致燬煉以致冤抑如有以誣枉訴者務與盡心審勘從公辨理其所接受詞訟除強盜人命例應檢驗及土田例應踏勘俱各照舊外其餘止許行提繫關人犯作迷問斷不許一槩拘禁一凡政治得失軍民利病許諸人直言無隱於戲震男主器益培萬載之丕基獎命數恩用行一人之大慶詔告中外咸使聞知○南京給事中張應治御史尹校各劾奏原任江西右叅政李佑陝西左布政使杜極冒煙巡撫宜罷吏部酌議以請得旨佑回籍聽勘極改南京別用○南京吏部尚書吳薇

以老疾乞休不允令供職如故○命統領丹大二道民兵遊擊  
將軍著都指揮僉事牛相克北樓口叅將陞八角堡守備指揮  
僉事陳勳署都指揮僉事充大同入衛遊擊將軍○修葺皇史  
宬○壬戌以冊立 東宮禮成 上御皇極殿文武群臣上表  
稱賀 皇太子生文華殿東廊群臣上箋行禮○免命婦朝賀  
○賜五軍三千神機三大營京衛外衛見操官軍及侍衛帶刀  
直宿錦衣衛府軍等衛御馬監并武驛左等四衛官舍將軍旗  
軍勇士午門等門并正陽等九門官軍人各銀一兩錦衣衛左  
等所官各絹一疋旗校軍奴并各監局上工軍匠人各米一石  
內府上工匠匠光祿寺廚役人各米七斗○陞禮部郎中范惟  
丕為光祿寺少卿涿州知州王之弼為山東按察司僉事○兵  
部覆總督陝西侍郎王崇古條言邊事一延綏寧夏甘肅陝西

四巡撫往時止令糾察將領不預戰陣故不給旗牌今已指麾諸將統領標兵宜更僕勅諭如山西宣大及江南用兵例各頒旗牌令得以軍法從事一延綏西路抵花馬池接寧夏後衛延袤五百餘里前後添設將官四人邊務叢委而經理覺察獨責靖邊道管糧通判巡歷不周其寧夏東路自黃河東至花馬池後衛三百餘里雖有通判分理錢糧鹽法而寧夏兵糧道亦遠在鎮城且花馬池定邊二營居延寧之中軍費浩大仰於大小二池鹽利雖已命河西道參議轄之而本道分管延慶二府難以逆制以故鹽利裁減宜專設定邊兵備鹽法副使一人令駐定邊營與副總兵花馬池參將相表裏東起延綏西路舊安邊西至寧夏朔城聽其經理專管大小二池鹽法及修飭邊事一延綏土軍買馬勾捕科索不勝其困以故編戶逃徙宜令各守

巡道督延慶清軍官查覈戶丁田糧定為則例糧二十石丁更  
多者令買一馬馬死輒補不得踰時其次二年而買補又其次  
三年而買補糧十石及五丁以下免其買馬止應軍役歲徵軍  
裝銀五錢一請久任邊將以定將選一請給入衛馬價以恤邊  
崇一請優恤入衛兵馬勿令修造以備戰守一請量留延綏入  
衛兵馬以固重鎮一請慎選操守等官以固邊陲一請詳勘覆  
以信賞罰一請寬文法以勵臣節 上命如議行○先是正月  
中虜三十餘騎駐紅城子石棚溝等處由莊浪飛石崖入犯西  
寧河州界掠熟番靈巖宗刺等族尋引還於是總督王崇古劾  
奏西寧參將朱清河州參將劉需不整水據險使虜得渡河入  
莊浪參將湯昂北岷峽將薛奎及總兵劉永業革任副總兵張  
弼備禦無策使獲利去事下兵部擬諸臣罪狀因言巡撫石茂



華且以憂去而代者王輪未至宜促又請以原任參將李世威  
代昂興武營協同關三接代奎原任參將吳鳳代清 上是之  
令趨輪赴任奎承業俸一月華昂奎任及弼俱令御史勘奏○  
癸亥初永樂時尚膳監有羊房在韓家川冷泉至景泰間移于  
西琉璃窑廠凡牧地一十三頃四十一畝又置司牲司官吏及  
軍士護守歲費數千金至是先祿御趙錦請以羊供本寺之用  
其官吏軍士皆宜罷設太監五冲等疏爭之 上從冲等言○  
黃露四塞○甲子 武宗發皇帝忌辰 奉先殿行祭禮遣新  
寧伯譚國佐祭 康陵○以廷試天下貢士命少師兼太子太  
師吏部尚書建極殿大學士徐階少傅兼太子太傅禮部尚書  
武英殿大學士陳以勤少保兼太子太保禮部尚書武英殿大  
學士張居正少傅兼太子太傅吏部尚書楊博少傅兼太子太

傳工部尚書雷禮戶部尚書馬森詹事府掌府事禮部尚書兼翰林院學士殷士儋兵部尚書霍冀都察院左都御史王廷刑部右侍郎洪朝選直政使司通政使李一元大理寺左少卿李邦珍翰林院侍讀學士諸大綬充讀卷官大學士陳以勤以子于陞預試乞引避上不允再疏懇辭乃許之于是侍郎洪朝選通政使李一元亦以弟姪故皆不預讀卷○以永平府昌黎撫寧二縣并撫寧衛山海衛東勝左衛左所被虜殘甚凡錢糧存留者悉蠲除之起運者已奉詔免十之五仍免五之三從撫按官劉應第等請也○乙丑策試天下貢士制曰朕惟君天下者興化致理政固多端然務本重農治兵修備乃其大者書言先知稼穡之艱難乃逸又曰其克詰濟戎兵以涉禹之跡夫成王初親大政而周公即倦倦以此告之其意深矣朕仰荷天

眷獲嗣丕基自惟寡昧未燭於理嘗恭誦我太祖高皇帝稽  
曰諭成祖文皇帝脩本訓乃知王業所由興民生之不苟及  
觀祖訓所載居安忘備之戒又日兢兢焉茲躬率臣民耕耨  
於南郊又屢勅邊吏慎固疆圉博求制虜長策亦欲庶幾乎知  
艱詎我以覲揚我二祖之光烈顧與典維舉而實政未孚督  
策維勤而武備猶弛四方浮惰者衆未盡歸農也何以使人皆  
力本而不失業歟自屯鹽之法壞而商農俱困是儲蓄乏今欲  
舉之其遺法尚可復歟醜虜匪茹警報歲聞何以創之使不敢  
復窺歟議者或言宜戰或言宜守或欲罷調兵或欲練士卒計  
將安所決歟朕日夜圖慮安懷之策莫急於斯而行之靡效其  
故何歟抑其機要所在未免係舉故人罕實用功難責成歟爾  
諸士習於當世之務久矣其仰緝我皇祖舊訓貽謀之意有

可以便民益國者明以告朕將採而行之焉。○隆故兵科都給事中何光裕子儼為國子生以光裕諫言死廷杖也。○先是嘉靖四十四年四月虜襲臨黃兩川堡殺二百八十餘人倉官一人九月犯鎮靜堡秦倅魯聰戰死亡將士二百餘人四十五年六月臨軍架城所據掠甚衆官軍逐之去七月薄安塞縣城分騎掠延安府北關及東西兩川八月入甜水墩等寨殺三十六人總兵郭江等戰死又亡六百餘人隆慶元年正月虜寇小芹河墩半入總兵郭琬與戰却之迨出邊遇伏失亡相當二月攻清平堡遊擊郭鈞等固守不下虜乃引去三月虜攻康家寨守備王鐸等逐之有斬獲功鐸中矢死又入榆科澗遊擊高天吉與戰勝之八月虜五千騎自蘆溝山入總兵趙奇及天吉等敗之又入常樂堡又敗之前後奏報俱下御史斯敷至是御史楊

鈐上其事劾鎮撫薛鈞指揮陳保通判王尚賢參將李希靖于  
尸田養賢等各失事罪狀及他功罪相贖者并叙原任總督霍  
冀巡撫王選總兵趙奇副使楊錦等修築邊牆功兵部覆奏  
上命賞冀等銀幣有差遠過缺推用鞫保誦成尚賢為民希靖  
革任養賢等俱下御史問○初廣東賊曾一本突至雷州恭將  
魏宗瀚王如澄繆印率舟師與戰敗績賊執印及祀總俞尚志  
以去官兵死者八百餘人已而歸尚志乞招撫尋犯我師戰數  
日守備李茂材中礮死我兵又敗事聞兵部覆言新任總兵郭  
成未至而廣西總兵俞大猷素負威名請令暫往視師前總兵  
湯克寬等罪不止于革任宜令戴罪立功副使姚世熙等并宜  
議罰宗瀚等宜克為事官以圖後効上然之命暫調大猷用  
事寧曰鎮克寬立功贖罪世熙等奪俸一月從總督張瀚等議

虞兵糧嚴督將領剋期減賊以靖地方○命原任瀋陽遊擊將軍署都指揮僉事宿仰辰充遼東海蓋左叅將○丙寅改南京工部尚書襄宇為南京禮部尚書○起吏部右侍郎林樹聲原職○陞兵部右侍郎譚綸為本部左侍郎兼都察院右僉都御史總督薊遼保定等處軍務兼理糧餉四川右布政使嚴清浙江右布政使熊桴俱都察院右僉都御史清巡撫貴州桴巡撫廣東俱兼督理軍務○戶部劾奏浙江温州府知府等官李廷觀等五十二員未完錢糧五分以上者住俸七分以上者降一級其歷任未久者如不及五分例又言給由行取官吏部宜若送戶部必國賦如數方得復任選用許之○御用監奏合用金箔添硃等料已減定數目行工部轉送本監工部以添硃等料皆舊例所未有宜以嘉靖初年為則其金箔等料如數處辦自

今各監筭物料仍如節年事例不得加增 上從部議○戊辰  
賜天下貢士羅高化等四百二人進士及第出身有差賜朝服  
冠帶及寶鈔如例○己巳賜諸進士宴於禮部命成國公朱希  
忠主宴○陝西崇隆等六寺刺麻番僧共卅尖畧等三十餘人  
進馬及方物宴奏如例○辛未命臨淮侯應襲勳衛李言恭充  
五軍營遊擊將軍神機營練勇叅將史綱延綏遊擊高天吉陝  
西行都司僉書湯希韓俱充叅將綱荊州燕河營天吉延綏東  
路希韓肅州○壬申鳳陽巡撫都御史方廉言徐州水患視他  
郡殊甚而漕輓之供應河渠之濬築視他歲尤不啻倍蓰請留  
本州商稅以充夫賦之用戶部覆奏聽留一年以後解部如故  
從之○南京兵部尚書劉承等言南京各營馬每歲用三百匹  
除江南原改解馬九十七匹其二三百三匹出于上江二縣馬戶

極爲民累乞用南京大僕寺議於廬鳳揚三府徐徐和三州折  
色馬千六百餘匹內量改二十分之一爲本色可得馬八十三  
匹發營騎操每匹該折色銀一十八兩本部程代解京以補備  
用之數餘一百二十匹仍令上江二縣買納上從之○內織  
染局太監陳洪復奏以上用龍袍及紵絲紗羅綾紬行所司  
織造如式工部言前者以織造事屬太監李佑計不下四十餘  
萬東南民力尚不能堪今佑未行而徵派之令復下計不啻六  
十餘萬是益其困也且東南財賦之數不宜重脧削之以傷國  
脉上乃止○癸酉上諭兵部以是月二十六日幸南海子  
止用京營官軍扈衛輔臣徐階等言聖駕行幸事體重大上  
林苑海子雖設自先朝然止畜養鹿兔而已非如視學耕藉  
有關治理不足以頌臨視且近日陵祀回鑾未久不宜復出



惟上特加慎重即賜停止上不允于是吏部尚書楊博等六科都給事中王治等十三道御史郝杰等各上疏請罷遊幸皆報聞○陞陝西按察司按察使莫如忠四川按察司按察使陳鑿俱布政使司右布政使如忠浙江鑿仍四川○甲戌改巡撫河南都察院右副都御史戴才為大理寺卿陞戶部左侍郎徐養正為南京工部尚書南京大理寺卿張守直為南京戶部右侍郎巡撫宣府都察院右僉都御史莫鍊為兵部右侍郎○命定國公徐延德子文壁襲爵○命聽降都察院右都御史魚兵部左侍郎王之誥劉燾各以左侍郎兼右僉都御史巡視邊務之誥山西宣大薊遼保定等處燾陝西延綏寧夏固原甘肅等處各鑄給關防○命山西都司僉書署都指揮僉事劉鳳翔字本都司事陞貴州守備指揮僉事薛近宸為署都指揮僉

事僉書貴州都司事○荊州遵化縣地震有聲雷電雨雹形如  
鷄卵積地寸餘○乙亥陞陝西布政使司右叅政沈應時四川  
布政使司右叅政朱綱俱按察司按察使仍本省○錄嘉靖三  
十四年山西利民堡馬房七等處獲功官軍李瓚等二百人四  
十年傳佐山吳泉嶺等處李約中等一百十人陝西延綏固原  
工所等處陣亡被傷官軍賀延受等三十九人各陞賞優恤如  
例○丙子 上幸南苑先是左右有言南海子之勝者 上欣  
然欲觀是日 駕至則荒莽阻濕宮館不治 上亦悔之遽命  
還蹕○丁丑命聽勘巡撫延綏等處都察院右僉都御史王遠  
以原職巡撫宣府贊理軍務陞大理寺左少卿李邦珍為都察  
院右僉都御史巡撫河南○陞吏科都給事中王治為大僕寺  
少卿○戊寅京師地震禮部尚書高儀等請令百官修省青衣

角帶辦事三日仍勸上親賢遠佞勤政講學以佚欲為深戒以勵精為遠圖誥諭歸之彌文崇文修之實政上曰災變非常委宜知做事闕朕躬者當自加慎爾等百司其痛加修省勉盡職業毋事虛文○是日永平府樂亭縣遼東寧遠衛遵化順義等縣山東登州府同日地震樂亭地裂二所各長三丈餘黑水涌出寧遠城崩○己卯陞大理寺右少卿王諍為本寺左少卿南京太常寺少卿丘禪為大理寺右少卿○發太倉銀一萬兩于寧夏修邊○四川烏蒙府土官阿琦天全招討使司土舍高玉等廣西太平府頭目黃猛龍英州官族趙福等各貢馬宴賞如例

明穆宗莊皇帝實錄卷之十九

隆慶二年四月庚辰朔孟夏享太廟○鑄給太倉管理銀庫  
主事關防及整理定造等處兵備監法道關防各一○授茅一  
甲進士羅萬化為翰林院修撰黃應翔趙志舉為編修○陞陝  
西行太僕寺卿梁明翰為陝西布政使司右叅政○命神振營  
伍茅村軍著都指揮僉事全璋充神振營練勇叅將原任河南  
都司僉書著都指揮僉事馬乾協同僉書中都留守司事○陞  
涼州備禦指揮同知胡立家山西生營中軍指揮使曰福等復  
備禦指揮僉事曰高壩俱著都指揮僉事主家充延汝遊擊將  
軍福僉書山西都司事尚壩僉書陝西都司事○辛巳陞山西  
按察司副使郭斗為四川布政使司右叅政○戶部覆御史王  
廷瞻奏勲戚莊曰請乞太監或本宗已絕為吳姓所冒或身後

浸長為勢家所奪使國家浸恤之典為奸宄射利之資甚無謂也直于初給時酌為定數不得過分仍限以世次庶為裁減其無宗無爵者悉歸之官至於各衛屯田必擇衛官之賢者使任其事有司直繼得併覈其勦惰仍以屯田充贖分為三等以行勦戒得旨如議其初成初給莊田令部臣酌擬則數臨時奏請

○湖廣撫按官劉懋等言承天有元佑宮故玄妙觀也自陶仲文詣易名石以為祝延 聖壽之所而高士劉永德因奏乞供養之曰歲入千七百餘金又此 題慶興即例使有司李為估修撫按歲為奏報借擬不經無過於款請進奪入官徵具租以供漢江築堤之費戶部覆奏報可○壬午陞陝西按察司副使姜子羔為陝西行太僕寺卿○先是 上令內承運庫太監崔敏以戶部銀六萬兩賞金一萬兩進用戶部尚書馬森等言

皇上知太倉之積不足以供餼故去內庫報買金甚感心也  
茅黃金產自雲南所出有限歲額不過二千尚多通者至於商  
人尤難前辦先帝時曾買金二千日積月累僅能足數不能  
足色尋詔停止以此金暫貯太倉分欵於數日之內即滿一萬  
之數臣竊知具不能請先進見貯太倉者督雲南布政司亟進  
事例以供上用又祖宗時御札皆司禮監傳之閣臣轉示  
各部既無司禮監徑傳者更望陛下率由舊章以示崇重命  
令之意得旨報內且不必發取見在至進用○癸未陞吏部考  
功司郎中劉一儒為南京太常寺少卿○以冊立東宮恩陞  
大學士陳以勤弟以勳後正子嗣修禮部尚書殿士德子誥  
趙貞吉子為柱史部左侍郎王本固子邦獻戶部左侍郎徐泰  
正孫登禧諱大初子學翰禮部右侍郎萬士和子春兵部左侍

印曹邦輔子鑰右侍郎諱論弟鏐曹亨子守中刑部左侍郎洪  
朝暹子統右侍郎鄭世威子應晚都察院左副都御史都應龍  
子紹芳何繼相子崇亨通政使李一元籍太常寺卿陳紹臨子  
弘家順天府府尹徐寅元子有佩太常寺卿徐璠子肇蔭光祿  
寺卿趙錦子溥卿俱國子生○陝河南布政使司左叅議李淑  
為山西按察司副使○詹吏部尚書楊博子俊臣為國子生以  
博總督宣大山西時邊功也○河南懷慶南陽汝寧等府陝西  
寧夏衛同日地震○甲申慶成王知嫌以年老請以長孫慎鍾  
管理有事從之仍賜慎鍾初○南京戶科給事中岑用賓初南  
京國子監司業金達不職當罷得旨令達供職如故○萬全都  
司大風雷兩雹空中有赤黑二雲如闕○乙酉改南京太僕寺  
少卿李除春為太僕寺少卿陞工科左給事中李臺為陝西按

察司副使浙江道監察御史王崧舜為河南布政使司左叅議  
○陞鎮遠城守備指揮僉事李澄清著都指揮僉事充神機營  
佐擊將軍○御史王漸周詠勳上嘉靖三十九年九月虜伏大  
同拒門等堡入掠山西廣武城等處前總兵俞大猷等十四人  
功宜重賞總兵劉漢等罪宜按問副總兵趙奇等四十五人功  
罪相贖指揮麻詒等三人功不掩罪兵部覆請得旨大猷等賞  
銀二十兩詒等奪俸二月漢等下御史問 陝西鳳翔平涼西  
安慶陽等府地震千里傾壞城堡傷人畜甚衆○丙戌文學士  
徐階以疾在告 上遣太監阮官於視賜猪羊酒米等物階疏  
謝既而引疾乞休 上曰卿德望優隆練達政體安攘大計方  
賴贊襄豈可引疾求退宜俱加調攝痊可即出輔政不允辭○  
華新平等堡管叅將事為事官麻祿任以宣府遊擊將軍麻貴



充秦將代孫羊大同副總兵趙伯勳任聽詔以平虜賊秦將麻  
錦充副總兵代伯勳大同八衛遊擊將軍張剛充秦將代錦從  
大同巡撫劉祐舉劾也○丁亥陞河南按察司僉事姜國華為  
陝西布政使司右叅議○戊子戶部覆直隸蘇州府知府蔡國  
熙奏又運白糧如內官監白熟細米每石加耗米一斗供用  
白熟粳米酒醋局白熟糯米及景汝汪三王府祿米俱如內官  
監白熟粳米例每石加耗米五升至於舖墊等費每石酌議銀  
三分與光祿寺祿米倉白糙糧一體遵收上納者不得藉口妄  
濫監收者不得越例需求其糧長包攬之弊下撫臣嚴禁得旨  
允行○御史周詠奏上宣府鎮修邊工成兵部議請加賞上  
命賞前總首王之誥總兵孫吳原任巡撫張志孝副使廖逢節  
等銀幣有差○己丑廢故死事福建漳平縣知縣贈光祿寺少

卿魏文瑞子希翁為國子生。○陞吏科左給事中鄭大經為本科都給事中。戶科右給事中顧弘潞刑科右給事中管大勳俱左給事中。吏科給事中楊振為右給事中。弘潞大勳工科樞兵科。○先是貴州地隆汗等寨苗戾龍力水等聚衆圍掠執邑梅上舍楊正且等去。總兵石邦憲率兵勦之。誅力水等。其苗龍老略等窘急請降。上命賚邦憲及巡撫都御史杜拯副使張任等銀兩。有左。○庚寅改贈故太子太保刑部尚書林俊為少保。蔭其孫及祖為國子生。俊在。先朝以尚書請老。加太子太保致仕。及邗錄詔下。吏部誤引尚書贈例。加太子少保。至是其孫及祖以請部。覆改贈。并如例錄。蔭乃有是命。○辛卯。蔭台州府知事武晞子尚冕為國子生。初。倭寇犯苗巖。時晞死。事子尚賓。已蔭。尋舉于鄉。故以尚冕補之。○工部覆南京給事中張應治

等奏南京司禮監神帛室制帛往時以齋醮加贈乃餉募人位  
派徵工銀以佐一時之急今齋醮既革制帛既減不當仍舊徵  
派且以為神帛室工匠自嘉靖二十四年以後增設不保舊額  
者宜行裁革工價未做在官者成蠲除之不得重用小民紊亂  
舊制 上是之○壬戌 孝懿皇后忌辰 神霄殿行祭禮遣  
德平伯李勣祭 陵園○以冊立 東宮詔諭朝鮮命翰林院  
檢討成憲為工使禮科右給事中王璽為副使○總督沃西三  
邊侍郎王崇古請蠲寧夏一鎮屯糧添發內帑優延綏遠餉本  
色其二鎮主客兵餉寧夏宜改撥准監延綏宜加撥監引并減  
折武職俸俸如宗藩例事下戶部以屯糧不可蠲內帑已有  
年例不能增給及二鎮引監武官俸俸之數皆不可行第請以  
太倉未發年例銀二十餘萬補給該鎮兵餉具西夏延綏蠲派

延綏種草俱改本色立法鴉運元文 上從部議○陞黃花鎮  
守備指揮僉事韓崇為署都指揮僉事充宣府入衛遊擊將軍  
○點後軍都督府僉書署都督僉事徐玘開任初玘為總兵時  
以宣府右衛守備失事及私罪惡屢為御史所論尋以勳功疏  
上得陞今職最後巡按御史劉翔劾之下法司違問法司  
奏玘罪在失職然功足相掩他所犯亦在赦前乃命革任開任  
○癸巳陞河南衛指揮府知府張昇為陝西按察司副使廣西按  
察司僉事車誦為陝西苑馬寺少卿戶部郎中楊應粟為貴州  
按察司僉事○延綏等鎮總兵為軍官趙奇等出塞捕虜斬首  
六十七級軍間命賞總督王宗古銀三千兩絲幣一束重慶奇  
祖職與巡撫李尚智石茂華各賞銀二千兩○甲午兵部覆巡  
撫甘肅都御史石茂華條陳邊事一言逆將之弊核于開虜巧

于避法而使者勦驗往往甚其血戰之功按其獲傷之罪即以  
敵戰致敗者亦復生之是敵之規避也宜令軍中有能推虜鋒  
者即亡夫勿論能拒之境以者雖無斬馘即錄之與斬馘同庶  
可以作違人之氣一言今遣兵敵戰有功者率被虜來歸之人  
不即習戰陣稱家丁者以其識虜情偽又經歷險苦不畏鋒鏑  
也宜別為一營每月加糧五斗汰冗軍以贖之件為軍士之備  
一言蒞浪日肅咽喉衝疲特是見在馬軍不過五六百人何以  
禦敵請勿遣涼莊遊兵留聽參將統領其日肅遊兵營西寧衛  
軍宜簡其精銳以一百三人補涼莊之缺以百人益蒞浪參將  
仍於蒞浪衛召募壯軍以補原額一言嘉峪關石關兗野麻灣  
等處關門墻塹之屬歲久就圯宜行修築一言各墩夜不收例  
給毛襖取價於伏西布政司今墩臺哨卒皆已增多愈不能給

宜令所司加派仍督發崇歲之逋者 上皆允行之○乙未命  
給慶都伯杜繼宗德平伯李銘國安伯陳景行錦衣衛都指揮  
僉事李偉莊曰各七百兩○車日廟總兵劉承業任及原任涼  
州副總兵張弼桑將朱清朱勛等俱下御史問以總督王崇古  
奏具贓罪不職也○先是嘉靖甲子廣東潮州府柘林兵亂攻  
省城故掠是衆守臣擒之立是御史王同道劾上功次 上命  
賞提督兩廣侍郎吳桂芳前總兵官蔡叻侯吳繼爵銀二十兩  
綵幣一束裏前總兵俞大猷等各十兩○補廢改四川梁山縣  
主簿時植孫任先為國子生以植初死事具于寵已廢而沒也  
○丙申詔修理禁門城樓及疏濬御河工科給事中劉繼文言  
今財力絀乏違務方履不宜與不急之作以滋勞擾工部亦  
為言 上乃命會同內官監酌量緩急次第修理○以天氣暄

熟臨刑部都察院及錦木衛軍日應台者釋免汝流以下減  
等發落重囚情可矜疑及枷號者以名聞于吏刑部先後奏上  
釋減徒杖者四十有六人免枷號者十有四人宥死罪充軍者  
十有七人釋者一人 陞環慶守備指揮知知杜龍為著都指  
揮僉事充寧夏遊擊將軍○丁酉大學士徐階以疾壅疏求退  
上曰卿才德素裕精力未衰朕眷倚方隆豈可辱疏求退宜  
即出輔理不允辭○福建巡按御史王宗載言本省荔枝等料  
每年餉派腳價三千三百九十餘兩自嘉靖四十三年增銀六  
百三十餘兩而甲丁二庫銀味等料大約不過五十兩後增至一  
萬八千九百九十餘兩黃白蠟木折色初止一萬四千餘斤後  
增至四十倍以上富如詔裁革又言嘉靖初年每丁石徵料鈔  
銀八分歲有餘積貯監鈔網銀并於料鈔反用嘉靖十七年議

以監鈔銅銀方行做派每丁石止做料鈔銀六分今料鈔仍加至八分而監鈔銅銀不與宜量行減免戶部議以為凡坐派國課發加於民政民必驚疑至於治襲已久則民亦習服且時異勢殊不得盡援嘉靖初年之例請於福建所解黃蠟仍加派一萬四千二百斤白蠟亦加派一萬斤黃蠟自額定本色送庫之外每斤做銀二錢白蠟置改折色每斤做銀四錢計八萬餘兩俱解太倉而白蠟於三年之後仍改本色六千斤供內庫用其米品牲口加派銀三萬有奇亦解太倉為遺餉甲丁二庫銀錢等料皆內庫會數斟酌坐派者難以改易上是部臣言○命固原遊擊將軍吳嵩充延綏中路秦將陞貴州思石寺傳指揮同知馬性著都指揮僉事查書雲南都司事○楊順死獄中○戊戌山西蒲州榮河河津等處地震○己亥陞寧夏副總兵署



都指揮僉事楊真遼湯副總兵者都指揮僉事楊曰長劉鎮砥  
武營副總兵者都指揮僉事李昂俱著都指揮僉事充鎮守總  
兵官真甘肅四長昌平勇保定○庚子詔復韓襄陵王融焚原  
祿融焚初與韓定王訐奏削祿米三之二至是歸世孫胡鉞言  
其社門省愆者已十五年宜加原宥賜還全祿戶部覆請從之  
○命武給晉有輔國將軍聰洵母李氏俊柳妻秦人崔氏秦有鎮國將軍  
廷明妻淑人劉氏鎮國中尉俊柳妻秦人崔氏秦有鎮國將軍  
融燦夫人趙氏各養贖米五十石○陝西按察司副使夏斌  
為太僕寺少卿山西按察司僉事武廷邦為湖廣布政使司右  
參議○巡按廣東御史王同道勳上嘉靖四十三年以來廣東  
官兵勦英德等處山賊斬首一千四百九十三級具列諸臣宜  
實者以聞兵部覆奏得旨歷從督而廣侍神吳桂芳巡撫南贛

都御史吳百朋各一子為國子生總兵吳繼爵一子錦承衛所  
鎮撫使總兵俞大猷祖職一級泰將蔡汝蘭副千戶王如澄守  
海寧等指揮陳璘各實職一級指揮楊峰等署職一級賞泰政  
享佑等報有差既而繼爵以無子辭座 上允之加太子少保  
○孫遼來降矣及招回被虜人口功陞總兵王治道祖職一級  
副總兵楊四畏等官一級與巡撫魏學曾發賞有差○ 上遣  
中官尚文至大學士徐階第賜諭曰朕見卿累疏奏辭豈可以  
小疾合朕求退早出輔政不負望為階上疏陳謝乃起視事○  
贈故都察院左都御史張永明為太子少保賜諡莊僖○發太  
倉銀凡萬於山西三關為客兵餉○四川撫臣言信州武陽驛  
去州遠宜改附彭山縣青神縣道衝糧少不能給馳傳宜草率  
門驛而以具資協助浹暖大龍會川黎溪已松四驛具驛丞可

裁省之近衛百戶無之報可○陞日州倂架指揮僉事王紹勳  
為署都指揮僉事充回原遊擊將軍○以虜患免徽直隸撫寧  
衛陞慶二年軍器料銀○壬寅贈故吏部右侍郎王道為禮部  
尚書賜謚文定及南京兵部尚書湛若水謚文簡賜故太僕寺  
卿李舜臣祭茶如例○癸卯陞浙江道御史王漸為陝西按察  
司副使○以南京東安門四倉移附便成橋倉并裁革官備六  
名從總督而種都御史游震得詣也○甲辰命石叵營遊擊將  
軍署都指揮僉事蔡劬充振武營參將○乙巳復原任廷綬總  
兵為事官趙奇為署都督僉事充總兵官孫守大同等處管險  
山參將事副總兵李成梁充協守兗陽副總兵蘭清泰將張德  
充協守寧夏副總兵○巡撫寧夏都御史朱爰條陳邊事一言  
遣將多貪婪怯懦避罪冒功宜慎加選擇其起自降虜者必累

主奇功乃得推擢勿使驥遠一言本鎮監引邇來多配浙監又  
單去工本商人苦于支不樂赴造請增淮監七八萬引以補  
工本之數一言平虜城孤懸河外三面隣胡故當事者常議增  
兵三千今自挑送入衛外存者纔四五百人目宜留入衛卒而  
募兵以充之仍給太僕馬千匹以備戰守一請督民修築鎮城  
南北屯堡全增早倍薄一請取巡正二營家丁汰閱之更選千  
人以作勇敢一言各邊止練馬軍不練步軍非馬步相兼之意  
欲團結各營步兵練之疏下戶部以淮監蓋已派邊無可增給  
請發太倉銀二萬一千二百餘兩抵補工本增入軍例兵部亦  
以入衛兵不可猝罷第令運募三千人防守太僕發馬價聚萬  
兩給之其他皆如反議上從之○命廣西府師宗州故土官  
同知瓊安海氏暫襲祖職○國子監生郭西請收養其父希

顏訢之布預初傳旨四方具首真南昌天寧寺至是乃得收葬  
云○丙午 上御皇極殿傳制遣使持節冊封四川成都左衛  
鹿黎史喜女史氏為蜀王妃兵馬副指揮楊增女楊氏為蜀府  
汶川王妃周府新會康惠王庶長子恆極為新會王歸府岷山  
崇康王嫡長子漢琬為岷山王夫人劉氏為岷山王妃寧遠恭  
懿王嫡長子漢琬為寧遠王夫人黃氏為寧遠王妃晉府河東  
崇懿王嫡長子新瓚為河東王妃人劉氏為河東王妃魯府鄒  
平恭靖王嫡長子胤在為鄒平王夫人劉氏為鄒平王妃鄭王  
厚烷庶弟四子載陞為崇德王兵馬副指揮楊珂女楊氏為岷  
府廣濟王妃河南府學生負蔡臣女蔡氏為方城王妃江西建  
昌府民王鼎女王氏為益府銅陵王妃○補陞故都察院右都  
御史俞球孫希范南京吏部尚書張潤孫和基俱國子生○陞

竇嘉靖三十八年崇明縣三沙堡獲功官兵張祚等三十七人○丁未以冊立東宮恩蔭總督三邊軍務兵部右侍郎王崇古子益巡撫山東右副都御史姜廷頤子性巡撫山西右副都御史楊巍子爾士巡撫鳳陽右副都御史方應子成巡撫河南右副都御史戴才子紹科俱國子生○先是虜犯清河等處不滿數百人我兵千餘不能禦虜得利去獨指揮李登正千戶孟守仁微有斬獲御史楊允中言狀并請按守堡指揮梁國歧等罪 上命竇登守仁銀十兩下國歧等御史逮治以聞○隸廷綏招附降虜功實總兵趙奇等銀有差○戊申論嘉靖四十年倭夷犯溫州等處功罪命賞副千戶張震報十兩等指揮同知蕭懋忠等二十二人降一月下鎮撫歸期等三十二人御史問○命遼東遊擊將軍鄒承恩克遼東險山泰將延綏遊擊將軍

戶部祖氏西關清泰將神祇管伍掣將軍王廷充石匣管伍掣  
將軍○太監滕祥等疏將工部召買川漆廣土漆雲母石等物  
科舊例三年一題者均為三分令一歲一題以濟急用工部言  
故事三年額辦計銀九千四百餘兩有奇今三分之十例無害  
羊川漆等料之外又加熟金漆水花珠額外徵索積之三歲數  
與額辦三分之一相等是三年之內暗增一兩絀乏之時安可  
責辦惟上加意節省稍寬民力得旨均派銀兩以隆慶二年  
為始送監應用○翰林常集堡旗竿有火光○己酉巡撫應天  
都御史林潤劾上御史董克封所奏又董出允優免事宜其略  
言蘇常等有田地已經丈量止按冊清理松江等府未經丈量  
者已屬良有司董其事定有日矣所謂官籍大戶自免者蓋於  
各水次增設倉廩種五十石以上者每年如則上倉官為驗收

後運軍至時官為交兌是潛卒無久候之費而糧長免包賠之  
患也所謂優免者如張承養言每畝以三升為率糧以品免田  
以糧免法亦甚平而品級之中亦非墾論以京朝外任相參其  
致仕閒住與見任等監生生員吏典人等更加斟酌又丁田有  
多寡田畝有饒瘠具應免之內當以丁田相准每丁一名准糧  
一石止及其身無墾庇其族人官田二畝准民田一畝山蕩四  
畝准民田一畝皆以實徵種冊為率戶部覆請從之



穆宗莊皇帝實錄卷之十九

明穆宗莊皇帝實錄卷之二十

隆慶二年五月庚戌朔陞浙江按察司副使李攀龍為浙江布政使司左叅政○命宣府副總兵署都督僉事董一奎充總兵官鎮守延綏等處○山西太原府永寧州任塔山崩○辛亥戶部奏內府甲丁二庫布疋顏料初運本色其後折價買辦而有司不行督解輒移借太倉且物料非京師所產其價自倍糜費損課莫甚于此請出產地地方以後仍供本色其積欠代買之數務嚴徵抵補濟邊上是之○先是廣西泗城州獠夷黃豹黃牙等據貴州程番府麻嚮大革等司時出鹵掠官軍剿之豹等遁去至是巡撫都御史杜種等條上善後事宜一言程番夷俗獷悍難于控攝而近設通判止寄空銜供事會省宜及軍平添設通判令駐該府責以撫夷捕盜一言程番等十三司舊有應

捕土兵三百七十人選委土官二員為小巡捕聽本府經歷提調歲久廢弛宜查復原額聽新設通判提調一言廬山本官等司里沒於二獮寨戶逃徙今派移漸復宜遣官撫卹蠲三年之征一言程番府烏羅互廬山二十五里係者貢翁忙等寨四通賊路舊有金筑司交馬一哨以寇亂廢道梗不行宜令本司土舍修設給以近田免其雜徭一言黃氏族繁聲勢相倚諸土司多與連姻借兵報讐屢有此起乞行禁約自今婚姻毋越境有與獮締婚者以重論兵部上其議上允行之○總督劄遵保定都御史譚綸上疏言今之某虜事者皆曰乘障曰設險然計薊昌十區之地東西二千餘里見卒不滿十萬而老弱且半又分隸於諸將之手散布於二千餘里之間率畫地數又而守一軍虜數以十餘萬衆攻我一面眾寡強弱遠不相侔欲虜勢不

張不可得也故言者亟請練兵意亦慮此然臣以為遊兵破虜  
誠為制禦長策而行之有四難四難不去練之策終不可行也  
夫虜之長技在騎而我制之非車不可顧虜入動十餘萬而吾  
即以車戰不過三萬人且此三萬人非有見伍勢不得不召募  
召募之兵與尺籍軍異尺籍之軍無論老少強弱餼廩豐給優  
恤備至調遣即有行糧草料召募之兵非強壯不入選既無素  
養之恩有疾輒汰又無歸老之計既以車戰亦無馬料自非酌  
擬尺籍軍之食而稍優之必不樂從計三萬人宜各月給銀一  
兩五錢歲費五十四萬可農告瘠是一難也燕趙之士雖多慷  
慨自函朔以來銳氣盡矣非募吳越習戰卒萬二千人雜教之  
事必無成此萬二千人者臣與戚繼光召之可立至用之可立  
效教成之後留之實邊可使從者半散之歸農可立遣無後憂

而時方疑其用之不可止散之不可南虞其有他是尚以臣與  
繼光不可信夫不能信矣尚能任之專哉此二難也軍旅之事  
務在威嚴書不用命戮於社予則孛戮汝燕趙之人素驕驟見  
軍法不無大駭且去京師近流言易生徒令忠智之士掣肘廢  
功且釀他患是三難也我兵素未當虜戰而勝之虜不心服能  
再破之乃終身創矣第慮忌嫉易生不能戮力再舉奇禍或至  
此四難也臣熟思之不如姑就薊鎮見兵講求戰守之策除叅  
障應援者皆如改昌平總兵所轄兵亦就彼訓練如改若臣標  
下兵二枝振武營遊兵一枝順天巡撫標下兵一枝遵化遊兵  
一枝薊鎮總兵標下兵二枝又聽臣於大名井陘二兵備道遵  
民兵一技調真定遊擊下民兵一技真定府等府遊官舍及各  
路防秋民兵中選一技共為十技每技務足三十人若尚不足

又聽臣於十路稍緩策應兵中選取以足其數可得兵三萬人  
列爲三營營分爲三軍一營駐密雲一營駐遵化各用叅將一  
員遊擊一員一營駐三屯營中軍屬于總兵郭琥左右二軍仍  
用叅將遊擊各一員如法訓練專備禦戰仍付戚繼光以總理  
薊遼保定等處練兵總兵官之職而命巡撫劉應節專任提調  
臣實總督之每遇春秋兩防三營之兵各移近邊密雲營屬密  
雲兵備副使遵化營屬永平兵備參事三屯營屬薊州兵備叅  
政各隨營監督而臣與應節繼光往來督勵小警自禦大入併  
力務各員嚮以戰遏之邊外此爲上策萬一乘桴潰入亦願  
陛下少違罪誅聽臣寺決一死戰收桑榆之功亦不失爲中策  
若先事不能禦後事不能戰掩取微功苟圖塞責是爲無策臣  
寺罪安逃哉又言中國長技無如火器欲練兵三萬必得烏銃

千三千人爲銜鋒而勒習邊人非邊之一年不可令防秋期迫  
請選取浙兵三千人以濟一時之急期以三年俟邊軍既練乃  
遣願留者聽惟 陛下財擇䟽下兵部主論議請命繼光仍以  
著都督同知總理薊昌保定練兵事務設鎮總副叅港等官凡  
受總督節制者并受繼光節制本官仍受總督節制府州縣官  
不得阻撓違者聽給叅奏處治給以勅書符驗閱防旗牌又請  
遣錦衣衛官二人往浙去募寧紹台溫金衢等處烏銃手三千  
人人給善器恤其家屬優其資用付杭嘉湖叅將胡守仁原任  
叅將李超將之而北無誤防秋至鎮之日人給衣鞋銀一兩日  
給銀五分費暫出太僕寺以後戶部更議其分立三營事令繼  
光會論熟計以聞得旨繼光以原職總理練兵事務秋防已邇  
所取南兵令巡撫趙孔昭責令守仁起選募督發不得違怠致

誤軍機各兵在途錦衣官稽督守仁寺嚴行鈐束所過不得騷擾其他悉如部議。士子陞湖廣漢陽府知府馬麟爲浙江按察司副使。廣西鎮安府土官岑緣遣人貢方物宴賚如例。晉府旌德王知熾薨。上親朝一日治喪葬如例。癸丑戶科給事中陳行健言京營馬匹倒損過半由料價太少宜比巡捕例月給銀八錢五分或以歷年扣存銀或以牧地子粒太僕椿明銀增給或汰其病損不堪者發賣收價又。祖宗時牧馬草場在薊州霸州固安新城雄縣香河寺處近爲勦戚奏討侵沒存者無幾宜視舊籍查復且民間種地一畝差徭租稅出其外增一分以充料價戶部覆請以太僕寺子粒及南北直隸草場歲租銀四萬三千六百餘兩近歸兵部者仍還戶部以備增



給料銀其變賣清查增稅諸事俱如行健等奏。上曰京營草場子粒徵解兵部已允宜仍舊餘皆允行。甲寅端午節免百官晏。陞原任山西布政使司左叅政宋岳爲山西按察司按察使致仕先是岳任叅政時虜攻汾州有守禦功尋以考察聞住至是以例請故有是命。錦衣衛經歷牛應龍等以其父前考察爲民請比例移封吏部言條例所開除名等罪不係貪酷得奏請移封者所以廣錫類之仁若賊汙等罪卽遇赦宥仍行追奪者所以嚴賊吏之禁夫已授封者尚得追奪况未授封者乎自今內外官員有應封贈而其父以貪酷爲民者聽本部斟酌奏請許以原職冠帶聞住其後雖有封典不得槩及以滋冒濫得旨貪酷爲民者無論考察聞革皆不准封贈其以他事爲民者非遇大慶覃恩亦不許。陞順天府府尹徐貢元爲南京

大理寺卿。復原任大同中路恭將劉國晉都指揮僉事充副  
總兵協守宣府。○今南京五軍都督府僉書晉都指揮僉事許  
昭訓充神机營副將。○治薊鎮失事畢保定奇兵營都指揮吳  
光裕把總王命臣遊擊將軍胥進忠各論新提調義院口指揮  
莫偉提調界嶺口指揮徐從義恭摺張功遊擊將軍錢勝劉維  
先等疾邊衛充軍。○丙辰 孝宗敬皇帝忌辰 奉先殿行奉  
禮。遣恩安伯張元善奉 泰陵。○四川壘溪蠻即二長官司遣  
人貢馬寶齎如例。○授推官龍先王損知縣陳邦顏俱給事中  
先吏科邦顏兵科預南京吏科行人周以敬李世臣姚先泮推  
官盛時選知縣李學道潘民揆李紹先俱監察御史以敬陝西  
道世臣廣東道時選山東道學道江西道民模福建道先泮南  
京山西道紹先南京廣西道。○戊午進錄欽新建伯王守仁平

宸濠功令世族伯爵先是嘉靖初守仁已授封會忌者媒孽其事異說紛然遂先削奪上即位始命江西撫按官勸覈功狀至是以問下吏部會廷臣議皆謂守仁戡定禍亂之功較之間國佐令特雖不同擬之靖遠威乎其績尤偉當特高忌者所抑大功未錄公議咸為不平今宜補給語彙令其子孫世世勿絕以彰朝廷激勸之公從之陞江西布政使司左布政仗冒三楊為順天府府尹○贈原任給事中潘大賓為太常寺少卿御史戴銑張曰蹈高世魁主事王漸遠各先釋寺少卿俱以郵錄息也○命宣城伯應祿勲銜衛國本元神樞營佐擊將軍浙江都司僉事署都指揮僉事王尚文先統嘉湖奉特陞遼東中國城備禦指揮僉事何宰尚晉都指揮僉事先遊擊特軍領薊鎮總兵擇兵固原遊擊署都指揮僉事張拱立先遊擊將軍統領

延綏入衛軍宣府蔚州城守備高廷齡仍充馬事官管遼東廣寧遊擊將軍事。詔以刑部贓贖銀送戶部濟遼者爲例。點吳江縣知縣鄒傑爲民以巡撫都御史謝登之劾其私餽并發其奸贓不法事也。己未 太祖高皇帝忌辰 奉先敘行祭禮。改巡撫貴州都察院右僉都御史嚴清巡撫四川。旌表節婦四人湖廣鄖縣監生鄧仁妻王氏河南扶溝縣民張玩妻劉氏貴州前衛生員林之桂妻朱氏河南太康縣民劉諶妻李氏。庚申遣太常寺官祭都城隍之神及漢前將軍漢壽亭侯。陞陝西布政使司右布政使馮惟訥爲江西左布政使。辛酉 仁宗昭皇帝忌辰遣武進伯朱永勲祭 獻陵。總督陝西三邊侍郎王崇古奏上延平甘肅四鎮春防官軍出邊補新虜首一百一十三級會延綏總兵趙奇守及巡撫李尚智守前

已實錄乃命賁寧夏總兵雷龍巡撫都御史朱及銀各二十兩。先是倭夷犯溫州原任廣東按察司僉事王德率鄉兵禦之。賊圍府城德率兵出戰復兵不繼死于賊。事聞詔贈太僕寺少卿立祠廕一子世祿溫州衛百戶。至是其妻復以例請得旨改其子為錦衣衛百戶。壬戌命四川壘溪長官司土官郝伯什職。陞禮部精膳司郎中查志立為河南按察司副使。發銀二萬兩于延綏修邊。巡撫山西都御史楊巍奏本省驛遞歲徵站糧銀三十四萬四百餘兩除支用外尚存十萬餘兩請量蠲站糧四分之一以示優卹即以見存者抵數戶部以站銀之徵不闕白本部疑有濫派混冒之弊請查覈舊籍以行改正其餘銀以抵石州被虜地方稅糧并三閩蠲半之數有旨該省歲徵錢糧撫按官從實查數以聞。改陝西北路遊擊將軍駐

靖虜衛從總督侍郎王崇古請也。癸亥以卜祀 方澤告  
太廟請 太祖高皇帝配。陞應天府府丞史朝賓爲南京鴻  
臚寺卿光祿寺卿趙錦爲都察院右副都御史巡撫貴州兼督  
湖北川東等處軍務。南京戶部尚書劉體乾條上六事一各  
倉閩防不嚴虧耗殊多宜令甲斗諸役均數賠補典守官攢抵  
罪一貯庫各閩鈔料茶引此倉折席贓罰歲又易于乾沒宜令  
科道官查刷芫庫舊止主事一員宜如太倉例每十日輪郎中  
一員協同收發一衙門歇家書皂因緣爲奸宜酌量汰革犯者  
如議單遣戍一杭州北新淮安揚州各鈔閩宜比南閩例給賜  
閩防勅書其司局寺官俱聽各閩定賢否以備考察一都稅司  
折鈔銀僅一百一十兩而官措巡攔俸糧工食歲費反不下四  
百餘兩應議裁革一各衛首管地及沒官房稅一千二百餘兩

歲久侵沒並宜查覈徵解戶部議從其言因請徵杭州北新關  
買鈔餘銀接濟邊餉其他存留以備修理諸費及游擊九江臨  
清河西務并給閔防勅書惟都稅課司費多入少疑有侵匿不  
當議能得旨賊贖修理如近例行鈔閔宿弊多端其司府州縣  
隱匿錢糧亦不止稅課一事戶部及工部各設法釐革清查條  
議以聞。甲子賜皇帝四子名翊鏐命禮部登識玉牒。藩府  
永年王理封薨。上輟朝一日治喪葬如例。命陝西行都司  
僉書署都指揮僉事張承業爲署都指揮僉事僉書山東都司  
事。丙寅。上親祭。地于。方澤。丁卯吏部覆太常寺少  
卿武金奏京師天下根本而兩京府尹京縣知縣又守令之最  
重且要者故府尹寺官宜慎選人俟積有年勞徑陞戶部侍郎  
職銜仍攝府事三年以上仍斟酌舊例施行其宛平大興江寧

上元知縣于進士舉人內相兼選補如聲望顯著一體行取選授科道得旨如議行。戊辰以冊立東宮恩廢南京吏部尚書吳巖子淵工部右侍郎江治子楨都察院右都御史林雲同子諧太常寺卿袁洪愈子一鶚應天府府尹畢鏘子士涯太僕寺卿徐應子大祈爲國子生。巡視薊遼等處兵部左侍郎兼都察院右僉都御史王之誥以疾乞休得旨准回籍調理。肅定王妃吳氏奏以孫肅懷王無嗣請令定王姪管府事輔國將軍縉續承襲王爵仍賜給丁土以供祭膳禮部覆言宗藩封爵莫重于親王往者縉續請封先帝宸斷謂越世無相繼之理威命昭然孰敢違越宜令縉續安分守職毋得輒假王妃名再三瀆請上曰皇考宸斷倫理明正縉續不准繼襲但將該府衛所等項一切裁革同于犯罪國除恐非先帝意且惇睦



之道不如此其再議以請于是禮部又言繕墳既為將軍則與親王統體自別衛所所以衛親王也不容僭踰肅王及世子金寶非將軍所宜用自當奏繳或量摘衛丁以資耕牧土田之用而王祀所受金冊容其身終奏繳則朝廷悼睦之仁裁制之義庶幾兩盡從之。發銀二萬四千五百兩給密雲班軍行糧。南京戶部言故事鑄錢工費取解蘆課今蘆課不足所費缸料銀亦復不貲亦行停造工部請從其議因請屬巡江御史及管洲主事清覈蘆洲隱占者徵其課銀解送該部上從之令嚴行查勘勢豪阻撓請託者具劾以聞。己巳錄薊鎮李家莊榛棘崖等處斬獲功陞賞官軍李朝等九百六十五人如例。賜原任山西巡撫都御史趙時春祭時春陝西平涼人嘉靖五年進士選庶吉士授兵部主事九年以建言革職二十九年薦授

兵部主事歷僉事副使巡撫山西被劾去官隆慶元年復薦起未及用卒于家時春爲人沉毅慷慨敢于任事又習騎射有將略時重其才都御史王崇古爲請祭葬部議時春四品未考滿以軍功特與祭一壇。庚午兵部言山西一鎮舊以大同爲藩籬警備差少自嘉靖壬寅失事之後大同棄墻不守遂與虜鄰三關邊陲皆虜必犯之地矣然鎮城尚在內地虜必糾合諸部乃敢深入故在閩南則憂大舉備老一帶迫近虜巢居常則有游騎出入之苦遇冬又有套虜履冰之備故在閩外則慮零寇今寧武在忻代偏奇之中既有總兵官駐之東西有警便于策應至如老營堡遊擊宜移駐馬站河曲守備宜改爲叅將駐灰溝營水泉營防守宜改爲守備以便防禦其募軍買馬費請發太僕銀萬五千兩給之上報可。先是胡濙爲光祿寺丞侵

冒官徵銀四百兩爲巡視戶科給事中楊光繩所劾膏誣奏乞  
絕毀訛玄修 先帝怒下乞繩獄論死而膏請四川重慶府通  
判稍遷同知尋以贓敗至是戶科都給事中李用敬追論其奸  
詔下御史逮問膏論斬前所假冒銀還官沒入其田宅服器都  
察院上其獄得旨如擬。辛未輟經筵日講。命兵部右侍郎  
冀綵兼都察院右僉都御史巡視山西宣大薊遼保定等處邊  
務。提督四夷館太常寺少卿武奎上言種馬之設專爲孳生  
備用今備用馬既已別貨則種馬可遂省且種馬有編審之害  
有雜役之害有點視之害有歲例之害有交兌之害有輪養之  
害有倍償之害重之以官吏之需索里甲之影射民日益窮沿  
襲至今滋弊尤甚乞命兵部驗計每年應解之馬若干某省若  
于某州縣若干俱照原數買馬按季查解如備用馬已足二萬

則令每馬折價三十兩輸太僕寺遇各邊缺馬分發估買一馬折價可買戰馬二匹不必加賦而馬數自倍且令各府州縣取前所養無用之種馬盡賣以輸兵部如一馬定價十兩則直隸河南山東十三府可得銀一百二十萬其草料令各府州縣每馬折銀二兩計又得銀二十四萬夫戰馬之數解俵之丁不更舊制而邊餉獲急用之資百姓免無窮之害足國裕民無喻于此疏下兵部議于是御史謝廷傑言孳生種馬乃祖宗舊職軍機所係但當修法以除弊不當因弊而廢法萬一有警無可調發將誰歸金議非是兵部主廷傑議亦言金議不可行上獨可金奏謂備用馬久已買俵種馬徒存虛名百姓乃受實害始革其半以甦民困合行事宜兵部覆議以聞已而兵部言明旨賣種馬之半其半尚存猶資民牧而養馬者費多折稅者

費少恐有不均之歎宜下南北直隸山東河南及兩京太僕寺  
令變賣其半每馬價銀十兩徵收草料銀二兩如金言其存留  
之馬戶爲正頭變賣之馬戶爲幫頭養馬則輪流折徵則攤派  
庶惠澤均而法可經久上從之。甲戌陞湖廣按察司僉事  
王應顯爲湖廣布政使司右叅議。命狼山把總著都指揮僉  
事徐正僉書浙江都司事陞玉泉營守備指揮同知田勳爲署  
都指揮僉事僉書陝西行都司事。戶部浙江司火下郎中林  
喬相寺法司究問。乙亥復原任大同東路叅將劉繼先著都  
指揮僉事充山西河曲縣叅將。宥謫戍失事總兵官許經罪  
令充爲事官管理大同中路右叅將事。丙子先是欽降織造  
花樣四函令工部行南京供應機房照式督造及遣官費送至  
則莫有主者工部以聞請令南京織染局太監劉安并任其事

上仍命太監趙珍往工部復言玠取回未幾復命之出是詔令不信也且該庫既知供應機房無人不以奏請而漫令臣等費送此其志欲復遣官而說設計策以欺 陛下其于 聖德國體所損不細惟 陛下幸從臣等言 上曰原樣發自御前何與該庫且爾等初言供應無人茲已遣官何為煩瀆其令玠遵旨亟去工科都給事中孫枝亦請從部議弗許已而兵科給事中陳邦類言爲者 陛下下方下修葺之詔而中官織造之命一月兩出部臣以職掌止之而不聽拜臣以封駁靜之而不回如此而上下變報名爲修省者亦彌文耳應天之責惟在惠民臣願 陛下亟罷玠遣母重困元元以益 天怒 上罪其抗旨瀆擾奪俸兩月○丁丑禮部以四方災異奏報墮至請行內外諸臣痛加修省仍令總督撫按官各條上地方利弊關軍國

大計者以測得音修者如例○宣城伯衛守正卒賜祭葬如例  
○命廣西都司掌印署都指揮僉事王倫乞請誥等處左叅將  
○戊寅兵科都給事中張鹵言通者諸臣會議欲遣巡邊大臣  
臣以為人情責任在己可以成勇往之功鈴轄多門實以資推  
諉之便今既以各兵備為不足憑而備以巡撫以巡撫為不足  
憑而備以總督今又以總督為不足憑而再起巡邊大臣之議  
恐自今邊臣所觀望阻格萬一時過患成竟亦何補如向者虜  
方深入兵部左侍郎遲岷翔曾奉命以往於時邊鎮皆苟且塞  
責無益于事今復命總督劉燾王之誥項之誥以病辭仍以冀  
鍊代之臣竊以為巡邊大臣可勿遣第以邊務專責總督便吏  
部覆如鹵言上從之乃嚴燾鍊弗遣○陞刑部陝西司郎中  
陳忠翰為河南按察司副使陝西慶陽府知府黃澄為山東按

察司副使○命歲給西鄂王府故奉國將軍褒煥淑人王氏汝  
陽王府故奉國將軍勤則叔人魏氏永寧王府奉國將軍勤瓊  
淑人趙氏各養贍米五十石○發太僕馬價銀萬五千兩給寧  
夏



明穆宗莊皇帝實錄卷之二十

明穆宗莊皇帝實錄卷之二十一

隆慶二年六月己卯朔吏部覆給事中鄭大絳奏一廣銓除言  
適增制額凡為守令計宜多選州縣其歲貢一途類多衰老止  
以佐貳等職授之一重遴選言諸邊郡邑繁簡不一成稱難治  
宜選進士之年資強銳志行純實者除補以儲他日兵備督撫  
之選行取推陞必首及之庶豪傑之士興起一惟調移言數易  
守令則下不安自今有應調者宜止於旁郡近邑毋輒易以滋  
煩擾一省繁文言守令當日理民事今往往承選在外以佐貳  
教職著之而有司伏謁迎送妨廢職業宜一切禁止一嚴舉劾  
言舉劾以風勵百官疏辭宜直書實事明白簡當無拘多寡貴  
在精確從之○鑄給寧海王府教授印○貴州撫按官杜恆王  
時舉言湖廣沅靖二州平溪清浪偏橋鎮遠銅鼓五開六衛四

川西陽播州永寧三土司皆去省城甚遠而貴州無制亦不便  
宜專隸貴州又各省會城府縣并置而貴州獨闕軍民訟謀徭  
役諸事皆委之三司首領兩衛指揮及宣慰司官類多不諳政  
體宜移程番府入省城其貴竹長官司所轄皆派萬子孫與夷  
民不同于代司長官庭布印誅削已久尚無所屬宜改為二縣  
附之程番為便章下兵部請以分割川湖州衛亭下川湖撫按  
官議其他皆如所請從之○工部條上釐革清理錢糧六事一  
版稅一局稅一軍器一旣疋一麻鐵一葦地大畧言杭荆二版  
蘆溝橋等局漏稅甚多有欺隱抵換包攬侵剋等弊自今版稅  
責成主事督同該府佐二官親自驗收互相稽察局稅責成視  
御史及各主事查盤估計如法抽分軍器旣疋麻鐵多薄惡不  
堪有柱數歲不解者有司怠緩解官侵盜往往有之宜嚴飭所

司如式製造及依期督發順天河間二府葺地為豪右所占逋  
課日積宜令屯田御史及管河郎中清查原額占者還官逋者  
追解水所衝沒悉蠲除之 上是其議令所在撫按官及原管  
御史郎中等嚴行清理以聞○庚辰遣刑部主事卜相往北直  
隸閩內主事戴瀛往北直隸閩外主事陳文謨往南直隸江南  
主事胡心得往南直隸江北密決重囚○辛巳改太僕寺卿靳  
學顏為光祿寺卿○選進士徐顯卿陳于陞林一桂沈一貫李  
長春韓世能賈三近王家屏沈位田一儂朱賡沈懋孝張位李  
熙林景暘徐秋鶚張道明邵陞何維禔李維楨郭莊王喬桂劉  
東呈于慎行范謙張書李學一習孔教劉應麒鄭國仕三十人  
為翰林院庶吉士命管唐事府事禮部尚書魚翰林院學士嚴  
士儼趙貞吉管教習○壬午錄嘉靖三十九年九月山西崞縣

泊子村等處獲功死事官軍任秉公等六百七十三人陞賞如  
例○裁半分守揚州叅將先是巡撫都御史方應言如臯東接  
通州已有狼山副總兵西接秦州又有海防兵備道且其地僻  
小苦于屯兵宜半揚州叅將之在如臯者而以鳳陽軍門中軍  
都司駐守揚州兵部議便故有是命○癸未補蔭原任南京禮  
部尚書王崇慶孫懋應為國子生以崇慶子田已蔭而歿也○  
錄綏黑山子崖等處獲功死事官軍汪弼等三百三十六人延  
綏境外戴家寺大沙梁等處獲功死事官軍薛芳等四十八人  
陞賞如例○甲申山西樂昌王克燠奏祿糧積負數多貧不能  
存乞撥兩淮殘沒鹽引救贖戶部言國家鹽引專以濟邊屢經  
建白宗藩不得奏討惟有代州庫貯鹽銀可以借支得旨准給  
一萬兩○錄嘉靖四十一年山西老營堡長林等處獲功死事

官軍劉冒武等二百人陞賞如例○御史馬明謨奏請清理班  
匠以補原額折解軍器以圖實用嚴督解官以釐宿弊其言解  
官之弊率以科取侵盜不能操束解戶互相容隱或以考察去  
輒回京原籍道遠日久未易聞提解戶因緣為奸至莫可詰即  
禁治家屬無益于事非設法追捉無以懲宿弊正國法工部覆  
奏上是之令所在巡按御史嚴行提究完解其逃回原籍不  
服拘提者具以名聞遣官校逮治○乙酉總理河道漕運工部  
尚書兼都察院右副都御史朱衡以疾乞休不允○丙戌陞太  
僕寺少卿董傳策為本寺卿○發銀二十三萬於宣府大同永  
平密雲薊州昌平糧買米歲糧草○丁亥命定國公徐文辟臨  
淮侯李庭竹彰武伯楊炳各兼都督府事文辟後府庭竹左  
府炳右府○命福建行都司僉書著都指揮僉事錢鳳翔掌廣

西都司事。○戊子御史趙春奏河東運司積欠消折鹽一百三十餘萬引，撈補無期，乞將虛數蠲豁。戶部覆：鹽池乃天地自然之利，不勞人力所為，但採辦在鹽丁，而及時催督在司耳。臣查數十年前本地鹽課額數充足，自嘉靖三十六年始開次歲撈補之例，遂致人心怠玩，每遇鹽花春結，非愛其力，即營其私，遷延至秋，盛夏風雨解散，則幸有新例可援，指以藉口。有司不能催督於先，而輒為奏免於後，逆矣積邇，舊數請如議蠲豁，宜行鹽運有司，此後當乘時撈採，如法苦蓋，仍將採辦實數按時計月上報。巡鹽憲臣以憑稽查，視勤惰遲速為賢否，嚴最待有該司官吏。巡鹽御史速問查奏，撈辦苦蓋稽察事宜，俱令從實舉行。○朝鮮國王李暉遣陪臣丁應斗進方物，馬足表謝，賜謚，帑賻安春如例。○廣西泗城州土官岑紹勳遣人入貢方物，宴

奏如例○太監趙珍請議處織造工料銀兩工部言洪應錢糧  
部臣自當措處不必倉皇請給宜令會同南京戶工二部及科  
道估計且南京去蕪杭不遠物價工力宜與太監李佑一體病  
革宿弊得旨會佑并革弊俱遵勅行事應用錢糧工部即行南  
京該部處給不得遲誤○己丑以陝西地震命巡撫都御史張  
祉告祭西嶽華山西鎮吳山之神○庚寅陞刑科都給事中朱  
繪為應天府府丞○發銀一十六萬八千兩於宣府二十九萬  
兩於大同一萬三千三百兩於山西補民運蠲數及預備軍需  
○辛卯陞山東道御史董堯封為太僕寺少卿○禮科都給事  
何起鳳奏陝西西安府縣地震經月壓傷人民甚衆乞賜賑恤  
○上曰地震重大所在被災人民朕深惻念賑濟一事戶部議  
處以聞于是戶部奏以本有織造羨餘銀八千八百三十兩并



預備倉糧利無賑濟得旨撫按官須要用得人給散有法俾小  
民得霑實惠○巡按廣西御史朱炳如初奏請江王長子任昌  
滋縱虐民不法事上命降勅戒諭其撥置人犯下御史逮問  
以聞○壬辰勅四川僉事錢千儕山東運使俞文榮致仕湖廣  
副使姜廷瑤調用以御史張問明劾其不職也○癸巳遣中官  
祭中霤之神○南京兵科給事中徐尚等初奏南京團子監司  
業金達不職得旨令達致仕○命勳衛李言恭王學詩管理紅  
盔將軍○陞浙東運糧把總指揮僉事孟鉞廣西慶遠守備指  
揮僉事田義甘肅古浪操守指揮僉事王守中俱署都指揮僉  
事僉書行都司事鉞湖廣義福建守中陝西○總督薊遼侍郎  
譚綸條上分立三營事宜請於薊昌十路練兵三萬人列為三  
大營以遵化永平遊兵二枝合巡撫標兵一枝為遵化一營巡

撫都御史劉應節提督之以建昌遊兵一枝合鎮守標兵二枝  
為三屯一營鎮守總兵官郭琬提督之以振武石匣二營合總  
督標兵二枝為密雲一營練兵都督戚繼光提督之各以兵備  
監督其遵化三屯二營仍聽繼光往來總理而悉受制於總督  
不得矛盾同異富春秋兩防之時各屯要地如永平一區有警  
則遵化一營禦之三屯出二哨應之密雲出一哨應之薊州一  
區有警則三屯一營禦之遵化出二哨應之密雲出一哨應之  
密雲一區有警則密雲一營禦之三屯出二哨應之遵化出一  
哨應之兵皆塚牆為戰以拒虜不入為上功其或一面失守致  
虜潰入則合三營之兵併力奮擊務收全捷又言薊鎮補練主  
兵將以罷調客兵今行之已踰十年主兵竟不能充客兵終不  
可罷何者任之未專而行之未實也今宜責之臣綸與繼光使

得專任其事勿使巡按巡閱御史攙與其間俟三年補練有成然後遣官閱視補得主一二枝卽罷調客兵一枝補得主兵一萬卽罷調客兵五千責任既專功效自著比之頻年補練迄無成績不可同日而語矣疏入報可已而巡撫都御史劉應節言薊昌十路惟永平一區最為單弱宜厚集兵力以圖固守不當以其去京稍遠而秦越視之以臣愚計宜於振武營改設副總兵一員駐劄密雲統領總督標下各營兵馬建昌營改設總兵一員就彼駐劄統領鎮巡標下各營兵馬以聽總理者往來督率訓練庶聲勢相聯而於體統亦無所紊上曰練兵乃禦虜要務督撫官宜協力幹理以副朝廷委任應節所言分營訓練與譚綸原議不同未見有同心為國之義秋防暮近其令會議詳確并議處舊額兵馬以聞○甲午陞貴州石阡府知府王管

為遼東行太僕寺卿廣西桂林府知府張諧為山東都轉運使  
仗司運使○鐸隆慶元年九月薊鎮李家庄等處凡事官軍吳  
求直等一千五百四十七人命陞襲擢賞如例○乙未 睿宗  
獻皇帝忌辰 奉先殿行祭禮○陞兵部武選司郎中陳觀為  
湖廣按察司副使○發銀一十四萬五千九百兩於荊州永平  
密雲昌平易州補民運餉半之數○遷撫陝西都御史張社奏  
本省藩祿邊餉匱缺請將事例度牒稅契路引罰贖等銀六萬  
七千一百餘兩存用再發帑銀補之戶部覆補給如議第全陝  
稅糧額數計一百九十二萬九千五百六十六石今這報冊籍  
虧舊額二十餘萬宜令撫官查覈 上以該省錢糧去額數多  
命撫臣嚴督各司道官清查具奏如遲玩及聞報不明者戶部  
并該科叅治○詔停差真定抽本內臣歲令府佐領之時太監

李芳以災異頻仍奏先年差官侵漁宿弊及諸府管解之苦請以明幸為始勿遣內臣抽印止委府佐仍以抽過未抵易銀濟邊工部是其議故有是命○寧夏衛地震○火星犯太微西垣右執法○丙申陞雲南布政使司右叅政徐杖為雲南按察司按察使○命署都指揮僉事神機營佐擊將軍張棋為本營練勇叅將五軍營坐營朱士燦為神樞營佐擊將軍原任大同靈丘叅將李勲為五軍營遊擊將軍延綏遊擊將軍王國武為寧夏東路叅將○丁酉陞禮科給事中顧私潞為刑科都給事中史科右給事中嚴用和為本科左給事中工科給事中劉繼文為戶科右給事中○改山東按察司僉事周怡為南京幽子監司業○發太倉銀三萬一千五百五十兩為遼東軍餉○命嚴給故內江王母夫人楊氏妃林氏養贍米九十石○戊戌陞四

川按察司副使莫如善為雲南布政使司右叅政○己亥詹南  
京吏部右侍郎瞿景淳子汝稷為國子生以三年秩滿也○陞  
直隸河間府同知李可久為山東按察司僉事○庚子陞戶部  
郎中解明瑞為四川按察司副使○補詹故兵部右侍郎鄭綱  
孫如喬為國子生以其子光廷已詹而歿也○邯陽巡撫都御  
史孫應鰲言及今纂修實錄宜勅六部將嘉靖四十五年間  
見行事例詳加采輯送史館編彙以續大明會典之後禮部覆  
言會典已經續修至嘉靖二十八年進呈先帝未蒙刊布宜  
命輔臣俟實錄完日將二十八年以後事例彙輯成書以垂  
一代之典上是之○陞陝西軍門標下千總指揮使楊經為  
署都指揮僉事充延綏遊擊將軍○發太僕寺寄養馬七百匹  
免給薊鎮遵化遊兵○辛丑頒雲南四夷車里宣慰等司陞慶

辛卯金牌勘合十道○命宣府雲州守備為官李鳳克神機營  
佐擊將軍○癸卯兵部覆選按御史劉翔奏前鎮秋防事宜一  
議信地謂督撫總兵分路修守非設官初意彼此矛盾何以成  
功宜申明無轄之長仗功罪無所推諉一議箭夷謂撫責箭夷  
本責其捍敵邇來陽順陰逆莫可窟詰宜稍加宸賞毋事姑息  
其或執殺哨夜樵採必暴其罪責令自贖以示恩威并用一議  
修守謂薊東燕石二路邊垣低薄宜令春秋兩防客主兵一體  
分工修築一議添練請編馬戶本役徵價使報社丁一人為軍  
其餘或免大戶或免商人或免重差咸令報一丁為子弟兵可  
得兵一二萬人一議始戰謂南兵初至未可決戰宜養威蓄銳  
以待可用一議衛負謂衛所掌印管事官官選用才俊如本衛  
乏才即於附近衛所調用才如文官委署之例 上曰汝等謂

信地既分督撫注意各異乃巡撫所分燕石二路邊工至今廢  
弛去秋虜犯界嶺口巡撫不赴防守何也今若不行專責將來  
愈相推諉坐視其仍分信地遇有功罪以分守者首論策應者  
為次馬戶抽丁之議不准行餘皆如擬○甲辰 孝莊睿皇后  
忌辰 末先殿行祭禮遣武定侯郭大誠祭 裕陵○工部尚  
書雷禮以病乞休不允○乙巳簡汰錦衣衛冗濫員役三百五  
十九人○丙午 孝穆皇后忌辰遣彭城伯張熊祭 茂陵○  
發太僕寺寄養馬一百二十九匹免給大同入棚遊兵○丁未  
詔給薊鎮製造戰車火器銀四萬六千五百兩有奇及軍器火  
器從總督譚綸請也



明穆宗莊皇帝實錄卷之二十一終

大明穆宗莊皇帝實錄卷之二十二

隆慶二年七月戊申朔。孟秋享太廟。貴州小平伐長官司木瓜麻響大華三長司金筑安撫司四川沐川長官司羅番金石二長官司洪番盧番二長官司各遣人來朝進馬賞賚如例。巡按直隸御史劉紹巡視山海關御史孫代言近都御史譚綸獻議。欲以練兵事專責之總督。不令臣等與聞。夫臣等既受命閱視。則兵之練否。所宜糾察。而綸果於自用。逆折人口。惟上加裁定。於是兵部都察院覆言。補練責之總督。所以重事權。閱視聽之憲臣。所以稽實效。彼此各不相妨。宜令協恭和衷。共濟國事。而綸與戚繼光必稍寬以文法。迺得自展。上然之。命兵事悉以付綸。御史每歲一巡視<sup>三</sup>。五歲一報功。其餘將官並聽舉劾如故。己酉。上諭輔臣秋防屆期。不知各邊已有備。

否去歲失事邊臣朕悉從寬宥今內外官多言悞事者卿等宜示兵部申飭譚綸等今後務期實心共濟不得仍蹈前非縱虜得志違者必寘之重典不貸○陝西鴟子坪等番族人盛列等二百餘人來貢馬及方物賞賚如例○盜入廣東廣州城劫庫殺傷官軍撫按官以聞命劄伸威兵備副使張子弘俸二月下指揮高勳等御史問○兵部覆巡撫順天府都御史劉應節條陳薊鎮備守事宜其一議經費請給兵部馬價銀一萬九千兩工部料價銀一萬五千兩及所餘備邊銀四千兩脩理順天永平所屬諸處城堡其一議俗禦請於灤州順義等一十二州縣并各衙所特設守禦將官仍錄用廢將陳保等十三人責其後效其一議收保請設法聯屬邊鎮居民預申收保之令以待賊從之○庚戌 命原任總督延綬等處邊務兵部左侍郎劉燾

添註本部左侍郎佐理部事壽引疾辭不允。○工部尚書雷禮上疏乞休不允。○陞廣東廣州學慶等處勦蠻寇獲功陣亡官軍郭汝瓊等九十二人。○辛亥 仁孝文皇后忌辰 奉先殿行祭禮遣英國公張溶祭 長陵。○大學士陳以勤以疾乞假調理 上遣太醫院官診視賜米饌藥物。○勅刑部左侍郎洪朝選錦衣衛指揮僉事程堯相勘問遼王憲焞罪狀朝選辭行因疏請河南布政司右叅議董文棠山東按察司副使吳道直與俱從之。○陞賞遼東前屯三道溝等處獲功陣亡官軍一百四十人長寧堡獲功陣亡官軍七十八人遼陽城堡等處獲功陣亡官軍石奎等七十三人廣東英德乳源等處獲功陣亡官軍易彪等七十七人。○壬子 命撫寧侯朱岳弟同襲爵。○御史馬明謨條陳四事一嚴徵賦之期二覈扣存之數三重侵冒

之罰四復屯田之舊戶部覆四事俱當如議屯鹽之法今日所以寢不如初者蓋祖宗朝廷邊徭振舉虜不敢深入民得盡力於南畝而富商因得以私財募人開墾塞下輸納鹽糧當時公私饒富不藉內帑而給實由于此今諸邊歲歲苦虜塞下既無可耕之田而饒商又無可糴之粟當事者乃議發帑銀開餘鹽以佐之于是屯政迄今不可復而鹽引滋滯矣夫京師天下根本內帑國計所關以天下供京師其勢順以內帑供四方其勢逆以復屯田之利誠為永久之圖也近以專勅重臣分理其事宜申飭之務底成績使地利盡而商賈通則邊餉有裨而國儲可裕矣得旨依擬行。癸丑。陞實遼東一堵牆等處獲功陣亡官軍孟守仁等八十二人。甲寅。總理山西等處屯鹽右副都御史唐繼祿以疾乞假歸許之。復故錦衣衛正

千戶李拱宸沈欽廬永昌原職三人俱 世宗朝以議禮謫戍者也。○乙卯 孝康敬皇后忌辰 奉先殿行祭禮遣豐城侯李儒祭 秦陵。○廣西田州土官岑大祿遣人來朝貢方物賞賚如例。○南京戶科給事中張應治等以災異頻仍條陳脩弭七議一勤政二親賢三立信四足兵食五平寇盜六復軍儲七察幽枉大要謂天心仁愛人君脩德禳災不當專責臣下而前三議勸 上革內批罷遊幸召選織造內臣語甚切直 上意頗不懌第下其章於所司已而復謂兵部不當題覆切責之。○發太倉銀一萬八千二百五十兩大同贖軍。○慶城王府庶人表打與其姪奉國將軍知從相仇使其子知塘謀殺知從之子新塢知從亦病死撫按官以聞 上以知塘手刃宗姪勅令自盡表打主使發高牆禁住弟知爵與謀奪祿米三月。○丙辰。

發京營兵一枝守通州從巡按御史周禧請也。○內使許義生  
拔及嚇人財物事發巡視中城御史李學道不候奏題遂執而  
笞之其黨皆忿恨不平是日朝罷有內使百餘人突出走至左  
掖門外猝學道衆中奮挺毆之踣地百官相顧錯愕。上聞之  
大怒命錦衣衛執內使十餘人至東上門杖為首者一百發烟  
瘴地充軍餘各杖六十發。孝陵衛充軍學道亦以擅笞內侍  
不諳事體調外任。○丁巳。○陞大理寺右寺丞凌儒為都察院  
右僉都御史總理山西等處屯鹽。贈故太常寺卿管國子監  
祭酒事胡正蒙禮部右侍郎廕其子承烈為國子監生。錄。上  
在潛邸時講讀舊勞也。○以。恩詔廕南京禮部右侍郎呂調  
陽男興周南京兵部右侍郎吳百朋男大纘為國子監生。○陞  
直隸河間府同知任彬為山東按察司僉事整飭寧前兵備。○

戊午○授山西布政司承差杜埏朔州生員李春艷俱為所鎮  
撫軍門聽用仍各賞銀三十兩經春艷久沒虜中至是經審約  
板升版人李自馨等率眾來降會事泄不果經脫身自詣春艷  
亦請得邊外地圖以歸摠督侍郎陳其學等言其效順可嘉故  
有是 命○乙未○陞陝西按察司按察使沈應時為山東布  
政司右布政使貴州布政司右叅議馬出國為四川按察司副  
使整飭松潘等處兵備○庚申○兵部尚書霍冀自劾求罷不  
允先是戶科給事中張齊因災異建言秋防重大 皇上宜召  
見九卿令各陳禦虜之策若才識疎庸言語支吾者即非實心  
為國宜令自陳引退於是冀跪言臣才不足以匡時望不足以  
服眾慮非其據措置乖方矧時值秋防虜情叵測屢屢 皇上  
九重之憂而臣愚無有絲髮之效其才識疎庸蓋不待召問而



後知也乞早賜罷斥別選賢才以代茲任疏入上曰大臣去

留候朕召問之日自有處分不必遽先自陳其用心供職以副

委任○山西澤州陵川縣地裂長三十餘步○陞江西布政司

左叅政曹全為陝西按察使刑部員外郎楊自治為雲南按察

司僉事○戶科都給事中魏時亮言今天下有大患藩祿不給

也邊餉不支也公私告匱也藩封有一時教養之計創立宗學

教之禮讓祿厚萬石千石能賑施貧宗以蠶書勞勉此一時計

也各宗聚居一城財力有限宜令就近散處或給沒入閒田使

之自耕代祿而花生監冒者則當重斥削之條優首告之實此

百世計也邊餉莫急于屯鹽近遣大臣經理事權雖重顧一人

而兼內外之事非惟地廣難周亦恐力分人諉當令專主塞下

久任而責成功庶幾有益今府庫空虛百姓困窮近議盡罷天

下貨財悉輸入內府以充旦夕之用銖兩不遺甚非地方之福也宜亟為停寢夫養民之責寄諸守令務要在勸農商以足食減雜行以清賦行錢法以生財重鄉約以勵俗嚴保甲以防亂而簿書獄訟及催科之巧拙不與焉邇來守令失人當事者議舉卓異之賞以昭激勸夫人才不甚相遠而此獨以卓異稱徒令賢者解體不肖者生心官風愈偽吏治漸虛率由於此但當重舉劾之典嚴連坐降罰之令則恤民足國無遺策矣戶部覆奏屯監專主塞下誠分造初意當久任如科臣言近來有司不務清賦而但徵撫字之名令奸人得以乾沒宜嚴其禁錢法屢行屢罷輦輟之下尚多阻格宜從民便不可強也卓異止當嚴名實之辨不當議革禮部亦履行其宗藩一事 上俱從之○壬戌○中元節遣定國公徐文壁玉田伯蔣榮成安伯郭應乾

安平伯方永裕分祭 長陵 獻陵 景陵 裕陵 茂陵  
泰陵 康陵 永陵 都督僉事沈至祭 景皇帝陵寢指揮  
僉事李鈺祭 孝懿皇后中官祭 恭讓章皇后及 廢后吳  
氏指揮同知王極祭 哀冲 莊敬二太子各陵園○陞河南  
道御史王好問為大理寺右寺丞○御史馬文煒奏兩淮餘鹽  
銀近多移借不便稽考請如舊規每歲定掣淮南六單淮北四  
單徵完則按季解部毋得多寡越數先後愆期庶出納明而弊  
端始革報可○癸亥○陞江西按察司副使方攸績本布政司  
左叅政湖廣按察司僉事林一斯為貴州布政司左叅議○總  
督京營戎政鎮遠侯顧寰以老疾乞解戎務不允○總督宣大  
山西都御史陳其學上言防秋事宜曰臣等伏見往時汾石之  
敗由各處擺邊官軍力分勢隔不能應援今議以西路叅將方

振等率兵駐水泉等處中路叅將王懷邦等率兵駐葭麥川等處北路叅將牛相等率兵駐馬蘭口堡等處東路叅將戴椿駐廣武城總兵謝朝恩駐陽方口居中調度中路有警東西二路應援東西二路有警中路應援以拒虜於外臣又見往時防秋內地兵馬盡出守邊以致虜得乘虛深入今議以汾州叅將駐永寧州太原叅將駐省城新設防河叅將駐灰溝營及分步軍班軍於要害之處使廢閒將官知兵者責以民兵一體團練以防虜於內臣又見往時虜一潰牆紀律盡廢各處調遣之兵皆錯愕狼顧莫敢當先者今議府州有警叅將方振不待調遣由間道直趨太原與錢棟合西川有警叅將戴椿不待調遣由間道直趨永寧與陳文範合又調各廢閒將領孫鎮等率敢戰家丁分布汾州寧鄉灵石平定等處當虜之前副總兵戴希舜率

各將兵隨賊向往逐虜之後繼兵謝朝恩調各遊守兵合為大營堵其隘口以擊之歸而督撫再調精兵一二枝駐應朔之間併力相扼勦截臣等今所為若此又奉廷議欲臣等凡平日所不敢言所不能行之事俱許據實條奏臣以為國家禦夷狄與盜賊異盜賊生發恐其蔓延其圖之也當急若北虜乃吾之敵也非吾之敵自古以來中國之敵也當知大勢大机所在長慮却顧務期萬世治安不可輕舉所謂大勢者京師是也所謂大机宣大是也往時邊臣有議復河套者不知漢唐都閔中以河套為急我朝都燕以宣大為重宣大者即漢唐之朔方也山西與大同東西聯亘本為一省大同苟有重兵虜必不敢越山西而東故宣大安則京師安矣今諸將中如馬芳趙奇謝朝恩三臣皆才勇可當一面而宣大山西每鎮正奇遊兵各不下萬人

誠令三臣得分練之寬其文法厚其犒賞則三鎮皆精兵矣兵部覆言其學策可用宜令三邊總督王崇古及總兵馬芳等會查宣大山西榆林四鎮兵馬之數并議抽選之法委任責成務實應用軍餉緩則奏請急則預借本鎮官糧具數抵補得旨如議行○甲子○戶科左給事中張齊上疏劾大學士徐階不職狀其略言階事 世宗皇帝十八年神仙土木皆階所贊成及 世宗崩乃手草遺詔歷數其過階與嚴嵩處十五年締交連姻曾無一言相忤及嚴氏敗卒背而攻之階為人臣不忠與人交不信大節已久虧矣比者各邊告急 皇上屢屢宣諭階畧不省聞惟務養交固寵擅作威福天下惟知有階不知有陛下臣謹昧死以聞 上曰徐階輔弼首臣忠誠體國朕所素鑒張齊輒敢肆意詆誣姑調外任用○命錦衣衛北鎮撫司

掌印指揮僉事譚宏僉書本衙事○乙丑 成祖文皇帝忌辰  
奉先殿行祭禮遣慶都伯杜繼宗祭 長陵○大學士徐階  
疏辨張齊論劾求罷曰臣奉職無狀致遭人言派員 天恩慚  
悚無地據齊所論除佞撰玄文雖前後同事不止臣一人然臣  
既不能獨辭何所逃責 永壽宮之燬臣因見 先帝宸居無  
所聖衷焦勞又係 成祖文皇帝舊宮孝子慈孫似宜脩復委  
實不能諫止亦無所遁罪其餘三端則於臣之職掌未合於臣  
之心事未亮於人臣之大義未明臣不容無辨古者宰相兼綜  
庶政自宋以兵屬樞密用兵机宜宰相已有不與聞者至 我  
朝革丞相設六卿兵事盡歸之兵部閣臣之職止是票擬亦猶  
科臣之職止是建白凡內外臣工疏論邊事觀其緩急擬請下  
部看詳及兵部題覆觀其當否擬請斷處間值事情重大擬旨

上請傳行蓋為閣臣者其職如此而已非若督撫等臣親臨邊塞幹理戡守之務也如齊所奏板井一節已經下部覆准施行而臣等恭遇 皇上登極之初擬上詔條先已及於招來去冬會議邊防又已申明其說中間行之力與不力乃在邊臣非臣等所能代為也今如齊奏必當使閣臣臨邊若宗祝之舍尊俎而代庖與斯則于臣之職掌未合者也輔臣草詔是謂代言前歲 先帝所頒遺詔草雖具于臣手然實代 先帝言也臣于時竊思禹湯罪己其興勃焉其下者如輪臺奉天之詔亦足以收人心快帝業遂不自量淺薄欲於文字之間成 先帝之盛德贊 皇上之新政是以有蓋愆成美端仗後賢等語實非敢彰 先帝之失也當遺詔之開讀也百姓萬民莫不感動啼哭頌 先帝之聖增遺弓之思此在 皇上可訪而知也然則臣



于先帝為毀歟為忠歟斯則于臣之心事未亮者也臣與嚴  
嵩同官其序在先其齒又長彼所行事臣安能盡與相違然中  
間勸諭調維固亦多矣其後事敗御史鄒應龍林潤等據公論  
以劾奏于外三法司錦衣衛按公法以議擬于中先帝秉公  
道以主張于上或親洒宸翰或親批章疏明日月而威雷  
震于時嵩父子之獲罪又何待臣攻之夫古者大義滅親誠以  
國家為重也推齊之意以為人臣者必當不顧君父而惟私友  
之是徇然後為君子長者之道歟斯則于人臣之大義未明者  
也臣淺才薄德無補明時嘗累疏求退矣茲益何顏立于百僚  
之首惟是職掌心事大義之所存不容不白故敢不避瀆煩披  
瀝止奏至若臣之官職伏乞聖明削奪以謝言者疏入上  
令即出視事不必再辭○陞戶部右侍郎劉自強為本部左侍

郎巡視浙江右副都御史趙孔昭為戶部右侍郎太常寺卿陳紹儒為南京刑部右侍郎。太僕寺少卿夏斌陳言六事。一曰修朝講之實言御門奏事宜擇重大言請。上親決講筵之後宜召大臣諮詢理道且令諫官隨入遇事陳規。二曰肅郊廟之儀言。上躬祀南北二郊宜警蹕清道及冠服御輦悉遵舊章以慰百官萬民之瞻仰。三曰慎燕息之容言退朝之暇宜靜閱書史考稽。祖制詳覽奏章以勤敬為安樂以怠荒為至戒。四曰隆心膂之託言宜親信輔臣勿為左右所間。五曰重耳目之寄言給事御史以言為職宜時賜優容養其敢言之氣。六曰專督撫之臣各邊督撫宜擇用才望素著曾經邊境者寬假文法從容以責其成功疏入報聞。○巡撫保定都御史溫如璋條上邊務一言。廣昌當蔚州之衝舊設叅將駐兵為紫荆關聲援後

移駐靈丘而紫荆失險宜復其甚一固閑叅將原駐井陘以道  
近易于赴援今徙居真定不便亦請復之一河南山東協濟真  
定兵餉不以時入又或為總司所借用無救軍士待哺之急欲  
亟令入之本鎮以裕秋防兵部議覆請自每歲防秋之月令靈  
丘叅將移駐廣昌固閑叅將遣遊兵備井陘事已各歸原戍其  
二省協濟軍需當如議趨納從之○丙寅○大學士徐階再上  
疏乞休 上許之特命馳驛遣行人護送以歸有司歲給人夫  
八名月給原米六石仍賜階勅諭曰卿自弱冠及第珥筆詞林  
博學宏才蔚有令望既服官中外勞績甚多乃受 先帝眷知  
擢居綸閣平章大政悉裕乃猷雖遭踈時艱善藏其用已而專  
司揆席獨運鈞衡斥伏庸回邦家以之寧謐屏除貪墨朝著罔  
而肅清迨 先帝升遐朕嗣大曆服卿乃宣揚遺 命與四海

以更新朔衛朕躬聽百官之繼己用光始政不替初忱凡論道  
經邦以安內攘外莫不殫竭心力曲盡纖微俾予一人垂拱之  
休皆卿十八載勸相之力方切倚毗共致升平而屢託微疴力  
求避位舉朝有勉留之疏在卿堅肥遁之情朕非不欲屬任老  
成而又不忍頃以機務特賜俞允因錫璽書命乘傳以言歸遣  
使臣而戒道仍歲給夫役八夫月餽官廩六石以示朕優眷之  
意於戲仲淹秉政清朝心懷天下之憂樂裴度投閒綠野身繫  
國家之重輕卿于二臣後先一致其尚加飡食保固精神暫尋  
洛社之盟行俟東山之召卿其勉承之哉故諭時大學士李春  
芳陳以勤張居正皆以階內閣首臣諳達政體力勸 上留階  
上謂階年高且求退再三故卒從所請故宴勞錫予之隆一  
如楊廷和故事稱優隆云○少傅兼太子太傅吏部尚書楊博

兵部尚書霍冀刑部尚書毛愷各上疏請留大學士徐階 上  
俱報聞已而都察院左都御史王廷遂發給事中張齊奸利事  
言齊前奉命賫軍宣大時有盜商楊四和者故與齊父棟相善  
入其賂數千金還為言恆邊商革餘蘓等數事皆窒礙難行為  
大學士徐階所格而四和見事不遂復抵齊父索金踪跡頗露  
齊內慙且恐得罪乃借以攻階為名黜亂無狀宜正刑典疏入  
上以齊既受財枉法令錦衣衛逮齊父子及諸疏內有名者  
送鎮撫司鞠實以聞○丁卯○福建巡撫都御史涂澤氏巡按  
御史王宗載劾奏行都司僉書署都指揮僉事傅應嘉賄縱海  
賊吳平罪當斬 上命卹其處僉官斬之○陞江西布政司左  
叅議陰武卿為本省按察司副使刑部著員外郎郭良為湖廣  
按察司僉事○吏部右侍郎林樹聲稱病不能赴任乞休致不

允○乙巳○復除浙江道御史王汝止于河南道○陞禮部主  
客司署郎中馮敏功為江西布政司左叅議○六科給事中鄭  
大經十三道御史郝杰等俱上疏請留大學士徐階 上俱報  
聞○繼督兩廣軍務兼巡撫廣西侍郎張瀚言政事兩廣止用  
督臣兼轄近因分設廣東巡撫而總督遂為虛位一切舉措皆  
不與聞猝有緩急恐彼此異同有妨安攘大計乞下兵部查做  
三邊事例一体申斥之報可○辛未○廣東盜曹一本以六月  
十一日寇省城拒傷官軍于赤灣等處殺聽調知縣劉師顏撫  
按以聞得旨切責總督張瀚令亟率鎮巡等官悉力勦賊以安  
地方總兵俞大猷郭成姑令住俸立功贖罪叅將魏宗瀚王如  
澄把總俞尚志朱相下巡按御史逮繫至京問○陞賞元年春  
甘肅境外千個沙獲功官軍三十四人○壬申○以遺詔錄廢

故都察院右副都御史孫繼魯男宙為國子生。○命原任巡撫陝西都察院右副都御史谷中虛巡撫浙江。○陞廣西左布政使陳慶為太常寺卿。○以恩詔廢總督兩廣兵部左侍郎張瀚。孫文偉巡撫江西右副都御史劉光濟男紹宗為國子生。○詔蠲蘇松常鎮四府近年移借工部料銀。以巡按御史譚啟言東南征賦繁重故也。○癸酉。○南京兵部尚書劉采言內臣進貢多用馬快船竊載私貨者宜加查禁。上從之。○甲戌。○陞廣西右布政使周倣為本司左布政使。○命福建都司掌印署都指揮僉事陳濠充督理廣州惠潮叅將福建都司僉書署都指揮僉事耿宗元充分守惠潮叅將福建遊擊將軍署都指揮僉事張元勳充福建分守南路叅將。○巡按直隸御史孫代言朝廷每歲發銀各邊糴買糧草其初止是招民出糴兩平貿易出

納既明法令且簡後失此意遂用商人奸狡者視為囊索殷富者畏如陷穽安邊足儲之計將為擾民蠹財之術矣其故始於價值之不敷繼于出納之不明而加以查盤之紛擾由是官民不相信而倚辦于商人其卒也商人又不得而苦于官橫之需索弊端叢起法令滋繁甚至一倉而盤之者數官一人而罪之者數處吏胥得以從中上下其手而公私俱病矣自今請立程限每歲定以秋初發銀秋中估價有司自行與民平糶十月之內各如數完報出納責之群倖查盤屬之順天巡按御史其有奸商黠吏舞文玩法者罪之得旨允行○乙亥○給皇親錦衣衛千戶杜繼祖養贍田七十頃○巡按直隸御史張檣上言大名真定二府計畝出糧以養馬而今復有馬地餘銀之徵蓋起于正德間為流氓之亂額外權立此名徵銀市馬其後遂因而



不革非經制也請悉蠲之 上命自嘉靖四十五年以前悉從蠲免下撫按官會勘餘地有無以聞○丙子○浙江台州府颶風大作海潮汎漲天台諸山水驟合衝入台州府城三日迺退溺死人民三萬餘口衝決田地一十五萬餘畝蕩析廬舍五萬餘區○山西平陽府絳州奏西北天裂自丑至寅乃合○廣西田州歸順州四川石砫安撫司各遣人貢馬賞費如例○陞湖廣布政司右叅政阮文中為南京太僕寺少卿○陞廣西按察司郭應聘為本司右布政使○丁丑○兵部覆巡撫大同都御史劉佑條奏一嚴防範以杜交通謂昔大同大邊二邊三邊禁堡軍毋得私下臺而比來此禁漸弛至有為虜內應者乞嚴其禁一明收以稽冒濫謂本鎮兵馬多有實亡名存者虛糜廩料請于給發之際清稽扣官召給土人以實軍伍一革搶兌以免

倒損謂邊軍強壯之馬家丁每遇征調得隨意選乘致多倒損  
今後凡補戰馬謂先家丁而後及軍士又計家丁每馬五匹許  
撥一老弱步軍代之收養庶得兩便從之○兵部議履大同總  
兵趙奇所言邊務十事一復鎮兵原餉謂本鎮軍舊有十三萬  
五千七百餘而今逃亡者五萬人分遣守哨者七萬人見存本  
鎮者僅一萬人數少不堪團練乞先勾補逃亡二萬人以圖戰  
守一請給戰馬謂本鎮馬舊額五萬四千五百餘匹而今合各  
路馬一萬九千二百餘匹可堪戰者止一千八百餘匹請發太  
僕寺馬價銀三萬兩聽其買補一重搗巢之功謂我軍既深入  
虜穴斬首宜計級陞賞而其幼小者亦宜給賞銀五十兩以鼓  
勇敢一請造火器如奇所製毒虎將軍三眼快槍者發工部銀  
一千七百餘兩聽市鐵造之一禁割戰亡首級謂官軍戰亡者

多被將官詐割首級邀賞而司道官勘報功罪多不親行故往往失實宜嚴為之禁一嚴賞將領自副總兵以下戒諭同心戮力聽主將號令一懸賞格謂破敵必用死士而賞薄不足以勸宜令守臣議處優賞一申養廉田土謂本鎮將官上自鎮守下至守備應有養廉地土草場宜悉分給如故 命如議行○詔以真定府隆慶二年木價給脩本府城垣從巡撫都御史溫如璋之請也

大明穆宗莊皇帝實錄

大明穆宗莊皇帝實錄卷之二十三

隆慶二年八月戊寅朔○裁太僕寺寄養馬七百七十匹充給寧夏諸路八衛遊擊王國等兵從總督薊遼侍郎譚綸請也○己卯○雲南叛酋鳳繼祖伏誅先是繼祖與尋甸土舍鄴琮爭襲叅政盧岐巖使使諭解不聽反執殺琮而兵圍武定府城不克還襲通判胡文顯周良卿等兵于鷄街子陸塊山僉事張澤死之知府周贊等率兵迎擊於法江渡亦敗瀾滄兵備副使楊守魯等乃大集土漢兵與賊遇于會江里州堡連戰破之賊潰走至青鷄羅山墜崖谷死者不可勝計官軍追反之因止壁淄筒河縱反間入賊中購以重賞於是賊黨者色遂斬繼祖首詣軍門降事聞上命賞巡撫雲南兵部尚書呂光洵巡撫四川都御史譚綸總兵沐朝弼右叅政陸綸等銀幣陞楊守魯一級

下夫事百戶任續等御史同餘各賞罰有差是役也計擒斬一千五百餘人破山東直勒等洞三十一處焚賊舍三千餘間招撫叛夷四百六十餘種而土官助戰效勞者祿紹先而下十餘部惟易門縣土官縣丞王一心陰與繼祖合約為內應會事露為百戶韓世賚弟生員世仕所擒與繼祖捷音先後列上 上仍命加賚先洵朝弼銀帶世仕送監讀書○給大同鎮軍廢甲一千副火器銀一千七百兩從總兵趙奇請也○庚辰○陞廣西右叅議莊應禎為按察使副使曹天祐為右叅政俱本省○陞賚宣府洗馬林逸外腦木崖等處搗巢殺功陣亡官軍二十一人○辛巳○禮科給事中何起鳴條上四川茶鹽二事謂保寧府一州三縣茶徵本色輸運甚艱宜如嘉靖舊例改徵折色或解藩司為賚番之費或解陝西備買馬之用所設甘州茶馬

司當為裁革川中鹽場舊定上中下三則納課邇來井塌丁逃  
舊者有販納之累新者有增課之擾宜酌出產厚薄以定課額  
招集壯丁廣開小井以補舊數而保寧重慶嘉定潼川夔州商  
人不利跋涉宜量增引票使之就近告納仍嚴立禁防使奸商  
不得影射官吏不得誅求得旨允行○壬午○陞順天府府丞  
顧存仁為大理寺右少卿○陞刑部郎中應存卓廣州府知府  
陳復升為按察司副使存卓廣西復升廣東○寧陽侯陳惟藩  
於嘉靖三十七年襲爵三十八年僉書左府三十九年考察閩  
住至是卒詔給墓具給祭二壇○戶部覆前御史孫以仁奏近  
都御史鄢懋卿議增餘鹽銀百餘萬兩追徵嚴急抄括無遺至  
借河工賑濟諸銀充數出納紛紛不使稽考自今請以年課銀  
定作一年起解不得那借其用存貯庫者仍行所司歲一報數

不必待查盤之期又兩淮豐利等三十鹽場地廣人稠宜悉藉鄉兵灶勇團結訓練以備非常所得私鹽即以畀之報可○南京戶部尚書劉體乾奏鳳陽陵寢重地九衛官軍不下四萬人今倉糧無一月之給宜下有司嚴徵通負管倉部官仍于每歲會計且報所入多寡以俟奏覈上從之○命神機營佐擊將軍署都指揮僉事楊鯉充神機營叅將原任副總兵管宣府柴溝堡叅將事都指揮同知佟登充神機營練勇叅將神機營佐擊將軍潘鳳翼充伍營叅將遼東都司僉書史簡充伍軍營遊擊將軍葛峪堡守備魏廷臣陞都指揮僉事充神機營佐擊將軍山西都司白福充神機營佐擊將軍原任分守南直隸揚州叅將陳彥充分守浙江台金嚴叅將福建坐營都司金科充福建遊擊將軍○癸未○開日講○錄嘉靖四十年浙江温州瑞

安縣梅頭長橋等處擒斬倭寇官兵陳大成等一千一百五十人四十三年征勦柘林哨叛兵及東莞縣白石海南柵海寇官兵周貴等六百七十八人各陞賞如例。乙酉 孝康教皇后忌辰 奉先殿行祭禮遣定國公徐文壁祭 泰陵。朝鮮國王李暲遣陪臣睦詹等來朝進馬及方物宴賚如例。勅莊浪土官指揮使魯東以都指揮統行事協守莊浪。丙戌。陞禮科都給事中何起鳴為順天府府丞。南京工部尚書徐養正戶部右侍郎趙孔昭各上疏引疾乞休不允。丁亥 孝慈高皇后忌辰 奉先殿行祭禮。命禮部尚書高儀祭先師孔子。戊子。祭 太社 太稷。御史蒙詔條上漕運十事一嚴催徵謂漕糧徵收開兌俱有定額載在議平至為詳備邇來漕政廢弛多因所在有司假撫字虛名而忽催科實政以致開



允愆期宜嚴行整飭一明賞罰謂漕卒糧完例有羨餘之賞運官效勞者亦宜量加獎賚而嚴需索之罰使人知勸懲一專責成謂兩浙新增都司官與把總戢守相閑臨事莫肯專任宜責都司以先期料理責把總以及時督率不得相伏誤事一議私兌謂浙直士夫近設自兌之法使之明犯禁令抑困漕軍不肯者既重以自恣而賢者又不獲全其令名宜仍舊官民公兌為便一足船數謂國初漕制每船不過正耗米四百七十二石遞來船數滋少或一艘并受七八百石而又益以私貨倍之致多敗溺宜盡數清補一增貢具謂隨船什物諸費皆責辦貧軍生虧正糧宜將存留米麥折銀給買以示寬恤一覈漂流謂議單載漂溺之法至為嚴密邇來通同妄報真偽莫辨宜令州縣正官親行水次驗實一清掛欠謂扣補掛欠之法以解淮糧折銀

及該衛軍糧充數那借多端奸弊叢起今宜明稽其數臨倉掛欠者如律問遣若係漂流止許將羨餘及本船官軍鬻產扣糧補之甚則稍借掣衛官軍一月二月之糧不得輕用准銀以滋侵尅一重氏運謂江南糧長之役有三害在家則苦催徵在途則苦逼勒抵京則苦完掣宜令京漕二解戶通融抵數互相代運為便裁未任徼輕舸不必拘以大號長船糧長各給小批俾得完報不致牽累一嚴部運謂部粮推避科索以致歲運失期積逋無筭宜選廉能吏督之而汰其不職者得旨允行仍以詔精勤任事陞俸一級。乙丑。○開經筵。○陞山西右叅議秦可大為副使山東僉事何榮為右叅議俱山西。○贈故叅將吳昂為都督僉事先是虜犯墻子嶺昂率家丁追戰敗沒事聞命給棺具以塋御火劉鞬言昂挺身殉寇畢命窮沙而為吏議所

性僅得薄賞是以軀命同于數命觀望賢於一元乞重加恤錄以勵邊臣故有是命○發太僕寺銀五千兩補給遼東都司官軍市馬○庚寅○命津泉叅將尹鳳掌都司事陞龍門所守備指揮同知洪國忠海州倭禦指揮同知劉恩浯把總署指揮僉事朱珏泗州守備指揮使狄從夏俱署都指揮僉事僉書都司事岷州守備指揮僉事張九功定海把總指揮李成立俱署都指揮僉事僉書行都司事珏成立福建國忠山西恩遼東九功陝西從夏浙江○辛卯○兵部議覆宣大山西總督陳其學等奏請優錄降人白春魏良相田汝光田淮王現等并議招降賞格以聞上命如議行其歸正人果有智勇諳虜情者令督撫官一体任用宣布朝廷恩信以廣招徠○初大同妖人丘富者入虜中教為城堡宮室布滿豐州川名曰板井以居中

國被虜亡命之衆入寇輒使為前驅鄉導邊民苦之 上即位之初 詔懸賞格降人應募者以千計而白春等五人已各有部落產畜饒富至是聞風各率衆來歸 上嘉之 命授附近衛百戶賞銀五十兩仍懸賞格於邊外凡被虜人能斬獻大酋首如俺達能率男婦五百名口三百名口來歸者悉如會題例陞賞外其五百名口者仍賞銀一百兩三百名口者仍賞銀七十兩若有率二百名口以上者授以千戶仍賞銀五十兩一百五十名口以上者授以副千戶仍賞銀四十兩一百名口以上者授以實授百戶仍賞銀三十兩五六十名以上者授以所鎮撫仍賞銀二十兩三二十名以上者授以冠帶總旗仍賞銀一十兩俱世襲十名以上者分別賞賚俱以過邊實數為則若能斬獲叛逆如趙全周元首級未獻者即授以都指揮僉事賞銀

一千兩或能殺害不及斬首自身投降未報者巡按御史覈實如前例陞賞其已歸降又能招誘降人者亦加陞賞若逆酋能自悔罪未降通有其罪仍授以指揮僉事賞銀五百兩再能率衆三二百名以上者授以指揮同知賞銀一千兩仍陞見任將官管軍管事各該承委招降墩哨人役果能率衆一起五十名口以上來降者量陞冠帶總旗百名口以上者授所鎮撫二百名口以上者授以實授百戶俱世襲軍後伴送降人至者每名賞銀五錢降人不問老幼男婦督撫行各原籍動支官銀分別查給為寧家之資仍復其身行之尤邊皆如例○命山東備倭把總署都指揮僉事秦嘉慶充神機營佐擊將軍宣府南路恭將署都指揮應朝宗充神機營佐擊將軍陞福建小埕把總署指揮僉事蔣伯清為署都指揮僉事充福建坐營都司○壬辰

○朝鮮國王李昞遣陪臣李捷等貢馬及方物入賀冊立 東  
宮宴賚如例○賜太僕寺少卿王凝父贈太常寺少卿王麟祭  
一壇給半葬以凝帝侍祔邨從其請也○陞賞隆慶元年鎮番  
大賊灘宗家墓等處獲功陣亡官杜卿等四十九人○陝西盜  
魏太清等率衆五百餘人行劫山西絳州及寧鄉太平縣等處  
地方拒傷官兵尋渡河遁去山西巡按御史宋練以聞因言山  
陝河南諸路比值歲凶民窮盜起恐漸不可長而在陝韓城宜  
川間嘗有為賊遁逃主者宜窮治之得 旨奪山西守巡河東  
道僉事吳一平平陽府巡捕同知趙世祖俸各一月絳州知州  
宋應昌下御史問仍令陝西撫按官員嚴責所司亟行勦捕并  
窮治窩主以靖地方○癸巳○遣太僕寺祭司馬之神○陞賞  
嘉靖四十六年福建漳浦龍溪等縣處擒斬倭寇官兵周大祖

三十七人。○甲午 東宮千秋令節免百官賀以 恩詔庶光  
祿寺卿所學顏男需為國子生。○陞兵科左給事中王之坦為  
都給事中吏科給事中龍光為右給事中之坦樞札科墾戶科  
光授吏科。○乙未。○遣戶部侍郎談太初祭 京都太倉之神  
○遣順天府官祭宋丞相文天祥太常寺官祭恭靖公姚廣孝  
○廣西太平府歸德州上下陳州土官各遣人貢馬賞賚如例  
○南京戶部尚書劉体乾條議鳳陽倉糧六事一蘇松常鎮舊  
派糧四萬有奇近漕司奏留該府兌軍而以淮安倉糧抵還為  
其轉輸均便今淮安全無徵解積欠至五十餘萬請查復此舊  
額為便一淮安舊徵本倉折色每石六錢昨議扣留一錢事出  
權宜當仍復舊數所借之銀令其陸續補還一高墻廩墾衣糧  
儒學師生俸廩自有正陽閔科稅及歲派存留以為常供乃今

悉仰給倉糧於名實無當請行改正一九衛停俸武戢舊不閑  
白倉場朦朧混支今後並宜查革一本倉米麥近以災傷改折  
者此後當復本色一管倉主事宜比漕司理刑給以閑防視  
京倉監收例滿三歲方得更代庶出入有稽人無玩愒 從之  
○先是湖廣撫按官奏革承祐宮住持沒入莊田八十七頃以  
備漢江脩堤之用已得 旨允行至是守備太監張克又奏稱  
前田以碑載億數乞留徵租進 御戶科執奏租銀以之進用  
于國用不加多以之築堤則拯萬民之溺而以保護 陵寢彼  
此輕重較然宜如撫按官議 上命遵前 旨聽有司徵收不  
得再行奏擾○丙申○雲南麗江軍民府土官木高遣人貢馬  
及方物宴賚如例○陞賞嘉靖三十八年寧台溫等處斬獲倭  
寇官兵唐鍾等六百六十五人四十五年廣東惠州府歸善縣



等處捕賊獲功戰亡官軍侯廷佐等六百七十七人○丁酉○  
秋分禮部請上親祭夜月于夕月壇上命英國公張溶代  
○乙亥憲宗純皇帝忌辰奉先殿行祭禮遣安平伯方永  
裕祭茂陵○庚子○降襄垣王府輔國中尉充焱充鮑昌化  
王府輔國中尉充煥俱為庶人間宅禁住以私出禁城為盜故  
也○清理屯鹽右僉都御史龐尚鵬劾奏淮楊巡鹽御史孫以  
仁侵匿鹽銀千餘兩得旨風憲官身自犯贓何以糾正官邪  
禁革奸弊以仁姑先褫職聽勘自今御史差滿當嚴加考察毋  
得濫令回道管事○辛丑賜淮府吉安王原鐸謚肅簡周府  
永寧王朝楨謚惠莊唐府衛禪王碩堧謚溫懿藩府稷山王胤  
柯謚昭靖○陞原任長安堡備禦署都指揮劉澐為署都指揮  
僉事充遼東領兵遊擊將軍○癸卯○復誠意伯劉世廷爵世

延既廢後南京科道官岑用賓等文章薦之世延亦上章訟過  
俱下吏部吏部集廷臣議謂世延先祖基有開國翊運功世延  
前以奏事狂誕非有大過可棄矧值 天恩曠蕩之日議功赦  
過亦惟 皇上幸許 上從之故有是 命○吏部左侍郎王  
固本自劾乞罷不允時吏部當考吏尚書楊博屬固本命題有  
家人同吏胥先期竊題為奸固本覺之即具疏言狀因求去  
上以其能自覺檢令視事如故而命法司治其家人吏胥之罪  
○以甘肅等處旱災命蠲屯糧并發銀賑濟有差從撫臣奏也  
○鐫河工效勞州縣佐貳官趙景昌等陞賞有差從尚書朱衡  
奏也○甲辰 命宣城伯衛守正男國本襲爵 命左春坊左  
諭德兼翰林院侍講張四維清理軍賤貼黃○巡撫保定都御  
史溫如璉言降夷隸定州保定河間等衛者已經授戍給賞而

姓名猶仍達官之舊非便請改為忠順官軍 上從之○以湖廣諸郡告飢 命守臣蠲恤有差○乙巳○祭歷代帝王遣鎮遠侯顧寰行禮○詹翰林院編脩王思男子來為國子生恩議禮杖死故追恤之○兵部覆陝西三邊督撫王崇古等奏延綏邊隣套虜先年兵馬僅足防禦自選調入衛遊兵四枝逃亡死傷漸至城堡空虛戰守不足請得以清平堡遊兵營原募未完馬軍一千名行令靜邊管糧道以原發未募軍銀五千兩馬價銀一萬兩軍器一千副改募正兵營責買仍于榆林衛故絕軍伍撥補聽召異姓丁壯三百名以足正兵五千數其餘各營城堡軍馬缺者各道俱行清補并諸軍器以籍稽之又延綏買馬舊規朋合地畝馬價每匹銀十兩京運馬價每匹銀十二兩項以入衛馬死者多地畝不給又不產馬皆市之陝西固原山西

而十兩之馬率小不堪戰當于京運一体給領 從之○丙午  
○遣太常寺官祭都城隍之神○少保兼太子太保禮部尚書  
武英殿大學士張居正上疏曰臣聞帝王之治天下有大本有  
急務正心修身建極以為臣民之表率者圖治之大本也審机  
度勢更化宜民者救時之急務也大本雖立而不能更化以善  
治譬之琴瑟不調甚者不解而更張之不可鼓也恭惟我 皇  
上踐祚以來正身脩德講學勤政惓惓以敬天法祖為心以節  
財愛民為務圖治之大本既以立矣但近來風俗人情積習生  
弊有頽靡不振之漸有極重難返之机若不稍加改易恐無以  
新天下之耳目一天下之心志臣不揣愚陋日夜思維謹就今  
時之所宜者條為六事條 聖明採擇臣又自惟幸得以經術  
遭逢 聖主僉負補弼朝夕與同事諸臣寅恭諧協凡有所見

自可隨事納忠似不必更有建白但臣之愚昧切見 皇上有必為之志而淵衷靜默臣下莫能仰窺天下有願忠之心而舊習因仍趨向未知所適故敢不避形跡披瀝 上陳期于宣昭

主德而齊一眾志非有他也伏乞 聖慈垂鑒一省議論臣聞天下之事慮之貴詳行之貴力謀在于眾斷在于獨漢臣申公云為治不在多言顧力行何如耳臣見頃年以來朝廷之間議論太多或一事而甲可乙否或一人而朝由暮詔或前後不覺背馳或緩譽自為矛盾是非淆于唇吻用舍決于愛憎政多紛更事無統紀又每見督撫等官初蒞地方即例有條陳一疏或漫言數事或更置數官文藻艱工覽者每為所眩不曰此人有才即曰此人任事其實臨政之始地方利病豈盡周知屬官賢否豈能洞察不過採聽于眾口耳讀其詞藻雖若爛然究其

指歸茫未有效比其久也或并其自言而忘之矣卽如昨年皇上以虜賊內犯特勅廷臣集議防虜之策當其時衆言盈庭群策畢舉今又將一年其所言者果盡舉行否乎其可行者果有實效否乎又如薊鎮之事初建議者曰吾欲云云當事者亦曰吾欲云云曾無幾何而將不相能士諱于伍異論煩與訛言踵至于是議罷練兵者又紛紛矣臣切以為事無全利亦無全害人有所長亦有所短要在權利害之多寡酌長短之所宜委任責成庶克有濟今始則計慮未詳既以人言而行終則執守靡定又以人言而止加之愛惡交攻意見橫出謔言微中飛語流傳尋之莫究其端聽者不勝其眩是以人懷疑二動見譴張虛曠歲時成功難睹語曰多指亂視多言亂聽此最當今大患也伏望皇上自今以後勵精治理主宰化机掃無用之虛

詞求躬行之實效敬為一事須審之於初務求至當及計慮已  
審即斷而行之如唐憲宗之討淮蔡雖百方沮之而終不為之  
搖敬用一人須慎之于始務求相應既得其人則信而任之如  
魏文侯之用樂羊雖謗書盈篋而終不為之動再乞 天語叮  
嚀部院等衙門今後各宜仰體 朝廷省事尚實之意一切章  
奏務從簡切是非可否須明白直陳毋得彼此推諉徒託空言  
其大小臣工亦各秉公持正以誠心直道相與勉脩職業反薄  
歸厚尚質省文庶治理可興而風俗可變矣一振紀綱臣聞人  
主以一身而居乎兆民之上臨制四海之廣所以能使天下皆  
服從其教令整齊而不亂者紀綱而已綱如網之有繩紀如絲  
之有總詩曰勉勉我王綱紀四方此人主太阿之柄不可一日  
而倒持者臣見近年以來紀綱不肅法度不行上下始為姑息

百事悉從委狗以模稜兩可謂之調停以委曲遷就為之善處法之所加唯在于微賤而強梗者雖壞法干紀而莫之誰何禮之所制反在于朝廷而為下者或越禮犯分而恬不知畏陵替之風漸成指臂之勢難使賈誼所謂整戾者深可慮也然人情習玩已久驟一振之必將曰此拂人情者也又將曰此務為操切者也臣請有以解之夫狗情之與順情名雖同而實則異振作之與操切事若近而用則殊蓋順情者因人情之所同歆而施之大學所謂民之所好好之民之所惡惡之是也若狗情則不顧理之是非事之可否惟人情之是使而已振作者謂整齊嚴肅懸法以示民而使之不可犯孔子所謂道之以德齊之以禮是也若操切則為嚴刑峻法虐使其民而已故情可順而不可徇法宜嚴而不宜猛伏望 皇上奮乾剛之斷普離照之



明張法紀以肅臣工攬權綱而貞百度刑賞予奪一歸之公道而不必曲徇乎私情政教號令必斷于宸衷而毋致紛更于浮議法所當加雖近貴不宥事有所枉雖疎賤必伸乃乞勅下都察院查照嘉靖初年所定憲綱事理再加申飭秉持公論振揚風紀以佐皇上明作勵精之治庶體統正朝廷尊而下有法守矣一重詔令臣聞君者主令者也臣者行君之令而致之民者也君不主令則無威臣不行君之令而致之民則無法斯大亂之道也臣看行舊規凡各衙門章奏奉旨有某部看了說來者必是緊關事情重大机務有某部知道者雖若稍緩亦必可行事務或關係各地方民情利病該衙門自宜恭酌緩急題覆至于發自聖衷特降勅諭者又與泛常不同尤宜上緊奉行事乃無壅蓋天子之號令譬之風霆若風不能

動寔不能擊刺造化之机滯而乾坤之用息矣臣見近日以來  
朝廷 詔旨多廢格不行抄到各部墜後停閣或以題奉  
欽依一切視為故紙禁之不止令之不從至于應勘應報奉  
旨行下者各地方官尤屬違慢有查勘一事而十數年不完者  
丈卷委積多致沉埋干証之人半在鬼錄年月既遠事多失真  
遂使漏網終逃國典有不伸之法履盆自苦人懷不白之寃是  
非何由而明賞罰何由而當伏望 勅下部院等衙門大小事  
務既奉 明旨須數日之內即行題覆若事了然明白易見者  
既宜據理剖晰毋得諂之撫按議處以致就延其有合行議勘  
問奏者亦要酌量事之緩急道之遠近嚴立限期輒令奏報該  
部置立號簿登記註銷如有違限不行奏報者從實查叅坐以  
違制之罪吏部即以此考其勤惰以為賢否然後人思盡職而

事無壅滯也一覈名實臣聞人主之所以馭其臣者賞罰用舍而已欲用舍賞罰之當在于綜覈名實而已臣每見朝廷欲用一人輒有乏才之嘆切以為古今人才不甚相遠人主操用舍予奪之權以奔走天下之士何求而不得而謂世無才焉臣不信也惟名實之不覈揀擇之不精所用非其所急所取非其所求則上之爵賞不重而人懷僥倖之心牛驥以並駕而俱疲工拙以混吹而莫辨才惡得而不乏事惡得而有濟哉臣請畧言其槩夫器必試而後知其利鈍馬必駕而後知其駕良今用人則不然謂人才不必試之以事不必更考其成及至僨事之時又未必明正其罪惟魯少文者以無用見訊而大言無當者以虛聲竊譽倜儻抗直者以忤時難合而脂韋逢迎者以巧宦易容其才雖可用也或以卑微而忽之其才本無取也或以名

高而尊之或以一事之善而終身借之以為資或以一動之差而衆口訾之以為病加以官不久任事不責成更調太繁遷轉太驟資格太拘毀譽失實且近來又有一種風尚士大夫務為聲稱舍其職業而出位是思建白滌陳連編累牘至覈其本等職業反屬茫然主錢穀者不對出納之數司刑名者未諳律例之文官守既失事何由舉凡此皆所謂名與實爽者也如此則真才實能之士何由而進百官有司之職何由而舉哉故臣妄以為世不患無才患無用才之道如得其道則舉天下之士唯上之所欲為無不應者臣願 皇上慎重名器愛惜爵賞用人必考其終授人必求其當有功于國家則千金之賞通侯之印亦不宜吝無功于國家雖嘖咲之微敝袴之賤亦勿輕予仍乞 勅下吏部嚴考課之法審名實之歸遵照 祖宗舊制凡

京官及外官三六年考滿毋得驟引復職濫給恩典須明白開具稱職平常不稱職以為殿最若其功未可據行升陟者乞將誥勅勲階等項酌量裁與稍加差等以示激勸至于同舍進退一以功實為準毋徒眩于名聲毋盡拘于資格毋搖之以譽毀毋雜之以愛憎毋以一事驟其生平毋以一青掩其大節在京各衙門佐貳官須量其才器之所宜者授之平居則使講究職業長官有缺即以佐貳代之不必另索其屬官有諳練政事盡心官守者九年任滿亦照吏部陞授京職高者即轉本衙門堂上官小九卿堂官品級相同者不必更相調補各處巡撫官果于地方相宜久者或就彼加秩不必又遷他省布按二司如叅議久者即可陞叅政僉事久者即可陞副使不必為小轉之法互遷數易以滋勞擾如此則官有專職事有責成而人才亦

不患其缺乏矣此外如臣言有未盡者亦乞 勅該部悉心講求條例 上聞一因邦本臣聞帝王之治欲攘外者必先安內書曰民惟邦本本固邦寧自古雖極治之時不能無夷狄盜賊之患惟百姓安樂家給人足則雖有外患而邦本深固自可無虞唯是百姓愁苦思亂民不聊生然後夷狄盜賊乘之而起蓋安民可與行義而危民易與為非其勢然也恭惟 皇上嗣登大寶首下蠲恤之詔黎元忻忻生切更生獨非歲以元年蠲賦一半國用不足又邊費重大內帑空乏不得已差四御史分道督賦三都御史清理屯鹽皆一切權宜以佐國用之急而人遂苦其撻括臣近日訪之外論皆稱不便緣各御史差出自覩百姓窮苦亦無別法清查止將官庫所儲盡行催解以致各省庫藏空虛水旱災傷視民之死而不能賑兩廣行兵供餉百出而

不能支是國用未完而元氣已耗矣臣切以為天之生財在官在民止有此數譬之于人稟賦強弱自有定分養生唯博節愛惜不以嗜欲戕之亦足以知病而延壽昔漢昭帝承武帝多事之後海內虛耗霍光佐之節儉省用與民休息行之數年百姓阜安國用遂足然則與其設法征求索之于有限之數以病民孰若加意省儉取之于自足之中以厚下乎仰惟 皇上即位以來凡諸齎醜土木淫侈之費悉行停革雖大禹之克勤克儉不是過矣然臣竊以為矯枉者必過其正當民窮財盡之時若不痛加節省恐不能救也伏望 皇上軫念民窮加惠邦本于凡不急工程無益徵辦一切停免敦尚儉素以為天下先仍乞勅下吏部慎選良吏收養小民其守令賢否殿最惟以守己端潔實心愛民者乃與上者稱職不次擢用若但善事上官幹

理簿書而無實政及于百姓者雖有才能幹局止與中考其犯  
贓私枉法貪汙顯著者不必引例發遣但將所犯贓私嚴限追  
併押發各邊自行輸納完日發回原籍為民不但懲貪亦可為  
實邊之一助再乞 勅下戶部悉心講求財用之所以日匱者  
其弊何在 今欲措理其道何由 今風俗侈靡官民服舍俱無限  
制外之豪強兼併賦役不均花分詭寄恃頑逋欠偏累小民內  
之官府造作侵欺冒破奸弊固利有名無實各衙門在官錢糧  
漫無稽查假公濟私官吏滋弊凡此皆耗財病民之大者若求  
其害財者而去之則何必索之于困窮之民以自耗國家之元  
氣乎前項催督御史事完之後宜即令回京此後不必再差重  
為地方之病其屯鹽各差都御史應否取回別用但責成于該  
管撫按使之悉心清理亦乞 勅下該部從長計議具奏定奪



以後上下惟務清心省事安靜不擾庶民生可遂而邦本復寧也一飭武備臣惟當今之事其可慮者莫重于邊防近年以來虜患日深邊事久廢比者屢蒙 聖諭嚴飭邊臣人心思奮一時督撫將領等官頗稱得人目前守禦似亦經略矣然臣以為虜如禽獸然不一創之其患不止但戰乃危事未可易言須從容審圖以計勝之今之上策莫如自治而其机要在惟 皇上赫然奮發先定 聖志 聖志定而懷忠蘊謀之士得效于前矣今議者皆曰吾兵不多食不足將帥不得其人臣以為此三者皆不足患也夫兵不患少而患弱今軍伍雖缺而糧籍具存若能按籍徵求清查影佔隨宜募補着實訓練何患無兵捐無用不急之費併其才力以撫養戰閱之士何患無財懸重賞以勸有功寬文法以伸將權則忠勇之夫孰不思奮又何患于

無將臣之所患特患中國無奮勵激發之志因循怠玩姑務偷安則雖有兵食良將亦恐不能有為耳故願 皇上急先自治之圖堅定必為之志屬任謀臣脩舉實政不求近功不忘有事熟計而審行之不出五年虜可圖矣至于目前自守之策莫要于選擇邊吏團操鄉兵併守墩堡令民收保時簡精銳出其空虛以制之即虜入犯亦可不至太失此數者昨雖已經閣部議行臣愚尤恐人心玩愒日久尚以弭文塞責伏乞 勅下兵部申飭各邊督撫務將前事着實舉行俟秋防畢日嚴查有無實效大行賞罰庶沿邊諸郡在在有備而虜不敢窺矣臣又惟祖宗時京營之兵數十萬今雖不足尚可得八九萬人若使訓練有方亦豈盡皆無用但士習驕惰法令難行雖春秋操練徒虛文耳臣考之古礼及于我 祖宗故事俱有大閱之礼以習

武事而戒不虞今京城內守備單弱臣嘗以為憂伏乞 勅下  
戎政大臣申嚴軍政設法訓練每歲或間歲季冬農隙之時恭  
惟 聖駕親臨校閱一以試將官之能否一以觀軍士之勇怯  
有技藝精熟者分別賞賚老弱不堪者即行汰易如此不惟使  
輦轂之下常有數萬精兵得居重馭輕之道且此一舉動傳  
之遠近皆知 皇上加意武備整飭戎事亦足以伐狂虜之謀  
銷未萌之患誠轉弱為強之一机也疏入 上曰覽卿奏皆深  
切時務具見謀國忠懇該部院看議以聞○南京吏部尚書吳  
嶽引疾乞休不允○吏部議覆巡撫陝西都御史張祉言苑馬  
寺行太僕寺俱有圍牧之責二寺正卿往自叅政陞補今則叅  
政有自二寺卿迂轉者惟是一倒置之問而事權日輕人心懈  
弛馬政日趨于廢乞自今仍以叅政及年深副使推補果有異

續亦照先年都御史車震事例擢之不次以重事權報可

大明穆宗莊皇帝實錄

大明穆宗莊皇帝實錄卷之二十四

隆慶二年九月○丁未朔○太僕寺卿董傳策乞給假歸省

許之○戊戌○鑄給鳳陽管倉主事閔防○己酉○發太倉銀

九千六百八十三兩于薊鎮給邊軍○工部覆操江都御史吳

時來奏南京水操舟楫皆脆薄無用乞將二百料與一百五十

料以下者遇壞易銀貯庫候有緩急聽其隨便改作不必仍拘

舊式 從之○庚戌 孝恭章皇后忌辰 奉先殿行祭禮遣

恭順侯吳繼爵祭 景陵○給贖各鎮入衛官軍有差○兵科

給事中陳邦顏條陳兩廣事宜一重縣令謂廣東兵患相仍縣

官當以進士選任而推陞行取則視其地之難易為差不以豪

強中傷輒議斥罷亦不以催徵未完一舉恭降一蠲民賦謂海

陽等縣閭里蕭條一切折舊逋稅宜酌量減免一處兵餉謂川

浙原借餉銀當行巡按御史亟將查照教內不繫京邊錢糧者照數轉發廣東接濟一專責任謂廣東一省而三總兵有暫調用之俞大猷有立功之湯克寬又有欽賞之郭令成政出多門將士無所取信宜以閩省水陸兵分屬郭令成俞大猷各守信地庶責任專而後可以成功一明功罪謂往者柘林之役克寬兵敗不以實聞今又陰行魯賊重賄縱令報水激變居民侵突會省宜正典刑疏入得旨下該部議覆悉如其言克寬仍令巡撫都御史逮繫至京問○辛亥○魯陽王府忻州郡君儀賔周全請辭帝祿以贖王府之貧者周王在疑以聞上命河南守臣獎勵之○禮部左侍郎兼翰林院學士瞿景淳以疾乞致仕許之○陞陝西布政司右布政使朱大器為太僕寺卿○壬子○陞直隸廣平府知府江一麟為廣東按察司副使兼

督水陸官軍。○癸丑。○戶部覆南京戶部尚書劉體乾條奏四事。一分派倉分水次。以均勞佚。一議處腳價。工食。以止科索。一減耗末。一責運官。疏入。得旨。所議俱准。行。今後各衙門瑣屑諸務。可徑行者。不必一一瀆奏。○甲寅。○補原任浙江按察司副使陳紀于廣東。初紀建議。曾一本不宜招大家井。賊不宜勦讖者。是之已。而竟寢不行。紀謝病免歸。至是以給事中陳邦顏之薦。得起用云。○陞福建按察司使黃華為右布政使。○給事魏時亮。御史王嘉賓。各上疏。請召還清理屯監都御史。于是吏部集戶兵二部議。覆清理屯監大臣在江南山西二處。可罷在江北。不可罷。宜將九邊屯田歸併江北屯監。都御史龐尚鵬。總攝而各省屯田。當如大學士張居正議。責成所在。撫按官自行經理。上是之。召江南屯監都御史鄒應龍。山西屯監都御史



凌儒回京別用尚鵬仍舊令清查邊屯監○戶部覆直隸巡按御史周世曾奏言勲戚莊田占據已久今雖奉旨清查轉相蒙蔽宜勅各該府衛衙門俗查諸臣世派爵級列狀以聞容臣等酌議予奪占愆及容隱不舉者悉治以罪詔可○盜竊太倉庫銀降管庫戶部郎中宋諾負外劉自化許自新主事王宇一級調外任奪主事任汝亮彭富周標席上珍俸半年先是銀庫監督官每半年或三月一月輒易更代非常代時交盤又徒具成數而已未嘗一開庫細驗以故典守官攬得私購軍匠人等巧竊陰携蓋不記年所矣其所虧折亦莫定其數是年春盜竊外庫銀六百兩又宥老庫銀七百餘兩為怨家所發上切責諾與自化交盤不明事連先後接管員外許自新主事任汝亮彭富周標王宇席上珍俱下法司驗問而令科道官通

查二庫銀錢實數以聞于足給事中王翬御史蔣机上外庫銀實少八百餘兩錢少五萬七千餘文給事中劉繼御史周禧上老庫銀數反溢出舊額而封識鎖鑰多磨滅難考恐虧欠之數尚多上乃命法司窮治盡得先後為盜主名胡守謙等及官橫與盜通者張漢等數十人各枷號發遣有差而自新字則以新受代與諾等得譴特重焉上處分畢因命自今管庫主事各註選三年不得輒易其貯庫銀限以三千兩為一匣固封編號以便稽查○乙卯○重陽節免百官宴○准尚寶司少卿陸師道回籍養病○南京都察院右都御史林雲同乞休不允○丙辰○旌表山西石州生員喬芝母蘇氏及其女車同軌妻喬氏為貞烈之門蘇氏者副使喬應光妻也隆慶元年九月十三日達虜攻陷州城蘇氏義不受辱攜其女喬氏入井其同

車居氏等十人亦相繼赴井死事聞禮部言蘇氏雖業已受封而貞烈異常率車氏等同時殉節宜一体旌表從之○巡按陝西御史楊鈐奏五月內虜入寧夏半個城等處殺掠人畜甚眾靈州叅將何其昌等信地失守寧夏總兵雷龍及陝西總兵郭震備援無策俱宜論罪詔奪龍震俸各二月下其昌等御史按問○給原任總督三邊兵部左侍郎曾銳家沒官田土十頃從都御史龐上鵬之請也○丁巳○陞四川右叅政李遇元為福建按察使○都察院覆御史張楨言近奉明旨裁革入覲官路費誠恤民省費感心但官有崇卑恐俸入不足充費未免取償于民自今謂酌議定規通行遵守如雲南貴州廣西廣東福建此地之至遠者二司官百五十兩府官百兩州縣官六十兩首領官三十兩江西浙江湖廣四川陝西此地之次遠者二司

官百二十兩府官八十兩州縣官四十兩首領官二十五兩河  
南山東山西井南北直隸此地之稍近者二司官八十兩府官  
六十兩州縣官三十兩首領官二十五兩進表官住京月日比  
之朝覲甚少宜依省分量給其半得旨朝覲進表官既有盤費  
銀不許仍前擅用勘合騷擾驛遞撫按官亦不得徇情給與違  
者所科道官恭治○兩廣總督張瀚奏留該省解京燕課鈔稅  
贖罰等銀五萬七千五百五十兩給軍餉許之○御用太監滕  
祥言上用添器物料不宜入年例中減革乞勅工部查嘉靖二  
十七年隆慶元年故事如數徵辦尚書雷禮奏此係傳造錢糧  
本無定額 皇上登極之始服御更新自合加辦今尚未逾年  
龍床鹵簿之類已不必改作其他雜器止宜于年例物料內開  
支而欲臣等歲歲開端仍引嘉靖中明詔裁革之類執為故事

非臣等所敢知也得旨傳造錢糧如數送監此後不得援以為  
例○戊午○協理南京營戎政兵部右侍郎曹亨引疾乞休且  
舉左侍郎劉燾自代 上不允○戶部奏預開明年中邊鹽引  
甘肅鎮兩淮鹽一十二萬七百一十二引兩浙鹽一十萬五千  
七百七十引寧夏鎮兩淮鹽八萬四千九百八十引兩浙鹽一  
十三萬引宣府鎮兩淮鹽一十四萬三千四百八十八引一十  
五斤又改撥山西遼東存積鹽二萬二千二百九十六引一十  
五斤長蘆鹽九萬七百七十五引八十六斤大同鎮兩淮鹽七  
萬三千三百七十九引又添派存積鹽五千引長蘆鹽四萬五  
千引遼東鎮兩淮鹽六萬一千八百一十二引三十斤山東鹽  
六萬二千五百斤固原鎮兩淮鹽二萬七千八百七十八引兩  
淮鹽一萬引山西神池等堡兩淮鹽五萬六千七百八十一引

五十五斤兩淮鹽四萬八千九百九十九引一百四十九斤山東鹽六萬三千六百一十引一十九斤薊州鎮兩淮水鄉鹽九千一百四十九引一百斤長蘆折布鹽四萬五千三百三引共鹽一百四十五萬六千八百六十八引五十四斤甘肅兩淮每引價銀四錢五分兩浙鹽每引三錢其延綏等鎮淮鹽引五錢浙鹽引三錢五分長蘆引二錢山東鹽引一錢五分為率制可○乙未○旌表蘇州府昆山縣儒士陶子剛妻方氏為貞烈之門妯娌方氏逾年即方氏養姑陸氏盡孝後九年姑亡殯殮畢即疾赴水元提學御史周弘祖上其事禮部覆奏從之○陞光祿寺寺丞路王道為尚寶司少卿禮部尚書兼翰林院學士高儀復引疾乞休不允○庚申○贈故工部尚書章拯為太子少保故都察院右副都御史婁志德為工部右侍郎仍賜諡拏恭

惠志德莊肅○陞禮部右侍郎萬士和為本部左侍郎改南京

禮部右侍郎呂調陽為本部右侍郎○以武舉會試命翰林

院侍讀學士掌院事諸大綬左春坊左諭德兼翰林院侍讀張

四維為考試官○辛酉○准大理寺左寺丞耿定向回籍養病

○少傅兼太子太傅工部尚書雷禮復上疏引疾乞休因言本

部上供錢糧已經奉詔節省而為太監滕祥所持危言橫索事

事掣肘如近者傳造櫛櫃探辦膠漆修補七壇祭樂器祥輒自

力徵所糜費以巨萬而工廠存留大木圍一丈長四丈以上者

該監動以御器為辭斬截任意用違其材臣力不能爭但憤

惋流涕而已今嫌隙既成事体相悖若留臣一日則增多事於

一日早賜罷以全國体上覽疏不悅令致仕去然禮在先

朝以工於容悅致通顯上初即位攻之者甚眾及是自知不

滿于公論故以事忤中官求去挾詐誣直非大臣去國之道也  
○先是刑部罪贖納銀歲輸工部充各項修理及內府灰炭之  
用既而戶部盡請以濟邊刑工二部不勝諸監局之擾乃復議  
以罪贖送工部還官入官銀送戶部得旨灰炭等項銀准如舊  
於工部折納餘仍遵前旨行○巡按直隸御史周詠核上原任  
保定巡撫楊順所邊盜邊儲銀一萬二千兩尚有四千四百餘  
兩出納未明 上命嚴拘順家屬及嘗預事者一併追完以聞  
○壬戌○都察院左都御史王廷等覆大學士張居正所陳振  
紀綱重詔令二事析為八議一慎政令允朝廷舉動事宜方疑  
則當謀謀既定則當守自今凡遇大政大疑先行九卿科道會  
議仍召閣臣令其參酌衆人見聞稽之本朝故事應否舉行明  
白具奏更望疑神詳覽虛心裁度如事果當舉奮然即行倘勢



或少難毅然即罷行止決于一人用舍公乎天下則主勢自尊而紀綱可振一專責成十三道掌道御史近多新進攝管旋出旋入甚非事体以中差大差回道御史內揀用限以一年不得更差使之看詳刑名檢閱章奏練習故事如有隨事浮沉玩時愒日者指名奏罰一振士氣糾察之任風紀所關今畏懦者舍豺狼而問狐狸偏私者朝夷由而暮盜跖士習日玩職此之由宜試事考言察微詢著慎其始進責其後效倡直言敢諫之風抑貪昧洪認之陋一銷勘合近年巡按御史勘報事情多致經年沉閣而官員提問者尤甚意迂延習為故套今後凡奉有欽依勘合務要刻期完報若係司道官延遲者撫按奏究巡撫官不依期完報者科道官奏究巡按不依期完報者都察院奏究一公激揚在外方面官員舉多判少使不肖者見容賢者不見

異非所以肅憲体昭公道也今後御史復命薦舉方面多不過六七員或三四員有司多不過七八員或五六員薦舉詞止以四五句為率不必長篇累牘以失章奏之体應劾之人尤須先其大姦毋徒以州縣府佐等官充數仍定其為貪為酷以憑議覆如有荐舉方行而旋以事敗而故容隱者考察回道之日奏請斥退一慎防檢御史出巡在外舉動稍輕輒招嫌謗宜嚴申飭凡批荅刑名止憑律例參詳不得甚意輕重動解贓罰止憑司府申呈不得徇情支用原來卷札須令有司檢點不得多增行李鄉官往來止將廩米分送不得濫行饋遺官員賫否多方查訪不得憑信委官出巡迎送悉遵儉約不得聽從奉承一懲貪酷凡遠方有司以朝廷耳目所不及多肆為貪虐宜令巡按御史嚴行禁約據實叅奏係酷者照新例處治係貪者即非枉

法亦嚴行追証押發各邊自行輸納完日為民一端風化邇來習就澆漓人多惡薄以童生而叢毆郡守以生員而攻訐有司非毀司長連珠徧布于街衢報復讐嫌歌謠遂毀于梓木宜行所在提學官申明卧碑嚴加飭治其有故縱者學政雖優仍以罷軟註考疏入 上命務實舉行○四川巡撫都御史陳垓奏珙縣青岡巴焦等隘蠻寇猖獗請加永寧叅將安大朝副總兵職銜移駐歇馬壩地方以據其要害兵部覆如其言但大朝已陞貴州總兵當更推堪任者往報可○癸亥○陞江西按察使殷邁為布政使湖廣武昌府同知劉田直隸蘇州府同知金柱為按察司僉事邁四川山東田柱廣西以水災折微直隸高郵等衛所屯糧有差○甲子○礼部尚書兼翰林院學士高儀再疏乞休 上仍優詔不允○乙丑○南京兵部右侍郎吳百朋

引疾乞休不允。○勅貴州布政使王遵為籍听勘坐為兩淮運使時乾沒監課為總理屯監都御史龐尚鵬所追劾也。○增設居庸關石峽路等口守備一員。○都察院言漕運錢糧原屬戶部主事催督專勅特遣事權未嘗不重且祖宗朝用之皆效事在擇人不在变法今後請毋更差御史以侵職掌從之。○丙寅○陞原浙江道御史黃正色為大理寺左寺丞。○授行取推官光懋宋良佐知縣溫純魏体明張煥李日強及太常寺博士李已行人楊一魁許天琦駱問理為給事中推官傅孟春蔡廷臣許大亨知縣楊家相崔廷試蘇士潤向程趙瑋楊相李學詩孫喬與姚繼可郭廷梧賀一桂劉堯卿王圻許鑑潘允哲余嘉詔傅寵及國子監博士楊邦憲為試監察御史懋吏科純戶科已禮科良佐一魁俱兵科体明刑科天琦工科煥南京戶科日

強南京禮科問理南京刑科孟春浙江道家相士潤廷試俱江  
西道廷臣程俱湖廣道序河南道相山東道學喬與俱陝西道  
繼可四川道庠梧廣東道一桂廣西道堯卿折俱雲南道 亨  
鑑俱貴州道允哲南京江西道嘉詔南京福建道寵南京廣東  
道邦憲南京貴州道○吏科都給事中鄒大經言 祖宗時凡  
遇大臣有故而去始之謝留以安其心繼之禮教以優其眷此  
非直致上下之交實所以勸忠也今 皇上與尚書雷禮之去  
恩禮踈濶如此其何以風有位使効忠乎臣又伏念今諸大臣  
由輔弼逮于六卿皆 先帝遺之以事 陛下今四方多政民  
窮財盡水旱盜賊之警無日無之正諸臣畢智矢謨協心共濟  
以報 先帝以忠于 陛下之日也乃紛紛求退以自便其身  
圖謂國恩何亦望 天語宣示諸臣使各安其位勉修職業庶

幾上之待下下之事上交盡其道而盛治可與也 上曰優禮  
大臣朝廷自有處分但邇來求退成風豈委身事主之義今後  
各宜殫忠修職共圖治安毋或紛紛奏擾有乖大義○直隸巡  
按御史周禧申議倉漕四事一近議漂流糧米不公多寡槩行  
奏勘甚苦運軍宜如旧例凡糧艇過洪卒遇風淺漂流不多者  
押官勘實即給該掣羨餘銀兩令其買補一各庫軍斗宜倉派  
正身毋容雇役一漕折銀兩宜收貯別藏於秋冬二季折放軍  
糧不惟可以存留本色且得餘銀之利一漕根係國家大事運  
道所經宜慎選官旗增置器械以防不虞部覆從之○丁卯○  
大學士陳以勤會武宴主席○陞雲南右布政使江珍為左布  
政使浙江右叅政殷正茂為按察使山東副使陸瓚為右布政  
珍貴州正茂江西瓚四川○賜故南京戶部尚書鮑道明祭二

壇給半壘○戊辰○兵部議覆大學士張居正所陳飭武俗事  
宜其一議兵言今足兵之策不過旬補團練而已 祖宗朝九  
邊兵以百萬計尚存六十萬有奇其逃亡者若能設法請補原  
額亦可盡復至于團練之法當今各鎮選編見在軍士五人為  
伍五伍為一隊各伍之長各擇教師以習武藝兵備官每季一  
月視一報督撫督撫官每歲一閱視以報本部凡將令斥涉視  
此為差隊伍中有罪罰及其長賞亦如之其一議食言兵與食  
相為表裏况兵汰則冒替之糧減主兵練則容兵之餉省我兵  
能戰而虜一遭挫則必數年不擾而行糧可免虜即遠遁則我  
之威力能致屬夷之死命而撫賞亦可罷是足食之方已寓于  
練兵之中矣至于與屯監以復本色視豐歉以為折支又在戶  
部酌計施行其一議將言將才難得亦難任今邊臣莫肯效死

者弊在操切太過爵賞太輕請令督撫兵部官一切閭外之務悉聽聽兵而下自擇進止不得拘以文法各官果建奇功即超格封拜亦不得指摘小疵率迎論劾本部查三年稽無過者酌量食易奏請加恩至于成委府佐以下官員非理凌辱許將官具揭送部定行降罰其一議選擇邊吏各邊守令凡地方兵食之計悉賴處分近雖議調議補紛紛奏請若從中題覆則在吏部持衡秉公務得真才其一議團練鄉兵言九邊控弦之士雖稱六十萬有奇然大邊延袤萬里以六十萬眾分布其間聚散異形攻守異宜亦恐力分勢弱難以禦敵請自今通行各邊督撫轉檄兵備守巡等官凡延邊郡縣不分城市村堡軍餘民舍皆列為鄉兵如邊軍隊伍之制十隊為司司有長有副十司為哨哨有總有正其村堡寡不及數者止五十人為一隊每堡



中設一堡長一堡副領之各不妨農務隨時訓習有司歲以冬春間按視其有勞者量加獎賞遇有虜報則督撫移檄諸郡縣傳相告諭各率鄉兵束城防守以五色旗為號其賊退而鄉兵而斬獲者仍照官軍例陞賞雖無斬獲而防無失者亦量鳩之哨總司總堡等役各給冠帶至于鄉兵練成督撫兵備及府州縣官亦皆計功陞轉不得徒具文其一議併守城堡言虜賊臨牆不能拒之邊外則當急入收堡而邊內城堡又不能盡守則當擇適中之處將附近小堡得入大堡修城浚濠務俾堅固其軍民有自願包磚者听官量助之其一議整飭京營言祖宗設立京營屯兵數十萬凡遇各邊有警輒令出征蓋所以居多馭輕而同天下之本也歲久逃亡者眾見存九萬餘人中又多四方竄籍之人有以一人而應三五役者即春秋揀演亦虛

文耳今宜盡核逃亡之數報冊有名者行銜查補無名發單清  
勾兵數既足仍行戎政大臣從實操練季終會同巡視科道閱  
視勤惰以聞至于大閱之禮 宣宗嘗行之堯兒山 英宗嘗  
行北郊又嘗行之西苑成憲具在今 皇上聖性英資同符  
列祖當戎務廢弛之秋正四方改觀易听之會伏望隆慶三年  
為始于季冬農畢之後恭請 聖駕親臨校閱一以甄別將官  
驗其教練之多寡以斥陟之次第一以考校軍士視其技藝之  
高下以為賞賚之等差但有老弱即行汰易以後間歲一舉如  
此不惟宗營卒伍可變弱以為強即邊塞諸軍亦望風而思奮  
矣 上曰然大閱既有 祖宗成憲允宜修舉兵部宜與戎政  
官先期整飭俟明年八月內來聞餘悉如議務寔行之○丁巳  
○霜下節遣定國公徐文壁武定侯郭大成玉田伯蔣榮彭城

伯張熊祭 長陵 獻陵 景陵 裕陵 茂陵 泰 康陵

永陵指揮同知文承武祭 景皇帝陵寢園安伯陳景行祭

孝懿皇后中官祭 恭讓章皇后及廢后吳氏指揮同知陳

書祭 哀冲莊敬二太子各陵園命總理河道工部尚書朱衡

回部管事銜疏辭不允○陞廣西按察使陳善為雲南右布政

使○巡青戶科左給事中劉繼文等奏言近例酒醋麵局商人

兼辦內官監寶鈔司稻草錢根不勝重困宜分其役為二使衆

輕易舉又商人三年一更更不踰年輒派事屬煩擾宜令科道

官每歲會審一次貧無力者即更之既更五年方許復僉庶勞

者得息部覆從之○諭元年春盜劫湖廣保康縣諸守臣功罪

降鄖襄守備湯名等各一級調邊衛奪鄖陽衛指揮康本茂俸

一月給賞有功分巡副使秦淦襄陽府通判高持及行都司都

指揮孫詔先等有差○庚午○增武舉額取中式官生楊俊卿等一百人○朝審重囚矜疑有死謫戍者三十五人有詞再訊者六人○起用服闋都察院右副都御史翁大立以原職總理河道○辛未○戶部覆大學士張居正所陳固邦本一事言財用當經理者有十其一言兵餉之費依辦屯鹽廢弛未可遽復宜稍做漢法民願得爵及贖罪者皆令入粟於邊酌地理遠近而遞減其貲使人樂則塞下之粟必多其一言責豪隱占人丁逋負租稅一切重役悉苦貧民而吳中尤甚宜初各撫按官申嚴法紀禁戢豪強期以賦役均平毋有偏累其一言驛遞勘合詐冒數多宜加檢察以杜騷擾各處坐缸撫按官不過得二隻外官方面以上京官科道部寺行人中書以上方許乘坐餘悉禁之其一言各府州縣送迎上司不得額外增編皂卒及靡費供

張其一言士民服用僭侈當痛繩以礼法其一言勸課農桑令崇本業其一言各省錢糧文冊開載欠明不便稽閱本部請置格眼號紙每年畫為十二格每月將徵收起解某項錢糧填註格內歲終類報布政司布政司類報本部凡陞迂行取給由朝覲者各執號紙赴撫按衙門查明併公文投部以此別其才否又湖蕩等地為勢豪侵占者宜悉查復河泊魚課亮徵水稅備賑其魚課未非派額者悉除之其一言京衛軍士及順天府銀食孤老多虛冒者宜悉查汰其一言奸猾軍民有將田宅投獻王府者宜行有司驗契追奪募民佃種收租以補祿養宗人占恠者即叩其應得樣米抵補糧差有司阿縱不舉者論罷其一言各省進解錢糧多被奸徒攬納以致侵欠宜令巡視科道官嚴法禁戢 上命從實舉行。○壬申。○廣東巡按御史王同道

核上海寇曾一本犯省城守臣失事狀總督張翰亦具疏自劾  
上以翰任淺姑令策勵自効奪守巡僉事周舜岳叅政謝鵬舉  
及顧哨指揮白翰紀等俸三月都指揮黃應甲未熙布政使熊  
汝達等俸二月指揮趙陞等下巡按御史逮問○癸酉○陞湖  
廣左叅政林命為廣東按察使雲南副使楊守魯為浙江右叅  
政發大銀七萬兩充容雲鎮新募車兵及添調防秋軍馬之費  
并給薊鎮達軍盔甲從總督譚論奏也○鑄給廣東監軍道關  
防○甲戌 上以秋防將竣恐各邊督撫鎮巡等官忘俗玩寇  
命兵部移文申斥之又令民入居昌平鞏華城隙地以便防守  
○總理江北等處屯鹽都御史龐尚鵬奉詔條陳鹽法二十事  
其疏通墾治之法有五一掣鹽引目為先加增工本鹽以致停  
鹽當權宜酌處淮南每年掣引八單每單七萬三千引今議加

為八萬五千引准北四單每單五萬引今議加為五萬五千引計每歲加引一十一萬六千有奇此外又有嘉靖初年別行小鹽事例併宜查覆每引止四百八十五斤為一包不得過多候准鹽掣盡方許挨掣淮南納餘銀五錢二分五厘准北三錢七分三厘通計每單淮南增為十萬四千引准北增為七萬引每歲多銷引目共三十二萬八千引疏通之法莫要于此餘鹽銀尚少二萬五千七百六十兩之數於割沒銀內處補亦可以不失六十萬原額一銷引多寡有司之殿最係之今舉刺不行何由懲勸宜令守巡道將部內州縣就近分轄籍記鹽引完欠之數以憑巡鹽御史疏名黜陟一商人運鹽江西湖廣等處必赴鹽法道驗舡布政司對引奔走道路淹滯歲時宜令各商徑赴原派府投引發鹽其查比私鹽屬各守巡道就近督察一鹽多

則銷遣不盡引多則支掣不及宜將七分常股照常中邊存積三分暫為停止一商人赴南京戶部給引有守候羈留之苦宜勅該部坐委司官一員專管鹽引如運司預請閱給即與借支以代商人陸續補償其禁制私販之法有三一私販盛行由餘鹽不售宜每年除正鹽及商買餘鹽外查有餘鹽若干官為收買合用鹽價於割沒餘銀內借留十餘萬支用僉立股實灶丁上場四名中下場各二名免其襍差乃令增價管買每年春夏二季報部貯收鹽或留為存積以備開中或給買補商人令其納價俱听巡鹽御史督察一淮南安豐諸場鹽出於煎燒必資盤鉄淮北白駒諸場鹽出于灘儷必藉埽池盤鉄埽池原有定額非灶戶所得擅置也自嘉靖三十年奸商牟利告改盤鉄開場揚州鑄造鍋鐵於是人人得鑄鍋得開池矣今款禁私販當



先禁私煎開鉄場逐鑄匠核甌池私池及煎鉄鍋鐵之數酌量去留如盤鉄不便易以鍋鐵亦須官為鑄造別以運司花押無花押者皆比私鹽千斤律坐之同灶不舉者連坐一巡鹽委官皆用謀職所領兵夫不過數名難以責捕宜屬州縣巡捕兼之所獲鹽犯宜根究某場某灶及牙作官攬經由處一體論罪其調停專私偏累之法有四一边商報中内商守支事本相須但商内安坐边遠輸不能無勞逸之辨故掣河鹽者以惠边商也然河鹽既行淮鹽必滞内商無所得利則边商之引不售而留滞鄉之苦盖甚今宜停掣河鹽但將边商引價定為三等分撥見引者淮南定銀九錢淮北八錢分撥起紙關引者淮南八錢淮北七錢分撥到司勘合者淮南七錢淮北六錢若边商倉鈔已到内商留難許边商徑齎引目投送運司照數領價即日回

邊其引自在官者責內商依價承買其官給價銀暫留割沒銀二十萬以俟轉移支用不悞解部仍將內商姓名記籍于官凡遇支盤到橋項壩行令白塔河安東壩各巡司驗放鹽缸如該掣鹽一百引務取新引一百引方許進單呈掣無新引者不許過橋入單蓋河鹽停則鹽准日速引價定則開中自多邊商內商各得其願矣一商人掣鹽自正餘斤數外多帶鹽觔謂之勃沒每觔納銀一分問罪發落止以懲大包之弊也今以積筭累罪有一人而問徒數名者有筭千金以上即引例發遣者宜稍輕其典止照原數追罰擬以一罪毋得坐以軍徒但積筭五百五十斤者查照近日引價餘鹽及閑引起紙賑濟桃河諸項照數納銀即將運司收買官引給與一道以便照鹽發賣若有分外多捆大包者罰銀三分則割沒之銀雖免而引隨鹽銷亦可

無壅滯之患一鋪戶承買商鹽去鹽場隔遠者易行而淮揚二府附近塩場者難售宜將淮揚折賣鹽引六萬有奇分派大江以南民稠之地而以前議收買餘鹽查照邊商倉鈔則例給粟鋪戶令其納直支費則鋪戶之困可以少舒一各商中納邊鎮糧草私費甚多重以科罰勸借之苦往往散去乃籍居民食報當戶擾不可言宜將邊商糧草酌量時估寬其收納之數時其給遺之期而額外科索者一切禁止其定擬行鹽地方之法一言淮鹽所行之地甚廣如江西之袁吉湖廣之衡永賓慶河南之南陽皆行淮鹽其後偶因權宜遂致侵越今吉安府轉行廣鹽而袁州臨江之閒淮鹽亦不致衡永賓慶等府兼行淮鹽而廣鹽與之互持爭端滋起南陽專行解鹽而苦于陸輓反言淮鹽之便紛紛變法俱于國計無裨宜勅各邊撫按虛心經畫如

吉安則宜改行淮鹽南陽則宜半行淮鹽半行解鹽衝永等處則宜視南人所便或專行廣鹽或轉行淮鹽其課或上司農或入督府務求長便者為成規其鹽課本折之法一言各邊報中正言全倚餘鹽為利正鹽以本色開邊餘鹽以折色解部此不易之法也今議者或言當議餘鹽開邊併納本色不知費多利薄則餘鹽亦不行或又言革去餘鹽則引目銷易不知私鹽不行則灶丁立斃其弊終不可革惟改行小鹽每量減其數則引目自通其利所當與者二一因計盈虛商灶利病其責但在運使而近例不入右選宸布實難自今宜選郎中知府才望素著者為之運同運判亦簡用科目出身及廉正有心計者候有成勞不次拔擢一運司各該分司欲其同視各場搜剔奸弊也今公署徒設分司官歲不一至宜勅延按御史申令考成毋事偷

情其弊所當革者四一懲押權豪以防阻壞之弊一銷繳退引以杜影射之奸一內商掣鹽之後水商承買常于中途得價發賣不復詣原派地方投引宜籍水商姓名留司備照仍行各府州縣嚴法稽查有違限四月不到月徑至原籍拏追連坐內商以防截賣之弊一往年商人親身報中邊儲給足近多奸徒包攬于是勢豪得以請託官攬得已通同宜嚴為禁絕仍行管糧郎中將給過倉鈔編立字號登記循環文簿所按委官盤驗則奸人無所牟利而國賦可充部臣上其議詔悉從之○乙亥○復兵部左侍郎為民陳洪謨戶部左侍郎聞住奈胤緒原職乃賜祭塋如例以湖廣撫按官劉愨等言二臣皆因公落職輿論稱枉故也○調廣西按察司副使程大賓于雲南提調學校○時揚州府起運民糧共九萬石而與化一縣額派三萬有奇有

議將灶田盡免起運者巡撫鳳陽都御史方廉己為有田則有租今民田已入灶戶又而使代為輸糧不便請將灶田自捍海堰運鹽河西以至縣治一帶盡數派入該縣徵糧額內若起運存留站銀以田起科者與民一体徵納其銀力二差係以丁起科者責辦民戶毋槩吾鹽丁與民各得其平役之○戶部等衙門會議漕運事宜一酌處資餘以恤軍困言運軍南還全仰給于資餘今一幫漂扣留各幫一衛漂又扣留各衛既阻回船兼悞新運非法之善也請自今年為始凡處補資餘俱于本年內大惠先儘本幫次及本衛次及總小惠先儘本舡次及本幫其別幫別衛不得一槩扣留一議處帶輓以速糧運言運舡過臨清於上下二廠順帶城輓水次遼遠宜就近改派於關外下廠無致耽延一添鑄鉄斛以息爭端言瓜儀石土等壩因斛有增

減互相爭執原鑄鉄斛不能偏校宜每總添鑄鉄斛三張分發各提帶赴水次仍令司府州縣如式製造木斛以備交兌不得異同詔如議○總督兩廣軍務侍郎張翰會巡撫廣東都御史熊桴奏廣東山寇七十二巢海寇四種而林道乾曾一本最為陸梁不一大創之恐嶺南之亂終不能已謹條具其事如左一申諭各官兵凡陸地戰勝者擒斬仍依賞格若海上戰勝者擒賊一名即賞銀四兩斬首一級銀二兩衝鋒雖無首級而能奪獲一舡者一百兩其有斬獲曾一本林道乾首惡者加賞銀一千兩生擒者三千兩仍賞實授一級其兵卒臨陣退縮者即斬首以徇將領逗遛觀望如魏宗翰王如澄者宜首正國法以示勸懲一提兵郭成長于陸戰俞大猷長于水戰宜分地責成俾無推諉而分守惠潮及雷瓊廉恭將宜亟行處補一全廣有官

兵鄉兵狼兵募兵撫兵又加以閩浙之兵多而不精何以應卒  
迫置水寨六所練兵同知六員宜令造舡勦賊之後將舡兵分  
配六寨有事听調無事听練同知不許謀管印信把總不許他  
委避難而巡海海防海南海北兵徭四道各給勅書委以訓閱  
之責視其勤惰而賞罰之一惠潮之間百姓傷殘特甚或處或  
叛里社為墟乞將嘉靖四十三年以後帶徵起存錢糧暫行停  
免其被患尤慘者臣等量行賑恤庶予遺之民猶有更生之望  
而喜于自新兵部覆議從之其議處分守一事得則恐侵總兵  
之權故以把總代之翰則謂雷瓊廉所屬地方遼遠又瓊州孤  
懸海外岐黎叛服不常非叅將不能殫歷上兩視之詔裁革  
惠潮叅將耿宗元而以浙江把總潘吉調補惠潮如孖言以宗  
元補調瓊廉如瀚言



大明穆宗莊皇帝實錄

大明穆宗莊皇帝實錄卷之二十五

隆慶二年十月丙子朔○欽天監官進明年大統曆 上御皇極殿受之分賜文武群臣頒行天下○孟冬享 太廟○陞湖廣布政司右叅議黃可大為廣西按察司副使○丁丑 孝潔肅皇帝忌辰 奉先殿行祭禮遣英國公張溶祭 永陵○南京工部尚書魏尚純卒賜祭葬如例尚純河南鈞州人由嘉靖十一年進士授行人陞刑部員外郎中歷山西布政使順天府尹陞右副都御史巡撫保定病免隆慶元年起家為工部侍郎陞南京工部尚書以病致仕卒于家尚純耿介有風節中州士人咸稱之○戊寅○命分守浙江寧紹叅將朱冠充副總兵鎮守南直隸江南○陞山東領班指揮使韓國鎮為署都指揮僉事僉書河南都司事○以旱災免陝西臨洮鞏昌慶陽三府夏

稅有差○巡撫江西都御史劉元濟奏留年例贓罰銀兩備賑  
許之○總理江北鹽屯都御史龐尚鵬言大江南北亢旱淮徐  
間洪水泛溢請稍做富弼在青州之法作粥以活飢民又請止  
督賦之使以息催科留解部之金以俸緩急蠲通員以安流移  
寬力役以禁煩擾增穀價以招商販以早澇災免鳳陽淮安楊  
州徐州滁州秋根子粒有差仍准存留商稅備賑准徐災重復  
准改兌漕糧二萬五千石淮安所屬二萬石徐州五千石於臨  
清倉糧內處補○己卯 孝恭章皇后忌辰 奉先殿行祭禮  
遣恭順侯吳繼爵祭 景陵○巡撫山西都御史楊巍以山西  
平陽府屬災傷請留查盤解部銀一萬四千餘兩備賑從之○  
庚辰○以冊立 東宮恩蔭累朝公主裔孫趙承庠十人為國  
子生○總理河道工部尚書朱衡奏言黃浦東 宋家口至豸

裡溝續挑支河四處皆係納糧民地乞行履田除豁或將昭陽湖官地及淤平儘渠債之人夫量免雜差一年又近河州縣勞役三載如山東之濟寧滕嶧漁臺滋陽鄒平陰鉅野宜分派靜德等州潤布東平等州存留米一二年而南直隸之徐邳沛三州縣亦宜寬恤部覆從之○廣賊曾一本等突至南澳窺福建玄鍾界撫按官塗澤民王宗載疏請大征上命兩省鎮巡官協力夫勤務其蕩滅不得彼此推諉以致滋蔓○以山西旱災減免本年應輸義兵銀一萬五千兩及明年站糧銀八萬兩○發方山王府鎮國中尉新垣開宅禁住坐與群盜通劫掠商貨故也○辛巳○度決重囚殘原任總兵申維岳守備楊瀛泰將畢高等二十四人○壬午○陝西嘉石草坡等族番戎肖等來朝貢馬及方物給賞如例○巡撫江西都御史劉光濟奏來州

府宜春分宜平鄉縣沒入嚴世蕃田土清消寇阻月犯牛大星不抄頭歲徵折銀

六千四百餘兩以充南贛軍餉報可○月犯牛大星○癸未○

復除太僕寺少卿周冕原賤○授廣州府南海縣知縣詹仰庇

為試御史○陞河南按察司僉事方新為本省右叅議○山西

督撫官陳其學楊巍等奏報三晉士民各捐財力修築城池堡

寨六百餘座省公費不貲而蒲州孝義襄陵洪洞榆次臨分等

縣東關頭馬營堡城垣工尤倍之乞錄官吏効勞及士民助役

者以次給賞事下兵部覆議從之因賞總督陳其學巡撫楊巍

守巡叅政劉日材孫一正叅議歐陽毅副使鄭啟楊綵范大儒

僉事沈人紳吳一本劉時秋等府州縣官同知靖四方等各銀

幣有差○陞賞福建南澳牛山等處有功官軍陳伯秀等二十

七人○乙酉○四川威州郡綱頭目安朋等來朝貢方物給賞

如例。造鹵簿大駕遣工部侍郎徐綱行札。陞刑科都給事中顧弘路為左叅政。山東道御史溫如玉為副使。廣東道御史李世臣為僉事。弘路世臣湖廣如玉山東。命湖廣都司僉書湯世傑掌本都司事。陞山東運糧把總戴子進內東巡捕把總指揮僉事。包文學俱署都指揮僉事。子進四川都司文學湖廣都司各僉書。丙戌。兵部覆議。巡按直隸御史周詠條陳其一言武弁晉陞太驟。及以罪譴者旋復叙錄。無以示勸懲。請自今于衛所官員必歷試掌印總哨操守等職。始陞任。坐營都司守備必屢經撫按保荐。始擢以叅遊。總副罪謫者非有奇功不得濫叙。其一言宣大邊牆久頽。墩軍多為虜用。乞查宣府西北路大同東中路墻墩遺址。行守臣修葺軍士仍通虜者罪無赦。其一言宣大所設入衛遊兵在薊鎮者固難遽減。餘尚可省。

如宣府初年止舊營一枝後增置新營入衛營東路營皆一時  
權宜未計長便而東路營裁革而以七營歸併其一言河南調  
赴宣府班軍多老弱逃去宜令撫按官嚴行各衛所審編丁力  
上等者以充仍委把總督解到鎮之日選其精銳者征操老弱  
者赴工征操之軍俱就操所給糧不得漏脫赴工之軍以三月  
為期少示休息其一言天順間大同府屬取各鄉民夫三千人  
號曰馬步主兵每年冬十月上班次年春二月下班每兵免糧  
五石更無行月糧賞而渾源等又以五百撥補靈丘恭將營其  
軍裝亦令自備民不能堪今宜照廣昌之例將各兵于免糧之  
外添給月糧又渾蔚等處亂嶺等口地甚險隘每各布兵擺守  
難以拒敵宜置墩設墩築堡扼險以俗非常凡此乞均下宣大  
督撫官再計從之○南京報因處決者九人矜疑宥死發戍者

四人○戊子○趙府平鄉王厚燦奏言趙王常清冲幼深居一切府事多阻抑不達而臣于親屬差長乞撥承奉正一員助王經理禮部言國家典制各王府統于親王而平鄉自稱差長越次上侵宜防其漸得旨厚燦奪祿一月其該府輔導官及費奏人役下巡按御史按問○陝西總督王崇古巡撫李尚知總兵趙奇以本鎮馬料不充奏將每月料豆四斗五升之外增一斗五升草價銀五錢之外東中二路增一錢西路增五分總計歲增料草銀三萬九千七百二十一兩請增入年例給發部議據本鎮開報節年士馬物故者不下三萬餘計應扣糧料銀兩所餘不贖宜將增添之數准于士馬失額餘銀內扣給其節年欺隱侵冒之弊仍行拮撫額實以聞詔如議○己丑○錄甘肅鎮哨探被殺夜不收紀小全等七十五人各襲陞賞賤一級○庚



寅○大風揚塵四塞○陞江西按察司僉事施克臣為廣東副使○陞原任禮科給事中沈東為刑科都給事中○總理江北屯鹽都御史龐尚鵬條上屯田四事一開墾拋荒言屯田之廢田土地硠薄人力不齊招集無方科求太急也宜將力不足者官給牛種未成業者寬其租賦而又信招徠之令緩役使之勞立巡省之規定土田之等則流移日復而荒蕪漸開矣一清理侵占言屯地膏腴者盡為官豪所據宜嚴加清查重告奸之賞免自首之罪而占愆不吐者處以重刑一查復原額言今屯田冊籍名存實亡蓋由年深戶絕地主屢更承佃既久遂為世業宜查造原冊沿丘履畝窮究生落審問地隣參考契券務足原額一追徵子粒言屯田積久雖由管屯官有侵欺不納之弊亦由以本衛之官徵本衛之糧法難行而人心易玩也宜令各衛

所屯糧俱赴州縣完納折色嚴限解府折色收貯官倉聽府委  
官給散庶官屯官不得科求而官軍不得私兌卽遇查盤道員  
侵欺者舉無所逃罪也部覆詔如議○南京織染局監工內使  
張進朝以差回詐稱奉勅往湖廣南直隸選取秀女遠近訛傳  
好嫁失所事聞詔下南京法司鞫擬進朝罪斬其黨俱充軍  
○辛卯○陝西弘仁等刺麻番僧領真鎖南來朝貢馬及方物  
賞賚如例○順天府府丞何起鳴條奏編審事宜本府所屬州  
縣官戶丁糧俱照嘉靖二十四年事例照品優免其隸籍禁衛  
者將軍准免二丁校尉一丁各取該管衙門印信公文為據毋  
容遠方別族一蓋濫免一大與縣既有遞運所而完大二縣復  
佐以日行車輛銀一千二百五十三兩嫌于太多宜減宛平縣  
二百兩減大興縣銀一百五十兩其審編額數立限追徵本府

仍立印信文簿一扇凡遇撥過車輛給過價銀俚為登記以便查考一原編廠衙衙門刑杖銀二百八十五兩出入不明未免虛冒宜每年減半編銀解府委官收買凡遇支領取該衙門印信公文方准給發一原編各州縣協濟通州搬運餅鐸脚夫銀三百一十九兩先年題解折色已而仍復本色請于內量減銀一百兩一寶坻縣原編北新西城明智安仁等方草場庫役共八十四名每名編銀三兩六錢俱係棍徒包攬求索無饜宜每名再加銀三兩六錢共足七兩二錢解府募役以絕煩擾一原編顯靈宮廟戶一十三名大慈仁寺佃戶二十三名蠟燭寺旗夫四名真武迴龍城隍等廟四名皆屬冗役宜裁其半一遵化縣喜峯大安等倉斗庫及各都稅司巡欄俱應裁革部覆起鳴所言切中氏瘼獨倉場斗庫稅司巡欄未可全革宜下撫按官

再議 上是之。○錄遼東大康等堡拒虜功賞總兵王治道廵撫魏學曾各銀二十兩一表裡。○命浙江軍門標下遊擊將軍梅魁充分守寧紹叅將廣東遊擊將軍馬良匯充分守高肇紹慶左叅將以浙江軍門坐營都司吳良知代魁福建行都司僉書李誠立代良匯。○壬辰。○陞貴州右叅議林一新為江西副使。○復除禮科給事中周詩刑科右給事中舒化戶科給事中夏時原職詩本科化兵科時禮科。○左春坊左諭德兼翰林院侍讀張四維乞假歸省 上以四維日侍講讀命馳驛去。○月犯畢宿右股中第二星。○癸巳 孝誠昭皇后忌辰遣襄城伯李應辰祭 獻陵。○朝鮮國王李昞以冊立 東宮賜幣遣陪臣柳昌明等入謝貢馬及方物宴賚如例。○裁革南京太僕寺少卿一員。○陞原任翰林院修撰余承勛兵科給事中傅佩俱

為太常寺少卿致仕二臣在 世宗朝以建言落職至是七十歲矣無按官荐之吏部覆如引年例令進階致仕故有是命○以淮揚鳳陽徐滁等處災傷暫免原派輒價一年○巡按浙江御史蒙詔條議四事一河工既成請悉按民田受患者獨山以南自湖陵城至回回墓薛河新改支河自王家口至呂孟湖宜設法開導使水有所歸不重為民害其三河壩堰功緒初成當倍加葺濬預為久遠之謀一寶應湖風濤巨測往往有沉覆之虞宜如高郵康濟河故事別鑿一河以近隄民田為之使之計畝受值免其徵稅一高郵康濟河故有木匣涵洞相旱澇為啟閉之節今歲久浸地加之節年大水衝蓄內外隄僅如一線宜及其未敗以次經理一徐呂二洪相距一舍事務可以兼攝宜罷徐州部使令呂梁分司總之且汰各關官之虛設者工部覆

奏詔如議行已而工料都給事中孫枝言比來江淮詣部蕭然  
煩費不任與作即款如詔議開寶應越河以避險阻亦當俟國  
用稍裕徐為之旨 上是之○甲午○以山西舊貯漳河橋梁  
銀三千八百兩有奇賑濟旱災地方從撫按官請也○四川董  
卜韓胡宣慰司國師捨納也舍等十人別思寨安撫司番僧劉  
巴頌真等八人各進方物稱貢賞賚如例餘一百九人行四川  
守臣一体撫賞○陞湖廣按察司僉事樊倣為貴州布政司右  
叅議○錄各邊獲功死事官軍陞遼東金州等衛黃恩等十四  
人大同邊外石山子等處羅愛等二十一人寧夏西瓜山等處  
王文秀等十二人甘肅青山兒等處劉維忠等十三人○己未  
○陞湖廣道御史張櫟為尚寶寺卿○丁酉○都察院左副都  
御史何繼伯引疾乞休不允○河南郟縣知縣楊翠川計奏原

任刑部主事今降調禁縣知縣雷大壯擅自馳驛騷擾州縣詔  
下山西巡按御史提問仍令自後不係公差人員有假借勘合  
擅遣牌面者所在撫按官嚴加訪捕奏治○戊戌○賞寧夏巡  
撫標下把總哮拜銀十兩哮拜本胡人歸義以功迂至今官是  
年八月出邊邀擊套虜于山後大青山等處斬其酋長撒鬼大  
恰等九人總督王崇古以捷聞故有是命○調中府僉事懷遠  
侯常文濟于南京左府○調宣府西路叅將李世臣為南路順  
聖蔚州等處右叅將○詔以西淮運司執河銀三千兩發徐二  
洪協濟河工之費從總督監屯都御史龐尚鵬奏也○乙亥○  
遼王憲節有罪削爵降為庶人禁錮高墻國除洪武中遼簡王  
楨始封于遼東永樂初改封荊州簡子王貴煖嗣六傳至憲熾  
嘉靖十八年襲封遼王性酷虐淫縱或信符水諸奸黠少年無

賴者多婦之恣為不法隆慶元年以湖廣巡按御史陳省札科  
給事中張 先後論劾追奪嘉靖中所賜真人名號金印及祿  
米三分之一既巡按御史部光先復上疏數其十三大罪侍郎  
洪朝選等奉勅往勘具得其實以樂婦之子川兒冒請封名以  
亂宗統因而逼死承差等官罪一 先帝哀詔至越五日不舉  
哀成服更縱飲遊獵罪二淫亂從姑及叔祖等妾逼姦婦女或  
生置棺中燒死或手刃剔其臂肉罪三毆死儀賓禁錮縣君勒  
詐宗人戕殺官校收人之妻攘人之產掘人之塚燬人之屍不  
可計數罪四用炮烙割剝等非刑剗人目炙人面燬人耳罪五  
縱伶監瀆亂宮中罪六創立離宮私造符璽罪七寵信私人僭  
用侯伯金吾等官名賜蟒衣玉帶罪八凌辱府縣等官蔑視  
天子之命吏罪九詭請金印刊刻妖書與徽王通謀不軌及奉



詔追奪匿不肯獻罪十蓋造美花等院混藏惡少罪十一違例收買應禁器物罪十二假名遊獵陰演陣法震驚遠邇罪十三章入上下禮部會同多官雜治凡再覆皆如其言上曰憲卿僭擬淫虐罪惡多端背違祖訓干犯既多官核實奏本當盡法姑革爵禁錮除世封其遺駙馬鄒景和告太廟仍以書示各王府知之拊置群黨俱下御史按問○以兩廣勦賊功蔭南京兵右侍郎吳百朋姪大紳為國子生百止一子明已承蔭至是以姪請從之○以浙江金衢嚴處四府旱災詔留浙江布政司駐劄銀九千兩備賑仍停免稅糧有差○催備漕運御史蒙詔條陳漕河二事一議優恤言南陽獨山一帶諸水經注佔役民田一千二百餘頃原額稅糧分派山東通省以惠失業之民一議洪夫言徐州所屬豐沛蕭碭當水陸衝要歲編兩洪

夫役二千四百五十一名該工食銀一萬五千一百九十六兩  
民不勝困宜于輕費銀內每石扣銀二厘以資雇值部議水田  
糧當如議輕費銀兩備分派盤剝車脚及修船給軍之費難以  
議扣即今議真瓜州二壩扣取脚未歲計銀二千五百兩該州  
四縣派剝麥價銀一千五十九兩近議運司挑河銀三千餘兩  
總計六千五百餘兩悉聽本州收抵夫費宜可以紓民困矣詔  
如議○提督操江都御史吳時來奏國初江防惟有水操京軍  
比因倭患又增募水兵六千餘人所費兵餉以七萬餘計今倭  
寇已靖宜汰簡以甦民困擬量留一千七百餘名分守要害餘  
悉罷遣諸郡縣舊額兵餉銀兩並免編派兵部議覆沿江水兵  
冗濫殊甚今倭寇已息時來所請宜即先行但冗兵既汰而中  
軍把總等冗員亦當查革乞再查議以聞 上是之○辛丑○

陞廣東河泉和平英德龍門崇化等處地方獲功陣亡被傷  
漢土官軍黃顯等四千五百八十一人有差。○壬寅。○僉新建  
伯王守仁男正德襲爵歲給祿米千石。○以宣府南山叅將李  
官為副總兵仍管叅將事革南路叅將劉喬大同入衛遊擊將  
軍劉本經廣靈守備秦松渾源守備崔環保安舊城守備李高  
文新城守備侯國威遠守備王鎰任鎰國仍下御史按問從巡  
按御史周詠舉劾奏也。○癸卯。○以東宮恩詔廢右副都御  
史陳大賓男怡韶為國子生。○甲辰。○僉萬全都司掌印署都  
指揮閻守中充分守宣府東路永寧等處右叅將。○陞江北運  
糧把總署指揮僉事張一正為署都指揮僉事僉書湖廣都司  
事。○陞廣東瓊州府知府史朝宜為廣東副使。○以災傷免保  
定河間真定順德廣平府屬秋糧有差。○乙巳。○陞南京刑部

郎中楊文明為廣東按察司僉事○賜大學士張壁妻夫人趙氏祭一壇從其子天聰之請也○免河南開封府各被災州縣秋糧有差

祭之書玉之神  
不物

大明穆宗莊皇帝實錄

大明穆宗莊皇帝實錄卷之二十六

隆慶二年十一月丙午朔。○丁未。○巡撫四川都御史陳垺以九月盜劫提為營昌二縣庫劾奏守巡官叅議包汧僉事馬文健乾章俱奪俸一月畧等巡按御史遠問。○山西太原府天鼓鳴有星隕如斗大光芒二丈餘。○己酉。○陞浙江布政司左叅議崔近思為山西按察司副使。○以水災免浙江台州府稅糧有差仍留原派南北直隸等處馬價銀俸賑從巡撫趙孔煦奏也。○庚戌。恭讓章皇后忌辰遣中官祭陵寢。○壬子。○慶成王府輔國中尉知鷺以毆傷其父鎮國中尉表梃下巡按御史勒令自盡。○陞原任山東僉事陳燦為浙江左叅議。○宣府總兵馬芳率所屬叅將劉潭等千餘人出獨石邊外二百里襲擊虜騎于長水海子敗之還入邊未至虜追及于鞍子山芳等復

戰又敗之前後擒斬共八十餘人奪馬四十餘匹督撫官以捷聞上嘉其績賞芳銀四十兩紵絲二表裏廕一子正千戶總督侍郎陳其學四十兩二表裏巡撫王遼三十兩一表裏各陞俸一級兵備副使方逢時叅將劉潭千總解生各銀二十兩解生仍陞二級上又以秋防無警更多捷報賞兵部尚書霍冀侍郎曹邦輔劉壽冀鍊及職方司郎中孫應元等各銀幣有差○命宣大總督軍門標下領兵叅將補于漢分守宣慰萬全右衛等處○陞福州右衛指揮使朱璣為署都指揮僉事僉書福建行都司事○論元年七月寧夏清字七舖等處失事官罪謫原任靈州叅將吳希魯戍邊衛固源衛指揮楊津降實職二級寧夏後衛指揮馬天恩輸贖還職○癸丑○遼東巡撫魏學曾奏定遼瀋陽等衛海州開原鉄嶺等三衛全復蓋三衛各清出

屯田共二千餘頃該糧五萬有奇請叙錄前後督理効勞諸臣副使張邦士行大僕寺少卿劉柰兵備僉事張光漢戶部覆奏詔以屯田清出數多魏學曾張邦士劉柰各賞銀兩有差邦士仍與光漢俱陞俸一級○陝西巡撫張祉條陳三事一請復本鎮年例錢糧八萬兩之舊一請復淮鹽每引四百斤浙鹽每引三百斤之舊一請均延慶二府田糧部覆後二事皆有成議不必紛更至于延慶甘肅三鎮官軍自嘉靖三十七年以後已耗去原額三分之一即本省本留存稅糧辦此有餘今反稱不足欲曾年例銀給之此其中不無侵冒之弊宜令一一查數以聞報可○甲寅○祭三皇于景惠殿遣禮部侍郎萬士和行礼○遣太醫院官祭先醫之神○乙卯○准貴州布政司左叅政黎澄致仕○吏部覆議都給事中鄭大經御史鍾沂等疏陳考察



京官事宜其一謂京官考察一過詢訪以定賢否不無遺議宜行各堂上官秉公覈實手註考語送部院恭詳其中果有名實相違及愛憎互異者務在虛心鑒別不得依阿其二謂匿名文揭率奸人報復之私該部以有禁諭尚宜申勅內外執法諸臣嚴行訪達各衙門有私受揭帖不行糾舉者罪之其三謂五年之間內察廷臣外計群吏法網既密宜稍濟之以寬論其大節而毋苛責其細過首絀巨奸而毋拘泥於舊數若存留中有聞望超卓者仍亡論資格一体拔擢以示激勵其四謂科道官拾遺往往有投匭中傷之弊近已盡革然彼此率多雷同問亦有局趣首鼠以避嫌怨者今宜重為之戒各出見聞公同評品擬議未真者固不得濫及以傷大体奸惡顯著者亦毋得容情以滋隱匿 上是之乃諭部院考察重典務虛心鑒別精汰衆賤

以彰斥幽之公。○江西萬羊山跨連湖廣福建廣東之地，舊稱盜藪，而各省商民亦膏流聚其間，以種蘭為業。是年六月，山賊出劫鄉民，羅萬家會南贛巡撫張紳初蒞任，遂令萬安營守備董龍督兵往捕之。龍等兵至，因聲言榜山諸藍戶大恐，遂拒敵官兵。鄱縣青石崗等處至嘯聚千餘人。江西巡撫劉光濟檄分巡湖西道撫諭而各兵以紳令追捕盜急，巡按江西御史顧廷對遂奏藍戶未必皆盜，不宜激之生變。紳勇于任事，不能與光濟協謀，故紛紛至此。聞南贛三策向化已建，立縣治而各將官喜生事，端轉展煽惑為軍門言，則曰：「巢人欲反為巢人言，則曰：「軍門欲勸臣恐眾心疑畏，將來所憂不止萬羊山寇而已。」疏入兵部覆議，令光濟紳議撫巢之策務合机宜，毋各偏執。已見以致悞事從之。○丙辰。○陞江西按察司副使于錦貴州副使王

鳴臣為貴州叅政吏部考功司員外曹自守為按察司副使錦  
陝西鳴臣貴州自守江西○以河南災荒免徵河夫贖工銀兩  
從巡撫李邦珣奏也○方山王府鎮國中尉新庶以為盜事覺  
降為庶人○丁巳○總理江南屯鹽都御史鄒應龍條上鹽法  
四事一議額課言舊制每引鹽二百斤後增至五百六十斤今  
雖減為四百斤引目尚多積滯宜改行三百斤小鹽以二百為  
正數以七十斤為餘鹽以三十斤為包索則引目將自通然每  
年鹽課額斛一十四萬除水鄉草場倉基稅票因徒沒官引價  
等項銀四萬五千兩該餘鹽銀九萬五千兩今改行小鹽每引  
納銀一錢四分五厘計四十七萬引該銀六萬八千一百五十  
兩尚欠二萬六千八百五十兩當于派引內商之濟每引納紙  
價銀一分可得銀四十七百兩中津橋稅票增稅銀三分可得

銀一千八百兩至各場折色如永嘉獲德南監北監長林五場  
每年一萬八千引今改認仁和許二村二場買補每引加銀三  
錢五分該加銀六千三百兩運赴杭州稱掣照例每引又加銀  
六分二厘該加銀一千一百餘兩袁浦東浦清浦三場每年二  
萬一千二百四十一引改認下沙青村二場買補每引加銀一  
錢七分可增銀三千六百餘兩蘆漚場每年一萬五千二百二  
十二引改認西路場買補每引加銀一錢二分可增銀一千八  
百餘兩以上三項該銀一萬九千三百六十餘兩所少者纔七  
千四百餘兩而已然引目疏通開中日廣是部計稍斂而邊儲  
常有餘也一祛奸黨言邊商引目難于守支必分派內商近奸  
徒射利或抑勒價值或冒名支掣或以賄請託買沒官之鹽或  
以債折監收倍入之息或不截引角重復執買或未掣批文先

行盜竇稍持以法則謗議沸騰運使而下咸畏其口宜下巡鹽御史嚴加緝訪但干壞盜法者收補坐罪一屬法禁言今私鹽盛行由地方豪右把持縣官而巡司衛所應補之卒皆積年無賴反為盜主宜行法自責勢如官司阿縱者以不賤論罷弓兵選精壯有力者充役仍不時更番以防通同之奸至私鹽出沒所在如福山狼山二港尤宜添設兵舡專管防禦一清弊端言私販由于私煎今水次山鄉人人得操煮鹽之柄白晝列肆莫敢誰何敬禁私販不可得也宜復國初團煎之規酌灶居遠近每場就便立舍數區官置鍋盤安聚灶戶俾為保伍使相覺察運使官仍不時按籍稽查有犯者處以重法戶部覆議從之○戊午○朝鮮國王李昖遣陪臣李景彥等進馬及方物入賀長至令節宴賚如例○錄宣府修邊工賞總兵官馬芳銀四十兩

飛魚衣一襲先後總督侍郎王之誥陳其學巡撫冀鍊王遵部  
中賈洪等副使范大儒等各銀幣有差○己未○陞西各卜等  
族番人曾巴等未朝進馬及方物賞賚如例○吏部奏恩蔭官  
員故例仕至宗人府經歷順天應天二府治中俱得轉遠方知  
府間有事体未諳不堪民牧者旋被罷斥非器使之道也今宜  
度才而授如其才識卓犖能勝民社之寄固仍當照舊陞選其  
次者亦宜量陞閒散衙門如五府都事得陞兩京太僕寺寺丞  
如宗人府經歷及順天應天治中得陞鹽運司同知既陞之後  
如在任無過寺丞一考得陞部屬賤衙填註中書科辦事再考  
三考得加俸服運同得荐陞至運使及行太僕苑馬寺少卿間  
亦得陞右左叅政如此庶世祿之家人人淬勵以効器於民牧  
亦有裨矣得旨依議行○命宣府順聖川東城守備周一元仍

充為事官掌萬全都司事。○庚申。○命寧陽侯陳繼藩男大紀襲爵。○陞山東按察司僉事徐敦為陝西苑馬寺少卿。復改開住兵部尚書。金獻民大理寺卿。湯沐光祿寺少卿。余才為民都察院右副都御史。陳講杖死。吏科都給事中王俊民原賤。獻民講仍賜祭葬。○辛酉。○以災傷免江西南昌府瑞州袁州臨江吉安撫州建昌廣信南康九江南安贛州等府屬秋糧有差。仍准隆慶二年應解南京倉米折徵一十五萬石。○癸亥。孝惠皇后忌辰。遣玉田伯蔣營祭。茂陵。孝烈皇后忌辰。遣安平伯方承裕祭。永陵。弘孝殿行祭禮。○陞禮部儀制司員外蹇達為山東按察司僉事。○發太倉銀七萬三百六十七兩于密雲鎮二萬七千四百九十兩于昌平。錫為主容兵餉。○甲子。○以大祀。圍丘。上親詣南郊視牲畢。遣官輪視。○乙丑。

上御皇極殿傳制禁戒文武百官致齋三日。○命錦衣衛達開  
住太監李芳杖八十送刑部獄監錮待決尚書毛愷言自昔聖  
王刑人于市與衆弃之非直使死者服罪不寃且將使生者惧  
罪不犯耳芳供事內廷日久今一旦生死罪狀未明臣等皆莫  
知所置詰非所示天下公安天下之心蹙入。上以芳在事上  
無禮第命錮之蓋芳數以直諫忤旨故也。○丙寅。上詣太  
廟請。太祖高皇帝配。○戊辰。○冬至。上大祀。天子圍丘  
還御皇極殿文武百官行慶成禮遣武定侯郭大成豐城侯李  
儒彭城伯張熊武進伯朱承勳分祭。長陵。獻陵。景陵。  
裕陵。茂陵。秦陵。康陵。永陵指揮同知王極祭。景皇  
帝慶都伯杜繼宗祭。孝懿皇后中官祭。恭讓章皇后及廢  
后吳氏指揮沈至祭。哀冲莊敬二太子各陵園。○己巳。○以



世宗未及大祥免百官賀免慶成宴賜節鈔及分獻陪祀官  
該宴官昨其四夷朝使及土官人等仍賜宴于闕左門 中宮

東宮免賀。廣東巡撫都御史熊桴請會福建巡撫大勦海  
賊曾一本并乞令川浙亟償舊貸廣中軍軍餉銀兩以濟大征  
之用兵部覆奏 上是之 命兩省督撫將領諸臣遵照前旨  
刻期會勦以靖地方川浙原貸銀兩兵部即會同戶部各遣官  
守催解發不許遲誤。陞宣府懷來城守備劉光勳僉事山東  
都司事。辛未。修理重城工完遣侍郎徐綱祭后土之神。○  
命錦衣衛速內官楊義于南京陳鈿于山海衛各杖三十送刑  
部監錮。壬申。罷蘭靖有疾將尹繼祖回衛以分守陝西叅  
將張傑陞副總兵仍管叅將事代繼祖協同分守寧夏與武營  
錢炳代傑。癸酉。賜尚寶司卿劉奮庸母太宜人孫氏祭一

壇以奮庸常壽待詔裕即從其請也。○琉球國中山王尚元遣人貢方物入賀宴賚如例。○甲戌。○賜原任太子太保吏部尚書武英殿大學士嚴訥父恪母呂氏祭墓從訥請也。

大明穆宗莊皇帝實錄

大明穆宗莊皇帝實錄卷之二十七

隆慶二年十二月己亥朔○丙子○命禮部右侍郎兼翰林院學士呂調陽充纂修世宗肅皇帝實錄副總裁官○戶科都給事中魏時亮上三劄一曰先憂今天下可憂者在民瘼能為民舒憂者在郡守今宜慎重其選果有治行超卓者即陞兩京京堂或徑轉巡撫都御史以示旌異一曰養士言各省直隸提學官迺朝廷文教所係須擇學行兼優輿情推服者任之不必限以三年五年俟其資深望重或徑陞祭酒或量改翰林院相應賤銜以示風勸一曰久任言官必久任乃可責成自今內外有能修舉職業者宜一切久任不必數易以滋煩擾吏部覆前二事當如亮議其久任之法雖屢經言官建議本部裁覆第以諸司員缺數多需次人衆不能盡行宜先將賤務緊要如雨宗

府尹祭酒在外巡撫各左布政使兵備提學及守令有聲稱者皆久任之而責其成功資望既深仍量加賤級以示風勸議上從之○樂陵王府庶人觀熾以毆兄殺人發高牆禁住○戊寅○陞山東按察司副使曹科為布政司右叅政兵部車駕司員外李鶚為河南僉事○己卯○大字衛夷人頭目升合兒等一百八十餘人進馬入賀長至節宴賞如例○靈丘王府輔國中尉俊傑毆死人發高牆禁住○辛巳○陞安慶府知府周希哲為山東副使整飭天津等處兵備○陝西巡按御史楊鈐條上六事一清軍伍謂各鎮軍逃亡者未勾老幼者未汰或虛支廩餼或濫役宜行督撫官嚴責所在將吏一一清查一懲積逋謂武賤有罪叅提及問發者往往亡匿經年意圖漏網宜限以三月內到官違者重治一防冒濫謂各邊上首功多不以實宜

令本人親自報念仍令同伍中保勸不係殺降買功者方許行賈一併堡寨謂多設小堡力微勢分不足應敵不如併入大堡聚兵積食而守之一嚴襲替迓來官舍承襲或隱匿罪犯或紊亂宗支賄賂公行罔知法紀宜令都司衛所掌印官各從公起送以憑撫按給文兵巡道履實一杜侵盜謂該省各邊鎮芻糧俱委之將官收放查盤轉相軋沒奸弊叢生其生法當戍當刑者籍口完贓不即遣決法令不信玩愒益滋宜將一切軍需別委府州縣官而兵糧道仍嚴法稽查但有侵欺即如律重坐有贓至二百兩已上而所司不舉察者併究罪當論死者三年不完即正刑章以為玩法者之戒下戶兵二部覆議從之○山西太原府靜樂縣有男子李良雨化為婦人○壬午○臘入節免百官宴○發戶部太倉兵部太僕寺馬價銀各五萬于廣東給

軍從吏詐尚書楊溥奏也。○以水災乞四川順慶府廣安州渠  
縣田租一年停徵夔州府雲安大寧二場鹽井鹽課之半其餘  
災輕州縣各免稅粮子粒有差。○山西巡撫都御史楊巍上行  
太僕寺卿徐壚所議馬政其查原額酌緩急二事謂各營缺馬  
猝難全補當視營分緩急為第如北樓口叅將營係入衛之兵  
缺馬一千八百有奇宜亟補其半次則正兵營遊擊兵營為一  
等次則老營副將并守備營偏頭關叅將并守備營水泉八角  
二守備營中路叅將并利民守備營盤道梁操守營東路叅將  
營神机司河曲叅將營禦各把總司為二等神池寧武二守備  
營為三等各以缺馬十分為則一等者補十之二二等者補十  
之二三等者補十一之半計補馬二千四百二十七匹共用銀  
二萬九千一百二十四兩今歲以所徵朋銀一萬八百六十兩

有奇椿銀八千二百兩隨題准鹽課銀一萬可足用每歲視此  
買補其嚴稽查一事謂各營收椿明銀多役沒者宜徵解本寺  
寄之代州庫其勦督餉惜畜命覈奕責辦倒死四事謂嚴查度  
死盜賣而假稱陣傷者其清驛馬一事謂鴈門等五十八驛馬  
羸聽本寺委官點視其中法制專事權二事謂本寺馬政下則  
被各營為事無名之官尅減芻料上則被兵巡諸道侵撓戕掌  
宜悉委寺丞以督察經理之任責其成功章下兵部履言跪言  
皆 祖宗德制宜如所擬行之惟清驛馬一節則既設有驛侍  
道矣 上是其議。癸未。方山王府補國中尉新墀以持刀  
殺人發高牆禁住事連鎮國中尉知勞知脆俱罰祿米三月。○  
陞兵部左侍郎劉燾為右都御史兼兵部左侍郎總督兩廣軍  
務兼理糧餉巡撫廣西仍趣令赴任燾具疏辭不允。○命巡撫



寧夏右僉都御史朱及以原官巡撫大同贊理軍務南京給事中徐尚等劾南京協同守備應城伯孫文棟掌左府兼管操江巡江豐潤伯曹文炳掌右府永康侯徐喬松各用轎出入驕備無狀而文炳尤贖貨法當重處上命奪文棟喬松祿二月文炳革任閒住仍諭兩京武賤非奉特恩不許擅自乘轎文官四品以下不得私用惟轎違者聽部院科道叅奏○甲申○詔立雲南武定軍民府儒學時鳳氏之亂甫平黔國公沐朝弼等請卹其舊址為學以變夷風從之○陞湖廣按察司僉事李克德為本省布政司右叅議○山西北樓口叅將都指揮使黑雲龍有罪發邊遠充軍坐侵沒軍糧銀三百兩故也○乙酉○補廕太僕寺卿毛渠季男延太為國子生○丙戌○陞刑部員外郎卜相為湖廣按察司僉事○戊子世宗肅皇帝大祥遣英國

公張浴告 永陵。諭兵部遞鎮每十日一報虜情比來漸成  
虛大勞費無益其罷之過有警及事情重大者仍不時奏聞。  
命分守松潘東路叅將署都指揮僉事王詔充副總兵協守松  
潘加宣府中路叅表世械副總兵仍管叅將事。調神机營練  
勇叅將楊鯉為分守夔州馬蘭谷叅將。以災傷詔免湖廣宜  
城光化應城雲夢等縣陝西山陽浴南二縣秋糧及荊州右二  
衛屯田子粒各有差從鄖陽撫臣孫應鼈奏也。戶部奏河東  
四川雲南福建廣東靈州監課事宜其畧言河東監池額辦監  
六十二萬引價銀十九萬八千四百兩內給宗糧外佐邊餉而  
餘皆貯之布政司以備災傷抵補之用近因有司採辦無法收  
項不時池南監花至積厚數寸而弃之遠地坐虧舊額宜按行  
前任巡監御史黃中架橋撈採之法四川監井額辦監十萬九

千一百二十七引八十四斤各場徵課近分為上中下三等立法雖詳未合時變蓋各場又自有上中下三等亦有下井在上場上并下場者兼有舊井堙塞而鹽額應除者有新開小井當編入者併宜稽覆雲南額辦鹽四萬九千二百三十四引四十五斤共銀三萬七千六百四十四兩地遠人玩恐尚有遺利當行彼中酌處或聽民自市或高中官給務求便安福建額辦大引鹽十萬五千三百四十引二百六十五斤小引鹽二十一萬六百八十一引六十五斤不出本省商利甚厚而徵價甚輕若上里等場每引價銀二錢五分惠安場每引七分得兩浯三場每引統五分耳而又止行于延建邵汀四府不及福興泉漳其利多為官吏所漁宜量增引價兼令八府通行或于津要之處照票抽稅是亦一法也廣益國初七萬二千七百六十二引

其後漸有增益歲入不下一二十萬金自有總府以來兵餉之費不俟他求而足今廣東海北二提舉司歲徵課銀不過一萬六千餘金而輸京師者不能萬金每歲通負常十之五宜亟圖興復靈州大池額鹽共二萬六十餘引以供延綏小池二萬三千一百五引貯府以備容兵其利甚饒但止行于平慶二府鳳漢二府以有解鹽禁弗得達是損額課以資私販也且解鹽隔省而靈鹽在邦域之中令鳳漢行靈鹽故不便耶以上六處鹽法請下撫按官酌議併覆鹽引實數以聞仍行南京戶部查照銅板給發勘合引一如淮浙山東長蘆之例詔如議○己丑○以奉安 世宗肅皇帝神主遣駙馬許從誠告 太廟貞惠安和景皇后忌辰遣指揮同知文承武祭 陵寢○陞山東右布政使沈應時為右舍都御史巡撫寧夏仍趣令赴任○命保定

侯梁繼璠提督南京操江兼管巡江。○庚寅。○奉安。世宗肅

皇帝神主于太廟。○辛卯。世宗肅皇帝祔廟。禮成。文武

群臣行奉慰禮。○吏科都給事中鄭大旺上疏曰。頃皇上以

西廣用兵。特簡侍郎劉燾為之總督。可謂得人。故今所患不在

無燾而在任燾之未至耳。臣謹條上六事。一曰重事權。假之節

威。令其便宜行事。臨陣得新副將以下及都布按三司俱聽其

自行調遣。不必奏聞。一曰久信任。遲之歲月。令其多方籌畫。務

為一勞永逸之計。小有挫失。言官不得輒為論列。以養鎮重之

體。一曰寬文法。行師十萬。日費千金。間諜搗實之際。緩急多寡

令自處置。而持法者毋得以操切臨之。一曰聽委用。廣中士夫

有長于船畧者。不問顯晦。令燾取置軍門。資其贊畫。有功仍疏

名叙用。一曰廣招徠。脅從之衆。令燾用計招撫。中有斬首來獻

者聽其論功行賞一曰厚賞格海上一切新獲功或加之職級或賜之金帛皆倍溢常格以作士氣仍刻該部發銀濟之凡此皆所以委任將帥而責成功也夫將帥之才與常調異軍旅之任與吏事殊今諸邊需才不獨兩廣而已乞勅吏部將近舉邊才逐一分別仍行兩京九卿堂上科道官併在外撫按官各舉堪任邊務者量具宜于南北開送該部督撫員缺卽按籍而任使之一如臣所云六事委任而責成之吏部履謂兩廣經畧事宜悉如大經言而廣福接壤為唇齒之地宜令兼督福建軍務庶事權煇一易于成功得旨允行○吏部言前給事中石星以憑懇獲譴今省改既久于力正強乞賜錄用上不許諭戶部購求各色寶石珍珠等物限三日進尚書馬森奏言陛下登極詔書首罷採辦儉德流聞海內歸仰遠方奇貨不復至京

師者二歲矣今忽奉嚴旨欲以萬里難至之物取辦三日之間即令猗頓輸金計然持英臣亦知其不能具也 上趣賈益急戶科都給事中魏時亮等亦言今四方災變疊聞百姓困窮賊將起請停寢前旨 上曰頃以內府缺用偶一購買爾來幾御史賀一柱詹仰庇復上疏國爭俱不報○戶部尚書馬森以母老稱疾乞歸 上曰卿優總理國計攸闕豈可以念母私情屢疏引退宜俟痊可即出供職不允辭○福建巡按御史王宗載奏十月中福建海賊夜襲入大金千戶所城焚掠而去 上命奪分守叅議李紀俸一月本所掌印及守門官下御史逮問○清江王邦寧以事杖其族屬中尉經膺經酪至死諸宗素怨邦寧反是愈忿怒于是中尉約趙等聚眾大誦于邦寧府門累日王具疏言狀詞連奉國中尉經貼經貼亦詣闕訟王事下撫

按官張瀚蔚元康言經脂等素凶惡不道受狀非無名靖江王  
頃奉勅鈴束諸宗行法稍過未可備責罪在經貼及約趁等但  
親王之于宗室亦宜情義而盡處之得所且邦寧擲捕繫二宗  
室實使其長子任昌為之亦非事体礼部覆議得旨經貼奪祿  
米三分之一約趁等罰住祿未半年諭邦寧以端己睦族戒飭  
任昌毋得以貽後患○改宣大總督標下右掖遊擊將軍葛  
柰于左掖以原任叅將潘忠為右掖遊擊將軍代柰薊鎮督撫  
官譚綸等言燕河營叅將所轄地方綿亘二百餘里衝要隘口  
無慮二十餘處叅將往來策應勢不能周請以永平遊擊將軍  
楊騰改為叅將駐臺頭營分守青山界領二路燕河營叅將分  
守冷口桃林口二路報可○命誠意伯劉世延掌南京左府事  
○陞浙江布政司左叅政李攀龍為河南按察使○丙申○以



諸王府及文武大臣喪報朝一日。旌表孝子五人節婦十七人。孝子順天府大城縣民李彪直隸靜海縣民周一念生員周斐廣西兵備縣生員何世錦崇善縣生員何理節婦順天府永清縣民苑甫山妻倪氏通州民王瓚氏妻桂氏直隸常垣縣民邵仁妻邵氏浙江常興縣民徐俊妻潘氏會稽縣儒士錢祚妻陶氏錢塘縣舉人林萬春妻陳氏廣西臨桂縣民劉益妻吳氏武緣縣生員王梳妻豐氏軍餘虞汴妻李氏南寧衛指揮羅彰妻李氏思州府目民黃昰妻劉氏宣化舉人白采妻李氏崇善縣民黃佶妻劉氏潯州衛千戶吳勳妻陳氏湖廣景陵縣生員陶中妻何氏龍陽縣民曾義妻王氏陶國清妻談氏。○丁酉。○命原鎮守甘肅總兵官署都督僉事呂經鎮守陝西。○先是戶部奉旨酌議裁革勳戚冒濫莊田勳臣傳派五世者限田百頃戚

畹限田七百頃宗支已絕及失爵者奪之奸民影射者徵租入官至是巡按直隸監察御史劉世曾查奏懇威傳派五世田溢百頃以上者成国公朱希忠田一千三百餘頃定国公徐文璧英國公張溶惠安伯張元善田各五百餘頃奉寧侯陳良弼錦衣衛指揮李光先等各百數十頃戚畹受賜太濫者駙馬李和田二千八百餘頃許從誠一千五百餘頃錦衣衛指揮謝守朴林薦張澍陳書文龍邵輔千戶夏時際等田各千數百頃以上宜酌量裁減恭順侯吳繼爵豐城侯李儒寧陽侯陳大紀安鄉伯張鎡崇信伯費甲金武進伯朱承勳寧晉侯劉斌錦衣衛指揮甄輔等皆傳派五世田不能百頃玉田伯蔣榮安平伯方承裕駙馬鄔景和都督僉事沈至等皆戚畹田皆不能七百頃以上宜令承業如田支派已絕爵級已革者與濟郡主保聖夫人

陽武薛倫永順伯薛斌故京山侯崔元瑞安侯王源駙馬李名  
焦敦王奠錦衣衛指揮錢昂蔣秉正等田約三千五百餘頃名  
為欽賜莊田而冊籍不載者武定侯郭大誠武安侯鄭崑彭城  
伯張熊成山伯王維熊等田二千餘頃勲戚本無其田而奸民  
隱種者若湯武侯薛倫平江伯陳王謨指揮周世臣百戶郭勇  
故都督陸炳等莊田約三千餘頃宜悉追奪部覆勲臣係元勲  
世裔及戚畹至親不富槩擬定限宜稍寬其數以示優禮之恩  
其冊不載若武定侯等田宜令履覈陳書母后親侄准留五百  
頃謝守朴林薦而下宜追減守朴薦三百頃張澍二百頃文龍  
五十頃內宗絕及失爵者如有先世丘墓其田二百頃者量留  
五頃百頃以下者量留三頃以資供祀之費餘如世曾言疏入  
上曰傳派五世勲臣及公主見在駙馬各莊田仍會同屯田

御史議定應留頃數規則以聞部乃更議元勲世裔限以二百頃勲戚半者限田百五十頃駙馬李和于原議七百頃外益以三百頃以足千頃之數詔如議○工科左給事中管大勲等條議五事一虞弓箭以求實用謂江南歲解弓箭皆不諳造法無益于用宜改徵折色一定折耗以杜積蠹謂物料輸納之際商匠得緣為奸吏不能詰故多為患者宜酌量成耗之數嚴法稽查毋容軋沒一徵鉛鉄以省仔費謂年例召買南鉛建鉄皆自遠方載以來價高什倍宜令河南福建各以本色徵納一查工作以禁冒侵謂厖甲王恭二廠工匠有新故廩入有多寡今折納工價率槩無差等宜令量入以為遞減之則至填補之時須試其精通技藝者姑留之一復兼理以裁冗員謂工部既有專理厖甲廠司官復設驗試所佐之一事兩任宜汰其一章下

工部覆奏以上四事皆如議惟軍器重務一官難于兼攝宜仍舊報可○戊戌○以防秋事竣邊境寧謐命賞各總督鎮巡官銀幣有差○巡撫山西右副都御史楊巍以疾乞假歸○己亥○陞尚寶司卿李鏞為太常寺少卿仍管司事以九年秩滿也○補病痊監察御史部永春于河南道許之○魯王顯垣德王載澄各奏辭祿米以給宗糧魯王二千石德王一千石上嘉其尚義許之仍各賜勅獎諭○戶部覆南京戶科給事中張應治奏言各運司監引預刷待領則庫房陟溢恐致滯濶臨時方給則輻湊並至不免稽留宜定為法將各運司引目酌量多寡分為四起先兩淮次兩浙次長蘆山東河南次福建廣東四川先期半年移文該部知會行應天府買紙委官印造每十引為一封收貯後鈔庫臨期以次給領如印匠不敷量增工役給以

口狼事畢則已報可。○庚子。○禮部類奏是歲四方災異比往年特多而山西天鳴地裂男子化女及浙江水旱尤為異常宜痛加省。上曰。上天示儆朕夙夜驚惕不敢怠荒爾內外臣工其務實心体國修舉業職共啻消弭以仰承仁愛之意。○陞光祿寺卿靳學彥為右副都御史提督鴈門等關巡撫山西。○辛丑。○陞湖廣按察司按察使方弘靜為江西布政司右布政使陝西按察司僉事部大經為本布政司左叅議。○賜故兵部尚書潘潢謚簡肅。禮部右侍郎劉瑞謚文肅。鑄給淮安北新揚州許墅九江臨清河西務各鈔關關防。○周王在鎡奏薛祿米一千石以補宗糧許之。○發太倉銀七千兩于前鎮俗撫夷之用。○以四川松潘東路遊擊將軍署都指揮僉事張熠為守松潘南路叅將。○兵部議覆巡視京營科道官陳行健等所言營

政六事一選精銳以壯兵威謂軍無選鋒雖疎實用乞將戰兵十枝擇其精者立為奇兵時加訓練以倏緩急之用一嚴清查以祛夙弊謂營衛相為表裏宜以在營軍數給在衛月軍不得恣奸徒影射一明調用以勵將士謂京邊將士祖宗朝每更調出入使其氣脈常通今在營將官多驍勇知兵日久不調者宜申明舊制亟為設處令得以及時自効一更射法以鼓士氣謂營中張的故困人以難莫肯肆習宜一寸闊三寸立千八步步內宜其法制豐其犒賞一收官銀以革侵費為各官軍收掌錢糧不無侵冒宜悉輸入庫就于營操官內選其廉慎者委之出納一查班軍以裨國計謂各衛軍赴京多情催充後老弱不堪宜令所在官各審精壯正身食補造冊送部以憑查核又覆南京兵科給事中徐尚所言南京營政五事一嚴將領之考選

謂生營把總等官多桀驁不遵大將約束宜如京營事例添設  
料道各一員歲終舉劾賢否一申訓練之大法謂春秋開操當  
令都督官親臨校閱視其勤惰而賞罰之一練士卒之精銳謂  
各營軍多而不精請以開操之先預選少壯者發操而嚴將官  
科索隱占之禁一復官軍之定額謂大小教場神机等營兵籍  
日虛乞備查逃亡收補之數各充原伍一重馬政之禁例謂各  
營管馬官尅減草料及各衛門騎占者宜聽科道官指名參治  
其損馬匹若審係瘦死仍行責償不得一槩變賣詔皆從之○  
壬寅○封唐敬王庶長子碩燠為廣世子賜勅管理府事從王  
妃丁氏奏也碩燠八歲以高幼故未得襲封命歲給秦府故奉  
國將軍惟燦叔人吳氏養贍米五十石輔國尉惟矩宜人盧氏  
養贍米三十石○巡撫福建都御史塗澤民奏留本省收貯甲



丁二庫折料價脚銀四萬兩給軍許之。○癸卯。○秦府永興王惟確自言王父奉國將軍秉樞以榮惠王誠瀾堂姪得襲王爵。僭冒至今乞改正行。上曰惟確能據法自首以本爵祿終身。著為例。今後有冒封匿不以聞者聽撫按叅治。○甲辰。○歲暮行大禘禮遣官祭長陵。猷陵。景陵。裕陵。茂陵。泰陵。康陵。永陵。指揮僉事包琦等。景皇帝陵寢杜繼宗祭。考懿皇后中官祭。恭讓章皇后及廢后吳氏指揮僉事文龍祭。哀冲。莊敬二太子各陵園。○是歲天下戶口田賦之數戶一千萬八千八百五口六千二百五十三萬七千四百一十九。田四百六十七萬七千七百五十頃一十一畝。有奇。秋糧米奉詔蠲免存留十分之二。實徵米一千九百八十四萬七千八百六十四石八斗有奇。麥四百六十二萬六百二十六石有

奇農桑絲七萬三千八百八十六斤有奇綿三十八萬五千八百七十四斤有奇絹三十二萬三百九十八疋有奇棉花絨二十四萬六千六百二十八斤有奇布六十二萬五千六百九十疋有奇折色鈔九百五十九萬六千二錠有奇襍課鈔五十八萬六千七百七十三錠有奇米六萬一千四百四十四石有奇銀二萬九千二百九十五兩五錢有奇鹽二百三十二萬七千二百九引有奇鹽鈔折銀六萬八千四百四十一兩三錢有奇鹽課銀一百二十六萬八千四百三十五兩九錢有奇茶課銀五十八萬三千六百一十七斤有奇屯田子粒三百七十二萬八千七百三十九石有奇屯牧田銀四萬八千二百四十三兩六錢有奇年例金二千兩水銀二百二十九斤硃砂四十六斤八兩漕運米四百萬石內除舊例及奉詔改折外實運米二百

七十一萬四千一百三十五石九斗<sup>斗</sup>谷處運納米一千三十六  
萬六千四十三石有奇奉詔蠲免天下存留田糧二百三十四  
萬九千三百五十二石

大明穆宗莊皇帝實錄卷之二十七



大明穆宗莊皇帝實錄卷之五十八

隆慶三年正月乙巳朔 上行拜 天禮于宮中

世宗皇帝几筵 弘孝 神霄二殿舉行御 皇極殿文武羣

臣及四夷貢使行慶賀禮免宣表 免百官宴賜節鈔錢○延

綏榆林衛山西井平守禦千戶所地震○陞陝西布政司黃輝

先祿寺卿于木 宣宗章皇帝忌辰 奉先殿行祭禮遣國安

伯陳景行祭 景陵○戊申○原任南京兵部尚書趙大佑卒

賜祭葬如例大佑浙江太平縣人由進士授直隸鳳陽府推官

選廣東道御史累遷至南京兵部尚書乞終養回籍卒於家大

佑為人博大和雅勤於政事歷官中外俱有能聲 上改元初

言成稱其德器才猷足堪重任而大佑病竟不起時論惜之○

運鐘鼓司檢書內官李智並王進輩真各杖一百下刑部獄○

庚戌 孟春享 大廟遣太常寺官祭 太歲月將之神遣中

官祭司戶之神。○禮禮部署員外郎余立為廣東按察司僉事提調學校。○壬子。○大同總兵官趙奇率兵出弘賜堡遇虜迎戰敗之擒斬一百七十人獲馬牛八十五疋總督侍郎陳其學等以聞。上嘉其功賞奇銀四十兩紵練二表裏。○一子正子戶總督陳其學。○一子國子監讀書陞巡撫劉佑。○一級百戶趙鵬。○一級百戶神起。○一級副總兵麻錦。○一級仍實佑及僉事劉之蒙。○一級中楊愈。○一級等銀幣有差。○癸丑。○兵部覆巡撫甘肅都御史王翰條陳二事。一。言令甲邊臣駐至二百兩者戍邊四百兩者折法至嚴也。惟論效無實。遂使聽鞠者疑信半而罰不行。宜取諸令制律。判為一書。以給將士。使論效者必核其實。以正法。若有免者。特為昭雪。一言莊浪土官以赴京遠。遠應襲而未襲者七十餘人。而涼永山等處。至自乞為軍。尤為可

愾請許以順齋公差赴京因使裴督從之○甲寅○立春順天府進春上御皇極殿受之文武百官行慶賀禮○乙卯孝恪皇太后忌辰神霄殿行祭禮遣玉田伯蔣崇崇永陵○諭閩廣勦寇功賞福建巡撫奎澤民總兵李錫銀三十兩紆絲二表裏兩廣總督張瀚廣東巡撫熊倬總兵郭成各銀二十兩一表裏叅將張元勳蔣伯清而下各賞銀有差先是二年七月中海寇曹一本突犯福建界官軍出海迎擊於柘林鹽埕及馬耳灣等處大破之前後擒斬七百人死未大者萬人至是事聞兵部請大破常格先給賞而後行勦以勸邊臣用命者上從之○總理刺昌保定練兵部督戒繼先疏論副鎮兵雖多亦少之有原七不練之失有六雖練無益之弊有四何謂雖多亦少劉兵不習戎事而好末技壯者役於將門老弱僅以充伍一也

邊則遠迤比年鮮遊使者絡驛將士遠迎是恭遊為驛使而營  
望皆傳舍二也暇至則詞遣無法遠道赴期早罷馬僵不救於  
事三也過軍邊軍之戍邊者散漫無純約束不明行伍不整四  
也臨陣為軍不用馬而反用步五也家丁強而軍心離六也來  
陣卒不擇術緩橋多而力分七也何謂不練之失蓋虜之所至  
無常諸將不能分身隨禦侍來陣卒耳然恩威號令素不足以  
服攝其心分數刑名素不足以指齊其力故緩急難使一也有  
大器而不能用二也棄土者而不練三也入衛之卒隸於非屬  
無有紀律四也順天八府之班軍民兵四萬人各一心五也將  
以驍勇而上然驍勇者一人敵耳將既不練何以練兵方今注  
意武科多方保舉似英此選將之事非練將之道六也何謂雖  
練無益夫射打者軍中之事也今者徒有虛聲而實未中的且

一營之卒為統手者常十七不知兵法五兵五當長以衛短短以救長之數一也三軍之士各專其藝金鼓旗幟何所不蓄今皆置而不問二也弓矢之力不强於賊而與賊共之三也教練之法自有正門美觀則不實用實用則不美觀而今無其實四也臣又聞兵形象水水因地而制流兵因地而制勝列之地有三平易交衝內地百里以南之形也虜入平原利於車戰虜在迤邐利於騎戰虜在邊外利於步戰三者迭用乃可制勝迤邐兵惟習馬耳未聞山戰谷戰林戰之道惟浙兵能之臣發跡浙江思用浙人有以也今各區守哨入衝之兵及巡撫總兵標下兵各守一方勢不得總練惟有總督標兵三枝付臣教練浙兵三千分發十區在臣標下者數百耳臣無兵可練何賊之能餘况官衙出於新設邊將守而不協萬一有虞百口何辯願 陸



下吏子匠折兵殺手三千馬銃手三千或於西北招募或就別鎮摘取頗足馬軍五枝步軍十枝專聽臣統領車騎合練軍中所需皆宜處給方今朝議紛囒難於改弦而臣擁重兵易生嫌疑請設監軍科道官一員以督臣庶臣得展布而無掣肘之虞也車下兵部謂別鎮既有總兵迺繼光又為練兵都督事權分而諸將懷觀望之心請取回總兵郭琥為獨任繼光蓋別鎮十二路事皆責之使無他委其督撫總兵宜令互相應援不得各分信地監軍亦可無設第以其事屬之巡關御史使 上是之召琥還京改繼光總兵官鎮守別州永平山海等處地方奏內事宜除南兵勿調餘悉下督撫官詳議可否以聞○丙辰○總督京營戎政鎮遠侯顧策等言 聖駕將臨閱大營請計修廳臺及檢補危衝官軍駐蹕之所預令廠衛五城嚴巡禁報可改

雲南郡司僉書署郡指揮僉事馬性于江西郡司命掌四川行  
郡司事署郡指揮僉事周宗充松藩東路遊擊將軍禮大同永  
嘉堡守備指揮同知崔相為署郡指揮僉事充寧夏遊擊將軍  
○丁巳○增原任尚書金獻民潘漢韓士英俱太子少保右副  
都御史陳講為兵部右侍郎大理寺卿湯沐為工部右侍郎○  
茲到四川捷為榮昌二縣庫銀巡撫都御史嚴清言盜賊之患  
隨處皆有而四川獨多如眉州雷順長壽仁壽墊江威遠及魏  
為榮昌不三年間被盜者屢矣夫在罰輕人不知警宜特重其  
罰庶期後患兵部覆用其議得旨下提為知縣許畧等巡按御  
史葉問自今有失事者概按官查各官駐劄處所及失事次數  
分別奏處○戊午○直隸真定府趙川空中無雲而雷○禮部  
尚書無學士高儀等疏請○東宮出閣講學言三代興事皆以

教太子為急 皇上早建 皇儲海內欣戴已逾一載今○東  
宮殿下睿齡滋長英斷漸開正趨向未定之時非肆習詩書親  
近儒賢不足以收斂身心薰陶德性且臣庶子弟年及七齡無  
不足師就塾習讀章句矧 天子之元子係國家大本願可不  
及時就學以隆教養之功哉疏入得旨待十齡未說○刑部尚  
書毛楨以病求退不允○己未○上元節免百官宴○陞陝西  
按察司按察使曹金為布政司右布政使司○庚申○陞禮部  
郎中楊俊民為河南按察司副使提調學校刑部員外郎馮子  
京為湖廣按察司僉事○陞四川睢州守備署都指揮僉事晉  
月朗為署都指揮僉事僉書雲南都司事○虜數于騎犯遼東  
入丁字泊堡等處官軍禦之無功巡按御史甄時選以聞得旨  
令巡撫魏學魯總兵王治道策勵供職而下失事官守堡千戶

李成材等御史論罪○巡視庫藏吏科右給事中龍光言內官  
監供用錢糧錯雜難以稽查乞自今年為始將該監庫廠積貯  
並戶工二部祠副出入之數通行查刷以備 上覽從之○辛  
酉 英宗睿皇帝忌辰 奉先殿行祭禮遣彭城伯張熊祭  
裕陵○壬戌○魯世子壽鏞薨 上輟朝二日○陞貴州布政  
司右叅政張任為陝西按察司○癸亥○石州之敗副總兵田  
世威叅將劉實既下獄論死至是宣府總兵馬芳有功廢一子  
千戶芳上疏言世威實以千餘鈔卒抗數萬方張之虜而狼狽  
致敗遂損重典臣竊見二將才尚可用願宥臣廢子之命為二  
臣贖罪御史王圻因劾芳恃功實私無人臣禮兵部言石州之  
役總兵申惟岳已伏誅而世威實尚繫獄未決今芳以一念矜  
才之私冒昧上請誠如御史言宜戒諭芳令策勵供職而繫二

臣母救 上然之。○工科左給事中管大猷條陳查盤節慎庫  
五事一該部各工廠必有司官一人督察工程驗收物料凡所  
據以綜核而出納者惟印信實收也今司官往往專委衙所等  
官代收物料聽其納賄作奸遂使實收為一弊孔宜增立循環  
文簿將工廠每日工匠物料實數管工官自行填註遞換呈堂  
以為會估磨算之計且革衙官之承委者一該庫每歲收銀七  
八十萬兩外加積羨銀一千二百餘兩以備該部公堂支用故  
辭者每苦稱頭之重而給者又病支領之輕夙弊踵襲卒難釐  
正宜罷遣貼庫主事而以科道官之監益甲廠者兼之使之稽  
查出入嚴革羨餘該部工用即於正銀數內取給以往年召買  
挖散等木率取之灣河價值騰起糜費不貲宜仍令在京收買  
量材定價不得浮於舊估之額一載運南板舊例見方稱斤以

二千二百斤為一車給之運價後以車戶乞准照楠木長折  
其侵冒者多宜急遵前估以為定則一各庫積貯先羊籍沒金  
珠銀錢等項度厠歲久史緣為奸宜令隨時變易以其值供庫  
藏之需工部覆奏上從之○甲子命神樞營佐擊將軍署  
都指揮僉事王世英充不同北西路左恭將陞鎮河堡守備指  
揮僉事趙錫忠為署都指揮僉事充大同入衛遊擊將軍○工  
部尚書朱衡奏本部歲派各省料銀計五十萬兩今節年積欠  
至百萬餘兩見存不及二十萬兩而園丘執料及鹵簿軍器之  
用費且倍之節藏拙乏無甚于此請令有司刻期辦納臣又惟  
朝廷之供應皆小民之脂膏也今內外諸臣不思樽節甚者  
又從而販劑之臣等日擊時艱不敢不更相飭戒為國家守財  
至內府鹽局一切加徵浪用則在皇上親發訓辭俯容臣等

隨事執奏庶宮中府中俱為一體而國用民命兩有所賴上  
是之因命該司責通者費悉如銜言詔番山西贓罰銀二萬  
二千兩于本省以備賑恤從部覆撫臣楊魏奏也○戶部覆地  
撫甘肅都御史王翰所奏禁虛名寬虛稅二事虛名為查照委  
官勒押官吏妄報附餘以蠶能聲者虛稅為有司丈量屯田多  
不親行止憑詢訪虛加稅額以病民者二事有傷天和俱宜禁  
止上是其言○乙丑○改建教場大門道工部侍郎曹亨祭  
告后土司工之神○丁卯萬壽聖節上御皇極殿文武郡  
臣行慶賀禮○遣武定侯郭大成寧陽侯陳大紀駙馬都尉許  
從誠平安伯方承裕祭長陵獻陵景陵裕陵茂陵  
泰陵康陵永陵都督僉事沈至祭景皇帝陵寢指揮  
僉事李鈺祭孝懿皇后中官祭恭讓張皇后各陵園○

免文武郡臣宴賜節錢鈔錠。○免命婦朝賀。○朝鮮國王李松  
遣陪臣及秦寧等衛夷人頭目並入賀宴賞如例。○加大同鎮  
歲餉銀一十萬兩給新募兵。○代長。○發太倉銀四萬兩給副  
鎮新募南兵糧餉。○已巳。考靜毅皇后忌辰遣豐城侯李儒  
祭。康陵。○大理寺左少卿王諱言我朝設刑部以掌刑名又  
設大理寺以評審之本以相濟而非以相病也今問刑官不能  
輸心服善多務求勝每每違背律例獨任意見或曰難以照常  
發落或曰合比其事擬罪自創一例略無顧忌臣請以近事一  
二徵之一律文所謂凡奉制書有所施行而違者杖一百本指  
制誥而言今則操筆違限守衛官軍不入直間場博賭禁此周  
律臣常取之則執稱律例皆制書也然則大明律皆不必用獨  
用制書有違一句足矣臣竊謂其詳也一律文犯姦條下所謂



買休賣体和娶人妻者本指用財買求其夫使之休賣其妻而因以娶之者言也故律應離異歸宗財礼入官至若夫婦不合者律應離異婦人犯姦者律從嫁賣則後夫憑謀用財娶以為妻者原非姦情律所不禁矣今則槩引買休賣体和娶之律恣令離異財礼入官臣嘗駁之則又○執稱買休賣体和娶人妻原不係姦情然則何為載於犯姦條下也一律文所謂不應得為而為之者笞四十重者杖八十蓋為律文該載不盡者方用此律也若所犯明有正條自當依本條科斷今人之所犯有手足毆人成傷者應笞三十以他物成傷者應笞四十此罪名之當得者也今之議罪則曰某除毆人成傷輕罪不坐外合依不應得為而為之事理者重律杖八十夫既除毆人輕罪不坐則無罪可坐矣而又坐以不應得為臣不知其所謂不應得為者

何事也人命至重憲典昭然恐不宜附會偏執如此 上曰適  
來問刑官不諳律例致多虧枉諍所奏令刑部都察院公議以  
聞先是諍與刑部尚書毛愷屢有議獄不合政疏中及之愷不  
能平執奏部議皆是又謂賈休賈休及本夫賣無罪之妻為義  
絕本婦從嫁賣之命為失節賈休人娶有夫之婦為苟婚故彼  
此俱罪本婦歸宗也若犯姦自有正律不當傳北京操軍班還  
限乃題准事例非制書有違而何事變無窮律文有限則有不  
應得為而為之律蓋成法也事有情重律輕者則難以照常發落  
罪有律無正條者則比附律條奏請亦成法也而曰自創一例  
畧無顧忌何耶於是議久不決都察院左都御史王廷刑科左  
給事中陳行健等皆以諍議為是 上乃命更議賈休賈休律  
而戒愷等今後問擬評駁務協心詳審以副朝廷 欽恤之意

陞四川洪崖守備指揮同知鄧宗為著都指揮僉事掌四川行都司事○庚午命歲給荆府故輔國將軍厚熹夫人耿氏養膳米五十石○陞福建按察司副使羅一道為貴州布政司右叅政○陞神機營大號頭指揮使林岐著都指揮僉事充神機營佑將軍○辛未○以廣東惠州府河源縣歸善縣地廣多盜增建長寧縣於鴻雁洲永安縣於安民鎮長寧設作坪長吉黃峒象岡巡檢司四割河源英德翁源田糧三千三百七十六石與之永安設馴雄寬仁巡檢司二苦所驛一副歸善長樂田糧四千二百四十七石與之從巡撫都御史熊梈奏也○壬申○戶部尚書馬森以母老引疾求退許之令給牒以歸○雲南道哉監察御史詹仰庇巡視皇城遇醫官自禁中出言皇

后遷於別宮寢疾危困仰庇上疏曰臣聞天子之有后所以分

理陰教正位六宮之首改宮闈之教修而後陰陽之理順今  
皇后殿下乃 先帝所擇以配 陛下以為 宗廟 社稷之  
主四方家人之則也臣昨聞道路流言 皇后移居別宮已近  
一年又有言 齊休抑鬱成病 皇上畧不省問者有如一旦  
不可諱是上累 聖德而貽天下萬世之議臣竇痛之入朝之  
際嘗竊問大小臣工亦無不憂德泣下者而事涉宮禁不敢明  
言臣謂人臣之義知而不言當死言而犯忌諱亦當死臣今日  
固決死然願 陛下下一聽臣言復 皇后于中宮時加慰問則  
臣死賢於生疏入 上曰右侍朕多年無子近且病乃移居別  
宮真所安適却疾耳爾不晚宮中事多言姑不究初抑庇疏上  
衆謂禍且不測抑庇亦自分重譴及命下中外間者翕然稱  
聖德焉○癸酉○中宮千秋節免命婦朝賀○南京廣東等道

試監察御史傅寵等上疏諫採辦珠寶章下所司○甲戌○都察院左都御史王冕再疏覆刑部尚書毛愷大理寺少卿王諱議言買休賣休律分列犯姦條下上承縱容抑勒通姦之條下按用計逼勒休棄之罪會議屬姦情但律文止本夫本婦及賣休之人原無姦字改部寺各執所見大抵該部則謂夫婦大倫不可缺賣當一切裁之以法則用正條罪難榮擬欲將鬪財嫁賣者問以不應量追財禮入官其貧病嫁賣及後夫同財買娶別無此情者不坐於情雖使頗屬紛更惟 上加裁定得旨買休賣休本屬姦條今后有犯罪係有姦情者不得引用○二月乙亥朔○丙子復除四川道御史吳從憲于江西道○改南京戶部尚書劉休乾為戶部尚書○南京例于監祭酒姜寶條奏飭監務以廣 聖教八事一修理損毀舍宇一督徵各處膳

夫銀一請罷納粟事例以塞倖途一催取舉人入監就中察其志行卓然者破格用之因薦四川閬中舉人傅太內江舉人趙蒙吉可備學官之選一請復國初積分之法一公侯伯子孫例該送監者盡數查送教養以儲大用一處補分教屬官以重課督一查復祭酒司業見部舊規及將監生物致者恤助有犯者別衙門不得擅自拘提下吏禮二部覆議俱從之○巡撫浙江都御史谷中虛奏今浙江有總兵一人叅將四人總兵專駐定海止統水兵而寧波陸兵則屬海道每遇汛期總兵出沈家門外洋防禦而寧紹叅將反駐臨山內地是總兵號令僅行於一隅也宜移寧紹叅將駐舟山專統水兵遇警出沈家門外洋與加台溫叅將交哨總兵則駐定海居中調度以寧波陸兵一營充其標兵各區將領俱聽節制具紹興陸兵一營以定海遊兵

把總改駐臨山蛟練防守從之。○丁丑。○祭先師孔子。遣禮部尚書殷士儋行祀。原任四川道御史致勅為太常寺少卿致仕。勅初以建言善職。至是當起用。而年老吏部請加秩致仕。從之。○戶科右給事中王璽言。先祿寺所積白糧數多。倉廩不足以容。宜令各監局工役應給折色者。盡給本色。俟會冰南糧時量減其數。部議亦以為然。奏入。上不允。乃更請修建新殿四十間貯之。報可。○戊寅。上親祭大社。太稷監祭御史劉思問等請添設錦花街官二員把守壇廟禁門。從之。○禮科都給事中王之垣等復奏請還。皇后于本宮調理得旨。待后疾稍愈。即還本宮。○吏部尚書楊博左侍郎王本固都察院左都御史王廷各以考察京官先上疏求罷。上皆謝。晉之。○己卯。○發南京內官藍那保充軍。先是給事中張應治疏劾保乾沒工

部銀兩請罪之。上命先治其吏胥用事者俟鞠狀既明乃議保軍已而刑部坐保監守自盜律故有是命。復命給進表官勳合勿子路賈先是御史李叙和言國家設驛遞所以傳王命而駐使節今來朝諸臣獨使之路宿野次而所議路費復窘甚勢不可久請更議之兵部亦以為請故有是命。○庚辰○發大倉銀二十二萬六千兩給延綏軍餉。○蜀陝西西安鳳翔慶陽平涼延安今年秋糧有差以地震早灾故也。○辛巳○大學士李春芳陳以勤張居正各以考察自陳乞休。上皆降旨褒諭不允。○戶科右給事中劉魁文條陳收改五事一大墾等馬房牧地侵占沒多地劄課屬宜履畝踏勘明立界限令巡青官每年閱視查理一馬房修理地畝增至二十三萬餘頃以十年計之內所益入不下六萬餘金今屋舍損壞如故侵漁莫詰宜照



舊止番四百三十頃令部屬督徵貯庫以備修葺一二十四馬房均備法駕駮乘之用內外事務原自相關請將內監馬發出三五百匹付外廐分牧庶馬乘葛杖其數可稽一內府舊有環吉三尖等甲辨詰牧產全藉於此今革不行請將所蓄馬牛三年甲烙一次以杜抵換混冒諸弊一馬匹倒損料價尤存極為糜費請擇其茁壯者番用羸瘦者賣備買補所省不贖戶部覆奏上命修理馬房地稅仍赴內監徵收餘如議行○宣城王府輔國將軍寵燦以妄殺民校發高牆禁住○壬午命宣大同入銜逆擊將軍陳勳充石塘嶺叅將補原任宣府遊擊將軍張憲於劉鎮松棚谷○宗人府掌府事兼管大漢將軍駙馬都督尉鄂景和卒上報朝一日賜祭葬如例贈少保謚恭簡景和高永福長公主公主先以加靖四年薨九年奉命管領大漢

將軍侍衛十八年復諱幸承天二十四年奏勅勘問楚府獄情  
二十八年掌宗人府事三十三年召入直會以表賀 聖節忤  
旨奪職為民隆慶改元詔復原爵仍掌宗人府事兼管大漢將  
軍侍衛經筵至是卒于官景和性恬雅好文廢居崑山十餘年  
被服儒者既召用復時時為 上構引 祖宗視朝故事多見  
採納蓋賦畹之賢者云○癸未○勅廣元王憲燁管理府事以  
革除遼東王憲燁設官洲地一所賜之○總督劉遼兵部侍郎  
譚綸奏副昌二鎮東起山海關西至鎮邊城延袤二千四百餘  
里乘障踰澗防守甚艱宜擇要害酌緩急分十二路或百步三  
十五步丈牙恭錯音一墩臺共計三十座計每歲可造十座每座  
可費五十金高三丈濶十二丈內有容五十人無事則守牆守  
臺之卒居此瞭望有警則守牆者出禦所分之地守臺者專擊

擊攻之虜二面設險可保萬全請下戶部發大倉銀三萬五千兩兵部馬價銀一萬五千以給工費兵部覆綸所言誠守邊使計得旨允行○總理九邊屯田僉都御史龐尚鵬條上剏鎮九事一屯田私相典賣隱弊難指宜立號紙開載三款或見種或荒蕪或侵沒按籍可以得之一荒田無慮千頃日下召種之令苦無應者宜令所在將領兵備官就近撥軍耕種將見存曠費之牛並各郡邑牛種銀分給之候三年之後徵其租入一屯地僻遠原主力不能及者募入閩懇即給為業免其抽軍糧頭各項雜差仍量地肥磽以定稅額寧從寬假勿與小民爭升斗之利其管屯官亦視召種分數以行勸懲一各地有軍逃而為衛官所隱占者有私相典賣而埋沒者有勢豪利其膏腴而威逼抵換者有因其隣近而侵漁兼併者有承佃年久壞為世業者

有指稱隙地投獻權門者宜嚴加查禁許自首者免罪有能告  
者以其田畀之一沿邊可耕之地近為山水衝壞或沙石鹵薄  
或虜騎出沒或兵馬蹂躪地荒賦存責令包納轉徙流移皆坐  
于此宜覈實蠲除一邊屯之糧頭猶內地糧長也富者巧避貧  
者偏累宜委兼幹有司將各衛屯戶上中下三則或獨力為之  
或數家協濟以克此役其有庶人在官者止復其身不得濫免  
一沿邊民屯之外新闢曠土雖例得免科但人力地理不均市  
端漸起宜履畝均分務使高下相兼强者不得漁奪弱者退無  
後言一九邊地廣俗殊其屯田事宜非一人之聞見心力能悉  
宜責成督撫諸臣將利弊興革有得聞見之素者用心區畫修  
舉廢墜則實效易臻一副鎮自嘉靖三十七年始開中鹽糧額  
數徒存報中甚少在官則務算錙錄以足額在商則務規升斗

以逐利又估價者先從州縣歷兵備管糧衙門至部堂而後定每虛增其數以待逃減避恤觀望公私兼病願於估計時少從寬恤付之兵備管糧官免闕白部堂以滋煩費仍酌地理遠近飭費多寡務使商有贏餘乃為足過長策戶部覆上其議得旨允行○甲申 孝貞純皇后忌辰 奉先殿行祭禮遣武進伯朱永勳祭 茂陵○遣禮部右侍郎呂調陽祭 三皇于景惠殿○遣太醫院官祭光醫之神○起原任兵部尚書郭乾為南京戶部尚書乾稱病辭不允○乙酉○考察在京不職官年老有疾光祿寺少卿尹樂舜等三十一人貪經歷周鉉等八人素行不謹及罷軟無為吏部郎中等官胡汝桂等一百二十五人浮躁淺露才力不及吏部署郎中晉應槐等四十一人得旨各致仕閑任降調如例○禮部尚書兼翰林院學士高儀殷士儋

趙貞吉兵部尚書霍奕刑部尚書毛愷工部尚書朱衡禮部左  
侍郎萬世和右侍郎兼翰林學士呂調陽戶部左侍郎劉自強  
右侍郎趙孔昭總督倉場左侍郎譚大初兵部左侍郎曹邦輔  
右侍郎莫鍊曹亨刑部左侍郎洪朝選右侍郎鄭世威工部左  
侍郎徐綱右侍郎謝登之大理寺卿戴才通政司李一元順天  
府府尹曹三暘太僕寺卿朱大器原任總督倉場戶部右侍郎  
王國光園子監祭酒王希烈翰林院侍讀學士諸大綬各以考  
察自陳得旨令世威致仕餘俱供職如故○丙戌○閩經筵○  
陞山西布政司右叅政劉曰材為陝西按察使○丁亥○開日  
講○陞雲南按察司副使陳時範浙江按察司副使蔡結俱行  
太僕寺卿時範山西結陝西○戊子○陞河南布政司右叅政  
陳瑞為廣東按察司按察使○故事京營兵每三年上遣司

禮大監一人閱視至是及期兵部以請上曰今年朕將大閱其罷遣以後如例行○劉遵總督侍郎諱綸言頃兵部奉旨以都督戚繼光所論兵事令臣熟計其便且奏臣謹條其事如左一議就近召募與遵摘見軍練之孰便臣論議曰見軍數少不得不資各缺入衛及更戍之兵今當先定練兵之說而後及召募自練兵言其說有一二曰遵區將令各路恭遊俱聽總督鎮巡校之以法而各練其兵其語之弗者與令之不從者許臣等不時論罷別舉一人代之舉非其人治臣等之罪二曰設副將改建昌營遊擊為協守副州東路副總兵駐劄建昌營分理松棚太平燕河臺頭營石門寨山海關等處練兵之事而以巡撫劉應節標下之兵屬之其人則統領南兵恭將胡守仁可充也改石匣營遊擊為協守副州西路副總兵駐劄石匣密雲分理

馬墻子嶺曹家寨古北口石塘嶺等路練兵之事而以臣綸祿  
下兵屬之其人則銳領南兵叅將李起可充也起既以副兵守  
薊西則古北口不宜復設副總兵以充事權宜徙程九思於黃  
花鎮而以黃花鎮叅將朱紹文代之自召募其說有五一曰議  
班軍班軍本以備十二路修守之事頃之復作墩臺日不暇給  
宜稍增其數自乘障之外使恒餘六十人付繼光練待此六十  
人既精既發防守又取六十人練之期以三年番練數萬之軍  
盡成精兵而正第此六十人別難取盈宜于河南山東京操軍  
內再各請發三千人照例改定春秋班次各用領班都司官一  
員責之選領每年依期赴鎮是一策也但河南京操春班軍見  
在止一千有奇必於秋班七千數內改撥二千為春班乃可足  
春秋兩班之數二曰清查衛軍政事鎮巡官取屬衛軍五歲一



載查法非不善但詳於本戶正軍而畧於餘丁宜自聽臣與應  
節稍更其法若本戶軍亡就本百戶內照依近例發取別餘補  
伍應補者不得占隱新解者不得販劑其總兵官仍每歲比較  
如常三曰勾補逃軍薊昌鎮及南直隸各省逃軍悉照舊規清  
補無容議矣顧法行自近當先令北直隸八府各造一冊送臣  
給處類查分發兵備道嚴責勾補每歲以勾補多寡為殿最四  
曰廣召募每路將官各給募兵銀三百兩二鎮守總兵各六百  
兩聽其召募人給衣甲器械銀一兩二錢即以此充補額軍之  
數而各路見軍有不樂有伍詭名應募者宜重禁之五曰議行  
糧上著之民不利為兵而為兵者惟各標下有行糧之資無修  
邊之苦故應募有人為今之計宜將新募新補之軍以萬人予  
歲繼充三千予楊四畏各充標兵訓練以給行糧其餘分補督

撫標兵而以原取各路標兵歸之防守如下班例止食本等月  
糧仍計發回各路軍數若干即減調入衛客軍扣除糧芻以充  
練兵二枝行糧之用足兵者餉計無出此凡七事皆補兵練兵  
之要務也一議車騎合練可以用否臣論議曰臣聞太公兵法  
易戰一車當步卒八十人一騎當步卒八人險戰一車當步卒  
四十人一騎當步卒四人今薊州昌二鎮所謂險地易地存在  
有之可練為兵車七營每營用重車一百五十六兩輕車用二  
百五十六兩步兵四千騎兵三千駕輕車馬二百五十六匹以  
東路副總兵一營合巡撫標下一營駐之建昌遵化以西路副  
總兵一營今總督標下一營駐之石匣密雲以薊鎮總兵二營  
駐之三屯昌平總兵一營駐之昌平是十二路二千里之間七  
十營車騎相兼即有數萬之虜無能為矣或疑虜騎疾車步遲

不相及解曰用兵之法有分有合兵車七營豈皆聚為一處必以半合戰半出奇追奔逸截及險地用騎與輕車此擊及易地則合用輕重車騎縱橫聚散無所不可此虜馬為我車所繫勢不得疾而我長戟火器以車為衛足可遠施此車騎合練堪用者一也行列為陣止則為營人馬使安不做壕塹為固堪用者二也車不煩食步不煩馬以車為蔽步又半不煩甲者費甚鉅堪用者三也虜入內地守以兵車則不敢分掠亦不敢久駐堪用者四也惟先議車騎合練實得制虜之長策一議鼓舞犒賞兵車大器其費安出臣綸議曰臣聞軍無財士不來軍無賞士不往自古記之矣往者兵部建議已將密雲縣庫貯山西河南折徵民兵犒賞銀分給薊昌二鎮諸將隨營犒賞今惟光練兵亦宜議及請今每歲洋支銀一千二百兩改設副總兵各二百

兩不足則如原額勿令過侈使其可繼至於兵車火器已經工  
部給銀製造然尚未能充實數宜亦取盈于稿實銀存者止數  
萬兩恐山西有司仍以去年免解政事觀望適延致虧國計宜  
以時趨納并將各衛所軍器料銀盡數番之本鎮以備諸費一  
議七原六失四弊何以圖之臣論議曰繼先所論兵多亦少之  
原內四事如役占遺例駟逸騷擾家丁徧重守險無要臣等皆  
得以便宜處分無容贅矣惟是班軍無制事緒煩當行督臣專  
疏議之其臨陣調遣二事除督撫鎮守外各標下之兵于春秋  
兩防各有就近駐劄之處如協守劄東副總兵劄建昌副總兵  
兵既議屬之則本標之兵與巡撫標兵當兩防之際俱赴建昌  
合練而後當以一營駐建昌一營駐燕河以備燕石東西之警  
得以就近首先迎迓次則副鎮次則西協守次則昌鎮各標兵

以次而至到鎮總兵標下駐練三屯兩防之時則當仍舊不動以備馬太松欄三路有警則當先期馳赴在東則東路協守在西則西路協守次則昌鎮各標兵以次而至協守到西則總兵駐劄石匣總督標兵阮漢屬之則本標之兵與總督標兵當兩防之際俱赴登雲合練而後當以一營駐登雲一營駐石匣以備橋古石塘廟三路之警得就近首先迎適次則本鎮次則昌鎮與東路協守各標兵以次而至昌鎮標兵駐練昌平亦當仍舊不動以備居庸黃花鎮鎮邊城三路有警即當先期馳赴次則到南協守次則到鎮次則到東協守各標兵相繼並至凡遇調遣每營務各道騎將兵二千先馳赴邊拒敵兵車隨進至本路各要口把截以待決戰仍限以日程事緩則騎兵晝夜頒行一百二十里車步八十里事急則騎兵晝夜頒行一百五十里

車步一百里皆以調兵文到為始其失期誤事與過卒探報不實者悉按軍法無赦至於六失四弊一言以弁之皆坐將不得人今以繼先為大將而臣等又議設副將擇區將則諸事可以次舉惟在陛下精選而熟練之寬其文法使得自效耳一議巡閱益軍之設熟當一議較閱射打今宜行否臣論議曰剽鎮兵雖歲奉明旨遣官閱視但逃亡之額卒難以取盈訓練之法半奪於工役行之數年竟無成效諸將畏罪曲事彌縫况較群衆于一日程功能于一技何足盡兵事而益勝算也宜令御史閱視之際悉取軍中金鼓旌旄之節行伍營壁之制車馬介冑之容五兵長短之用按實攻第以行賞罰恭述以上奏請中軍以下自行毋拘常法專較射打優劣及補練多寡之數庶事可奏成而臻實效臣綸又惟兵之所恃者馬馬之日耗田於軍

夫之侵漁議者患之于是有追死馬搭銀之法以領馬久逾為差搭銀不足於是有追棚銀之法以自官及軍為差俱歲終總奏文以買馬其后又以將官稽察無法使馬日耗于是有以奏罰之法以夫亡多寡為差法至嚴矣然將官墮罪之及已馬死匿不以聞而陰實其數赦責之本卒賠補至有鬻妻子者有以賄免搭銀者有卒不能賠且賂而逃者又有巧避恭罰立為均攤令補之議者又有月扣棚銀五分者諸如此弊臣已嚴行禁約但馬項急補而搭棚錢例不得輒用待報急緩宜許隨便支買歲終類奏以為常例此部議所無而臣等及之亦軍務之急者疎入下兵部覆議俱從之○己丑○遣戶部侍郎譚大初祭○京都太倉之神○通政司右通政趙灼王正國鴻臚寺卿李用敬大理寺左少卿顧存仁太常寺少卿武金陳理李鎮太僕

寺少卿李際春量免封前少卿高應芳順天府府丞何起鳴各以考察自陳下吏部覆議得旨免封應芳調外任應芳仍降一級餘悉令供職如故○陞河南道御史王汝正為浙江按察司副使礼科給事中楊樞為陝西布政司右叅議河南道御史趙若吏部文選司主事盛當時湖廣應弼四川改雲南○南京礼部尚書袁宇總督劉遵保定兵部左侍郎譚綸巡撫遼東右副都御史魏學曾各自陳求罷不允○發太倉銀一十八萬三千九百兩給遼東主客兵餉○戶科都給事中魏時亮言屬者甘肅臣王翰查出該鎮錢糧虛數糧科二十六萬有奇銀七萬八千有奇草三百七十萬有奇夫以邊餉重計虧損至此咎在收掌官之乾沒查盤官之怠玩宜特勅巡邊御史俟交代之後仍留本鎮數月通查實數以聞報可○庚寅○鑄給巡視盪甲版



節煥庫科道州防○刑世子常冷坐殘厥淫縱降為庶人間宅  
禁住○太常寺少卿陳瓚言礼官原議祭朝日壇今歲例當遣  
官請 欽命大臣攝行 上曰朕將親祭禮部具儀以聞○陞  
浙江按察司副使萬思謙為布政司右叅政江西按察司僉事  
嚴大紀為左叅議戶部署郎中林澄源為右叅議鄆陽府知府  
張嘉孚永昌軍民府知府張元諭為按察司副使思謙山西大  
紀本省澄源貴州加孚四川元諭雲南○兵部覆湖廣守臣奏  
遵府既費其軍校宜革退還原任量留二十人與民校二十人  
聽廣元王公用十人守坟詔可○陞大同平虜守備指揮僉事  
段元崇署都指揮僉事充大同入衛遊擊將軍○辛卯 世宗  
肅皇帝禱祭遣駙馬許從誠祭 永陵○御史鍾繼英以禱祭  
既畢引高宗免喪作誥成王嗣位訪落為言請召問公卿大臣

高確治道疏入報聞○命駙馬都尉許從誠管大漢將軍○命  
原任南京旅武營西廳坐營署都指揮僉事孫繼武僉書四川  
都司事○陞湖廣黃州府知府黃襄為陝西苑馬寺少卿○詔  
以內織染局所呈袍服花樣行織造大監李佑收辦一千八百  
六十疋以進工部言往者李佑之遣已非登極 詔書初意然  
臣等猶望計日竣事可以速還乃今前工未畢後工復繼是使  
佑無還京之期矣自烏夷亂後江西諸郡十室九空今料額不  
充勢須加派加派不已民力難堪弱者死通強者死盜 陛下  
所宜矜也工部給事中孫枝四川道監察御史姚毓可等亦  
以為言 上皆不允于是工部復奏先是織造解輸者該局必  
索常例董李佑之行 上洞塌弊源特命控進御前故大監陳  
洪以續發花樣為由而即增附一千六百疋有奇意在緣此以

媒常例今即不已止宜以原發花樣令其督造餘悉罷之。上  
曰該局既稱匱乏朕用不可缺其令佑遵旨織造市筆選○壬  
辰○趙王常清請損祿未歲十石以濟貧宗。上允之賜勅褒  
獎○陞南京湖廣道御史尹枚為南京光祿寺少卿○陞甘肅  
鎮城中軍坐營指揮僉事姚潤為著都指揮僉事陝西行都司  
事○監察御史馬明謨劾奏福建副使唐九德江西副使于錦  
胡帛不職狀得旨九德錦策勵供職帛回籍听勘○兵部覆南  
京湖廣道御史尹枚等條陳廣東用兵事宜一言將士玩寇乞  
責實效以期勦滅一請令廣東巡撫坐鎮惠州兩廣總督暫駐  
廣省原設神威兵備專駐潮州兼管漳泉官軍便于調遣夾擊  
一言閩兵通賊必不可用乞練土著或調浙兵用之一言廣東  
方造舡于閩日久未成成則取道賊所慮有不測宜謹伺之一

言波羅海乃省城門戶宜增兵分哨以固內地得旨如議行○  
癸巳 恭仁康定景皇帝忌辰遣都指揮同知陳書祭 陵寢  
命浙江有司歲造軍器悉改解折色○降封保安王府輔國  
將軍懷忻懷搗懷煥懷端為鎮國中尉懷忻等改恭懿王誠敬  
曾孫也誠敬初封鎮國中尉既而以弟襲允爵子孫並得加封  
禮部以條例請改正從之○改封襄垣王府曾長孫克煌為輔  
國中尉管理府事革鎮國中尉俊梅為庶人某錮高揣奪鎮國  
中尉俊寬祿三之一先是襄垣王任壘既坐罪死國廢仕坯以  
黃緣冒寵三傳至克煌會襄垣王府及山陰王府諸宗互相告  
訐下巡按御史驗問且得克煌冒封及俊梅等輸縱不法狀故  
有是命○錄嘉靖四十四年都御史吳百朋奏政李佑祭文等  
勅平下歷賦輟清規等功陞百朋俸一級仍與佑等賚賚有差

○華嚴南京廷兵都司并三江會口委用把總各一員從操江都御史吳時來奏也○都御史龐高鵬言各鎮入衛兵馬疲困已極第以事体重大邊臣明知而不敢言臣謂寬大遼東地隣劉昌者宜如故若延綏寧夏數千里趨利豈能禦虜徒令本鎮之兵日益銷耗耳請選汰精銳稍減其數即番戍薊州哈田耕守勿侵踐吏父母妻子願從者听如此該鎮歲有數千精卒戍守而將士亦免征調跋涉之苦又可省道路行糧芻秣及買補走馬之費乞折衷輿論斷而行之又言薊鎮田多林木可遏虜騎近以工興斬伐殆盡宜及時種植以資障蔽兵部覆入衛馬兵宜移薊陝督撫諸臣再議以聞種樹當如奏報可○甲午○發太倉銀十三萬五千兩給宣府歲餉○給事中鄭大經御史張瞻等以考察拾遺乞罷刑部左侍郎洪朝選巡撫福建鄧御

史望澤民大常寺少卿羅良南京大理寺卿徐貢元總督糧儲  
都御史游震得巡撫陝西都御史張祉南京太僕寺卿徐應南  
京尚書司卿張登高得 旨貢元澤民留用震得祉調南京別  
衙門良調外任朝選登高令致仕應冠帶閑住○陞戶科都給  
事中魏時亮河南道御史陳聯芳俱太僕寺少卿○錄寧夏廣  
武宮等處修築邊垣開濬水洞功賞兼任撫鎮官霍英王崇古  
王鎬吳鼎銀幣有差○乙未 命附馬都尉許從誠侍衛絳筵  
○撫治鄖陽右叅都御史孫應鰲以病乞歸許之○工部奏軍  
器局成造器械新舊相仍無益實用請酌量其應造修理與應  
停止分別緩急而為之作止得旨如議行○丙申○給長蘆監  
運司添設庫官闕防一顆○巡撫直隸御史張啟元劾鳳陽守  
備太監趙芳貪殘驕惰大壞法守乞下笏吏罷守備官勿遣兵

部覆芬近以病免蓋自審為公論不容請下御史先繫治芬黨仍會同撫臣熟議守備宜存宜革狀以聞報可○廣西監察道御史賀一桂劾奏內織染局太監陳洪惑上病民蠹政罔上媒利五罪以向者妄請織造事故也章下所司○戊戌○發太倉銀二萬四千一百九十兩給大同軍餉○己亥○陞南京都察院右都御史林雲同為南京工部尚書大理寺卿戴才為刑部右侍郎○陞兵部員外郎康憲為江西按察司僉事○庚子○春分上親祭大明于朝日壇○起用原任巡撫浙江都察院右副都御史張師載巡按陝西巡撫山東右僉都御史張鑑總督南京糧儲○陞太僕寺卿朱大器提督四夷館太常寺少卿武奎俱右僉都御史大器巡撫保定等府兼提督紫荆等關金提督撫治鄧陽○總理河道都御史翁大立奏言國家張官

置吏為治河計至群盜矣然往往能收臨患焦爛之功而未有  
先事從新之策以懲怠懈惰之法大疎也稽之律令凡失時不  
修隄防者罪止笞杖是以當事者率漫然視之請自今更令隄  
防不效者府佐及州縣正官俱以差降級并管河副使與職專  
守巡者俱治罪工部履行其言因陳漕渠視黃河以為通塞黃  
河變迂自古不常乞并勅大立及時疏浚不流建築遙堤以備  
之報可○壬寅 詔留逸府沒入銀二萬四千兩祿米二千石  
官旗俸糧三千石充各宗祿糧及賑濟築堤諸費餘銀五萬兩  
解京濟邊裁革該府原編牛庫柴薪諸役免征該省原派祿糧  
一年○發太倉銀六萬兩給大同歲餉 命原任鎮守劉遵總  
兵郭琬僉事 中軍都督府事五軍營遊擊將軍朱仁充神機營  
練勇恭將○誠意伯劉世延以復爵謝恩來朝因陳始祖墓開



國功勳著在社稷而身後卹典出魏國公徐達及新建伯王守  
仁下乞改給祭葬享堂儀物及爵級勳階散官奏上礼科鄒給  
事中王之恒等劾世延挾祖勳而要君寵悖慢不敬礼部尚書  
高儀等亦言世延當罪廢之餘幸見收用不當遽有陳乞但伊  
祖墓係佐命元勳果丘隴蕭然儀物未備宜行浙江撫按勘覈  
令有司量與修葺以荅殊勳從之○癸卯○祭歷代帝王遣定  
國公徐文壁行禮○甲辰○賜衍聖公孔尚賢勅諭令統束  
家衆○陞大理寺右少卿顧存仁為太僕寺卿南京吏部郎中  
孫鑑為南京尚寶司卿寧波府知府徐善慶為廣東按察司副  
使南京吏部尚書吳蕝右侍郎林煥各以考察庶官先具疏求  
退不允○考察南京不職官貪上元縣知縣袁伯雅等二人素  
行不謹吏部郎中袁大誠等四十六人浮躁濫處戶部署郎中

李學禮等十人才力不及通政司右叅議李銳五人年老刑部  
郎中潘忠等六人逃鴻臚寺鳴贊李見可等六十各黜降如例  
○湖廣守臣言清靖榔桂道州諸處叢以苗亂調他衛軍戍之  
今承平久請撤罷塘忠州武夷陵長寧四衛軍戍清靖者惟塘  
軍戍榔桂者常德者軍戍道州者皆還舊伍其荆襄等衛軍皆  
留戍如故如不足則以所撤軍之行糧召募土兵或遷近衛卒  
寔之報可○三月乙巳朔 孝肅皇后忌辰遣襄城伯李應臣  
祭 裕陵○南京兵部尚書劉秉戶部尚書劉體乾刑部尚書  
孫植都察院右都御史林雲同戶部侍郎張守直兵部右侍郎  
吳万朋刑部右侍郎陳紹儒工部右侍郎江治都察院右僉都  
御史吳時來大理寺卿徐貢元光祿寺卿徐公邁太常寺卿袁  
洪愈應天府府尹畢鏘國子監祭酒姜宝通政司右通政海瑞

鴻臚寺卿史朝賓太常寺少卿劉一儒太僕寺少卿朱天球各以考察自陳乞罷得旨令治致仕公透天球調外任餘供職如故○陞吏部郎中曾同亨為太常寺少卿提督四夷館○陝西西安鳳翔慶陽平涼延安五郡旱荒盜起命發布政司納級銀一萬六千七百餘兩及州縣倉粟賑之○丙午○陞南京貴州道御史張啟元為福建按察司僉事○巡撫兩輔右僉都御史張紳以巡按御史史顧廷對論其勦寇失策上疏自辯因乞休致得旨以紳拜盜有方令視事如故 命河間遊擊將軍署都指揮僉事楊尔干充分守紫荆關恭將原任指揮僉事德州守備李珍仍充為事官官位軍營遊擊將軍事○錄隆慶元年獨石等處出邊死者哨嚴月等四十四人蔭叙有差 命南京上關權稅兼抽本折以蘇商困○丁未○旌表周府政汝寧王勤

焚妾劉氏貞烈劉氏祥符人也先是王病腫瀕危劉氏焚香祝天願着單衣三冬分王疾果愈後三年王薨劉氏即整衣自經顏色不改革聞下巡按御史覈實故有是命○陞刑科左給事中陳行履為都給事中吏科右給事中龍先戶科右給事中劉繼文禮科右給事中周詩兵科右給事中舒化為左給事中吏科給事中光懋為右給事中光本科行履化俱戶科繼文禮科詩兵科懋刑科○陞吏部郎中高察工科都給事中孫枝為布政司右叅政瀋西道御史周弘祖為按察司副使察河南松江西弘祖福建仍提調學校○更名晉州新遺程番府為貴陽府鑄印給之○戶部覆兩淮巡鹽御史馬文煒議將各處鹽運司官俱久任三年以後陞遷給由必稽任內課完方許雜任其正課計引入名務在歲終報完越三月者奪俸一年者降級

有虛出通關者如例科斷分司官以罷軟論斥仍查追歷年積  
逋以時日久近為差報可 命歲給周府政奉國將軍勤璋淑  
人倪氏養贍米五十石延安官軍出邊搗巢先後斬虜首一百  
二十七級獲馬駝四百夷器千計總兵董一奎准復祖職前所  
坐他罪俱赦勿問仍各賞銀三六兩紵絲二表裡巡撫李高智  
陞俸一級仍與副總兵劉濟遊擊尹廉管糧郎中蕭大亨定邊  
兵備張守忠管糧同知邵世祿叅將郭鈞等各賞賞有差○錄  
死事指揮王詔陞其子三級仍給銀二十兩為葬具○戊申○  
修理 孝陵殿廡等工完遣魏國公徐鵬舉祭 孝陵尚書林  
雲同祭蒞后土司工之神○兵部覆都給事中張凶奏請申明  
閩廣巡按紀功御史職掌每需用兵以調度機宜責之巡按以  
隨車按錄功罪責之紀功供不令魚剗差期俱以一年而更又

玄鍾泰將當令兼攝漳湖交會地方以兵往來黃岡拓林大城  
南灣間而嚴盜賣大藥之禁其有奸民與賊通者本犯凌遲全  
家俱斬比隣不舉者謫戍上命如議行之○己酉○陞大理  
寺左寺丞黃正色為本寺右少卿○給假吏部左侍郎兼翰林  
院學士潘晟以考察自陳乞罷不允○於太倉銀給各鎮軍餉  
剴州五萬六千兩有奇昌平三萬八千六百兩有奇密雲二萬  
三千九百兩有奇昌平二萬五千二百兩有奇○以恩詔存問  
致仕戶部尚書方純南京吏部尚書楊行中刑部尚書應大猷  
○月入畢宿錄修濬遼東三岔河廣寧鋪路河工賜巡撫都御  
史魏學曾鎮守總兵王治道副總兵王重祿恭將張九思道擊  
畢朝銀有差○庚戌○錄聞廣協勦海寇吳平功命原任巡撫  
都御史听調汪道昆候缺推用陞福建總兵張繼光右都督各

賣銀幣墜前海道右叅政周賢宣等條一級仍與把總胡世等  
各賣銀有差。○辛亥。○原任刑部左侍郎洪朝選既以考察被  
劾致仕。又上疏自辨。於是御史鄒杰等復文章劾其考察奏辨  
例當登為編民。得旨令冠帶閒住。○壬子。○旌表會稽縣節婦  
朱氏。朱氏隸人羅道妻也。道死時朱氏年二十一歲。父母為其  
年少無子。欲奪其志。而道弟謀得兄產亦百端擠之。朱氏以死  
自誓。卒立道兄子拱璧為嗣。而終身焉。年六十二而卒。卒後三  
年其孫萬化及第。用恩例陳請。禮部行勘得實。故有是命。○癸  
丑。○安化王府輔國中尉倪慶以捶殺居民發高牆禁住。廢其  
子伸冷為庶人。命皇親賜田。候令有司代為徵租。如勲臣例。  
○以邊功陞總督宣大山。山西右都御史兼兵部右侍郎陳其學  
任人。或為國子生。○陞南京禮部郎中姚弘謨為湖廣布政司

右叅議○南京給事中王禎御史余嘉詔以考察拾遺劾奏刑部左侍郎洪朝選太僕寺少卿高應芳工部右侍郎徐綱南京工部侍郎江治各不職當罷得旨朝選治前已有旨應芳仍以御史降調綱供職如故○甲寅○勅原任總理鹽屯右僉都御史凌儒冠帶閑任儒以考察自陳吏部因追論其知縣行取時貧而恃與拔大節久虧儒遂坐斥○陞湖廣按察司副使陳一松為陝西布政司左叅政戶部署員外郎艾杞為山西按察司僉事○戶部覆御史劉世曾查理庄田五事一曰清隱地謂丈量昔嘗行之而卒不能清者凡以委非其人行不盡法耳宜選廉幹有司親覈原數務使肥瘠均酌數外者立界以防侵占地荒者闢墾以增課稅影射欺隱者許以首告沒入之若能告者輕其常稅之半二曰恤貧戶捐查出地土將以裕國恤民苟不



給之小戶耕種則終歸勢豪耳宜盡與貧民或復籍人戶若有  
冒名私占者事發重治三曰議收解謂舊設莊頭徵解侵匿殊  
多今後公私租稅俾散戶自納為使四曰清冊籍謂田數文冊  
遺漏十九僅存者又畧而勿詳今丈量後宜備細登錄別廣狹  
定高下折肥饒分荒熟載佃戶即縣憲司屯田戶部各存一冊  
以備稽查五曰責寔效謂宜申飭有司刻期畢務實心幹理毋  
以彼此推諉毋以恩怨規避凡遺延歲月徒煩虛文者初治之  
廣西右江兵備副使鄭一龍遊擊將軍丁山討宜山等處奏入  
命如議行○種賊卓公養等斬獲至八百四十餘級總督張瀚  
以聞 上命先賞一龍山各銀千五百兩而下御史按覆功狀○  
乙卯○清明節遣定國公徐文壁武定侯郭大誠固安伯陳景  
行平安伯方承 裕祭 長陵 獻陵 景陵 裕陵 茂陵

秦陵 康陵 永陵都督僉事沈至祭 景皇帝陵窆指揮  
僉事李鈺祭 哀冲 莊敬二太子各陵園○錦衣衛管事署  
指揮僉事文質卒賜祭一壇封丘王睦誅薨 上輟朝一日至  
喪葬如例○大學士李春芳以親老懇疏乞休 上不允曰卿  
德望素著年力未衰朕方切倚任用圖治理豈可遽求休退宜  
即出供職以副眷倚○巡按直隸御史謝廷傑上言馬政八事  
其公編審謂近例種馬既以愛賣一半正幫各戶宜均其役請  
于審編之時攤地量力定以正頭養馬幫頭津貼五正五幫共  
為一群每歲共依二馬其所納變賣馬價十兩各令量貼毋獨  
累貧戶其重驗解謂進依馬匹多不合式宜責府正官先親驗  
閱而設法記號擇官押解以防抵換之弊其慎徵依謂舊制種  
馬一群歲依一駒後因聽民明買而弊端遂滋有勢家以不堪

馬廩馮驗中高索其直者有積羊馬版色鮮中途抵換盜以  
者有用藥助肥寄養不久死者有官吏侵漢重料者今宜併責  
之府正官而正戶之以孳駒俵者令各頭並如買價貼之其防  
貪濫謂各州縣正官每未視馬政而不才佐貳營求攝理又積  
年群長吏舊料歛為害宜一切罷革止令群頭自依其某輪養  
謂國初設輪養之禁甚嚴今法寬人玩宜以馬之蕃耗專責正  
頭不得諉之餘戶其寬點視謂拘集數則民勞而馬耗欲以夏  
冬仲月令州縣自點查而設道則以春秋仲月親閱之歲惟四  
次則杜差撥謂宜申飭洪武中榜例禁有司不得差撥種馬迎  
送其革料歛謂馬戶不苦於養馬依馬而惟苦於額外料歛宜  
令有司清稽痛革以恤民艱兵部覆議俱從之○丙辰○給假  
太常寺少卿歐陽一敬陸煇各以考察自陳求罷不允○陞史

科左給事中嚴用和為工科都給事中戶科給事中溫純為吏  
科右給事中○發太僕寺寄養馬七百匹常盈厩馬價銀八千  
兩給宣府鎮備虜○丁巳○直隸巡按御史黃儒宦劾奏原任  
巡撫大同右僉都御史劉佑托疾避事欺罔不忠又嘗納部民  
女為妾動支商稅千餘兩乞行追治得旨祐冠帶閑任人臣之  
意當委身殉國此後邊鎮重臣如有托疾避難者科道官叅奏  
治之具兩京部院大臣告病該部仍覈實以聞不得槩為題覆  
致平大義○世大理寺右寺丞王好問為本寺左寺丞福建道  
御史都先為大理寺右寺丞南京吏部郎中李索為南京通  
政司右叅議○戶部覆四川撫按官奏蜀中茶引舊有邊方內  
地之別在邊者少而易行在內者多而常滯請將原設五萬引  
內裁減一萬二千以三萬引派黎雅四千引派松潘諸邊止留

四千引于內地其在黎雅者宜比舊增稅銀一錢餘悉如故每歲南京戶部給發引目召中上納共計歲稅銀一萬四千三百六十餘兩解部濟邊永為定規報可○陞延綏月牙海子小沙頭等處獲功陣亡官軍姬爵等一十九人○戊午武宗毅呈帝忌辰奉先殿行祭禮遣靈壁侯湯世隆祭康陵○少傅兼太子太師吏部尚書兗極殿大學士李春芳再乞休致上遣中官即私第諭曰卿耆願元輔朕方切倚托豈宜以親老求退宜即出輔政不必又辭春芳表謝未幾求去益力且言今○明主在上衆正盈朝而臣自惟碌碌不能有所建明已負素食之責久矣若貪戀不止則危辱隨之惟止加冷察不允○陞江西布政司右叅政嚴從險為南京太僕寺少卿平陽府知府毛自道為湖廣按察司副使○發太倉銀一十一萬三千三百兩

充山西歲餉。○裁革河北守備官。○增設定南縣于贛州龍南縣之蓮塘割龍南安遠信豐三縣丁糧與之以巡撫張紳言三策嚮化宜擇道里適中之區置官以統轄之故有是命。○追贈總理河道右副都御史朱震為戶部右侍郎謚端簡光祿寺卿馬理右副都御史俱賜祭葬如例。○庚申。○起病痊太子少保兵部尚書趙炳然以原職兼都察院右都御史掌南京都察院事陞刑部右侍郎戴才為本部左侍郎改南京兵部右侍郎吳百朋為刑部右侍郎給假太僕寺卿董傳策為南京光祿寺卿。○陞福建按察司副使張鳳來為江西布政司右叅政。○辛酉。○改南京太僕寺丞范應期為尚書司丞贈故鎮守貴州總兵官右都督石邦憲為左都督。○以湖廣都司掌印署指揮僉事湯世傑充分守湖廣鎮筸等處叅將。○四川巡按御史王

廷瞻覆勘官兵勦平鳳繼祖功次 上命賞前建昌兵備副使  
葉應乾上川南道右參議吳文華成都府通判何朝佩利州衛  
經歷黃清等各銀兩有差 戶部覆給事中溫純所奏理財用  
事言今年京邊諸費約用銀三百七十餘萬兩而賦入不過二  
百二十餘萬兩且東南民力日竭西北戎馬歲增加以天變物  
妖時世可慮今欲年例無增則當徹虛冒者召募欲武職無濫  
則當嚴比試核功實欲屯田修舉則當明傾深講戰守而責在  
本兵及各邊將吏宜令集議理財足用之策尅期以聞報可○  
壬戌○陞江西南昌府知府陳詔登為福建按察司副使○陞  
翰林院侍讀馬自強為司經局洗馬管國子監司業事○先是  
靈丘王府奉國將軍聰洲長子鎮國中尉俊叔次子俊蛛父子  
兄弟並以爭財相告言不法事于王蘊鏞所王貪索俊叔賄不

媼逼之以刑俊叔語侵王王怒使人朴殺之于是殺叔父聰淵弟俊篤等共害王王知悞俊妹素亮校乃計誘入府因殺其中官王成物以相抵飭事聞下巡按覈奏得實有旨羅鑣宦刑致死尊長姑免死發閑宅某位與俊妹俱降為庶人聰淵奪祿半年俊篤等三月○直隸巡撫御史燕儒宦勸上大同鎮各官繕完城堡關臺功上命賞副總兵麻錦副使陳可大等銀兩有差廣東官軍擒獲大埔縣大麻巢賊首黎成之及其黨黎宗林余冠悉平巡撫都御史熊稱上其功得旨黎成之等即會決島示仍命巡按御史勸報功罪以聞○癸亥命歲給岷府故鎮國將軍夫人王氏養贍米五十石○甲子○崇陽王府奉國將軍榮証妻封淑人郁氏通其表姪蕭木木父韶知之欲舉首木與郁氏遂毒殺韶事發木坐凌遲死獄中御史具郁氏獄奏上



上以崇汪治家不嚴奪祿未半郁氏諭死○勒分巡普安  
僉事趙龍往帶關住以地按雲南御史劉思賢論其貪濫不職  
故也○旌表常州府武進縣節婦蔣氏捐軀僉事劉廷聖妻廷  
聖死時蔣氏二十五至是百歲矣巡撫右僉都御史林潤稱其  
完節上壽請特賜表揚下禮部勘實表其門曰貞壽○贈故戶  
部左侍郎孫檉為工部尚書賜祭奠如例○金星晝見至二十  
二夜○丙寅○禮科都給事中王之垣吏科左給事中溫純工  
科左給事中龍光雲南道御史王圻等各疏請當 聖考吉除  
之日延問群臣覽決章奏以上先帝業下副輿情皆下所知  
之○漕運總督方廉奏革淮徐蕩設官倉主事二員部議謂祖  
宗設官國計所係不宜惜小費而忘遠圖 上然其言○丁卯  
○提督騰黃通政司右通政趙灼以疾乞歸許之○陞撫貴州

右副都御史趙錦為大理寺卿巡撫鳳陽右副都御史方廉為  
南京工部右侍郎補服闋工部侍郎李遷為南京兵部右侍郎  
○以恩詔恤錄復故兵部尚書丁汝璽右副都御史呂經史料  
部給事中董進第兵科給事中程輅浙江道御史王三聘戶部  
郎中劉爾牧大理寺評事杜鸞山東副使陳大綱官○直隸巡  
按御史陳子階條陳邊務八事一明職掌以便責成謂督撫總  
兵之設原以統領全鎮非若各將官可畫地而守也今薊鎮乃  
分為三路令遙遙觀望者得以藉口宜申飭一體之義互相應  
援彼此功罪同一恤軍士以實行伍謂邊兵應按士客之勞  
甚于防虜科索公需之苦甚于臨陣宜寬其力而厚其給以撫  
恤之一重京營以固根本謂先年近邊禦虜多資禁兵而今積  
弱無用謂一甲防戎政大臣責成將領嚴加訓練以備緩急一

復清軍以嚴勾補謂嘉靖三十年而後以清軍一差併于巡按御史責任不專行伍日耗宜仍其舊一數名實以修職務謂各邊將吏各本官守今行事則人壞異同有警則互相推調議論紛紛迄無成績宜亟為厘正一定久任以責後效諸邊自庚戌被虜後將吏數易踵為故事宜明下勅諭著為十年二十年之規假以事權優其賞格然後可責之盡力一計錢糧以備兵食謂邊餉幾倍舊額勢不能支宜擇心計大臣裁劾宮府浮費減撤入衛士馬而各邊之占役虛糧及內地之侵欺拖欠者一切以法繩之一革邊蠹以清宿弊謂倉糧付出納于商人與積年吏書相搆為奸請如舊制責之有司糴買給散無失其時使疏入所司覆議皆如其言惟清軍一事則巡關御史可以無領不必更設 上是之○戊辰○海賊曾一本勾引倭寇犯廣東破

碣石甲子謂衛所官軍禦之無功雷瓊叅將耿宗元御下素嚴  
反是聲言欲斬敗將周雲翔廖鳳曾德久廖廷相雲翔等大悞  
乃謀作亂會宗元閱兵于教場雲翔等忽鼓譟躍起手刃宗元  
執通判潘槐以叛遂與賊合已而潘槐自賊中誘擒廖鳳獻之  
巡撫都御史熊桴所俘具已聞給事中張鹵因劾桴解紛無畧  
抵飭虛詞原任總督張翰候代未行坐視不省及總兵郭成通  
巡朝陽按察司副使張子弘監督無狀乞并議罰得旨漸降一  
級听用桴等俱任俸載累勦賊○陞賚隆慶二年六月中宣大  
二鎮若黎麻等處獲功陣亡被創官軍劉緒等二十二人○裁  
革山東利建魯橋棗林新開師家庄各湖官一員及各處閘夫  
潘夫淺夫泉夫堤夫淺舖夫停役夫共六千餘名時新渠既成  
都御史翁大立乃建議請裁冗費以便民而尚書朱衡上其奏

曰今運河自魚沛一帶乃元人故道而我 成祖命先臣宗禮  
濟治之於時測量水平計濟寧平地視徐州境山山頂相準北  
高南下懸至三十丈故魯橋開以南稍啟立澗自徐州至濟寧  
往往侍水須半月始達雖屢議增閘添夫猶不免膠淺之患蓋  
東兗之民苦于力役者百六十年于茲矣屬者改鑿新渠舍卑  
就高因之遠避黃流而地形平衍泉源密迕異時舊河之陡駛  
今皆無之是以自楊莊開迄新店閘俱不時啟閉舟楫日行可  
百餘里即徐州至濟寧度不過三四日止耳而濟寧以北舊渠  
之水亦遂停蓄不竭故閘官與各夫徒株守河濱漫無事事請  
如大立言罷各官之虛設者以所汰夫役餼直悉改編銀差徵  
解東省用儲河渠之費報可○己巳○陞賞隆慶元年八月中  
廣寧城鎮堡尋處陣亡被創官軍楊寶等一百六十九人○陞

戶部署印中蘇松為雲南按察司僉事○庚午○時新定各王府旁支不許襲爵之例於是秦府隆德王敬銘襄府安福王戴冕俱以先是冒封法雷華職襲禮部以為請得旨敬銘戴冕伊父既係例前承襲並准襲封○土星送行犯太微垣東蕃上相星命四川都司僉書署都指揮僉事沈禮李湖廣都司事陞江西萬安守備指揮僉事董龍為署都指揮僉事僉書廣西都司事○勒雲南總兵官黔國公沐朝弼開任以其子昌祚暫領鎮事候勅明承襲時朝弼既以抗違明旨屢被論劾常稱疾不視事其嫂陳氏復以疾為解不願南行又詔書名插蔣旭等不獲事未及竟撫按官陳大賓等乃奏乞益朝弼令其子昌祚暫領鎮事務遣寧夏候夫人張氏親至滇中就陳氏辨驗情實另行議處于是兵科給事中張澗言朝弼罪惡多端其大者在拘

留母嫂匿旭等不出令兩事俱不如詔而徒以蔽替一事遷就  
塞責則朝廷之法紀安在宜仍行撫按勘結必朝弼之情罪既  
明處分已定乃許伊男承讓不得復持兩端兵部是其議請革  
朝弼任而已昌祚領鎮事可否俟上裁決 上以為可許故有  
是命○陞賔隆慶元年六月內廣寧鎮安堡障止被創官軍佟  
國勳等一百二十八人○辛未○湖廣平溪衛雨雹平地水湧  
三尺深沒廬舍無數 景寧王載堦坐烝父婢及強奪民產廢  
為庶人閑住禁任其弟輔國將軍載望以違禁為兄奏辨罰祿  
米三月○陞賔隆慶二年四月宣大二鎮東大山等處獲功陣  
亡被傷官軍麻承恩等八十二人○壬申○太僕寺少卿魏時  
亮以病乞歸調治許之○左軍都督府帶俸懷柔伯施嵩卒給  
祭葬如例○癸酉○巡撫山東右副都御史姜廷頤等奏改本

省相傳副使一員專管河工清軍副使一員專管相傳分巡濟  
南僉事一員四省駐劄專理分巡事務武定兵備僉事一員兼  
管德州裁革清城縣丞富化主簿青州左衛知事臨淄河店  
巡檢曹州稅課局大使福山縣豐盈倉大使寧海州常豐倉副  
使各一員武定東平膠州富化縣各訓導一員吏部覆議從之  
命湖廣行都司僉事署都指揮僉事陳節掌湖廣都司事



大明穆宗莊皇帝實錄卷之三十

大明穆宗莊皇帝實錄卷之三十一

隆慶三年四月甲戌朔○孟夏享 太廟○山西巡按御史宋  
鍾履勘隆慶元年九月中石州等處被虜官軍失事狀詔奪山  
西正兵營千總指揮錢揚等六人俸三箇月發偏頭關守備指  
揮楊時隆等八人充軍下衛鎮撫徐岐鳴等十人巡按御史按  
問准大同副總兵郭琬等九十五人以功贖其餘獲功死事者  
行總督官賞恤有差○發太僕寺馬價銀五千八百九十二兩  
於夏鎮令市馬免給入衛官軍 詔免河南開封歸德衛輝三  
府明年河堡夫銀其追徵藥者節年抵負者自嘉靖四十三年  
為始已前者盡蠲之從總理河道御史翁大立之請也○乙亥  
以 恩詔卹錄贈故戶部郎中楊淮刑部郎中魏應召太平府  
知府謝賁明瓊為太常寺少卿兵部司務李可登為光祿寺少

卿○陞刑科都給事中沈東為南京通政司右通政○復故戶部尚書李士翔南京刑部尚書顧璘兵部左侍郎劉源清刑部右侍郎王啓迪撫河南右副都御史維昂巡撫延綏右副都御史張問行給事中錢敬沈漢安碧王科陸燧御史潘壯謝瑜原職仍賜祭葬贈官有差上詔贈太子太保源清兵部尚書昂戶部右侍郎仍詹一子國子生與璘啟問行俱照品級祭葬源清啟昂特給全葬徵漢碧科燧俱贈太常寺少卿壯瑜俱太僕寺少卿○丁丑○先是四月中虜酋張擺失艾失哈等擁衆近邊聲言欲寇驪場孤山遼陽副總兵李成梁率中軍指揮蘇承勳等出邊迎擊之而以原任恭將謝廷相督選鋒衝其前至夷河山城突入虜營斬獲賊首張擺失等一百六十四級奪馬一百餘匹賊遂遁去捷聞兵部覆議李成梁首功及總督鎮巡官均

宜俊錄謝廷相罪當贖其餘功罪仍候巡按御史覆奏得旨賞  
總督譚綸巡撫魏學曾總兵王治道并李成梁分守副使張邦  
上管糧郎中丁誠及指揮蘇承勳等各銀帶有差○雲南撫按  
官奏點國公沐朝弼莊戶多不法乞將尋甸高明三泊瀾滄十  
八寨等府州縣衛所原屬有司地方者令官為徵稅以紓民宮  
詔可○陞神樞營左擊將軍都指揮僉事王化熙為神機營練  
勇恭將廣東都司掌印都指揮僉事黃應甲為分守廣西潯梧  
等處勅賦獲功陣亡被劾官軍楊照等一百八十一人○總理  
河道都御史翁大立言新河之成勝於舊河者其利有五地形  
稍仰黃水難衝一也津泉安流無事提防二也舊河陡峻今皆  
無之三也泉地既虛恭稷可藝四也舟楫利涉不煩牽挽五也  
顧道路之言或稱未使者以漁臺膝沛沮如成湖各亭沽頭市

筮失利乃倡浮言以搖國是耳臣請以一得之慮熟陳於前夫  
曹河故資泉水而地形東高西下非有湖為之積滯則洄故漕  
以東皆有水櫃非有湖為之宣洩則潰故漕以西皆有水壑此  
先臣宋禮之訂畫今新河寔師其意遇黃流逆奔則以昭陽湖  
為散衍之區遇山水東突則以南陽湖為儲蓄之池慮不可謂  
不周矣然水有歸徑提使無虞宜大興人卒繇回回墓一帶開  
通以達于鴻溝今谷亭湖陵之水皆入昭陽湖又引昭陽湖水  
沿鴻溝以出番城其湖地退攤者盡上腴之田按之可得千頃  
令民得種藝其中計畝出賦以供河渠之費計無便於此者  
上從之○戊寅○鑄定南縣及儒學印記各一顆○巡按貴州  
御史王時舉上疏論救給事中石星及請停採辦寶石疏入報  
聞○乙卯○陞安慶守備指揮僉事郭堅江西南湖嘴守備指

揮同知楊奔俱署都指揮僉事陞江西都司彝湖廣行都司各  
僉書○刑科給事中魏休明條上兩廣用兵事宜一選將領謂  
海寇曾一本猖獗而倭奴復巢碣石平山等處惠州危急師久  
無功宜選拔將才勿拘常格一募工者謂客兵害多利少不必  
再募東莞新會順德香山惠潮沿海之民習水戰知地利可召  
為兵令以其七出戰而三屯耕以省糧餉且暫免其租一議征  
勦謂海寇日熾皆有司招撫之說誤之如賊首五端黃世橋革  
旋伏砲起遂成不制今宜劾守臣一意征勦而有其脅從者一  
預海防謂廣中黎寇多資新會順德東莞等處烏艚橫江等舡  
在昔舡戶有輪差之使無納稅之苦今既課其稅而復役之如  
故民不能堪宜復其輪差而不入其稅一覈功實謂軍中虛張  
捷報隱匿失事爭取首級妄殺平民皆宜亟禁一專責成謂廣

中軍法不振蕩平無期宜責督撫申明紀律今後有法敵愾事  
都指揮以下斬首陣前總副等官取死罪案奏請而督撫等官  
不能策勵蕩平者紀功御史論之御史改蹤者科道論之上  
採用焉○釋原任戶科左給事中張齊為民仍行原籍追贓○  
庚辰命禮部侍郎兼翰林院學士呂調陽仍充經筵講官陞  
戶部右侍郎趙孔昭為本部左侍郎兼都察院右僉都御史總  
理漕運巡撫鳳陽大理寺左少卿王諱為都察院右僉都御史  
巡撫貴州兼督湖北川東等處俱提督軍務○癸太僕寺罰工  
銀一千兩給賞桃濬城河官軍○辛巳○江西道監察御史蘇  
士澗上言陛下大閱已將屆期而京營武備猶廢珥如故宜  
治鎮遠侯顧寰失職之罪得旨營務久廢誠宜及時修舉寰姑  
令策勵供職其訓練事宜兵部詳議以聞明日寰上疏辭任不

許○杖內使高朝一百下下刑部獄○蔡 顯陵神營監左監  
丞李祿充 考陵衛軍坐姪孫得智盜伐 顯陵樹木祿知而  
不舉故也○復原任給事中秦祐劉祿官尋陞太常寺少卿致  
仕二臣皆建言得罪者至是以老年不堪起用故有是命○壬  
午○陞湖廣新州知州聶瀛為陝西按察司僉事○兵部右侍  
郎冀鍊以病乞歸調治許之○癸未○總理鹽法屯田都御史  
龐尚鵬言今軍國之費與王府祿糧較之 國初不啻數十倍  
物力日蹙民生重困不惟 陛下不能盡知即天下宗藩與百  
司庶府或亦不及知也乞勅戶工二部會察 祖宗時 郊廟  
之饗祀 內府之供億監高之織造歲時之賞賚舊額幾何今  
增幾何王府之祿糧百官之俸薪衙寺之校尉尉校京邊之兵  
馬城池經理漕河供給匠作舊額幾何今增幾何至今各有軍



民之賦稅天下山川之鹽鉄凡有關 國家經費者各攝其總  
目照款類開責在簡明不用煩瑣仍申言歲入幾何歲出幾何  
題曰隆慶某年會計錄進呈 御覽時或有所增減各於項下  
改填每季翻刻成書照常封進○伏望 皇上朝夕置之坐右  
并頒行各王府及內外衙門使君臣上下共知國用之誑民力  
之窘務求所以博節而變通之臣職司餽餉方切殷憂願 陛  
下留神為 社稷生民計疏下戶部議聞 上諭戶部取太倉  
銀三十萬兩進內用尚書劉體乾言銀庫見存止三百七十萬  
九边年例該發二百七十六萬有奇在京軍糧商價不下百萬  
有奇到州大同各鎮例外奏討不與焉此皆急需一毫不可少  
者即盡發庫銀猶不足用若復取三十萬經費何支前 詔乞  
且停止 上不允休乾復言今國計缺乏內外大小臣工所知

陛下試垂博訪若有一人異同臣甘伏欺罔之罪况此存庫之數乃近差御史搜括所入明歲則無策矣萬一有倉卒之變徵調四集軍無見糧馬無見草患生不測臣不足言如國事何于是給事中李己楊一魁龍光御史劉思問蘇士潤賀一桂傳孟春交章乞從休乾言大學士李春芳陳以勤張居正亦上疏曰祖宗朝國用邊餉俱有定額各處庫藏尚有贏餘自嘉靖二十九年虜犯京師之後邊費日增各處添兵添馬修堡修城年例犒賞之費比之先朝庶幾百倍奏討求請殆無虛日加以連年水旱災傷百姓徵納不前庫藏搜括已盡臣等備查御覽揭帖計每歲所入折色錢糧及鹽課藏贖事例等銀兩不過二百五十餘萬而一歲支放之數乃至四百餘萬每年尚少銀一百五十餘萬無從借處生民之膏血已罄國用之費出

無經臣等日夜憂惶計無所出方與該部計議設處支持目前尚恐不及若又將前項銀兩取供上用則積貯愈虛用度愈缺一旦或有飢荒盜賊之事何以應之該部所以懇切具奏誠事勢窮蹙有萬不得已者仰惟皇上嗣登大寶屢下寬恤之詔恭行節儉以先天下海內訢訢方幸更生頃者以來買辦漸多用度漸廣當此缺乏之際臣等竇切殷憂輒敢不避煩瀆披瀝上請伏願皇上俯從該部之言將前項銀兩免行取進仍望念國儲之日乏懷險德之永圖卽實贖以省財用停買辦以寬民力如上供之費有必不可已者照祖宗舊例止於內庫取用至於該部所備專以備軍國重大之費庶國用可以漸裕而民力可以少甦矣上曰卿等所奏已喻但今內外庫俱告缺乏且取十萬兩以濟急用卿等傳示不必再來奏擾○

陞守備崔黃口指揮僉事何勳為神機營佐擊將軍○甲申○  
諭禮部 祖制宮中殿六尚皆預教以讀書使知禮法茲已缺  
少可照例選民間女子年十一以上十六以下者三百人進入  
禮部尚書兼學士高儀請差官選取京城內外並順天等八府  
州縣得旨各府太遠止於京城內外選取○起用吏部右侍郎  
林樹聲以病已休得旨准回籍調治○陞大理寺少卿黃正色  
為本寺左少卿原任大理少卿丘楫原職○陞戶科左給事中  
舒化為刑科都給事中○陞賞嘉靖四十二年四月延綏鎮城  
紅山墩等處獲功陣亡被創中軍高仲安等八十六人○丙戌  
分總上後園不列 神霄殿行祭禮遣德平伯李銘祭陵園○  
添設山東梁山巡檢司從撫按官姜純頤羅鳳翔奏也○給南  
京巡視京營科道闕防○丁亥○改南京刑部右侍郎陳紹儒

為戶部右侍郎○南京兵部尚書劉采引病乞退 上慰留不  
允○戊子○陞浙江按察司按察使蔡文為河南布政司右布  
政使○虜犯大田子等屯發定邊等衛失事指揮李尚策林承  
恩各戍邊降威寧堡守備指揮李登職一級○己丑○鑄給山  
東清軍驛傳道關防○湖廣鄖陽府鄖縣內寇平地水深二尺  
○套虜綽力克小黃台吉等糾眾沿河東崖住牧聲言欲渡河  
抄掠寧夏總兵雷龍等督兵由興武營暗門出邊至教忽洞前  
籠虜營破之斬首一百二十二級奪馬七十六匹及夷器千餘  
稜聞 上嘉其功命陞總督侍郎王崇古為右都御史雷龍署  
都督同知寧夏巡撫都御史前朱爰今沈應時各俸一級仍與  
督糧僉事方岳戶部郎中蕭大亨副總兵李震原任靈州叅將  
何其昌遊擊曹申守備李憲把總呼拜等各賫以銀幣并錄本

兵調度功賞尚書霍英侍郎曹邦輔曹亨及職方司官銀帶有  
差○庚寅○司禮監太監滕祥疏請查汰匠役以省靡費工部  
言匠役之濫已經奉 旨裁革千餘人迄今二年占括猶故臣  
恐此舉仍蹈前轍則不如不查之為愈也得旨命該監速查造  
冊送部科存照已而詳奏裁革去者二千四百四十人止存一  
萬三千三百六十七人○辛卯○禮部選進宮女三百人○起  
原任南京戶部右侍郎遊居敬為南京刑部右侍郎原任兵部  
左侍郎兼都察院右僉都御史王之誥協理京營戎政○陞廣  
西布政司左叅政陳道基為浙江按察司按察使○陞贛陸慶  
元年冬山西偏頭老營石首等處獲功陣亡被創官軍周金等  
二千四百二十八人○巡撫湖廣都御史劉忠請開竹筒河以  
洩漢江之勢工部覆議從之○甲午○陞浙江按察司副使丁

湛為廣西布政司左叅政○乙未○以天氣暄熱詔錄刑部都  
叅院及錦衣衛罪囚釋減笞杖者九百一人杖流減等者一百  
九十一人免枷號七人○陞南京國子監司業周怡為大常寺  
少卿提督四夷館○發太倉銀二十九百兩備易州兵餉○丁  
酉○肅府會寧王真潤薨 上報朝一日命有司治喪葬如例  
○乙亥○以冊封諸藩遣附馬都尉許從誠祭告 內殿○庚  
子 上御 皇極殿傳制遣使冊封秦府隆德王敦錡為秦王  
妃吳氏為秦王妃襄府安福王載堯為襄王妃府世孫明琦為  
韓王夫人宋氏為韓王妃兵馬指揮揭文魁女揭氏為吉玉瑀  
鎮妃唐府唐順王子碩煥為唐世子荆府荆王次子常浩為秦  
寧王周府鎮國將軍朝炯為瑯城王夫人劉氏為商城王妃兵  
馬副指揮李文學女李氏為湯洪王朝聖妃兵馬副指揮孫應

魁女孫氏為遼寧王在鈺妃兵馬副指揮王錦女王氏為汾西  
王朝垌妃兵馬副指揮姜鳳梧女姜氏為修武王朝惻妃晉府  
陽信恭簡王子壽鈔為陽信王代府廣實榮昭王子廷時為廣  
靈王夫人呂氏為廣靈王妃潘府唐山恭懿王長孫恪嫡為唐  
山王夫人宋氏為唐山王妃潞安長治縣氏苗東女苗氏為沁  
水王埏塔妃蜀府慶符王子懷儀為慶符王兵馬副指揮王升  
女王氏為慶符王妃建德王府陽城王厚懋夫人程氏為陽城  
王妃兵馬副指揮毋缺女毋氏為鄭府崇德王載陞妃○陞山  
東萊州府知府羅田為遼東行太僕寺少卿○貴州酉陽司管  
下母屬寨苗寇龍得昨等作亂銅仁守備謝崇爵率兵擊破之  
生擒得昨撫按官趙錦王時舉以聞上命賞崇爵銀十兩仍  
令兵部紀錄功次以責後效○治虜犯灰山等處失事官軍罪



○發陝西延安衛指揮使萬國東寧衛指揮同知張廷賓寧遠備禦朱姓文各戍邊○辛丑○南京工部尚書林雲同以疾求退不允○總督劉遵左侍郎譚綸奏本鎮新選忠順軍二千名保定定州二營新增戰馬六百匹其衣糧芻料乞備各邊主兵之例增入會計數內戶部覆會計今已過期雖復加派宜發大倉銀一萬四千四百七十兩暫給一年此後命撫臣查各郡勘動庫銀如河間頗辦商稅課鈔之類分解天津易州倉貯給如有不足則於各省府京運銀內改派民運補之報可○鑄總理練兵事務無鎮守剌州等處地方關防給總兵戚繼光○壬寅○陞賓隆慶二年延綏鎮死事官軍張廷器等二十三人○癸卯○發大倉銀十萬兩給山西兵餉旌表義士王潔○晉瑣察項皆永寧人能構金鵝產以賑救飢貧修葺城堡巡按御史

王時舉上疏言狀因請建坊表揚以勵薄俗從之

大明穆宗莊皇帝實錄卷之三十一